

İTALYAN KONSOLOSLUĞU MAHKEMESİ TAKRİR DEFTERLERİ 5 TARİH: H. 1312-1317/M. 1894-1899 20 TEMMUZ 312 İTALYA SEFÂRETİ KANÇILARYASININ TAKRİR DEFTERİ

M. Macit Kenanoğlu* -Figen Kenanoğlu**

(s.1) 1) (358) (Müsveddesiyle beyazı hâriçte tanzîm olunmuştur) İstanbul'da mukîm İtalya devleti tebe'âsından Nâim Benzonana imzâsıyla cânib-i sefârete verilen arzuhalde hissedârlık üzere şerîki bulunan tebe'â-i devlet-i aliyyeden Çelbon Kafa Efendi Mahkeme-i Ticâret-i Bahriyece kollektif şerîk addolunarak bir vechile terkip olunan Osmânî Şirketi'nin re'sen iflâsına karar verilmiş ise de kâffe-i muâmelâtı otuz senedenberi Nâim Benzonana nâmına icrâ olunmakta ve eşhâs-ı sâlise dahi yalnız mûmâileyhi bildiklerinden mahkeme-i mezkûrenin kararı aleyhine inde'l-i 'tirâz evvel be evvel şirketin vucûd veya adem-i vucûdu hakkında mahkeme-i âidesince bir karar sudûr etmeyince bir şirketin iflâsına gidilmesi muğâyir-i kanun idiğünden bahsile mahkeme-i mezkûrede ol-bâbda cereyân eden muhâkemât neticesinde şirketin vucûdu hakkında Birinci Mahkeme-i Ticâretten bir hüküm sudûr edinceye kadar muâmelât-ı iflâsiyenin ta'tiline karar verilmiş olmağın İstanbul'da Küçük Yorgiyadi Hânı'nda mukîm Çelbon Kafa ve masa sindikleri bulunan İstanbul'da Osmân Efendi Hânı'nda mukîm dava vekîllerinden Selim Hüsnü ve Galata'da Zincirli Hânı'nda mukîm dava vekîllerinden Kosta [...]oyidis Efendiler ile Galata'da Mehmet Ali Paşa Hânı'nda mukîm bankerlerden İsak De Toledo'nun celbleriyle muhâkeme-i aliyelerinin bi'l-icrâ müsted'i Nâim Benzonana ile Çelbon Kafa beyinde mevcut bulunan şirket hissedârlık üzere bulunduğundan şerîk-i mes'ûlü yalnız Nâim Benzonana olduğu hususunun taht-ı karara alınması istid'â edilmiş olduğundan ber-mûceb-i istid'â icrâ-yı îcâbı husûsuna himmet buyrulması iltimâs ve takrîr olunur. 23 Temmuz [1]312.

* Prof. Dr. İstanbul Şehir Üniversitesi Hukuk Fakültesi Öğretim Üyesi.

** Marmara Üniversitesi Türiyat Araştırmaları Enstitüsü Doktora Öğr.

(s.2) 2) (359) İtalya devleti tebe'âsından Ekile B. Corpi ve şurekâsının sefâret kançılıryası cânibine takdîm eylediği arzuhalde Mahkeme-i Ticâret Birinci Meclisinden istihsâl eyleyip 3 Temmuz 312 tarihinde muâmele-i tebliğiyesi icrâ kılınmış olan 27 Haziran 312 tarihli ve kırkbir numaralı i'lâm mücebine Feri Karyesinde Mezarlık sokağında 58 numaralı fırında sâkin ekmekçi esnâfından ve tebe'â-i devlet-i aliyyeden Corc Mandopulo zimmetinde seksen lirâ-yı Osmânî ve doksanalı kuruluş alacağı olup meblağ-ı mezbûrun te'mîn-i istîfâsı zımnında medyûn-ı merkûmun mezkûr fırına bir bekçi vaz' olunarak derûnunda bulunan bi'l-cümle eşyâsıyla kâffe-i mal ve alacaklarının taht-ı hacze alınarak i'lâmı mezkûrun icrâsı talep ve istid'â kılınmış olmağla ber-müceb-i istid'â icrâ-yı îcâbı hususuna himmet buyrulması iltimâs ve takrîr olunur. 24 Temmuz [1]312.

3) (360) Paşabahçesinde kâin İtalya devleti tebe'âsından mösyö Modiano'nun mutasarrıf olduğu şişe fabrikasının ittisâlinde mukîm Ahmet Muhtar Bey dün akşam mezkûr fabrikaya gelerek gûya sahil ciheti kendisinin olduğu cihetle fabrikanın kapısını kapamak istemiş ise de fabrikanın direktörü tarafından men' edilmiş ve bundan dolayı mûmâileyh Ahmet Muhtar Bey hâmil olduğu revolverini bi't-teşhîr endaht eylemiş olduğu İtalyalı-yı mûmâileyh tarafından ihbâr edilmiş olduğundan merkûmun kefâlete rabtı ve ba'demâ sâlifü'z-zikr fabrikada müstahdem bulunan amelenin muhafaza-i hayatlarıyla berâber bu gibi hâlât vukûuna meydan verilmemesi zımnında mahalli zabıta memûriyetine tenbîhât-ı şedîde îfâsına himmet buyrulması iltimâs ve takrîr olunur. 25 Temmuz [1]312.

(s.3) 4) (361) (Müsveddesiyle berâber beyazı hariçte tanzim olunmuştur.) İtalya devleti tebe'âsından Tophâne iskelesinde 1 ve 15 ve 23 numaralarda sâkin tüccârdan A. J. Gallerini'nin bu kere sefâret kançılıryasına i'tâ eylediği arzuhalde Beyoğlu'nda Mihal Paşa sokağında 38 numaralı hânede mukîm tebe'â-i devlet-i aliyyeden kasap esnafından Dimitri tercüman zimmetinde emtia bahâsından dolayı iki kıt'a kambiyal mücebine ondokuz aded Osmânî lirâsı alacağı olup henüz ahzına destres olamadığından medyûn-ı merkûmun Mahkeme-i Ticâret Birinci Meclisine celbiyle alacağının maa güzeşte ve masârif-i muhâkeme ve ücret-i vekâlet tahsîli taht-ı hükme alınması hususunu talep ve istid'â eylemiş olmağla ber-müceb-i istid'â icrâ-yı îcâbına himmet buyrulması iltimâs ve takrîr olunur. 30 Temmuz [1]312.

5) (362) (Müsveddesiyle mahkemeye gönderilen beyazı hâriçte tanzîm olunmuştur.) İtalyada Milan şehrinde Corso Forto Romane sokağında 3 numarada mukîm tüccârdan Asconi biraderlerin vekîl-i umûmisi Dersaâdet'te Galata'da Kuyumcular Hânı'nda 14 numarada mukîm dava vekîllerinden Todoraki Papasoğlu'nun cânib-i sefârete takdîm etmiş olduğu bir kıt'a arzuhalde müvekkillerinin İtalya devleti tebe'âsından Dersaâdet'te sâkin tüccârdan Nâim Benzonana zimmetinde bulunan malûmu'l-miktar alacağı için 17 Temmuz 1896 tarihinde İtalya konsolatosu mahkemesinde medyûn-ı mûmâileyhin iflâsiyeti taht-ı karara alınmış olduğu halde Dersaâdet Ticaret-i Bahriye

Mahkemesinde dahi mûmâileyh Naim Benzonana ile kefil-i müteselsilesi bulunan tebe‘â-i devlet-i aliyyeden Çelbon Kafa’nın iflâsiyetlerine karar verildiğini bu kerre istihbâr eylediğini ve halbuki Ticaret-i Bahriyenin işbu kararı gerek nizâma gerek uhûdâta muğâyir olup çünkü tebe‘â-i devlet-i aliyyeden birisinin kefâleti ecnebinin tâbiyyetini tebdil edemeyeceği cihetle o ecnebinin aleyhine ikâme olunacak dava kendi konsoloshâne mahkemesine ait (s.4) idiği ve bir de Ticaret-i Bahriye sindikleri yedinde bulunan şirket konturatosu mûmâileyhimin iflâsından sonra mahkemenin yedine geçip iflâsdan evvel mahkemenin bu şirket konturatosundan bî-haber bulundukları âşikâr bulunduğu ve işbu şirket konturatosunun eşhâs-ı sâlise aleyhine hiçbir gûne şumûlû olamayacağı ve keza böyle bir şirketin vukui farz olursa bile şirket-i kollektif olmayıp şirket-i mudârebeden ibâret olabileceği çünkü kollektif şirkete dair nizâmen lâzım gelen muamelât yani i‘lanât ve sâirenin icrâ edilmemesiyle müsbet idiği ve şimdi ise işbu şirketin ne yolda ve ne gibi bir şirket olduğu meselesi Mahkeme-i Ticâret Birinci Meclisine havâle olunduğundan işbu mahkeme tarafından verilecek karar müvekkil-lerinin hukukuna sekte îrâs edeceğini bi’l-beyân Mahkeme-i Ticâret mûmâileyh Naim Benzonana’nın İtalyalı olduğu cihetle konsoloshâne mahkemesince iflâsiyetine karar verildiğinden ve şirketin kollektif olmadığından mûmâileyhin iflâsiyeti meselesine âit olduğu İtalya kançılıryası mahkemesince devam olunmasının taht-ı karara alınması dâhil-i dava tarikiyle ifâde ve istid‘â kılınmış olmağla ber- müceb-i istid‘â icrâ-yı îcâbı iltimâs ve takrîr olunur. 30 Temmuz [1]312.

6) (363) (Müsveddesiyle mahkemeye giden beyazı hâriçte yazılmıştır) Dersaâdet Birinci Ticaret Mahkemesi Riyaset-i Aliyyesine: Dersaâdet’te Boyacı Hanında ikâmet eden İtalya devleti tebe‘âsından ve tüccârdan Rizo Farhinin Dersaâdet’te Balık Pazarında Maksudiye Hanında mukîm tüccardan ve İran devleti tebe‘âsından Tahirzade Mehmed Naki Efendi zimmetinde 5/17 Haziran 1896 tarihli bir kıt’a emre muharrer senet mücebince altın akçe olarak matlûbatı olan altıbin yüz kırk bir¹ kuruş ile masârif-i hacziye ve muhâkeme için tahmin edilen bin kuruş ki cem’an baliğ olduğu yedibin yüz kırkbir kuruşun te’min-i istîfâsı zımında mûmâileyh Mehmed Naki Efendi Dersaâdet’te Çağaloğlu civarında Çifte Saray mahallesinde Kemerli sokağında kâin ikâmetgâhında (s.5) mevcut fazla ve zî-kıymet eşyasından meblağ-ı mezbûrun te’diyesine kifâyet edecek miktarın taht-ı hacze aldırılması talebinde bulunduğundan ol-bâbda cereyân edecek muhâkememiz neticesinde haksızlığı tebeyyün ettiği halde mûmâileyh Mehmed Naki Efendiye îrâs edecek zarar ve ziyân ile masârif-i muhâkemenin te’diyesini müteahhit musaddak kefaletnâme merbûtan takdîm-i pişkâh-ı riyâsetpenâhîleri kılınmağla bâlâda arz edilen eşyâya vaz’-ı hacze karar verilmesi ve muâmelât-ı hacziyenin icrâsı zımında dâire-i icrâyâ havâle edilmesini İtalyalı-yı mûmâileyh talep ve istid‘â etmiş olmağla ber-müceb-i istid‘â îcâb-ı hali[n îfâ] buyrulması iltimâs ve takrîr olunur. 1 Ağustos [1]312.

¹ Metinde bin olarak geçmektedir.

7) (364) (Müsveddesi hâriçte yazılmıştır). İtalya devleti tebe'âsından mösyö Parjili'nin vekîli mösyö Değan tarafından sefâret kançılıryası cânibine takdîm olunan arzuhalde müvekkilinin mutasarrıf olduğu "Herra" nâm istimbot vapuru İtalya konsolatosunun hüküm ve kararıyla taht-ı hacze alınmış ve mezkûr vapurun muhafazası zımnında Sisâm ceziresi ahalisinden ve tebe'â-i devlet-i aliyyeden İstavro Sivastopi bekçi tayin kılınmış olduğu halde bu defa merkûm İstavro muhafazası kendisine tevdi kılınan mezkûr istimbotun makinesinden eksantrik ile döngeri ahz ü sirkat ederek mezkûr eşyayı Fener Çarşısında mukîm tebe'â-i devlet-i aliyyeden bakkal Atanaş İstavro nezdinde terhîn etmiş olduğu ve bu misill eşyâ-yı mesruhanın zabt ve iâdesi zabıtaya âit bulunmuş (s.6) olduğundan eşyâ-yı mezkûrenin bulunduğu mahalden ahz ve istirdâdıyla kançılıryaya teslimini talep ve istid'â eylemiş olmağla ber müceb-i istid'â icrâ-yı îcâbı hususuna himmet buyrulması iltimâs ve takrîr olunur. 7 Ağustos [1]312.

8) (365) (Müsveddesiyle beyazı hâriçte yazılmıştır) Dersaâdet'te Sultan Hamamı civârında Boyacı hanında mukîm İtalya devleti tebe'âsından S. S. Rizo Farhi ve Kumpanyası tarafından verilmiş olduğu istid'âda Deraliyyede Balık Pazarı'nda Maksudiye Hanı'nda mukîm tüccârdan ve İran devleti tebe'âsından Tahirzade Mehmed Naki Efendi zimmetinde 5/17 Haziran 1896 tarihli bir kıt'a emre muharrer senet mücebince altın akçe olarak matlûbatı olan altıbin yüz kırk bir kuruş ile masârif-i hacziye [ve] muhâkeme için tahmin edilen bin kuruş ki cem'an bâliğ olduğu yedibin yüz kırk bir kuruşun te'mîn-i istîfâsı zımnında medyûn-ı mûmâileyhin hânesinde mevcut ve fazla ve zî-kıymet eşyasının taht-ı hacze aldırılmasına dâir bundan evvel takdîm eylediği istid'â ile eşyâ-yı mezkûrenin taht-ı hacze aldırılması için mahkeme-i aliyyenizden sudûr eden 1 Ağustos 312 tarihli karar Dersaâdet İran sefârethânesine teblîğ edilip 7 Ağustos 312 tarihinde mevki-i icrâyâ vaz' edilmiş olduğundan mûmâileyh Tahirzâde Mehmed Naki Efendinin celbiyle muhâkemelerinin icrâsı ve vaz' edilmiş olan hacz-i mezkûrun tasdîkiyle meblağ-ı mezbûrun maa güzeste ve masârif-i muhâkeme ve ücret-i vekâletin tahsîli husûsâtının taht-ı hükme alınması zımnında ber müceb-i istid'â îcâb-ı halin îfâ buyrulması iltimâs ve takrîr olunur. 8 Ağustos [1]312.

(s.7) 9) (366) (Müsveddesiyle beyâzı hâriçte yazılmıştır) İtalya devleti tebe'âsından Dersaâdet'te Çakmakçılar Yokuşu'nda Vâlde Hanında mukîm banker mösyö K. İliasco'nun konsolatoya takdîm eylediği istid'âsında Dersaâdet'te Hasırcılar'da Yeni Han'da 16 numaralı odada mukîm tebe'â-i devlet-i aliyyeden nuhâs tüccârı Dimitriyos M. Prinyadis zimmetinde emrine muharrer altmış adet lirâ-yı Osmânîyi hâvi bir kıt'a senedden mütebaki elli adet lirâ-yı Osmânî matlûbu olup medyûn-ı merkûm îfâ-yı taahhüdâtın izhâr-ı acz ile te'diye-i deynden âciz olduğundan merkûmun müddet-i kalîle zarfında Mahkeme-i Ticâret-i Bahriyeye celbiyle bi'l-muhâkeme i'lân-ı iflâsiyeti ve muvakkat sindiklerin tayini ve mağazalarının taht-ı temhîre alınması ve iflâsiyete müteferri' bi'l-cümle muâmelâtın merkûm hakkında icrâsı ve matlûbat-ı mezkûresinin masaya kaydı ve iflâsiyet kararının istihsâli için sarf eylediği mebâliğin imtiyâzlı matlûb sûretiyle tasrîhi husûsâtının taht-ı hükm ve i'lâma alınması dâyin-i mûmâileyh tarafından bâ-istid'â talep ve dava olunmağla ber müceb-i müsted'â îcâbının icrâsı iltimâs ve takrîr olunur. 8 Ağustos [1]312.

(s.8) 10) (367) (Müsveddesi hâriçte yazılmıştır) İtalya devleti tebe'âsından Nicola Vasiliyadi tarafından sefâret kançılıryası cânibine takdîm olunan arzuhalde Fener sâkinlerinden ve tebe'â-i devlet-i aliyyeden Rum milletinden Emanuel oğulları Margarit ve İstavi ve Vasil zevcesi Mariko ile miyânelerinde tekevvün eden eşyâ ve bedel-i îcârdan mütevellit alacak davası neticesini hâvî Mahkeme-i Ticâret Birinci Meclisinden vicâhen i'tâ olunan 27 Şubat 308 tarih ve 305 numaralı i'lâm aleyhine müddet-i kanuniyesi zarfında îade-i muhâkeme olunmuş ise de esnâ-yı rû'yetinde merkûm Margarit vefât eylemiş olduğundan müteveffâ merkûmun verese-i olup Maryona kazasında Panaya mahallesinde Yukarıçeşme'de sâkin zevcesi Maria ve sağır çocukları Endifoni ve Filoritine ve Ağalaya ve Vasil ve Hristo ve henüz doğmuş ismi meçhul diğer bir çocuğuna veraset-i münhasıra kalmış idiğünden usulü dâiresinde verese-i merkûmanın celbiyle îade-i muhâkemenin rû'yeti talep ve istid'â kılınmış olmağla ber-mûceb-i istid'â icrâ-yı îcâbına himmet buyrulması iltimâs ve takrîr olunur. 12 Ağustos [1]312.

11) (368) İtalya devleti tebe'âsından Victoria Lambertini'nin sefâret kançılıryası cânibine takdîm eylediği arzuhalde Tepebaşı bahçıvanlarından Süleyman ve Yorgi'nin İtalyalı-yı mûmâileyhin mahdûmu Victoria Lambertini'ye icrâsını irtikâb eyledikleri fi'l-i şenî'den dolayı 9 Temmuz 312 tarihinde dörder sene küreğe konulmalarına Cinayet Mahkeme-i Aliyyesi cânibinden karar verilmiş olduğundan bahsile mezkûr kararın bir sûretinin tarafına i'tâsını istid'â etmiş olmağla ber mûceb-i istid'â icrâ-yı îcâbı husûsuna himmet buyrulması iltimâs ve takrîr olunur. 17 Ağustos [1]312.

(s.9) 12) (369) (Müsveddesiyle beyazı hâriçte yazılmıştır) İtalya devleti tebe'âsından Dersaâdet'te Çakmakçılar Yokuşu'nda Valide Hanında mukîm banker mösyö K. İliasco'nun cânib-i konsolatoya takdîm eylediği istid'âsında Dersaâdet'te Sultan Mehmed civârında Karaman sokağında 12 numaralı dükkânda mukîm tebe'â-i devlet-i aliyyeden kasap Kosta Çadırî zimmetinde yirmi yedi lirâlık bir kıt'a senedden mütebâki onyedî aded lirâ-yı Osmânî matlûbu olup medyûn-ı merkûm îfâ-yı deynden izhâr-ı acz ve hâl-i iflasta bulunduğu medyûn-ı merkûmun müddet-i kalîle zarfında Mahkeme-i Ticâret-i Bahriyeye celbiyle i'lân-ı iflâsiyeti ve muvakkat sindiklerin tayini ve mağazasının taht-ı temhîre alınması ve iflâsiyetine müteferri' bi'l-cümle muâmelâtın merkûm hakkında icrâsı ve matlûbat-ı mezkûresinin masaya kaydı ve iflâsiyet kararının istihsâli için sarf eylediği mebâliğin imtiyâzlı matlûb sûretiyle tasrîhi husûsâtının taht-ı hükm ve i'lâma alınması dâyin-i mûmâileyh tarafından bâ-istid'â talep ve dava olunmağla ber-mûceb-i müsted'â îcâbının icrâsı iltimâs ve takrîr olunur. 28 Ağustos [1]312.

13) (370) İtalya devleti tebe'âsından ve kömür tüccârından Casanova De Mosettini'nin devlet-i muşârunileyhâ konsolatosuna takdîm eylediği arzuhalde Beyoğlu'nda Feridiye Duvarcılar sokağında mağazanın müste'ciri kömür tüccârından ve Ermeni milletinden Manok zimmetinde kömür esmânından dolayı kırkdört aded Osmânî lirâsı ve Beyoğlu'nda

Tarlabası'nda Ermeni Kilisesi karşısında 16 numaralı dükkânın müste'ciri Serkiz zimmetinde kezâlik kömür esmânından dolayı altı buçuk aded lirâ-yı Osmânî alacağı olduğundan ve merkûmların şimdi meydanda bulunmadığından ve mezkûr mağazalarda el-yevm Ermeni milletinden diğer iki şahıs medyûn-ı merkûmların nâmına mal furûht etmekte olup kendisinin alacağını vermekten imtinâ' etmekte bulunduklarından mebâliğ-i mezkûrenin te'mîn-i istifâsı zımnında sâlifü'z-zikr mağazalarda bulunan kömürlerin hemen taht-ı hacze alınması talep ve istid'â kılınmış olmağla ber-mûceb-i istid'â icrâ-yı îcâbı hususuna himmet buyrulması cânib-i sefâretten iltimâs ve takrîr olunur. 5 Eylöl [1]312.

(s.10) 14) (371) Kütahya sancağına tabi Uşak nâhiyesinde vukûbulan cinâyet-i malûmeden dolayı berâ-yı şehâdet İtalya'dan celb olunan Dicafili Pokacello ve Paris Antonio ve Santelono Pardine ve Panele Covalino nâm kimesneler Dersââdetle celb olunduklarından nâşî yedi günlük yevmiyelerinin nizâmen i'tâsını bâ-istid'â talep etmiş olduklarından ber mûceb-i istid'â icrâ-yı îcâbı husûsuna himmet buyrulması iltimâs ve takrîr olunur. 14 Eylöl [1]312.

15) (372) Beyoğlu'nda İngiliz eczâhânesi sandıkkârî olan İtalya devleti tebe'âsından Antonio Scattoni'nin vekîli mahall-i mezkûrda Tarlabası'nda Fıçıcı sokağında 1 numarada mukîm avukat Abram Kristo'nun konsolatoya takdîm eylediği arzuhalde müvekkilinin Galata'da mösyö Pertin Frer mağazasının direktörü olup Beyoğlu'nda Almanya Hastahânesi ittisâlinde mukîm bulunan Devlet-i aliyye-i Osmânîye tebe'âsından Zisoleo'ya mâh be mâh dörder lirâ te'diye etmek şartıyla kırkbeş aded lirâ-yı Osmânî ikraz eylemiş ise de henüz meblağ-ı mezbûrun ahzına muvaffak olunamamış idiğünden bahsile medyûn-ı mûmâileyhin Mahkeme-i Ticâret Birinci Meclisine celbiyle meblağ-ı mezbûrun maa güzeste ve masârif-i vekâlet ve muhâkeme ve ücret-i vekâlet tahsîli hususunun taht-ı hükme alınması talep ve istid'â kılınmış olmağla ber mûceb-i istid'â icrâ-yı îcâbı hususuna himmet buyrulması cânib-i sefâretten iltimâs ve takrîr olunur. 17 Eylöl [1]312.

16) (Müsveddesiyle beyazı hâriçte yazılmıştır). Galata'da Sarnıçlı Hanı'nda mukîm İtalya devleti tebe'âsından komisyoncu Adolf Hefter devlet-i muşârunileyhâ ceneral kançılaryasına takdîm etmiş olduğu istid'ânâmede Galata'da Gümrük sokağında iki numaralı dükkânda mukîm tebe'â-i devlet-i aliyyeden ve tüccârdan Dimitri Limoncuoğlu 20 Nisan 1896 tarihiyle muverrah ve vaktiyle protesto edilmiş bir kıt'a poliçe mûcebince dört yüz otuz bir frank altın akçe olarak ve protesto masârif-i olan yetmiş bir kuruş Mecidiye akçe alacağı olup meblağ-ı mezbûrun te'diyesinden (s.11) imtina etmekte bulunduğ ve adem-i te'diyesine hiçbir sebep-i kanunî göstermemekte olduğundan medyûn-ı merkûmun ale'l-usûl Birinci Meclis-i Ticaret'e celbiyle muhâkemesinin icrâsı ve meblağ-ı mezbûrun maa fâiz ve masârif-i muhâkeme ve ücret-i vekâlet ve sâirenin tahsîli taht-ı hükme alınmasını talep ve istid'â etmiş olmağla ber mûceb-i istid'â icrâ-yı îcâbı iltimâs ve takrîr olunur. 19 Eylöl [1]312.

17) (Zabtiye Nezâret-i Celîlesine Konsolos Bey tarafından yazılmıştır). Devletlû Efendim Hazretleri: Bebekte mukîm Mısırlı Mehmed Ali Bey Efendi hazretlerinin mutasarrıf oldukları yatın kapudanı İtalya devleti tebe'âsından Mikele Morele nâm zât şehri hâlin onsekizinci günü Hoca Bey'e gitmek üzere mahall-i mezkûrdan geçmekte olan "Avavrore" nâm vapurun kapudanı devlet-i müşârûnileyhâ tebe'âsından Longo Mebarido ile görüşmek üzere zikrolunan vapura râkib olmuş ve sâlıfu'z-zıkr vapurun Kavağa vurûdunda mûmâileyh kapudan Morele vapur kapudanı tarafından verilen sefîne fermânını hâmilen hârice çıkıp fermanı memuruna bi'l-ibrâz Bebeğe avdet etmekte iken mahalli zâbıta memurları tarafından derdest ve karakola götürülerek bir takım bed muâmele icrâ olunarak Büyükdere'ye gönderilmiş ve orada dahi bir çok tahkîr edilerek Boğaz Sıhhiye direktörü kefâletiyile tahliye edilmiş olduğunu konsolatoya ihbar eylemiştir. Mûmâileyhin bilâ sebep tevkîfiyle hakkında muâmele-i gayr-ı lâyika icrâsı nezd-i âli-i nezâretpenâhilerinde tecvîz buyrulamayacağı cihetle muâmele-i vâkıanın adem-i tekerrürü zımında Kavak zâbıta memuru hakkında idâre-i muâmele-i lâzıme icrâsıyla keyfiyetin taraf-ı âcizâneme iş'âr buyrulması himem-i aliyye-i âsifânelerinden mütemennâdır efendim. 24 Eylül [1]312.

(s.12) 18) (373) İtalya devleti tebe'âsından Salamon Berosalem konsolatoya takdîm eylediği arzuhalde tebe'â-i devlet-i aliyyeden Nesîm nâm kimesne ile bundan akdem şeker ve kahve iştirâ edip berâber satmak için merkûm Nesîme seksen kuruş vermiş ve bir müddet sonra furûht edilen kahve esmânından kendisine isâbet eden yüz yetmiş kuruş ile mezkûr seksen kuruşu talep etmiş ise de ahzına muvaffak olamadığından bahsile medyûn-ı merkûmun mahkeme-i aliyyelerine celbiyle bi'l-muhâkeme meblağ-ı mezbûrun maa güzeste ve masârif-i muhâkeme tahsîli hususunun taht-ı hükme alınması talep ve istid'â kılınmış olmağla ber müceb-i istid'â icrâ-yı icâbı hususuna himmet buyrulması iltimâs ve takrîr olunur. 25 Eylül [1]312.

19) (374) Beyoğlu'nda Venedik sokağında 14 numaralı hânede müste'ciren sâkin İtalya devleti tebe'âsından çalgıcı Georgio Francescatti'nin Ceneral konsolatosuna takdîm eylediği arzuhalde mezkûr hânenin sâhibesi geçen Cuma günü İtalyalı-yı mûmâileyhden bir aylık hâne icârı talep eylemiş ve mûmâileyh dahi birkaç gün sonra verebileceğini söylemiş ise de muvâfakat etmeyip bir takım bed muâmele etmiş ve muahharan merkûme birkaç kadın ile mûmâileyhin zevcesinin üzerine hucûm ve çocuğuyla berâber darb ve musika kâğıtlarını ahzetmiş ve bu sırada kendisi de gelerek eşyâsını alıp familyasıyla berâber hânenin çıkmış ve merkûmeden mezkûr çalgı kâğıtlarını talep etmiş ise de vermedikten başka mûmâileyhi de baston ile darp ve başından cerh eylemiş ve o sırada mahalli zâbıta memurları yetişerek bâ-jurnal Galatasaray'na gönderilmiş olduğundan bahsile mezbûrelerin hakkında nizâmen lâzım gelen muâmelâtın icrâsıyla hukuk-ı şahsiyesinin tahsîli ve sâlıfu'z-zıkr musika kâğıtlarının da kendisine verilmesi talep ve istid'â kılınmış olmağla ber müceb-i istid'â icrâ-yı icâbı husûsuna himmet buyrulması cânib-i sefaretten iltimâs ve takrîr olunur. 7 Teşrinievvel [1]312.

(s.13) 20) (375) İtalya devleti tebe'âsından Giacomo Carlotti'nin ceneral konsolatosuna takdîm eylediği arzuhalde Mahkeme-i Ticâret Birinci Meclisinden istihsâl eyleyip 5 Teşrinievvel 312 tarihinde muâmele-i tebliğiyesi icrâ kılınan 1 Teşrinievvel minh² tarihli ve 135 numaralı i'lâm-ı gıyâbî mücebince tebe'â-i devlet-i aliyyeden Ohannes Portakalyan zimmetinde re'su'l-mâl olarak dörtbin yediyüz elli kuruş alacağı olup meblağ-ı mezbûrun maa güzeste ve masârif-i muhâkeme ve ücret-i vekâlet medyûn-ı merkûmdan tahsîli ve olmadığı halde Ortaköyde mutasarrıf olduğu hânesiyle derûnunda mevcut eşyasından mikdâr-ı kâfîsinin taht-ı hacze alınarak furûhtuyla istîfâ-yı matlûb ettirilmesi talep ve istid'â kılınmış olmağla ber müceb-i istid'â ifâ-yı muktezası husûsuna himmet buyrulması cânib-i sefâretten iltimâs ve takrîr olunur. 17 Teşrinievvel [1]312.

21) (376) Boğazkesen'de mukîm İtalya devleti tebe'âsından Pascovale Toscano tarafından ceneral konsolatosuna takdîm olunan arzuhalde Bostan mahallesinde Çukur Bostan'da Fransa Mektebi'nin arkasında mukîm Bektaş Efendi bundan yirmi gün mukaddem İtalyalı-yı mûmâileyhin av köpeğini sirkat edip vermekten imtinâ² etmekte olduğundan bahsile mûmâileyhin hakkında nizâmen lâzım gelen muâmelenin ifâsıyla mezkûr köpeğin tarafına iade ettirilmesi talep ve istid'â kılınmış olmağla ber- müceb-i istid'â icrâ-yı icâbı husûsuna himmet buyrulması cânib-i sefâretten iltimâs ve takrîr olunur. 17 Teşrinievvel [1]312.

(s.14) 22) (377) Fatıma Zehra Hanımın vârisi Mahmut Efendi lehine ve İtalya devleti tebe'âsından İsak Eskinazi aleyhine olarak Mahkeme-i Ticâret Birinci Meclisinden sâdır olan 16 Eylül 312 tarihli ve 315 numaralı i'lâm-ı gıyâbînin hükmünü İtalyalı-yı mûmâileyh adem-i kabul ile i'tirâz ale'l-hükm eylemiş ve merbûtan takdîm kılınan lâyihasında münderec ve esnâ-yı muhâkemede serd u beyân edeceği esbâb ve delâile istinâden i'lâm-ı mezkûrun feshiyle bu babda vukubulmuş ve bulacak masârif-i muhâkemenin müdde-i mûmâileyhe tahmîlini İtalyalı-yı mûmâileyh bâ-istid'â talep eylemiş olmağla ber-müceb-i istid'â ifâ-yı muktezası hususuna himmet buyrulması cânib-i sefâretten iltimâs ve takrîr olunur 17 Teşrinievvel [1]312.

23) (378) İtalya devleti tebe'âsından Mikeletti Arkole aleyhine ve tebe'â-i devlet-i aliyyeden ve keresteci tüccârından Lazarakı Manoloğlu lehine olarak Mahkeme-i Ticâret Birinci Meclisinden sâdır olan 29 Ağustos 312 tarihli ve 73 numaralı i'lâm-ı gıyâbînin hükmünü İtalyalı-yı merkûm adem-i kabul ile i'tirâz ale'l-hükm eylemiş ve merbûtan takdîm kılınan lâyihada münderec ve esnâ-yı muhâkemede beyân edeceği esbâb ve delâile istinâden i'lâm-ı mezkûrun feshiyle muhâkeme-i vicâhiyelerinin icrâsı ve bu babda vukubulmuş ve bulacak masârif-i muhâkemenin müdde-i merkûma tahmîlini İtalyalı-yı merkûm bâ-istid'â talep eylemiş olmağla ber-müceb-i istid'â icrâ-yı icâbı husûsuna himmet buyrulması cânib-i sefâretten iltimâs ve takrîr olunur. 18 Teşrinievvel [1]312.

² 1312 senesine işaret etmektedir.

24) (379) İtalya devleti tebe'âsından Franchesca Alfardi binti Giovanni kadının kız kardeşleri Diyodane ve Lusiya nâm hatunlar ile beynlerinde mütekevven olup İtalya kançılar-yası mahkemesinde rü'yet olunmakta bulunan davanın neticesine kadar mezbûre Alfardi kadının Beyoğlu'nda Lonardi sokağında 17 ve 19 numaralar ile murakkam mutasarrıfe olduğu iki bab hânenin muâmele-i ferâğiyesinin men'î taraf-ı sefâretten yazılıp birer sûreti Vergi Emâneti behiyyesiyle Tahrîr-i Emlâk Kalemi'ne tebliğ olunan 16 Haziran 87 (s.15) tarihli ihbarnâme ile iltimâs olunması üzerine icbâbı icrâ olunmuş idi. Şimdi ise husûs-ı mezkûrun beynlerinde tesviye edilmiş olduğu cihetle mezkûr ihbarnâmenin iptaliyle ba'demâ sâlifü'z-zikr hânelerin muâmele-i ferâğiyesine mumânaat olunmaması zımında icbâb eden muâmelenin icrâsı bu kere mezbûretân tarafından takdîm olunan arzuhalde istid'â kılınmasına mebni ol-vechile ifâ-yı muktezâsı için üç nüsha olarak tanzîm olunan işbu takrîrin Emânet-i müşârunileyhâ ile mezkûr Tahrîr-i Emlâk Kalemine tebliği husûsuna himmet buyrulması cânib-i sefâretten iltimâs olunur. 24 Teşrinievvel [1]312.

25) (380) İtalya devleti tebe'âsından Spiridione Rosatto nâm kimesnenin ceneral konsolatosuna takdîm eylediği arzuhalde geçen Pençşenbe gecesi saat üçte Beyoğlu'nda Kalyoncu Kolluğu civarında bir kalabalık görerek bakmak için mezkûr kalabalığa yaklaştığı sırada mahall-i mezkûr zabıta memurlarından polis Ali Efendi gelerek kendisine birkaç tokat vurduktan sonra bazı tefevvühatta dahi bulunmuş olduğundan bahsile mûmâileyh hakkın-da nizâmen lâzım gelen muâmelenin icrâsı istid'â kılınmış olmağla ber-mûceb-i istid'â icrâ-yı icbâbı husûsuna himmet buyrulması cânib-i sefâretten iltimâs ve takrîr olunur. 26 Teşrinievvel [1]312.

26) (381) İtalya devleti tebe'âsından Beyoğlu'nda Cadde-i Kebir'de 452 numarada mukîm terzi Paolo Parma'nın kendi tarafından bizzât ve müteveffâ Domenico veledi Giovanni Lena'nın vârisleri tarafından vekâleten ceneral konsolatosuna takdîm eylediği arzuhalde müvekkilleriyle kendisinin Maliye Nezâret-i Celîlesi muhâsebe kalemi memurlarından Kızıltoprakta mukîm atufetlû Mümtâz Bey Efendi hazretlerinde elbise ve sâire esmânından dolayı bin yüz yirmisekiz frank yani kırk dokuz lirâ-yı Osmânî beş kuruş alacağı olup ahzına muvaffak olamamış idüğünden bahsile müşârunileyh hazretlerinin Mahkeme-i Ticâret Birinci Meclisine celbiyle meblağ-ı mezbûrun maa güzeşte ve masârif-i muhâkeme ve ücret-i vekâlet tahsîli husûsunun taht-ı hükme alınması talep ve istid'â kılınmış olmağla ber-mûceb-i istid'â icrâ-yı icbâbı husûsuna himmet buyrulması cânib-i sefâretten iltimâs ve takrîr olunur. 5 Teşrinisânî [1]312.

(s.16) 27) (382) İtalya devleti tebe'âsından Beyoğlu'nda Cadde-i Kebirde 452 numarada mukîm terzi Paolo Parma'nın kendi tarafından bizzât ve müteveffâ Domenico veledi Giovanni Lena'nın vârisleri tarafından vekâleten ceneral konsolatosuna takdîm eylediği arzuhalde müvekkilleriyle kendisinin Maliye Nezâret-i Celîlesinin Muhâsebe Kalemi memurlarından Kızıltoprak'ta mukîm saadetlû Ziya Bey Efendi hazretlerinden elbise ve

sâire esmânından dolayı bin beşyüz kırküş frank yani altmış yedi lirâ-yı Osmânî on kuruş alacağı olup ahzına muvaffak olamamış olduğundan bahsile muşârunileyh hazretlerinin Mahkeme-i Ticâret Birinci Meclisine celbiyle meblağ-ı mezbûrun maa güzeşte ve masârif-i muhâkeme ve ücret-i vekâlet tahsîli hususunun taht-ı hükme alınması talep ve istid'â kılınmış olmağla ber-mûceb-i istid'â icrâ-yı îcâbı husûsuna himmet buyrulması cânib-i sefâretten iltimâs ve takrîr olunur. 5 Teşrinisânî [1]312.

28) (383) İtalya devleti tebe'âsından Beyoğlu'nda Cadde-i Kebirde 452 numarada mukîm terzi Paolo Parma'nın kendi tarafından bizzât ve müteveffâ Domenico veledi Giovanni Lena'nın varisleri tarafından vekâleten ceneral konsolatosuna takdîm eylediği arzuhalde müvekkilleriyle kendisinin Maliye Nezâret-i Celîlesi Muhâsebe Kalemi memurlarından Göztepe'de mukîm saadetlû Muhtar Beyefendi Hazretlerinde elbise ve sâire esmânından dolayı üçbin dokuzyüz sekendokuz frank elli santim yani yüz yetmişüş lirâ-yı Osmânî kırkaltı kuruş alacağı olup ahzına muvaffak olamamış idüğünden bahsile muşârunileyh hazretlerinin Mahkeme-i Ticâret Birinci Meclisine celbiyle meblağ-ı mezbûrun maa güzeşte ve masârif-i muhâkeme ve ücret-i vekâlet tahsîli hususunun taht-ı hükme alınması talep ve istid'â kılınmış olmağla ber-mûceb-i istid'â icrâ-yı îcâbı husûsuna himmet buyrulması cânib-i sefâretten iltimâs ve takrîr olunur. 5 Teşrinisânî [1]312.

(s.17) 29) (384) İtalya devleti tebe'âsından Pasquale'nin ceneral konsolatosuna takdîm eylediği arzuhalde Beyoğlu'nda Feridiye mahallesinde Çaylak sokağında 7 numara ile murakkam mutasarrıf olduğu hâneyi mukeddema tebe'a-i devlet-i aliyyeden Mardiros Arabyan'a îcâr eylemiş ise de geçende mezkûr hâne zabıta memurları cânibinden taht-ı temhîre alınmış ve halbuki bâ-sened-i Hâkânî mutasarrıf olduğu mezkûr hâne böyle taht-ı temhîrde bulundukça mutazarrır olmakda bulunmuş idüğünden bahsile muâmele-i lâzîminin icrâsıyla sâlifü'z-zıkr hânenin tarafına teslimi talep ve istid'â kılınmış olmağla ber-mûceb-i istid'â îfâ-yı muktezasıyla hâne-i mezkûrun İtalyalı-yı mûmâileyhe teslîmi husûsuna müsâade-i aliyye-yi âsîfânelerinin şâyân buyrulması cânib-i sefâretten iltimâs ve temennî olunur. 5 Teşrinisânî [1]312.

30) (385) (İşbu takrîrin müsveddesiyle beyazı hâriçte yazılmıştır). İtalya devleti tebe'âsından olup Dersâdet'te Sirkeci'de Filibe otelinde mukîm tüccârdan Genire Dö Giore'nin takdîm eylediği bir istid'âda Yunan devleti teb'âsından Galata'da Bat pazarında mukîm taşçı Mihail veledi Yorgi Felikeli ile yine Galata'da Bereketzâde Mahallesinde Câmi-i Şerîf sokağında İngiliz postahânesi ittisâlinde kâin 13 numaralı apartmanda sâkin ashâb-ı akardan İlya veled-i Panayot Mihalopoulo'nun munâsefeten mutasarrıf bulundukları mezkûr 13 numaralı apartmanı 4 sene müddetle senevî yüzde dokuz fâiz ile ikibin lirâ bedel mukabilinde uhdesine vefâen ferâğ edip müddet-i muayyene-i mezkûre munkaziye olduğu halde bedel-i mezkûr ile 312 senesi Temmuz ibtidâsından bu ana kadar güzerân eden eyyâmın fâizini dahi te'diye etmediklerinden uhdesinde bulunan mezkûr apartmanın furûhtuyla

matlûbâtının maa güzeşte ve masârif-i muhâkeme ve vekâlet ücretinin bedel-i sehminden tahsîli husûsunun maa icrâ-yı muvakkat taht-ı hükme alınması zımnında merkûmânın celbleriyle muhâkemelerinin icrâsını talep eylediğinden ber-mûceb-i istid'â îcâb-ı hâlin îfâ buyrulması cânib-i sefâretten iltimâs ve takrîr olunur. 4 Teşrinisânî [1]312

(s.18) 31) (386) Hasköy'de Pîrî Paşa'da Hamam sokağında mukîm İtalya devleti tebe'âsından İsak Alof ve oğulları Salamon ve Yasef'in ceneral konsolatosuna takdîm eylediği arzuhalde şehri-i hâlin yedinci günü mezkûr sokakta mukîm tebeâ-i devlet-i aliyyeden David Bozalemo ve kardaşı Avram ve vâlidesi ve kız kardaşları münâzaa etmekde olduklarını merkûm Yasef görerek te'lif-i beyn için yanlarına gitmiş ise de merkûm Avram itâle-i lisânda bulunduktan başka üzerine de hücum etmiş ve o sırada men'-i münâzaa için zikrolunan İsak da geldiği halde mezbûreler her ikisini de darbedip kollarını dahi ısırmış olduğundan bahsile haklarında nizâmen lâzım gelen mucâzâtın icrâsıyla hukuk-ı şahsiyelerinin tahsîli talep ve istid'â kılınmış olmağla ber mûceb-i istid'â icrâ-yı îcâbı husûsuna himmet buyrulması cânib-i sefâretten iltimâs ve takrîr olunur. 11 Teşrinisânî [1]312.

32) (387) İtalya devleti tebe'âsından Beyoğlu'nda Büyük Caddede 452 numarada M.Palma ve mahdûmunun halefiyle Zât-ı Hazret-i Şâhânenin terzibaşısı Dö Lena veresesinin vekîli Paolo Parma ceneral konsolatosuna takdîm eylediği arzuhalde Mahkeme-i Ticâret Birinci Meclisinden istihsâl eyleyip 21 Teşrinievvel 312 tarihinde muâmele-i tebliğiyesi icrâ kılınan 16 Teşrinievvel sene minh tarihli ve 59 numaralı i'lâm-ı gıyâbî mûcebince Beyoğlu'nda Bayram sokağında 8 numaralı hânede mukîm saadetlû Mustafa Reşit Beyefendi hazretlerinde re'su'l-mâl olarak yüzonbir adet lirâ-yı Osmânî alacağı olup henüz i'lâm-ı mezkûr hakkında i'tirâz vukû bulmadığı cihetle meblağ-ı mezbûrun maa güzeşte ve masârif-i muhâkeme ve ücret-i vekâlet tahsîli zımnında iktizâ eden ihbarnâmenin tebliği ve ba'de't-tebliğ sâlifü'z-zikr i'lâmın icrâsı talep ve istid'â kılınmış olmağla ber-mûceb-i istid'â icrâ-yı îcâbı husûsuna himmet buyrulması cânib-i sefâretten iltimâs ve takrîr olunur. 14 Teşrinisânî [1]312.

(s.19) 33) (388) İtalya devleti tebe'âsından Beyoğlu'nda Büyük caddede 452 numarada M.Palma ve mahdûmunun halefiyle Zât-ı Hazret-i Şâhânenin terzibaşısı Dö Lena veresesinin vekîli Paolo Parma'nın ceneral konsolatosu'na takdîm eylediği arzuhalde Mahkeme-i Ticâret Birinci Meclisinden istihsâl eyleyip 3 Temmuz 312 tarihinde muâmele-i tebliğiyesi icrâ kılınan 5 Haziran sene minh tarihli ve 329 numaralı i'lâm-ı gıyâbî mûcebince Galata'da Çınar caddesinde 34 numaralı mağazada mukîm saadetlû Ebuzziya Tevfik Beyefendi hazretlerinde re'su'l-mâl olarak onbeş adet lirâ-yı Osmânî alacağı olup henüz i'lâm-ı mezkûr hakkında i'tirâz vuku bulmadığı cihetle meblağ-ı mezbûrun maa güzeşte ve masârif-i muhâkeme ve ücret-i vekâlet tahsîli zımnında iktizâ eden ihbarnâmenin tebliği ve ba'de't-tebliğ sâlifü'z-zikr i'lâmın icrâsı talep ve istid'â kılınmış olmağla ber-muceb-i istid'â icrâ-yı îcâbı husûsuna himmet buyrulması cânib-i sefâretten iltimâs ve takrîr olunur. 14 Teşrinisânî [1]312.

34) Beyoğlu mutasarrıflığı cânib-i vâlâsına Konsolos Bey tarafından yazılmıştır: İtalya devleti tebe'âsından Victor Juprayetti'nin Silah Tarağa'daki hânesinde vuku bulan sirkat hakkında mahalli zabıtasınca bi't-tanzîm makâm-ı âlîlerine takdîm olunmuş olan 27 Haziran 308 tarihli jurnalın bir sûretinin taraf-ı aciziye irsâl buyrulmasını temenni eylerim. Ol-bâbda emr u fermân hazret-i men lehü'l emrindir. 14 Teşrinisânî [1]312.

35) (389) İtalya devleti tebe'âsından François Rossi'nin ceneral konsolatosuna takdîm eylediği arzuhalde merbûtan takdîm kılınan istid'âda gösterildiği vechile Duyûn-ı Umumiye-i Osmâniye Vâridât-ı Mahsusa İdâresi sabık tercüme kalemi müdürü tebe'â-i devlet-i aliyyeden izzetlû Adem Efendi zimmetinde bâ-sened matlûbu olan ikiyüzelli adet lirâ-yı Osmânînin maa fâiz te'mîn-i istîfâsı için Anadolu Demiryolu üzerinde Feneryolunda vaki Tuğlacıbaşı mahallesinde Yaver Ağa sokağında medyûn-ı mûmâileyhin mutasarrıf olduğu beş numaralı hânenin taht-ı hacze alınması taleb ve istid'â kılınmış olmağla ber-mûceb-i istid'â icrâ-yı îcâbı husûsuna himmet buyrulması cânib-i sefâretten iltimâs ve takrîr olunur. 14 Teşrinisânî [1]312.

(s.20) 36) (390) İtalya devleti tebe'âsından müteveffâ De Lena veresesinin Mahkeme-i Ticâret Birinci Meclisinden sâdır olup muâmele-i teblîğiyesi icrâ kılınan 2 Teşrinisânî 311 tarihli ve yüzaltmışbir numaralı i'lâm-ı gıyabî mûcebince Dahiliye Nezâret-i Celîlesi müsteşâr-ı esbakı âtufetlû Mustafa Reşit Beyefendi hazretlerinde alacakları olan cem'ân kırkaltı adet lirâ-yı Osmânî ve yetmişbeş kuruş onbeş paranın güzeşte ve masârif-i muhâkemesiyle berâber tahsîli zımnında muşârunileyh hazretlerinin Maliye Nezâret-i celîlesinde müterakim ve Tekâud Sandığı Nezâret-i celîlesinden muhasses maâşlarının taht-ı hacze alınması vukubulan istid'â üzerine 17 Kanunisânî 311 tarihli takrîr ile iltimâs olunmuş idi maâşât-ı mezkûrenin henüz taht-ı hacze alınmadığı cihetle meblağ-ı mezbûrun te'mîn-i istîfâsı için muşârunileyh hazretlerinin Şehzâdebaşında Direklerarasında Kuzu Mahallesinde 8 numaralı konaklarında mevcut mefrûşât ve eşyâ-yı sâiresiyle maa hayvan arabalarının taht-ı hacze alınarak furûhtuyla esmân-ı hâsılasından istîfâ-yı matlûb ettirilmesi bu kerre verese-i merkûmûn tarafından ceneral konsolatosuna takdîm olunan arzuhalde istid'â kılınmış olmağla ber-mûceb-i istid'â lâzım gelen muâmelenin icrâsı husûsuna himmet buyrulması cânib-i sefâretten iltimâs ve takrîr olunur 18 Teşrinisânî [1]312.

37) (391) İtalya devleti tebe'âsından Avukat Felice Bagdacetti'nin ceneral konsolatosuna takdîm eylediği arzuhalde devlet-i muşârunileyhâ tebe'âsından Luici Belori zimmetinde matlûbu olan yüz kırk frankın tarafına verilmesi hakkında konsolato mahkemesince İtalyalı-yı merkûma iktizâ eden ihbarnâme teblîğ edilmiş ise de henüz tesviye etmediği cihetle meblağ-ı mezbûrun te'mîn-i istîfâsı zımnında merkûm Luici Belorinin Beyoğlu'nda Küçükyazıcı sokağında mutasarrıf olduğu 9 numaralı hânedeki sâkine Devlet-i Aliyye-i Osmâniye tebe'âsından madam Liani'nin nezdinde bulunan bir adet piyano ve eşyâ-yı sâiresiyle mezbûrenin zimmetinde işlemiş ve işleyecek bedel-i îcârın taht-ı hacze alın-

ması mahkeme-i mezkûrece taht-ı karara alınmış olduğundan bahsile mezkûr kararın mûmâileyhâya tebliği hakkında îcâb-ı halin îfâsı taleb ve istid'â kılınmış olmağla ber müceb-i istid'â îfâ-yı muktezası husûsuna himmet buyrulması cânib-i sefâretten iltimâs ve takrîr olunur. 20 Teşrinisânî [1]312.

(s.21) 38) (392) İtalya devleti tebe'âsından müteveffâ Albercon veresesinin vekîli August Pars'ın ceneral konsolatosuna takdîm eylediği arzuhalde Mahkeme-i Ticâret Birinci Meclisinden sâdır olup 12 Teşrinievvel 312 tarihinde muâmele-i tebliğiyesi icrâ kılınan 5 Eylül sene minh tarihli ve doksandokuz numaralı i'lâm-ı gıyâbî mücebince müvekkillerinin mahkeme-i temyiz baş müdde-i umûmîsi atufetlû Lebîb Efendi hazretlerinde re'su'l-mâl olarak alacağı olan bin yüz yirmibir frankın te'mîn-i istîfâsı zımnında muşârunileyh hazretlerinin rub' maâşının taht-ı hacze alınması taleb ve istid'â kılınmış olmağla ber müceb-i istid'â lâzım gelen muâmelenin icrâsı husûsuna himmet buyrulması cânib-i sefâretten iltimâs ve takrîr olunur. 21 Teşrinisânî [1]312.

39) (393) İtalya devleti tebe'âsından Giacomo'nun ceneral konsolatosuna takdîm eylediği arzuhalde Hasköy'de kiremitçi Ahmetçelebi mahallesinde Çıkmazkuyulu sokağında 36 numaralı dükkânı bundan akdem sahibi Haham nâm kimesneden istîcâr edip konturatoya rabt edilmiş ise de mezkûr konturatonun bir sûreti mutasarrıf-ı merkûm tarafından kendisine verilmemiş idüğünden ve merkûm Haham tarafından vukûbulan istid'â üzerine 9 Teşrinisânî 312 tarihinde mahkeme-i aliyyelerine celb olunmuş ise de mahall-i mezkûrda sekiz numaralı dükkânın tahliyesine karar verilmiş olduğundan bu halde mezkûr 36 numaralı dükkânın tahliyesi hakkında bir karar sudûr etmemiş idüğünden bahsile sâlıfu'z-zıkr konturatonun feshiyle dava-yı vakûn reddi taleb ve istid'â kılınmış olmağla ber-müceb-i istid'â icrâ-yı îcâbı husûsuna himmet buyrulması cânib-i sefâretten iltimâs ve takrîr olunur. 27 Teşrinisânî [1]312.

40) (394) İşbu takrîrin istid'âsı olmadığı halde müsveddesiyle gönderilen beyazı konsolos bey tarafından Rif'atlı Ali Efendiye yazdırılmıştır muahharan dahi işbu takrîrin bir sûreti konsolos bey tarafından yazılmıştır.

Tebe'â-yı ecnebiyeden bazı eşhâsın İtalya devleti tebe'âsından Musika-i Humâyûn mualimi mirlivâ saadetlû Gavatelli Paşa aleyhine devlet-i muşârunileyhâ kañçılıyasından istihsâl etmiş oldukları i'lâmât-ı müteaddide mücebince alacakları olan akçenin te'mîn-i istîfâsı zımnında medyûn-ı mûmâileyhin maâşatı erbai çend sene akdem Mahkeme-i Ticâret icrâ memuriyet-i behiyyesi marifetiyle taht-ı hacze alınarak Bâb-ı Seraskeriden bu ana kadar istihsâl edilen akçe alacaklıları miyânesinde taksîm ve i'tâ edilmiş ise de bu kerre mûmâileyh Gavatelli Paşa'nın (s.22) alacaklılarının zirde esâmisi muharrer olan Fransa devleti tebe'âsından Madam Hog'a üçyüz lirâ ve Yunan devleti tebe'âsından Maria Kañçılıları yirmibin kuruş ve İtalya devleti tebe'âsından Albercon veresesı üçyüz lirâ daha

mütebaki alacakları kalmış olduğundan bahsile mebâliğ-i mezkûrenin tesviyesine değin medyûn-ı mûmâileyhin maâşât-ı erbaanın haczini kañçılaryaya bi'l-muracaa talep ve istid'â etmeleriyle ol-vechile medyûn-ı mûmâileyhin maâşâtı erbaanın kemâ fi's-sabık hacziyle tevârud edecek akçenin cânib-i kañçılaryaya tesyîr ve isbâli esbâbının istikmâli zımnında işbu takrîrin memuriyet-i mûmâileyhâya havâle buyrulmasını devlet-i muşârunileyhânın Dersaâdet sefâreti kañçılaryası talep ve iltimâs eder. 30 Teşrinisânî [1]312.

41) (395) İtalya devleti tebe'âsından Beyoğlu'nda cadde-i kebirde 452 numarada mukîm terzi Paolo Parma'nın kendi tarafından bizzat ve müteveffâ Domenico veledi Giovanni Lena'nın varisleri tarafından vekâleten ceneral konsolatosuna takdîm eylediği arzuhalde kendisiyle müvekkîllerinin Selânik valisi devletlû Rıza Paşa Hazretlerinde elbise bahasından dolayı dörtbin ikiyüz elliyüz frank on santim yani yüz seksendört adet lirâ-yı Osmânî ve doksanbir kuruş alacakları olup ahzına muvaffak olamamış idiğünden bahsile muşârunileyh hazretlerinin Mahkeme-i Ticâret Birinci Meclisine celbiyle meblağ-ı mezbûrun maa güzeşte ve masârif-i muhâkeme ve ücret-i vekâlet tahsîli hususunun taht-ı hükme alınması talep ve istid'â kılınmış olmağla ber- müceb-i istid'â icrâ-yı îcâbı hususuna himmet buyrulması cânib-i sefâretten iltimâs ve takrîr olunur. 30 Teşrinisânî [1]312.

42) (396) İşbu takrîrin müsveddesiyle beyazı hariçte yazılmıştır: İtalya devleti tebe'âsından Dersaâdet'te Tuhfeci (?) hanında mukîm billûr tüccârından mösyö İlia Alfandari'nin cânib-i konsolatoya takdîm eylediği istid'â'sında tebe'â-i devlet-i aliyyeden Galatada Havyar hanında mukîm zahire dellâlî Serkiz Koşıkyan zimmetinde Cancikyan Kırkor nâm kimesneye olan cihet-i kefâletinden dolayı elli adet lirâ-yı Osmânî (s.23) alacağı olup ifâsında muhâlefet eylemekde olduğundan merkûm aleyhine Mahkeme-i Ticâret Birinci Meclisinde ikâme-i dava ile meblağ-ı mezbûr elli lirânın ve hüküm tarihine değin cereyan eden bir lirâ onbir kuruşun maa masârif-i muhâkeme ve ücret-i vekâlet tahsîli ve hîn-i te'diyeye değin re'su'l-mala güzeşte yürütülmesi hükmünü mutazammın 24 Ağustos 312 sene-i maliye tarihli ve seksenyedi adedli bir kıt'a i'lâm-ı gıyabî istihsâl eylemiş ve merbût tebliğ-i ilm u haberden anlaşıldığı vechile i'lâm-ı mezkûrun sûret-i musaddakası usûlen medyûn-ı merkûma tebliğ edilmiş olduğundan Mehâkim-i Ticaret icrâ memûrîni cânibinden kanunen îcâb eden ihbarnâmenin tebliğiyle i'lâm-ı mezkûrun icrâ-yı ahkâmını İtalyalı-yı mûmâileyh tarafından bâ-istid'â talep ve iddia kılınmış olmağla ber müceb-i müsted'â îcâbının icrâsı iltimâs ve takrîr olunur. 3 Kanunisânî [1]312.

43) (397) İtalya devleti tebe'âsından ve su şirketi memurlarından mösyö Hector Nahum'un sağîre kerimesi Ester'in vasî-i kanunisi sıfatıyla ceneral konsolatosuna takdîm eylediği arzuhalde Mahkeme-i Ticâret Birinci Meclisinden sâdır olup 12 Ağustos 312 tarihinde muâmele-i tebliğiyesi icrâ kılınmış olan 19 Temmuz 312 tarihli ve altmışiki numaralı i'lâm-ı gıyabî mücebince sağîre-i mezbûrenin Beyoğlu'nda Yemenici sokağında Camando hanında mukîm tüccârdan ve devlet-i aliyye-i Osmânî tebe'âsından Samuel Manaş zimmetinde

alacağı olan mebalîğ güzeştesi bulunan yüzymibir buçuk adet Osmânî lirâsının medyûn-ı mûmâileyhden tahsîli zımnında i'lâm-ı mezkûrun icrâsı talep ve istid'â kılınmış olmağla ber müceb-i istid'â îcâb eden muâmele-i kanuniyenin ifâsı hususuna himmet buyrulması cânib-i sefâretten iltimâs ve takrîr olunur. 4 Kanunievvel [1]312.

(s.24) 44) (398) İtalya devleti tebe'âsından David Ayaş'ın ceneral konsolatosuna takdîm eylediği arzuhalde Büyükkçekmece'de Çekmece caddesinde mukîm tebe'â-i devlet-i aliyyeden Hacı Atanaş Lofotedidis ile mahdûmu Sotraki zimmetinde yek diğere kefil bi'l-mâl sûretiyle emre muharrer bir kıt'a senet mücebince kırksekiz lirâ ve diğere emre muharrer senet mücebince kezaîk kırksekiz lirâ ki cem'an doksanaltı adet Osmânî lirâsı alacağı olup ahzına muvaffak olamadığından bahsile medyûn-ı merkûmların Mahkeme-i Ticâret Birinci Meclisine celbiyle bi'l-muhâkeme meblağ-ı mezbûrun maa güzeşte ve masârif-i muhâkeme ve ücret-i vekâlet tahsîli hususunun taht-ı hükme alınması talep ve istid'â kılınmış olmağla ber müceb-i istid'â icrâ-yı îcâbı hususuna himmet buyrulması cânib-i sefâretten iltimâs ve takrîr olunur. 13 Kanunievvel [1]312.

45) (399) İşbu takrîrin müsveddesiyle beyazı hariçte yazılmıştır. Beyoğlu'nda Hüseyin Ağa mahallesinde Misk sokağında 36 numaralı hânede mukîme İtalya devleti tebe'âsından Madam Marieda Donata tarafından cânib-i konsolatoya takdîm edilen istid'âda Dersââdet'te Bayezid'de Tramvay caddesinde mukîm dış tabibi Abdülaziz Efendinin Beyoğlu'nda Hüseyin Ağa mahallesinde Misk sokağında kâin olup taht-ı tasarrufunda olan ve mezbûre Marieda'nın taht-ı istîcârında bulunan mezkûr 36 numaralı hânenin tahliyesiyle mûmâileyh Abdülaziz Efendiye teslimi hususu Beyoğlu Bidâyet Mahkemesi Mukavelât Muharrirliği'nden tanzîm ile mezbûreye tebliğ kılınan 23 Teşrinievvel 312 tarihli ve 2914 numaralı ihtarnâme ile emr u tenbih buyrulmuş ise de mezkûr hâne mûmâileyh Abdülaziz Efendi tarafından imza ve temhîr edilmiş 18 Teşrinievvel 312 tarihli bir kıt'a yeni kontrat mücebince 17 Kanunievvel 312 tarihinden itibaren on mâh müddetle mezbûreye icâre-i muzafe tarîkiyle îcâr kılınmış ve ber müceb-i kontrat mezkûr hânenin iki aylık icâresi olan sekizbuçuk adet lirâ-yı Osmânî dahi ber vech-i peşîn mûmâileyh Abdülaziz Efendiye i'tâ ve tesviye edilerek mezkûr kontrat kendi imzası tahtında olarak zahriye edilmiş olduğu halde mûmâileyhin bir taraftan tecdîd-i kontrat eylemesi diğere taraftan ise eski ve hükümü münfesih kontrattan dolayı tahliye talebinde bulunması muhâlif-i usûl ve kanun olduğundan mûmâileyh Abdülaziz Efendinin serîan Beyoğlu Bidâyet Mahkemesi Birinci Hukuk Dairesine celbiyle muhâkemelerinin icrâsını ve bir karar-ı muvakkat ittihâzıyla icrânın ve tahliye keyfiyetinin te'hîrini ve zarar ve ziyân ve masârif-i muhâkeme ve ücret-i vekâletin hasmı tarafından tahmîli ve verilecek kararların muvakkaten icrâsını talep eylemiş olduğundan muktezasının icrâsı iltimâs olunur. 22 Kanunievvel [1]312.

(s.25) 46) (400) İtalya devleti tebe'âsından Davidas Dö Toledo ve şurekâsı nâm bankerin ceneral konsolatosuna takdîm eylediği arzuhalde sabık Hâriciye Nazırı devletlû Turhan

Paşa Hazretlerinde Leon Rosenthal tarafından iskonto olunmuş yedi kıt'a emre muharrer senet mücebince ikiyüz adet Osmânî lirası alacağı olup ahzına muvaffak olamamış idiğünden bahsile muşârunileyh hazretlerinin Mahkeme-i Ticâret Birinci Meclisine celbiyle meblağ-ı mezbûrun maa güzeste ve masârif-i muhâkeme tahsîli hususunun taht-ı hükme alınması taleb ve istid'â kılınmış olmağla ber müceb-i istid'â icrâ-yı îcâbı hususuna himmet buyrulması cânib-i sefâretten iltimâs ve takrîr olunur. 4 Kanunisânî [1]312.

47) (401) Beyoğlu'nda Cadde-i Kebîrde 452 numaralı mağazada mukîm İtalya devleti tebe'âsından terzi Paolo Parma kendi tarafından asaleten ve müteveffâ Domenico veledi Giovanni Lena varisleri tarafından vekâleten ceneral konsolatosuna takdîm eylediği arzuhalde kendisiyle müvekkillerinin Dersââdet'te Tavşantaşı çeşmesinde 13 numarada mukîm Dersââdet İstinaf Hukuk Mahkemesi azasından saadetlû Salih Beyefendi hazretlerinde elbise vesâire esmânından dolayı yirmidörtbuçuk adet Osmânî lirâsı alacağı olup ahzına muvaffak olamamış idiğünden bahsile mîr-i mûmâileyhin Mahkeme-i Ticâret Birinci Meclisine celbiyle işbu akçenin maa güzeste ve masârif-i muhâkeme ve ücret-i vekâlet tahsîli hususunun taht-ı hükme alınması taleb ve istid'â kılınmış olmağla ber müceb-i istid'â icrâ-yı îcâbı hususuna himmet buyrulması cânib-i sefâretten iltimâs ve takrîr olunur. 15 Kanunisânî [1]312.

(s.26) 48) (402) Beyoğlu'nda Cadde-i Kebirde 452 numaralı mağazada mukîm İtalya devleti tebe'âsından terzi Paolo Parma'nın kendi tarafından asaleten ve müteveffâ Domenico veledi Giovanni Lena varisleri tarafından vekâleten ceneral konsolatosuna takdîm eylediği arzuhalde kendisiyle müvekkillerinin Beyoğlu'nda Telgraf sokağında 5 numarada mukîm Dersââdet Bidâyet Mahkemesi müddei umûmî muavini saadetlû Cemal Beyefendi zimmetinde elbise vesâire esmânından dolayı alacağı olan yirmibeş lirâ kırkûç kuruşun henüz ahzına muvaffak olamamış idiğünden bahsile mûmâileyhin Mahkeme-i Ticâret Birinci Meclisine celbiyle meblağ-ı mezbûrun maa güzeste ve masârif-i muhâkeme ve ücret-i vekâlet tahsîli hususunun taht-ı hükme alınması taleb ve istid'â kılınmış olmağla ber müceb-i istid'â icrâ-yı îcâbı hususuna himmet buyrulması cânib-i sefâretten iltimâs ve takrîr olunur. 15 Kanunisânî [1]312.

49) (403) (Müsveddesi hariçte yazılmıştır) İstanbul'da Balıkpazarı'nda mukîm Banker Fisi dö Avram Levi direktörü bulunan İtalya devleti tebe'âsından Mösyö Marco Levi tarafından cânib-i sefârete takdîm olunan arzuhalde Kahire'den vürûd eden üç topra kadîm altın tezyinâtıyla Yafa ve Beyrut'tan gelmiş olan meskûkât-ı mütenevvîa-i hidiviye kumpanyasının El-Kahire nâm vapurundan kolcu refakatiyle gümrüğe naklolunduğu sırada polis memurları tarafından zabt ve müsadere olunarak Zabtiye Nezâret-i aliyyesinde icrâ olunan tedkikât neticesinde Yafa ve Beyrut'tan vürûd eden topraların îadesi hususunda Rusûmât Emânet-i celîlesine gönderilmesine karar verilmiş ise de tezyinât-ı kadîme altınlarını havi olan topralar tevkîf olunmakda ve halbuki 19 Safer 1256 tarihli fermân-ı Padişahi mücebince

meskukât-ı kadîmenin mevki-i tedâvülden kaldırıldığı cihetle ashabı yedinde bulunanların emvâl ve eşyâ-yı sâire gibi itibar olunacakları mezkûr olduğundan şu halde mezkûr akçelerin fermân-ı âlîşan hükm-i münifine tevfikan meskukât taklidi addolunamayacağından ve hatta bu babda Dersaâdet Bidâyet Mahkemesi İkinci Ceza Dairesi tarafından 10 Teşrinisânî 308 tarihinde sâdır olan i'lâmdan İstanbul'da Marpuşçularda mukîm Menahem veledi Avram'ın adem-i mesuliyetine karar verilmiş olduğu münfehim olduğundan bahsile irade-i seniyye-i mulûkâneye ve vuku bulan emsaline tevfikan mezkûr topraların serian (s.27) îadesi istid'â kılınmış olmağın ol vechile icrâ-yı îcâbı devlet-i muşârunileyhâ sefâreti cânibinden iltimâs ve takrîr olunur. 22 Kanunisânî [1]312.

50) (404) Beyoğlu'nda Çıkmaz Camcı sokağında mukîm İtalya devleti tebe'âsından Joseph Lanco aleyhine ve mezkûr sokakta sâkin Stradi Papadopoulos lehine olarak Beyoğlu Bidâyet Mahkemesi Birinci Hukuk dairesinden sâdır olan i'lâm-ı gıyâbının hükmünü İtalyalı-yı merkûm adem-i kabul ile i'tirâz ale'l-hüküm eylemiş şöyleki evvela merkûm Papadopulo[s] bilâ sebep mahkemeye muracaatla i'lâm istihsâl etmiş ise de sâlifü'z-zikr apartmanı 5 Ağustos 312 tarihine kadar kendisiyle konturatoya raptolunduğu cihetle işbu i'lâmın feshiyle mezkûr konturato hükmünün tasdîki saniyen zikrolunan apartmanın suyu ile tamiratına sarfeylediği ikiyüzelli kuruşun îcârdan dolayı talep edilen akçeden tenzîli ve esnâ-yı muhâkemede beyân edeceği esbâb-ı sâireye istinâden i'lâm-ı mezkûrun feshiyle yeniden muhâkemelerinin icrâsı ve bu babda vukubulmuş ve bulacak bi'l-cümle masârif-i muhâkemenin müddei merkûma tahmilini İtalyalı-yı merkûm bâ istid'â talep eylemiş olmağla ber müceb-i istid'â icrâ-yı îcâbı hususuna himmet buyrulması cânib-i sefâretten iltimâs ve takrîr olunur. 30 Kanunisânî [1]312.

51) (405) İtalya devleti tebe'âsından müteveffâ Albercon veresesinin vekîli olup Galata'da Kürkçüler sokağında 10 numaradaki yazıhânesini ikâmetgah tayin eden avukat August Pars'ın ceneral konsolatosuna takdîm eylediği arzuhalde müvekkillerinin Nafia Nezâret-i celîlesi müsteşar muavini saadetlû Mıgırdıç Efendi Sanabyan zimmetinde mal bahasından dolayı alacağı olan yediyüz doksanseviz frank elli santimin henüz ahzına muvaffak olamamış idiğünden bahsile Efendi-yi mûmâileyhin Mahkeme-i Ticâret Birinci Meclisine celbiyle meblağ-ı mezbûrun maa güzeste ve masârif-i muhâkeme ve ücret-i vekâlet tahsîli hususunun taht-ı hükme alınması talep ve istid'â kılınmış olmağla ber müceb-i istid'â icrâ-yı îcâbı hususuna himmet buyrulması cânib-i sefâretten iltimâs ve takrîr olunur. 1 Şubat [1]312.

(s.28) 52) (406) Müsveddesi hariçte yazılmıştır. Beyoğlu'nda Cadde-i Kebirde 452 numaralı mağazada mukîm İtalya devleti tebe'âsından terzi Paolo Parma'nın kendi tarafından asaleten ve müteveffâ Domenico veledi Giovanni Lena varisleri tarafından vekâleten ceneral konsolatosuna takdîm etmiş olduğu arzuhalde Birinci Mahkeme-i Ticâretten istihsâl eylediği 5 Haziran 312 tarihli ve 329 numaralı i'lâm-ı gıyâbî mücebince Şûrâ-yı Devlet Bidâyet Mahkemesi azasından saâdetlû Ebüzziya Tevfik Beyefendi hazretlerinde mahkûmunbih

alacağı olan üçyüz onyedibuçuk frankın tesviyesi için gönderilen ihbarnâmeye îcâbet etmediği cihetle meblağ-ı mahkûmunbihin maa fâiz ve masârif-i muhâkeme ve sâire te'mîn-i istîfâsı zımnında mîr-i mûmâileyhin maâş-ı rub'unun taht-ı hacze alınması taleb ve istid'â kılınmış olmağla ber müceb-i istid'â icrâ-yı îcâbı hususuna himmet buyrulması cânib-i sefâretten iltimâs ve takrîr olunur. 5 Şubat [1]312.

53) (407)Müsveddesi hariçte yazılmıştır. Beyoğlu'nda Cadde-i Kebirde vaki 452 numaralı mağazada mukîm İtalya devleti tebe'âsından terzi Paolo Parma'nın kendi tarafından asaleten ve müteveffâ Domenico veledi Giovanni Lena varisleri tarafından vekâleten ceneral konsolatosuna takdîm etmiş olduğu arzuhalde Birinci Mahkeme-i Ticâretten istihsâl eylediği 8 Teşrinisânî 311 tarihli ve 163 numaralı i'lâm-ı gıyabî mücebince E M Z Muradyan zimmetinde alacağı olan ellialtı Osmânî lirâsı yirmialtı kuruş altın akçenin te'diyesi için gönderilen ihbarnâmeye îcâbet etmediği cihetle meblağ-ı mahkûmunbihin maa fâiz ve masârif-i muhâkeme ve sâire te'mîn-i istîfâsı zımnında medyûn-ı merkûmun taht-ı tasarrufunda bulunan Galata'da Leblebici sokağında 93 numaralı akarın tahtındaki mağaza îcârlarının müste'ciri bulunan terzi Franci yedinde taht-ı hacze alınması taleb ve istid'â kılınmış olmağla ber müceb-i istid'â îcâb eden muâmelenin icrâsı hususuna himmet buyrulması cânib-i sefâretten iltimâs ve takrîr olunur. 5 Şubat [1]312.

(s.29) 54) (408) Müsveddesi hariçte yazılmıştır. Beyoğlu'nda Cadde-i Kebirde vaki 452 numaralı mağazada mukîm İtalya devleti tebe'âsından terzi Paolo Parma'nın kendi tarafından asaleten ve müteveffâ Domenico veledi Giovanni Lena varisleri tarafından vekâleten ceneral konsolatosuna takdîm etmiş olduğu arzuhalde Birinci Mahkeme-i Ticâretten istihsâl eylediği 16 Teşrinievvel 312 tarihli ve 59 numaralı i'lâm-ı gıyabî mücebince saadetlû Mustafa Duher Beyefendi zimmetinde mahkûmunbih alacağı olan yüzonbir adet Osmânî lirâsının te'diyesi için gönderilen ihbarnâmeye îcâbet etmediği cihetle medyûn-ı mûmâileyhin ikâmet eylediği Beyoğlu'nda Bayram sokağında 12 numaralı handa bulunan eşyâ-yı beytiyesinin miktar-ı kafisinin taht-ı hacze alınarak bi'l-müzâyede furûhtuyla esmân-ı hasılasından mahkûmunbih alacağının maa güzeste ve masârif-i muhâkeme ve sâire tahsîli taleb ve istid'â kılınmış olmağla ber müceb-i istid'â icrâ-yı îcâbı hususuna himmet buyrulması cânib-i sefâretten iltimâs ve takrîr olunur. 5 Şubat [1]312.

55) (409) Otuzüç adet ustura beş adet saç makinası onyedî düzine havlu. Beyoğlu'nda Haçoğlu hanı karşısında 12 numaralı dükkanda mukîm İtalya devleti tebe'âsından Francesco Danizzi cânib-i Konsolatoya takdîm eylediği arzuhalde ber vech-i âtî mevaddı ihbâr ve istid'â eylemiştir geçen Cuma gecesi ale's-sabah mezkûr dükkâna sarıklar bi'd-duhûl derûnunda mevcut bulunan oniki adet Osmânî lirâsıyla cins ve mikdarı bâlâda gösterilen eşyâyı sirkat ederek firâr etmiş olduğundan bu bâbda zabıtaca iktizâ edenlere serîan evâmîr-i lâzîme i'tâsıyla ve işbu hususta mahall-i mezkûr bekçilerinin dahi mesul tutularak bi't-taharrî mütecasirlerinin derdest olunarak mezkûr akçeyle zikrolunan eşyanın istirdâdiyla

hakkında lâzım gelen muâmelenin icrâsını talep ve iddia eylemiş olmağla ber müceb-i talep icrâ-yı îcâbı hususuna himmet buyrulması cânib-i sefâretten iltimâs ve takrîr olunur. 8 Şubat [1]312.

(s.30) 56) (410) İtalya devleti tebe'âsından Maria Bocci nâm kadın mâh-ı hal-i Rumînin üçüncü geçen Pazartesi gecesini saat dörtbuçuk raddelerinde Direklerarasında kâin Hidâyet Efendi idâresinde bulunan tiyatrodâ icrâ-yı lu'biyât etmekde iken mezkûr lu'biyâtı temaşa için cunûd-ı cenâb-ı mulûkâneden iki Arnabut dahi gelerek tiyatronun ön tarafında oturmakda oldukları halde birdenbire asâkir-i mûmâileyhimden biri hamil olduğu revolveri bi't-teşhîr mezbûrenin üzerine üç el endâht eyleyerek merkûme bayılmış ve diğeri dahi hâmil olduğu kamayı keşide birle mûmâileyh Hidayet Efendiyi cerh eylediği sırada memurîn-i zabıta tarafından derdest olunmuşlardır hatta mezkûr endâht olunan kurşunlardan birisi mûmâileyhânın kulağının yanından murûr eylemesi cihetiyle kulağını zedelediği gibi nimet-i sem'den dahi mahrûmiyet haline getirmiş olduğunu konsolatoya ihbar ve icrâ-yı te'dibleri istid'â edilmiştir bu gibi hareket-i gayr-ı lâyık nezd-i âlî-i âsifânelerinde dahi tecvîz buyrulamayacağı cihetle mütecâsir merkûmlar hakkında Cezâ Kanunnâme-i Humâyûnu mantûk-ı âlîsınca lâzım gelen te'dibâtın icrâsı zımında îcâb-ı halin icrâsı hususuna himmet buyrulması devlet-i muşârunileyhâ sefâreti tarafından iltimâs ve temenni olunur. 12 Şubat [1]312.

57) (411) İşbu takrîrin müsveddesi hariçte yazılmıştır. İstanbul'da mukîm Fisi de Avram Levi şirketi müdürü İtalya devleti tebe'âsından Marco Levi tarafından cânib-i konsolatoya takdîm kılınan arzuhalde Kahireden şirket-i mezkûreye gönderilen Mahmudiye ve Hayriye altınları şeklinde üç topra zinet altınları ile Yafa ve Beyrut'tan dahi şirket-i mezkûreye gönderilen mütenevvi akçeleri hâvî diğeri iki topra Hidiviye kumpanyası El-kahire nâm vapuruyla Dersââdet vürûd etmiş olduğundan kolcu refakatiyle iki adam vapur-ı mezkûra gönderilerek mezkûr topraları gümrüğe nakl etmek üzere bulunmuş iken zabıta memurları tarafından müsâdere olunarak doğrudan doğruya Zabtiye Nezâret-i aliyyesine getirilmiş ve tedkikât-ı evveliye neticesinde Yafa ve Beyrut'tan vürûd eden topralar iâde edilmiş ise de derûnunda zînet altınları bulunan üç toprayı bi't-tevkîf keyfiyet Adliye Nezâret-i celîlesi cânib-i sâmişine havâle edilmiş ve halbuki 19 Safer 1256 tarihli fermân-ı âlî mücebince (s.31) meskûkât-ı kadîmenin mevki-i tedâvülden kaldırıldığı cihetle ashâbı yedinde bulunanların emvâl ve eşyâ-yı sâire gibi itibâr olunacakları hasebiyle mezkûr altınları adeten ve kanunen sikke addolunâmayacağı bedîhi ve bu gibi altınlara muşâbih zînet altınları sürmüş olmasından dolayı Yunan devleti tebe'âsından İstanbul'da Marpuççularda Kezzabcioğlu hanında mukîm Menahem veledi Avram aleyhine müdde-i umûmîlik tarafından kalpazanlık davası ikâme edilmiş ise de Dersââdet Bidâyet Mahkemesi İkinci Cezâ Dâiresi tarafından sâdir olup leffen sûreti takdîm kılınan 10 Teşrinisânî 308 tarihli ve 1142 numaralı lâ-yetağayyer halini kesbetmiş i'lâmdan münfehim olacağı üzere hukûk-ı hazineye dokunur bir cihet bulunâmadığı ve hatta mârru'z-zikr altınların ayarı nakıs olması müstelzim-i

cezâ bir fiil olmayıp Mecelle-i Celîle ahkâmınca bu cihetten dolayı müşterinin bâiye karşı yalnız bir hakk-ı rucûu olacağından merkûm Menahem veledi Avram'ın berâatine karar verilmiştir mehâkim-i hukûkiyeden sâdır olan mukarrerât ancak tarafeyn-i hasmiye için bir kaziiye-i mahkûmunbihâ teşkil etmekde iken mehâkim-i cezâiye mukarrerâtı ise hukûk-ı umûmiye nâmına ikâme olunan dava üzerine sudûr edegeldiğinden umûm için bir kaziiye-i mahkûmunbihâ olacağına göre bir fiil-i müstelzim-i cezâ olmadığı karar-ı mahkeme ile i'lân olunup maznûnun aleyhin berâatine karar verildikten sonra aynı fiilden dolayı diğerleri aleyhine hukûk-ı umûmiye nâmına dava etmek kabil olamayacağı umûr-ı tabiiyyeden ve binâenaleyh şu halde takibât-ı cezâiye icrâsıyla mes'ûliyet aranması devâir-i cezâiyyenin vazifesi hâricinde olduğuna binâen mârru'z-zikr üç topranın iâdesiyle takibât-ı cezâiyyenin men'î istid'â ve taleb edilmiş olmağın ber mûceb-i istid'â icrâ-yı îcâbı hususuna himmet buyrulması cânib-i sefâretten iltimâs ve takrîr olunur. 18 Şubat [1]312.

(s.32) 58) (411) Beyoğlu'nda Cadde-i Kebîrde dörtyüz elli iki numarada mukîm terzi Paolo Parma'nın kendi tarafından asaleten ve müteveffâ Domenico veledi Giovanni Lena veresesi cânibinden vekâleten cânib-i konsolatoya takdîm eylediği arzuhalde Birinci Mahkeme-i Ticâretten sâdır olup 12 Şubat 312 tarihinde muâmele-i teblîğiyesi icrâ kılınmış olan 3 Şubat 312 tarihli ve 241 numaralı i'lâm-ı gıyabî mûcebince Maliye Nezâret-i celîlesi muhâsebe kalemi memurlarından Kızıltoprakta sâkin izzetlû Ziya beyefendi zimmetinde re'su'l-mâl olarak alacağı olan altmışyedi adet Osmânî lirâsı ve on kuruşun maa güzeste ve masârif-i muhâkeme ve ücret-i vekâlet te'mîn-i istîfâsı zımında medyûn-ı mûmâileyhin maâş-ı rub'uyla Kızıltopraktaki hânesinde mevcut eşyasından mikdâr-ı kâfisinin taht-ı hacze alınması taleb ve istid'â kılınmış olmağla ber mûceb-i istid'â îcâb eden muâmele-i kanuniyenin icrâsı hususuna himmet buyrulması cânib-i sefâretten iltimâs ve takrîr olunur. 18 Şubat [1]312.

59) Beyoğlu'nda Cadde-i Kebirde 452 numarada mukîm terzi Paolo Parma'nın kendi tarafından asaleten ve müteveffâ Domenico veledi Giovanni Lena veresesi cânibinden vekâleten cânib-i konsolatoya takdîm eylediği arzuhalde Birinci Mahkeme-i Ticâretten sâdır olup 12 Şubat 312 tarihinde muâmele-i teblîğiyesi icrâ kılınmış olan 30 Kanunisânî 312 tarihli ve 242 numaralı i'lâm-ı gıyabî mûcebince Maliye Nezâret-i celîlesi muhâsebe kalemi memuriyetinden Kızıltoprakta sâkin Mümtâz Beyefendi zimmetinde re'su'l-mâl olarak alacağı olan kırkbeş adet Osmânî lirâsı ve altmışaltı kuruşun maa güzeste ve masârif-i muhâkeme ve ücret-i vekâlet te'mîn-i istîfâsı zımında medyûn-ı mûmâileyhin maâş-ı rub'uyla Kızıltopraktaki hânesinde mevcut eşyasından mikdâr-ı kâfisinin taht-ı hacze alınması taleb ve istid'â kılınmış olmağla ber mûceb-i istid'â îcâb eden muâmele-i kanûniyenin icrâsı husûsuna himmet buyrulması cânib-i sefâretten iltimâs ve takrîr olunur. 18 Şubat [1]312.

(s.33) 60) (412) İtalya devleti tebe'âsından müteveffâ Albercon vereselinin vekîli olup Galatada Kürkçüler sokağında 11 numaradaki yazıhânesini ikâmetgâh tayin eden avukat

August Pars'ın ceneral konsolatosuna takdîm eylediği arzuhalde müvekkillerinin kâtib-i sâni-i hazret-i şehriyârî atufetlû Ahmet İzzet beyefendi hazretlerinde alacağı olan ikibin altıyüz iki frank ve onbeş santimin henüz ahzına muvaffak olunâmamış idiği cihetle muşârunileyh hazretlerinin Mahkeme-i Ticâret Birinci Meclisine celbiyle meblağ-ı mezbûrun maa güzeşte ve masârif-i muhâkeme ve ücret-i vekâlet tahsîli husûsunun taht-ı hükme alınması taleb ve istid'â kılınmış olmağla ber müceb-i istid'â icrâ-yı îcâbı hususuna himmet buyrulması cânib-i sefâretten iltimâs ve takrîr olunur. 26 Şubat [1]312.

61) (413) (Müsveddesi hariçte tanzim olunmuştur). Pariste mukîm İtalya devleti tebe'âsından mösyö Le Cont George de Zukeb'in vekîli Galatada Mürettebatı sokağında bir numaralı hânede sâkin dava vekîli Jack Barucci'nin cânib-i konsolatoya takdîm eylediği arzuhalde müvekkilinin 31 Kanunievvel 1896 tarihinde müddeti munkazi olmuş 30 Teşrinisânî 1895 tarihli bir kıt'a bono mücebince Baltalimanı'nda Baltalimanı Sarayı'nda sâkin Şûrâ-yı Devlet a'zâ-yı kirâmından devletlû Prens Abbas Halim Paşa hazretleri zimmetlerinde sekizbin onsekiz adet lirâ-yı Osmânî ve iki kuruş matlubu olup ahzına muvaffak olunâmamış idiğünden bahsile Paşâ-yı muşârunileyh hazretlerinin Birinci Mahkeme-i Ticârete celbiyle muhâkemelerinin icrâsı ve meblağ-ı mezbûrun maa faiz ve masârif-i muhâkeme ve ücret-i vekâlet vesâiresiyle berâber tahsîli husûsunun taht-ı hükme alınması taleb ve istid'â kılınmış olmağla ber müceb-i istid'â icrâ-yı îcâbı hususuna himmet buyrulması cânib-i sefâretten iltimâs ve takrîr olunur. 27 Şubat [1]312.

(s.34) 62) (414) İtalya devleti tebe'âsından Eugenio Martini'nin cânib-i konsolatoya takdîm eylediği arzuhalde geçen Salı günü mukîm bulunduğu Beyoğlu'nda Küçükhendek mahallesinde 44 numaralı hâneye polis komiserlerinden Mustafa Efendi nâmında birisi gelerek zevcesini tahkîr ve bed muâmele eylediği sırada mezbûre dahi vak'ayı zevcine haber vermek üzere sokağa çıkmış ise de sokakta dahi mezbûrenin arkasını takîb ile nâmusunu muhil bazı tefevvuhâtta bulunmuş ve merkûm Eugenio dahi vak'adan haberdâr olarak hânesine gelerek içeri girmek istemiş ise de komiser-i mûmâileyh hâneye duhûlden men' ile kendisini de tahkîr eylemiş idiğünden ve işbu vak'ayı muşâhede eden zevâtın esâmisini esnâ-yı muhâkemedede takdîm edeceği varaka ile beyân edeceğinden bahsile mûmâileyh hakkında nizâmen lâzım gelen mucâzâtın icrâsı taleb ve istid'â kılınmış olmağla ber müceb-i istid'â icrâ-yı îcâbı hususuna himmet buyrulması cânib-i sefâretten iltimâs ve takrîr olunur. 1 Mart [1]313.

63) (415) Beyoğlu'nda Telgraf sokağında 4 numaralı apartmanda sâkin İtalya devleti tebe'âsından mösyö Andidor de Crico tarafından cânib-i konsolatoya takdîm olunan arzuhalde mezkûr sokakta kâin olup mukaddema taht-ı tasarrufunda olduğu halde bu kere ahara furûht eylemiş olduğu 4 numaralı apartmanın birinci katını akdemce Beyoğlu'nda Cadde-i Kebîrde 140 numaralı kumaş tâciri terzi mösyö Mayer'in mağazasında sermuhasip Peştemalcıyan Nişan Efendinin kefâletiyile dava vekîli Tıngır Simon Efendiye îcâr

eylemiş ise de 1 Mart 313 tarihine değin bedel-i îcârdan mütebâki lirâ-yı Osmânî yüz kuruş hesabıyla [] kuruş matlûbu kalmış olup ahzına muvaffak olamadığından bahsile merkûm Peştemalcıyan Efendinin celbiyle muhâkemelerinin icrâsı ve meblağ-ı mezbûrun maa güzeste ve masârif-i muhâkeme ve ücret-i vekâlet ve zarar ve ziyân tahsîli hususunun taht-ı hükme alınması talep ve istid'â kılınmış olmağla ber mûceb-i istid'â icrâ-yı îcâbı hususuna himmet buyrulması cânib-i sefâretten iltimâs ve takrîr olunur. 8 Mart [1]313.

(s.35) 64) (415) (Müsveddesi hariçte yazılmıştır). İtalya devleti tebe'âsından Çakmakçılar yokuşunda Valide hânında mukîm banker mösyö K. Iliasco'nun cânib-i konsolatoya takdîm eylediği istid'âsında tebe'â-i devlet-i aliyyeden Atina'da Vulgari sokağında mukîm madam Sofi Minati ve Galatada Havyar hanında dört numaralı odada mukîm dava vekîli mösyö Nikola N. Minati zimmetlerinde Dersâdet'te tanzîm ve i'tâ kılınan iki kıt'a emre muharrer senedât mûcebince kefalet-i müteselsile sûretiyle beşyüz yetmişbeş adet lirâ-yı Osmânî ve seksen kuruş matlûbu olup yirmisekiz şubat bin sekizyüz doksanyedi tarihine değin cereyan edip medyûnların taht-ı tasdik ve kabullerinde bulunan güzeste bi'z-zâm deyn-i mezkûr altıyüzbir lirâ ve ellidört kuruşa baliğ olmuş ve meblağ-ı matlûb-ı mezkûru kirâren talep eylediği halde i'tâdan imtinâ eylemekde olduklarından mûmâileyhâ madam Sofi Mînyati ile mösyö Nikola N. Mînyati'nin Mahkeme-i Ticâret Birinci Meclisine ale'l-usûl celbleriyle bi'l-muhâkeme meblağ-ı matlûb-ı mezkûrun cereyân etmiş ve edecek güzeste ve masârif-i muhâkeme ve ücret-i vekâletle kefalet-i müteselsile sûretiyle her ikisinin tahsîli husûsâtının taht-ı hükme ve i'lâma alınması dâyin-i mûmâileyh tarafından bâ-istid'â talep ve dava olunmağla ber mûceb-i müsted'â îcâbının icrâsı devlet-i muşârûnileyhâ sefâretinden iltimâs ve takrîr olunur. 10 Mart [1]313.

65) (416) İtalya devleti tebe'âsından Di E.S. De Toledo ve kumpanyası tarafından cânib-i konsolatoya takdîm olunan arzuhalde devlet-i aliyye-i Osmânîye tabaasından ve Reji İdâresi ketebesinden Moşon [...] Efendi zimmetinde kendi tarafından mumzâ birkaç kıt'a emre muharrer senedât mûcebince alacağı olan yüzaltmışbeş adet lirâ-yı Osmânînin ahzına muvaffak olamadığından bahsile mûmâileyhin Mahkeme-i Ticâret Birinci Meclisine celbiyle bi'l-muhâkeme meblağ-ı mezbûrun maa fâiz ve masârif-i muhâkeme ve ücret-i vekâlet tahsîli hususunun taht-ı hükme alınması talep ve istid'â kılınmış olmağla ber mûceb-i istid'â îcâb-ı hâlin icrâsı husûsuna himmet buyrulması cânib-i sefâretten iltimâs ve takrîr olunur. 13 Mart [1]313.

(s.36) 66) (417) İtalya devleti tebe'âsından Giovanni Rosso'nun cânib-i konsolatoya takdîm eylediği arzuhalde geçen pencşenbe günü saat dört raddelerinde Beyoğlu'nda Doğruyolda kain Pazar [...]nın önünden geçmekde iken yanına bir polis efendi gelerek gûya İtalyalının sânkı olduğundan bahsile Galatasarayına götürceğini ihtâr etmiş ve muâmele-i vâkıa dahi nâmusunu ihlal edeceği cihetle oraya gitmekden imtinâ eylemiş ise de o sırada diğer bir polis efendi daha gelip her ikisi merkûmu Galatasarayına götürmüşler ve orada dahi bir takım

bed muâmele ettikten sonra merkûmu darb edip ve hatta o esnâda üzerinde bulunan gümüş saat kösteğiyle parmağındaki yirmibeş frank kıymetinde bir adet altın yüzüğü zâyî olmuş idiğünden bahsile mûmâileyhimânın hakkında nizâmen lâzım gelen mucazâtın icrâsıyla mezkûr köstek ve yüzüğün kendilerine tazmîn ettirilmesi ve bu bâbda ticâretinden mahrûm olduğu beş günlük yevmiyenin tahsîli taleb ve istid'â kılınmış olmağla ber mûceb-i istid'â icrây-ı îcâbı cânib-i sefâretten iltimâs ve takrîr olunur. 13 Mart [1]313.

67) (418) (Müsveddesiyle beyazı hariçte yazılmıştır). İtalya devleti tebe'âsından Dersââdet'te Mahmûdiye hânında 15 numaralı odada mukîm komisyoncu Bonifico Vittorio'nun devlet-i muşârunileyhâ konsolatosuna takdîm etmiş olduğu istid'ânâmesinde Dersââdet'te Köprülü hânında 40 numaralı odada mukîm tüccârdan ve tebe'â-i devlet-i aliyyeden "G" "N" Malkasyan nâm kimesnenin Triyesteye gönderip orada komisyon tarîkiyle anın hesabına olarak furûht olunmak üzere beş adet balya koyun derisini teslim etmiş ve kendisi ol-vechile bin sekizyüz doksantüç Teşrinievvelinin nihayetinde mensur derileri Triyeste'ye göndermiş ve peşinen olarak beşyüz sekiz Florin³ ile kırkaltı santim Triyeste üzerine bit kıt'a kambiya i'tâ etmiş ve mezkûr derileri Triyeste'de furûht olunamadığı cihetle mûmâileyh Malkasyan Efendinin Londra'da kendi hesabına olarak furûht olunmak üzere oraya göndermesi için emir vermesi üzerine bin sekizyüz doksanalı dokuz mart tarihinde oraya gönderdiği ve orada dahi furûht olunamamış olması üzerine İstanbula avdet ettirmek için emretmiş ve ol-vechile bin sekizyüz doksanyedi senesinin Kanunisanisinin oniki tarihinde buraya getirtmiş ve gümrükten çıkartmış ise de mûmâileyh Malkasyan Efendi (s.37) derileri teslim etmekle peşinen olarak kendisine verilen binyüzsekiz Florin ve kırkaltı santim ile maa fâiz ve Triyeste'de Londra'da ve burada anın hesabı için vukûbulan masârif-i mütenevvia yani mecmûu olarak yetmiş adet lirâ-yı Osmânî ile seksenüç santimi te'diye etmekten imtinâ etmekde bulunduğundan lütfen mûmâileyh Malkasyan Efendiyi Dersââdet Birinci Meclis-i Ticarete celbiyle muhâkemelerini bi'l-icrâ İtalyalı-ı merkûma karşı yetmiş lirâ ile seksenüç santim deyni olan meblağın maa fâiz ve masârif-i muhâkemenin te'diyesine ve andan sonra kendi derilerini teslim etmesi luzûmuna hüküm buyrulmasını İtalyalı-ı merkûm istid'â etmiş olmağla ber mûceb-i istid'â icrâ-yı îcâbı iltimâs olunur. 13 Mart [1]313.

68) (419) Müsveddesi hariçte yazılmıştır. Galatada Gül Komando hanında mukîm İtalya devleti tebe'âsından banker mösyö Domenic J Corpi imzasıyla cânib-i konsolatoya takdîm kılınan arzuhalde İtalyalı-yı mûmâileyhin müteveffâ Kücezâde Agop Efendi aleyhine ikâme eylemiş olduğu davada mahkeme-i aliyyelerinden 22 Mayıs 307 tarihinde sâdır olup 30 Teşrinisânî 312 tarihinde mûmâileyh mösyö Dominik Corpi'ye i'tâ kılınan i'lâm aleyhine ber vech-i âtî îade-i muhâkeme istid'âsına mubâderet eyleyerek mahkeme-i aliyyelerinin i'lâm-ı mezkûr vasıtasıyla mûmâileyhin matlûbu olan ikibin yediyüz onbeş adet lirâ-yı Osmânî ve onaltı kuruş hakkındaki istid'âsını reddile deynini ibrâ etmek üzere i'lâm-ı mezkûrda münderic ve fakat mûmâileyhâca asla taleb edilmemiş bazı muâmelât

³ Metinde "fiyorin" şeklindedir.

ve teşebbüsâtı mevki-i icrâya vaz' etmesini medyûn-ı mûmâileyh Agop Efendi'ye emredererek istid'âdan fazla hüküm i'tâsına mubâşeret etmiş olduğuna ve 26 (8) Kanunievvel 1881 tarihli mukâvelenâmeye gelince tebrî-i zimmet ve sulh gibi bir gûna şekli mevcut bulunmadığı halde mahkeme-i aliyyeleri cânibinden o yolda bir şekil verilmiş olduğuna ve böylece Mecelle-i Celîlenin sulh ve havâle hakkındaki ahkâmına muhalif harekatta bulunmuş olmasına ve tarafeyn-i munakideyn indinde bir hükm-i kanûniyi hâiz bulunan mukâvelenâme-i mezkûreye adem-i riâyet etmiş olduğuna ve merbûtan takdîm kılınan lâyhada dahi izâh edilmiş olan esbâb-ı mezkûreye ve esnâ-yı muhâkemedede ilave olunacak esbâb-ı sâireye binâen ve usûl-ı muhâkeme-i ticaretin yüzüymüçüncü ve yüzüymidördüncü maddelerine velhâsıl Kücezâde Agop Efendinin vukû-ı vefâtına nazaran müteveffâ-yı (s.38) mûmâileyh veresesinin yani zevcesi Beyoğlu'nda Cadde-i Kebirde 191 numaralı hânede mukîme Eliza hanımın bi'l-asâle ve yine hâne-i mezkûrda mukîmân mahdûmları Andon ve Avram Efendilerin ve Beyoğlu'nda Misk sokağında onbeş numaralı hânede mukîme kerîmesi Gümüşgerdan Aşina hanım ve İtalyada Roma şehrinde sefâret-i seniyye konağında mukîme diğer kerîmesi Kuyumcuyan Bercuhi hanımın ve Beyoğlu'nda Cadde-i Kebirde hâne-i mezkûrda mukîme sağire kızı Nazlı Hanımın vasiyye ve vâlidesi Eliza Hanımın bi'l-vesaye mahkeme-i aliyyelerine celbleriyle i'lâm-ı mezkûrun feshiyle tarafeynin hal-i sabıkalarına ırcâını ve depozito edilmiş olan akçenin iâdesini ve masârif-i muhâkeme ve ücret-i vekâletin müdde-i mûmâileyhime tahmilini mûmâileyh mösyö Dominic Corpi talep eylemiş olmağla ber müceb-i talep icrâ-yı îcâbı hususuna himmet buyrulması cânib-i sefâretten iltimâs ve takrîr olunur. 17 Mart [1]313.

69) (420) İtalya devleti tebe'âsından Naim Benzonana tarafından konsolatoya takdîm olunan arzuhalde tebe'â-i devlet-i aliyyeden Mardohay Londo zimmetinde kendi tarafından mumzâ iki kıt'a emre muharrer senet mücebince alacağı olan doksan adet Osmânlı lirâsının ahzına muvaffak olamadığından bahsile medyûn-ı merkûmun Mahkeme-i Ticâret Birinci Meclisine celbiyle bi'l-muhâkeme meblağ-ı mezbûrun maa fâiz ve masârif-i muhâkeme ve ücret-i vekâlet tahsîli hususunun taht-ı hükme alınması talep ve istid'â kılınmış olmağla ber müceb-i istid'â icrâ-yı îcâbı hususuna himmet buyrulması cânib-i sefâretten iltimâs ve takrîr olunur. 24 Mart [1]313.

70) (421) İtalya devleti tebe'âsından Luigi Zacarilli tarafından konsolatoya takdîm olunan arzuhalde Beyoğlu'nda Yenişehirde İşkembeci yokuşunda Paminin kahvesinin ittisalinde kain tebe'â-i devlet-i aliyyeden Corci Kostidis zimmetinde beher gün yirmişer kuruşdan otuzdört yevmiye bedeli olarak altıyüzseksen kuruş alacağı olup ahzına muvaffak olamadığından bahsile medyûn-ı merkûmun Beyoğlu Bidâyet Mahkemesi Birinci Hukuk Dairesine celbiyle meblağ-ı mezbûrun maa masârif-i muhâkeme tahsîli husûsunun taht-ı hükme alınması talep ve istid'â kılınmış olmağla ber müceb-i istid'â icrâ-yı îcâbı hususuna himmet buyrulması cânib-i sefâretten iltimâs ve takrîr olunur. 26 Mart [1]313.

(s.39) 71) (422) İtalya devleti tebe'âsından Ari Vale tarafından konsolatoya takdîm olunan arzuhalde Beyoğlu'nda Mektep sokağında 28 numaralı hânede mukîme tebe'â-i devleti aliyyeden Josephine Vido kadının kefaletiyle mahdûmu Alfredo Vido zimmetinde 1 Teşrinisânî 1893 tarihli bir kıt'a emre muharrer bono mücebince alacağı olan altmış adet lirâ-yı Osmânînin ahzına muvaffak olamadığından bahsile kefil-i mûmâileyhânın Mahkeme-i Ticâret Birinci Meclisine celbiyle meblağ-ı mezbûrun maa faiz ve masârifi-i muhâkeme tahsîli hususunun taht-ı hükme alınması talep ve istid'â kılınmış olmağla ber müceb-i istid'â icrâ-yı îcâbı hususuna himmet buyrulması cânib-i sefâretten iltimâs ve takrîr olunur. 31 Mart [1]313.

72) (423) İtalya devleti tebe'âsından Ari Vale tarafından konsolatoya takdîm olunan arzuhalde tebe'â-i devlet-i aliyyeden Fenerler idaresinde müstahdem Yorgi Salci tarafından imzâ olunmuş 6 Mart 1895 tarihli bir kıt'a ve yine mûmâileyh Yorgi'nin kefil bi'l-mâl olup pederi A. Salci tarafından mumzâ 9 Mart 1895 tarihli bir kıt'a ki cem'ân iki kıt'a emre muharrer bono mücebince gayr-ı ez-teslîm alacağı olan yirmisekizbuçuk adet lirâ-yı Osmânînin ahzına muvaffak olamadığından bahsile medyûn-ı mûmâileyhimânın Mahkeme-i Ticâret Birinci Meclisine celbiyle meblağ-ı mezbûrun maa fâiz ve masârifi-i muhâkeme tahsîli husûsunun taht-ı hükme alınması talep ve istid'â kılınmış olmağla ber müceb-i istid'â icrâ-yı îcâbı husûsuna himmet buyrulması cânib-i sefâretten iltimâs ve takrîr olunur. 31 Mart [1]313.

73) (424) İtalya devleti tebe'âsından terzi Paolo Parma'nın kendi tarafından asaleten ve müteveffâ Domenico veledi Giovanni Lena'nın varisleri tarafından vekâleten konsolatoya takdîm eylediği arzuhalde Birinci Mahkeme-i Ticâretten sâdır olup 27 Mart 313 tarihinde muâmele-i tebliğiyesi icrâ kılınmış olan 12 Mart 313 tarihli ve ikiyüz altmışsekiz numaralı i'lâm-ı gıyabî mücebince Maliye Nezâret-i celîlesi muhâsebe kalemi memurlarından saadetlû Muhtar beyefendi hazretlerinde re'su'l-mal olarak alacakları olan yüz yetmişüç lirâ ve kırkaltı kuruşun maa faiz ve masârifi-i muhâkeme te'mîn-i istifâsı zımnında mûmâileyh Muhtar beyefendinin rub' maâşıyla mutasarrıf olduğu emvâl-i menkule ve gayr-ı menkulesinin taht-ı hacze alınması talep ve istid'â kılınmış olmağla ber müceb-i istid'â icrâ-yı îcâbı hususuna himmet buyrulması cânib-i sefâretten iltimâs ve takrîr olunur. 3 Nisan [1]313.

(s.40) 74) (425) (Müsveddesi hariçte yazılmıştır). Dersâadet'te mukîm İtalya devleti tebe'âsından Fisi de Avram Levi şirketi müdürü Mösyö Marko Levi tarafından cânib-i konsolatoya takdîm olunan arzuhalde Mısırdan şirket-i mezkûreye gönderilen Mahmudiye ve Hayriye altınları şeklinde üç topra zinet altınları polis memurları tarafından zabt ve keyfiyet adliye Nezâret-i celîlesine havâle edilmesi üzerine mûmâileyh Mösyö Levi aleyhine müddeiumûmilik cânibinden altın taklidi davası ikâme edilmiş ise de tetkikât-ı lâzime ba'de'l-icrâ men'-i muhâkemesine karar verilmiş olduğundan bahsile mezkûr üç topranın Zabtiye Nezâret-i aliyyesinden müddeiumûmilik nezdine celbiyle kendisine îadesi talep ve istid'â kılınmış olmağla ber müceb-i istid'â icrâ-yı îcâbı hususuna himmet buyrulması cânib-i sefâretten iltimâs ve takrîr olunur. 9 Nisan [1]313.

75) (426) İtalya devleti tebe'âsından Lorenzo veledi Philippo Giamarco geçen Martın birinci gecesi Galata'da Rıhtım civârında eski şarap iskelesinde yedi numaralı otel Transvalya'da harîk zuhûr etmiş ve işbu harîkte zevcesiyle bi'l-cümle eşyası muhterik olmuş ol-bâbda icrâ kılınan tahkîkat üzerine Georgio Misirio aleyhine Beyoğlu Bidâyet Mahkemesi müddeiumûmiliği cânibinden ikâme-i dava edilmiş ve bunun muhâkemesi derdest-i rû'yet bulunmuş olduğu cihetle gerek zevcesinin gerek seksen lirâ kıymetinde olan eşyâsının muhterik olmasından nâşî merkûm Georgio aleyhine ikâme-i dava etmiş ve ba'demâ dahi bu bâbda zuhûr edecek mütecâsirin hakkında dahi ikâme-i dava etmiş olduğundan ve iddiasını dahi Klistinio Lomo ve zevcesi ile Antonio Lala ve sâir zevât ile ispat edeceğinden bahsile îcâb edeb muâmele-i kanuniyenin îfâsıyla hukûk-ı şahsiyesinin tahsîlini İtalyalı-yı mûmâileyh konsolatoya takdîm eylediği arzuhalde talep ve istid'â eylemiş olmağla ber mûceb-i istid'â icrâ-yı îcâbı hususuna himmet buyrulması cânib-i sefâretten iltimâs ve takrîr olunur. 21 Nisan [1]313.

(s.41) 76) (427) Beyoğlu'nda Çukurcuma mahallesinde mukîm İtalya devleti tebe'âsından Armandi Reforso'nun konsolatoya takdîm eylediği arzuhalde şehir-i Mayısın birinci günü akşamısı Yeniçarşıda bir bakkal tarafından kendisine bed muâmele olunmakta iken elbisesinde 10 ve 20 numarası olan bir polis efendi gelerek o da İtalyalı-yı mûmâileyhe nâmusu muhil bed muâmelede bulunmuş ve bunu Çukurbostanda 5 numarada mukîm devlet-i muşârunileyhâ tebe'âsından Vincenzo Papalya ile 246 numarada sâkin Edvardo Kasencita muşâhade etmiş olduğundan bahsile mûmâileyh polis efendinin celbiyle hakkında nizâmen lâzım gelen muâmelenin îfâsı talep ve istid'â kılınmış olmağla ber mûceb-i istid'â icrâ-yı îcâbı hususuna himmet buyrulması cânib-i sefâretten iltimâs ve takrîr olunur. 8 Mayıs [1]313.

77) (428) Tophânede Rıhtım caddesinde 1 numaralı mağazada mukîm İtalya devleti tebe'âsından V. C. Gallerini tarafından cânib-i konsolatoya takdîm kılınan arzuhalde Beyoğlu'nda Kamer Hatun mahallesinde Hacı Kadın çıkmazında 3 numaralı hânede mukîme devlet-i aliyye-i Osmânî tebe'âsından Pemoniye binti Takovor nâm kadın zimmetinde mezkûr hâneyi müceddeden inşâ etmiş olmasından dolayı gayr-ı ez teslim mütebaki alacağı olan yüzyetmişiki aded lirâ-yı Osmânînin ahzına muvaffak olamadığından bahsile mezbûrenin Mahkeme-i Ticâret Birinci Meclisine celbiyle muhâkemelerinin bi'l-icrâ meblağ-ı mezbûrun [maa] fâiz ve masârif-i muhâkeme ve ücret-i vekâlet ve zarar ve ziyân vesâire ile berâber tahsîli hususunu icrâ-yı muvakkatla taht-ı hükme alınması talep ve istid'â edilmiş olmağla ber mûceb-i istid'â icrâ-yı îcâbı husûsuna himmet buyrulması cânib-i sefâretten iltimâs ve takrîr olunur. 21 Mayıs [1]313.

(s.42) 78) (429) İtalya devleti tebe'âsından terzi Paolo Parma'nın kendi tarafından asaleten ve müteveffâ Domenico veledi Giovanni Lena varisleri tarafından vekâleten konsolatoya takdîm eylediği arzuhalde Ortaköy'de mukîm Bahriye Nezâret-i celîlesi mektupçusu atufetlû Halis beyefendi hazretlerinde elbise bedelinden dolayı alacakları olan kırkûç adet lirâ-yı

Osmânî ve seksenüç kuruşun ahzına muvaffak olamadığından bahsile müşârunileyh hazretlerinin Mahkeme-i Ticâret Birinci Meclisine celbiyle meblağ-ı mezbûrun maa güzeste ve masârif-i muhâkeme ve ücret-i vekâlet tahsîli husûsunun taht-ı hükme alınmasını talep ve istid'â eylemiş olmağla ber müceb-i istid'â icrâ-yı îcâbı hususuna himmet buyrulması cânib-i sefâretten iltimâs ve takrîr olunur. 7 Haziran [1]313.

79) (430) İtalya devleti tebe'âsından terzi Paolo Parmanın kendi tarafından asaleten ve müteveffâ Domenico veledi Giovanni Lena varisleri tarafından vekâleten konsolatoya takdîm eylediği arzuhalde Dersaadet'te mukîm Tekfurdağı muhâsebecisi saadetlû Hayri beyefendi zimmetinde alacakları olan kırkbeş adet lirâ-yı Osmânî ve kırkdokuz kuruşun ahzına muvaffak olamadığından bahsile mûmâileyhin Mahkeme-i Ticâret Birinci Meclisine celbiyle meblağ-ı mezbûrun maa güzeste ve masârif-i muhâkeme ve ücret-i vekâlet tahsîli hususunun taht-ı hükme alınmasını talep ve istid'â eylemiş olmağla ber müceb-i istid'â icrâ-yı îcâbı hususuna himmet buyrulması cânib-i sefâretten iltimâs ve takrîr olunur. 7 Haziran [1]313.

80) (431) İtalya devleti tebe'âsından terzi Paolo Parmanın kendi tarafından asaleten ve müteveffâ Domenico veledi Giovanni Lena varisleri tarafından vekâleten konsolatoya takdîm eylediği arzuhalde Arnabut karyesinde Dolapçıkası sokağında mukîm ve Reji İdaresinde mustahdem izzetlû Kemal beyefendi zimmetinde 4/16 Eylül 1886 tarihli bir kıt'a bono mücebince yüzelliyedi lirâ seksenaltı kuruş ve 3/15 Mayıs 1895 tarihli diğer bir kıt'a kambyal mücebince gayr-ı ez istîfâ iki adet lirâ-yı Osmânî ve kırkiki buçuk kuruş ki cem'ân yüzaltmış lirâ-yı Osmânî ve yirmi kuruş otuz paranın ahzına muvaffak olamadığından bahsile medyûn-ı mûmâileyhin Mahkeme-i Ticâret Birinci Meclisine celbiyle meblağ-ı mezbûrun maa güzeste ve masârif-i muhâkeme ve ücret-i vekâlet tahsîli hususunun taht-ı hükme alınmasını talep ve istid'â eylemiş olmağla ber müceb-i istid'â icrâ-yı îcâbı hususuna himmet buyrulması cânib-i sefâretten iltimâs ve takrîr olunur. 7 Haziran [1]313.

(s.43) 81) (432) Galatada Tünel hanında ikâmetgahı olan ve İtalya devleti tebe'âsından bulunan Bank ve Ticaret Talaso Bozdari'nin konsolatoya takdîm eylediği arzuhalde İstanbul'da Fındıklıyân hânında mukîm tebe'â-i devlet-i aliyyeden Aradyan Prafes nâm ticaret kumpanyası zimmetinde iki kıt'a kambyal mücebince kırkiki adet lirâ-yı Osmânî altmışbir kuruş alacağı olup ahzına muvaffak olamadığından bahsile meblağ-ı mezbûrun yüzde dokuz fâiziyle berâber tahsîli zimnında mûmâileyh Aradyan Prafes'in Mahkeme-i Ticâret Birinci Meclisine celbiyle bi'l-muhâkeme masârif-i muhâkeme ve ücret-i vekâletin dahi tahsîli husûsunun taht-ı hükme alınması talep ve istid'â kılınmış olmağla ber müceb-i istid'â icrâ-yı îcâbı hususuna himmet buyrulması cânib-i sefâretten iltimâs ve takrîr olunur. 7 Haziran [1]313.

82) (433) Beyoğlu'nda Timoni sokağında mukîme İtalya devleti tebe'âsından Horone'nin konsolatoya takdîm eylediği arzuhalde mahall-i mezkûrda Asmalı Mescit mahallesinde mukîm devlet-i aliyye-i Osmâniye tebe'âsından Alfonso Maldbut zimmetinde alacağı

olan kırksekiz adet lirâ-yı Osmânînin ahzına muvaffak olamadığından bahsile medyûn-ı mûmâileyhin Mahkeme-i Ticâret Birinci Meclisine celbiyle meblağ-ı mezbûrun maa güzeste ve masârif-i muhâkeme ve ücret-i vekâlet tahsîli husûsunun taht-ı hükme alınması taleb ve istid'â kılınmış olmağla ber müceb-i istid'â icrâ-yı îcâbı hususuna himmet buyrulması cânib-i sefâretten iltimâs ve takrîr olunur. 4 Haziran [1]313.

(s.44) 83) (434) (Müsveddesiyle beyâzı hariçte yazılmıştır). İtalya devleti tebe'âsından Armando Reforgio'nun cânib-i konsolatoya takdîm eylediği arzuhalde Rum Milleti hastahânesi akârından Beyoğlu'nda Taksimde vaki Epnalogos nâm gazionun İcâr-ı Akar Nizâmnamesinin madde-i mahsûsasına tevfikân tahliyesi karargâr olduğundan bi'l-bahs emr-i tahliyesinde hazır bulunmak üzere cânib-i konsolatodan bir memur i'zâmı Beyoğlu İcrâ Dâiresinden isrâ kılınan tezkerede beyân buyrulmuş ise de mezkûr tezkerenin cümle-i münderecâtından dahi müstebân olduğu üzere mezbûr gazino çend mâhdan beri ba-kontrat taht-ı isticâr ve zabtında olduğuna ve bu babda müddet-i îcârın inkizâsından evvel kontratın nâmına devredilmesi hakkında müste'cir-i evvel ile berâber mezkûr hastahâne müdürüyetine bi'l-muracaâ inzimâm-ı muvafakatla berâber ba'de'l-inkizâ-yı müddet bir sene daha için îcâr olunduğu tasdîk ve tefhîm olunmasına nazaran hakk-ı isticâr ve ikâmeti muvafık-ı maslahat idiğüne ve müdürüyet-i mezkûre arzu eder ise ucûrâtın muntazaman îfâ olunacağına dâir te'minât-ı kaviye-i lâzimeyi i'tâya muheyâ ve emr-i tahliye gelince hukuk-ı akd âkideyne râcî' olacağına ve karar-ı mebhûsun anıh ise bilâ muvâcehe ve müdafaa i'tâ edilmesine nazaran olsa olsa müste'cir-i evvelin şahsına taalluku olabilip yoksa masârifât-ı kesireye duçar olan şahs-ı sâlise ve iş'âr etmekte olduğu memura hüküm ve tesiri olamayacağı müstağni-i beyân olduğuna ve şu halde bir mahkemeden usûl ve kanuna tevfikân hüküm sudûr etmez ise bendlerinin ihrâcı ve memurun tahliyesi kat'an câiz olamayacağına binâen icrâ-yı îcâbı cânib-i sefâretten iltimâs ve takrîr olunur. 7 Haziran [1]313.

84) (435) İtalya devleti tebe'âsından terzi Paolo Parmanın kendi tarafından asaleten ve müteveffâ Domenico veledi Giovanni Lena varisleri tarafından vekâleten konsolatoya takdîm eylediği arzuhalde Beyoğlu'nda Telgraf sokağında beş numarada mukîm Dersâdet İstinâf Mahkemesi müddeiumûmî muavini saadetlû Cemal beyefendi hakkında Mahkeme-i Ticâret Birinci Meclisinden istihsâl eyleyip 26 Mayıs 313 tarihinde muâmele-i teblîğiyesi icrâ kılınmış olan 22 Mayıs 313 tarihli ve üçyüzyirmi numaralı i'lâm-ı gıyabî mücebince alacağı olan yirmibeş adet lirâ-yı Osmânî (s.45) ve kırkûç kuruşun maa fâiz ve masârif-i muhâkeme ve ücret-i vekâlet tahsîli zımnında mûmâileyh Cemal Beyefendinin mutasarrıf oldukları emlâkiyle hânesinde mevcut mefruşâtının ve rub' maâşının taht-ı hacze alınması taleb ve istid'â kılınmış olmağla ber müceb-i istid'â icrâ-yı îcâbı hususuna himmet buyrulması cânib-i sefâretten iltimâs ve takrîr olunur. 12 Mayıs [1]313.

85) (436) İtalya devleti tebe'âsından müteveffâ Albercon veresesinin vekîli olup Galata'da Kürkçüler sokağında 10 numaradaki yazıhânesini ikâmetgah tayin eden avukat August

Pars'ın konsolatoya takdîm eylediği arzuhalde Dersââdet Rusûmât Meclisi azâsından atufetlû Ahmed Ziya Beyefendi hazretlerinde mal bedelinden dolayı alacağı olan binaltı-yüz kırkyedi frankın ahzına muvaffak olamadığından bahsile muşârunileyh hazretlerinin Mahkeme-i Ticâret Birinci Meclisine celbiyle meblağ-ı mezbûrun maa fâiz ve masârif-i muhâkeme ve ücret-i vekâlet tahsîli husûsunun taht-ı hükme alınmasını talep eylemiş olmağla ber müceb-i istid'â icrâ-yı îcâbı hususuna himmet buyrulması cânib-i sefâretten iltimâs ve takrîr olunur. 17 Haziran [1]313.

86) (437) (İzzetlû Ali Beyefendi tarafından tesvîd ve tebyîz edilmiştir). Galatada Tünel hânında yazihânesi olan dava vekîli mösyö Emil de Gan tarafından bu kere İtalya devletinin Dersââdet ceneral konsolatosuna takdîm kılınan arzuhalde Rum milleti hastahânesi akârâtından olup Taksimde vaki Eftalikos gazinosu demekle maruf olan gazino onyedi seneden beri tebe'â-i devlet-i aliyyeden Antonio Gozelli nâm zâtın taht-ı istîcârında iken geçen 1 Mayıs 1897 tarihinde hastahâne memurlarının ruhsat ve musaadesiyle ve şuhût muvâcehesiyle mezkûr gazino müste'cir-i merkûm Antonio Gozelli tarafından İtalya devleti tebe'âsından müvekkili olan Armando de Corsio'ya devren îcâr edilmiş ve İtalyalı-yı merkûm ile ahîren İran devleti tebe'âsından Dimitri Sevandi Fransa devleti mahmillerinden İlya Vakali miyânesinde teşekkül eden bir şirket mücebince üçyüzelliyedi lirâ sermaye vaz' edilmiş ve mezkûr gazinonun bâ-defter mefrûşât ve müsîrât ve sâire bedeli olan otuzsekizbin altıyüzyirmi kuruşa (s.46) mahsuben kırk lirâ dahi müste'cir-i evvel Antonio Gozelli'ye teslim ve i'tâ edilmiş iken bu kere Rum Hastahâne heyeti ruhsat ve musâade-i vâkıasından nukûl ve akd-i vâkı inkâr ile doğrudan doğruya İtalyalı-yı merkûmun mezkûr gazinoyu tahliye etmesini talep ve iddia etmiş olduğundan mezkûr idâre heyetiyle merkûm Antonio Gozelli'nin celbiyle muhâkemenin rü'yet edilerek konturato ahkâmının teyid ve tasdîk edilmesi ve vukûbulacak zarar ve ziyân ve masârif-i muhâkeme ve güzeşte ve ücret-i vekâletin kendilerine tahmîl ettirilmesi istid'â kılınmış olmağla ber müceb-i istid'â îcâb-ı hâlin icrâ buyrulması cânib-i sefâretten iltimâs ve takrîr olunur. 23 Haziran [1]313.

87) (438) İtalya devleti tebe'âsından Dersââdet'te Galata Cadde-i Kebîrinde 175 numarada mukîm lokantacı esnafından Pascovali Colona'nın cânib-i konsoloshâneye i'tâ eylediği istid'âda 1 Mayıs 97 tarihinde Galata'da Ayineci sokakta 24 numarada kain ve Boğaziçinde Sarıyerde mukîm Şûrâ-yı Devlet azasından saadetlû Hüseyin Nazım Beyefendi hazretlerinin mutasarrıf oldukları kahve ve lokantahâne derûnunda mevcut [] mukîm sarrâf Osmân Efendi'ye ait olan eşyâyı Galata'da Sarnıçlı hânda mukîm simsar İlyas Efendi marifetiyle ve elli lirâ bedel-i medfû' mukabilinde iştirâ etmiş ve esâsen mezkûr mağazayı 312 senesi Kanunievvelî ibtidâsından itibaren bir sene müddetle ve mahiye on lirâ ücretle Hüseyin Nazım Beyefendiden istîcâr etmiş olan Philip nâm şahıstan teferruğen müste'cir bulunana mârru'z-zikr simsar İlyas Efendiden 12 Nisan 313 tarihinde hitâm-ı müddete değin muteber olmak üzere teferruğ etmiş ve işbu ferâğ-ı icâreyi mutasarrıf-ı mûmâileyh Hüseyin Nazım Bey ile vekîli Dersââdet'te Balıkpazarında Peynirci Hanında 9 numarada mukîm Andrea

Zaharya dahi kabul eylemiş idi muahharan 21 Mayıs 97 tarihine musâdif bir Cumaertesı günü Galata'da Büyük Caddede 81 numaralı berber Mavro Lanfranco'nun dükkânında mutasarrıf-ı mûmâileyh ve vekîli bendeleriyle görüşerek ve bendenize möbleyi satmış olan Osmân ve İlyas Efendiler aleyhine ikâme-i dava edip her ne ki kazanılırsa kendisine vermekliğı teklif etmiş ve bendeleri bu teklife muhâlefet eylediğimden hiddet ederek çıkıp gitmiş ve ertesi Pazar günü mezkûr lokanta ve kahvehânede ailesiyle yemek yemek üzere iken tanımadığım oniki adam bendeleriyle lokantanın garsonu Yani üzerine hucûm ederek her ikisini dahi sokağa attılar ve mağazada familyam ve çocuklarım kalarak mağazayı sedd u bend ettiler derhal konsoloshâneye muracaat ederek yanıma refik edilen kavas Mehmet ağa ile berâber voyvoda merkezine inip muracaat eylediğimiz merkez polis komiseri biz karışmayız deyu cevap-ı red verdiğinden kavas Mehmet ağa ile berâber Galatasarayına müracaat eylediğimizde oradan verilen bir polis ile tekrar Voyvoda merkezine inip polislerin tavassutu üzerine mağaza derûnunda bulunan oniki kişi mağazayı yani kahvehâneyi açıp alafranga saat üçbuçukta çıkmağa muvafakat eylediler işbu tehdid-i vâkı üzerine lokantayı terk ederek ve ailem ve garson Yaniyi alarak hotellerde vakit geçirmeye ailem efradını etibbâya tedâviye ve işimi gücümü kaybederek mutazarrır olmağa mecbur oldum emr-i vâkı kanunen memnû ef'âlden olmağla mütecâsiri bulunan oniki nefer ile şerik-i cürm olan mutasarrıf Hüseyin Nazım bey ve vekîli aleyhinde hukuk-ı umumiye davası ikâme olunarak hukuk-ı şahsiyemin dahi tazmîn edilmesini talep ve dava eylerim deyu muharrer olmağla icrâ-yı îcâbı Beyoğlu müddeiumûmilîğinden talep ve iltimâs olunur. 28 Haziran [1]313.

(s.47) 88) Tekfurdağı limanında bulunan dört tonluk bir ufak sefinenin mutasarrıfı olan tebe'â-i Yunaniyeden biri tarafından İtalya devleti tebe'âsından Domenico Franco'ya furûht edilerek usûlen ve nizâmen muâmele-i ferâğiyesi Dersââdet İtalya konsoloshânesinde icrâ olunmuş olduğu halde mezkûr sefinenin İtalya bandırası keşide etmesine Tekfurdağı liman riyaseti cânibinden mumanaatla limanda alıkonulmuş idiğünden sâlifü'z-zikr sefinenin tevkîf edilmeyerek mezkûr bandırayı keşidesine musâade olunması zımnında mezkûr liman riyasetine evâmîr-i lâzime i'tâ buyrulması cânib-i sefâretten temennî ve iltimâs olunur. 26 Haziran [1]313.

89) (439) (Hariçte yazılmıştır). İtalya devleti tebe'âsından Beyoğlu'nda Konkordiya birahânesinin sahibi mösyö Loranzo Bartoli tarafından konsoloshâneye takdîm olunan istid'âda tebe'â-i devlet-i aliyyeden ve Ermeni milletinden Anton Nahenkyan nâm şahıs hâmil bulunduğu ve kendisine Beyoğlu'nda mukîm elektrik lambası tüccârı Leon nâm şahıs tarafından havâle eylediği üç kıt'a emre muharrer sened mücebince Dersââdet Birinci Ticaret mahkemesinde mûmâileyh mösyö Bartoli aleyhinde dava ikâme eylemiş ise de mahkeme-i muşârunileyhâya ibrâz edilen mezkûr senetler sahte olduklarından ve işbu sahteliğın fâilleri dahi merkûm Leon ile Anton Nahenkyan bulunduklarından merkûmların Beyoğlu Ceza Mahkemesi huzûruna celbiyle işbu fiil ve hareketlerinden terettüb eden mucazât-ı kanuniyenin tayin ve icrâsıyla bu yüzden dolayı olan kâffe-i zarar ve ziyânının kendilerine tazmînini talep etmiş olmağla icrâ-yı îcâbı iltimâs olunur. 9 Temmuz [1]313.

90) (Ali Beyefendi yazmıştır. Moiz ve Eskenazi tarafından verilen istid'â üzerine işbu takrîr yazılmıştır). Dersaâdet Bidâyet Mahkemesi Birinci Cezâ Dâiresinden 23 Haziran 313 tarihli ve 1428 numarasıyla sâdır olan i'lâm-ı gıyâbî hakkında cânib-i kañçılaryaya takdîm kılınan arzuhalde i'tirâz ettiği ve esbâb-ı mucibesıyla iddia-yı vâkıını huzur-ı mahkemede ityân ve isbat edeceğinden muhâkemenin i'tirâzen rü'yetini istid'â etmiş olmağla ber müceb-i istid'â îcâb eden muâmelenin îfâsıyla muhâkemenin icrâsı devlet-i muşârunileyhâ sefâretinden iltimâs ve takrîr olunur. 8 Temmuz [1]313.

(s.48) 91) (441) (Hârîçte tanzîm olunmuştur). İtalya devleti tebe'âsından İstanbul'da Maksûdiye hânında mukîm banker Fis dö Avram Levi şirketi tarafından konsolatoya takdîm olunan arzuhalde tebe'â-i devlet-i aliyyeden Beyoğlu'nda Tepebaşında 41 numaralı hânedede mukîm tüccârdan Joseph Naron Efendinin zimmetinde bir kıt'a senet mücebince alacağı olan binbeşyüz frankın tahsiline muvaffak olamadığından medyûn-ı mûmâileyhin Mahkeme-i Ticâret Birinci Meclisine celbiyle bi'l-muhâkeme meblağ-ı mezbûrun maa faiz ve masârif-i muhâkeme mûmâileyhden tahsili hususunun taht-ı hükme alınması taleb ve istid'â kılınmış olmağla ber müceb-i istid'â icrâ-yı îcâbı hususuna himmet buyrulması cânib-i sefâretten iltimâs ve takrîr olunur. 12 Temmuz [1]313.

92) (440) (Bidâyet Mahkemesine yazılan takrîrin numarası: 445). Galatada Sarnıçlı hânında 10 ve 12 numarada mukîm İtalya devleti tebe'âsından Adolpho Efter konsolatoya takdîm eylediği arzuhalde devlet-i aliyye-i Osmâniye tebe'âsından ve kereste tüccârından Arslan Arslanyan zimmetinde 9/21 Eylül 1896 tarihli bono mücebince alacağı olan yirmibeş lirânın te'mîn-i istîfâsı zımında medyûn-ı merkûmun İstanbul'da Ayazma kapısında deniz kenarında mutasarrıf olduğu 496 numaralı arsanın (14:Dersaâdet Bidâyet Mahkemesi Birinci Hukuk Dâiresi cânibinden taht-ı hacze alınmasını taleb ve istid'â eylemiş olmağla ber müceb-i istid'â îcâb eden muâmele-i kanuniyenin icrâsı husûsuna himmet buyrulması taraf-ı sefâretten iltimâs ve takrîr olunur. 19 Temmuz 313) taht-ı hacze alınması için muâmele-i lâzîmenin ba'de'l-icrâ merkûm Arslanyanın Mahkeme-i Ticâret Birinci Meclisine celbiyle meblağ-ı mezbûrun maa güzeşte ve masârif-i muhâkeme ve ücret-i vekâlet tahsili husûsunun taht-ı hükme alınmasını taleb ve istid'â eylemiş olmağla ber müceb-i istid'â icrâ-yı îcâbı hususuna himmet buyrulması cânib-i sefâretten iltimâs ve takrîr olunur. 12 Temmuz [1]313.

93) Dersaâdet İtalya Sefâreti maiyetinde bulunan Galileo nâm beylik vapurun geçen çehar-şenbe günü Tarabya limanından çıkmakta iken demiri ile zinciri diğer vapurun zinciriyle dolaşarak şikest olup ka'r deryaya gitmiş olduğundan mezkûr demir ve zincirin dolap vasıtasıyla denizden ihrâcıyla sefârete teslim olunması husûsuna himmet buyrulması sefâret-i muşârunileyhâ cânibinden temennî ve iltimâs olunur. 12 Temmuz [1]313.

⁴ Bu kısım metinde 1 numara ile eklenmiş bir not şeklinde takririn üzerinde yer almaktadır.

(s.49) 94) (442) İtalya devleti tebe'âsından Antonio Lonco'nun konsolatoya takdîm eylediği arzuhalde tebe'â-i devlet-i aliyyeden Kartal'da Balatano nâm mahalde Rum kilisesi ittisâlinde mukîm Aleko Petro ve Yani Petro zimmetlerinde bir kıt'a senet mücebince gayr-ı ez teslim alacağı olan 519 kuruşun ahzına muvaffak olamadığından bahsile işbu akçenin edâsına kefil olan mahall-i mezkûrda mukîm Anastas Efendiyle medyûn-ı merkûmların Mahkeme-i Ticâret Birinci Meclisine celbiyle meblağ-ı mezbûrun maa güzeste ve masârif-i muhâkeme ve ücret-i vekâlet tahsîli husûsunun taht-ı hükme alınmasını talep ve istid'â eylemiş olmağla ber müceb-i istid'â icrâ-yı îcâbı hususuna himmet buyrulması cânib-i sefâretten iltimâs ve takrîr olunur. 14 Temmuz [1]313.

95) (443) (Hâriçte tanzîm olunmuştur). İtalya devleti tebe'âsından ve tüccârdan Galata'da Sahrınçlı hânında mukîm mösyö Adolph Hefter devlet-i muşârunileyhâ konsolatosuna takdîm etmiş olduğu istid'ânâmede Dersaâdet'te Limon iskelesinde mukîm tebe'â-i devlet-i aliyyeden limoncu Mihail veledi Sava'nın Limon iskelesinde Ahi Çelebi mahallesinin Limoncular sokağında yirmialtı numaralı gedik dükkânında yüziyirmi sehîm itibariyle mutasarrıf olduğu on sehîm bey'ul-vefâ tarihiyle te'minât göstererek 27 Haziran 311 tarihli sened-i resmi mücebince istikrâz etmiş olduğu seksen adet Osmânîlî lîrâsını tarih-i seneden itibaren iki sene hitâmında bi't-tamam te'diye ve îfâ etmesi lâzım gelirken vâde-i mezkûre hayli müddet[ten]beri murûr etmiş olduğu halde deyn-i mezkûr henüz te'diye olunmamış olduğundan lütfen medyûn-ı merkûm Mihail veledi Sava'nın Dersaâdet Birinci Meclis-i Ticârete celbiyle muhâkemesinin icrâsı ve meblağ-ı mezkûra mukabil vefâen mefrûğ bulunan gedik hissesi hakkında icrâ dairesince îcâbına bakılmak üzere evvel be evvel mezkûr seksen adet lîrâ-yı Osmânînin maa fâiz ve masârif-i muhâkeme ve ücret-i vekâlet vesâire ile berâber tahsîli hususunun taht-ı hükme alınmasını ve deyn-i mezkûr sened-i resmiye müstenid olduğu cihetle ol-babda verilecek hükmün muvakkaten icrâsını istirhâm etmiş olmağla ber müceb-i istid'â icrâ-yı îcâbı iltimâs olunur. 15 Temmuz [1]313.

(s.50) 96) (444) Tebe'â-i devlet-i aliyyeden Kal'a-i Sultaniyede mukîm Tatyos Ağa Bedrosyan'ın mahall-i mezkûrda mukîm İtalya devleti tebe'âsından Sabatay Varo'nun dul zevcesi Sima nâm kadın ile mahdûmları aleyhine olarak mahall-i Ticaret Mahkemesinden istihsâl eylediği 24 Haziran 313 tarihli ve 22 numaralı i'lâm-ı vicâhiye merkûme adem-i kanaatle istînâf-ı dava etmiştir şöyleki i'lâm-ı mezkûrun hâvi olduğu akçenin te'mîn-i istîfâsı zımnında taht-ı hacze alınmış olan eşyâ ve emvâl-i menkule mahdûmlarının olmayıp bir kıt'a mukâvelenâme-i resmi mücebince kendi malı olduğu cihetle mahdûmlarından tahsîli lâzım gelen mebâliğin kendisinden istîfâsı kanunen gayrı câiz olduğundan ve esnâ-yı muhâkemede beyân edeceği esbâb-ı sâireye istinâden sâlifü'z-zikr i'lâmın feshiyle husus-ı mezkûrun istînâfen rû'yet edilerek mûmâileyhin eşyâ ve emvâl-i mahcûze-i mezkûreden men'-i müdahalesiyle berâber bi'l-cümle zarar ve ziyân ve masârif-i muhâkeme ve protesto masrafı ücret-i vekâlet dâyin-i mûmâileyhden tahsîli husûsunun taht-ı hükme alınmasını merkûme bâ-istid'â talep eylemiş olmağla ber müceb-i istid'â icrâ-yı îcâbı hususuna himmet buyrulması cânib-i sefâretten iltimâs ve takrîr olunur. 16 Temmuz [1]313.

97) (446) İtalya devleti tebe'âsından terzi Paolo Parma'nın kendisi için asaleten ve müteveffâ Domenico veledi Giovanni Lena vereseşi tarafından vekâleten konsolatoya takdîm eylediği arzuhalde Arnabut karyesinde Dolapçıkabısı sokağında mukîm Reji İdaresinde mustahdem saadetlû İsmail Kemal Beyefendi zimmetlerinde Mahkeme-i Ticâret Birinci Meclisinden istihsâl eyleyip 13 Temmuz 313 tarihinde muâmele-i teblîğiyesi icrâ kılınmış olan 9 Temmuz 313 tarihli ve kırk numaralı i'lâm-ı gıyâbî mücebince alacağı olan yüzaltmış adet Osmânî lirâsıyla yirmi kuruş otuz paranın maa güzeste ve masârif-i muhâkeme ve ücret-i vekâlet tahsîli zımnında medyûn-ı mûmâileyhin maâşî rub'uyla mezkûr sokakta ikâmet etmekte oldukları hânede mevcut mefrûşâtının ve mutasarrıf oldukları emlâkin taht-ı hacze alınarak i'lâm-ı mezkûr hükmünün icrâsını taleb ve istid'â eylemiş olmağla ber müceb-i istid'â icrâ-yı icâbî husûsuna himmet buyrulması cânib-i sefâretten iltimâs ve takrîr olunur. 28 Temmuz [1]313.

(s.51) 98) (447) İtalya devleti tebe'âsından terzi Paolo Parma'nın kendi tarafından şahsen ve müteveffâ Domenico veledi Giovanni Lena vereseşi cânibinden vekâleten konsolatoya takdîm eylediği arzuhalde Mahkeme-i Ticâret Birinci Meclisinden istihsâl edip 13 Temmuz 313 tarihinde muâmele-i teblîğiyesi icrâ kılınan 28 Nisan 313 tarihli ve üçyüzsekiz numaralı i'lâm-ı gıyâbî mücebince Selânik vâli-i âlisi devletlû Hüseyin Rıza Paşa Hazretlerinde alacağı olan yüzseksen yedi adet Osmânî lirâsı ve kırkdokuzbuçuk kuruşun maa güzeste ve masârif-i muhâkeme ve ücret-i vekâlet te'mîn-i istîfâsı zımnında muşârunileyh hazretlerinin rub' maâşıyla konaklarında mevcut fazla mefrûşâtının ve mutasarrıf oldukları emlâkin taht-ı hacze alınarak mezkûr i'lâm hükmünün icrâsını taleb ve istid'â eylemiş olmağla ber müceb-i istid'â icrâ-yı icâbî husûsuna himmet buyrulması cânib-i sefâretten iltimâs ve takrîr olunur. 5 Ağustos [1]313.

99) (445) Galatada Sahrınçlı hânında 10 ve 12 numarada mukîm İtalya devleti tebe'âsından Adolpho Efter konsolatoya takdîm eylediği arzuhalde devlet-i aliyye-i Osmâniye tebe'âsından ve kereste tüccârından Arslan Arslanyan zimmetinde 9/21 Eylül 1896 tarihli bono mücebince alacağı olan yirmibeş adet Osmânî lirâsının te'mîn-i istîfâsı zımnında medyûn-ı mûmâileyhin İstanbul'da Ayazma kapısında deniz kenarında mutasarrıf olduğu 496 numaralı arsanın Dersâdet Bidâyet Mahkemesi Birinci Hukuk Dairesi cânibinden taht-ı hacze alınmasını taleb ve istid'â eylemiş olmağla ber müceb-i istid'â icâb eden muâmele-i kanuniyenin icrâsı husûsuna himmet buyrulması taraf-ı sefâretten iltimâs ve takrîr olunur. 19 Temmuz [1]313.

(s.52) 100) (448) Dersâdet İtalyan ceneral konsolosu mösyö Kavalir Baroni için sayd ü şikâra mahsûs olarak iki kıyye barutun i'tâsı husûsuna musâade-i aliyye-i âsafâneleri şâyân buyrulması cânib-i sefâretten temennî ve iltimâs olunur. 13 Ağustos [1]313.

101) (449) İtalya devleti tebe'âsından terzi Paolo Parma'nın kendi tarafından şahsen ve müteveffâ Domenico veledi Giovanni Lena vereseşi tarafından vekâleten konsolatoya

takdîm eylediği arzuhalde Nişantaşında İhlamur caddesinde 12 numaralı konakta mukîm yâverân-ı hazreti şehriyâriden devletlû İsmail Paşa hazretlerinde elbise bahasından dolayı alacağı olan yediyüz altmışüç frank yani otuzüç lirâ onsekiz kuruşun ahzına muvaffak olamadığından bahsile Paşa-yı muşârunileyh hazretlerinin Mahkeme-i Ticâret Birinci Meclisine celbiyle meblağ-ı mezbûrun maa güzeşte ve masârif-i muhâkeme ve ücret-i vekâlet tahsîli hususunun taht-ı hükme alınmasını talep ve istid'â eylemiş olmağla ber mûceb-i istid'â icrâ-yı îcâbı hususuna himmet buyrulması cânib-i sefâretten iltimâs ve takrîr olunur. 19 Ağustos [1]313.

102) (450) İtalya devleti tebe'âsından terzi Paolo Parma'nın kendi tarafından şahsen ve müteveffâ Domenico veledi Giovanni Lena vereseşi tarafından vekâleten konsolatoya takdîm eylediği arzuhalde Üsküdar'da Doğancılar meydanında Çakırcı Hasan Paşa mahallesinde 2 numaralı hânede mukîm Şehremânet-i celîlesi meclis azasından atufetlû Şakir Beyefendi hazretleri zimmetlerinde gayr-ı ez istîfâ beşyüz otuzdokuz frank kırk santim yani yirmiyüz adet lirâ-yı Osmânî kırkyedi kuruş alacağı olup ahzına muvaffak olamadığından bahsile muşârunileyh hazretlerinin Mahkeme-i Ticâret Birinci Meclisine celbiyle meblağ-ı mezbûrun maa güzeşte ve masârif-i muhâkeme ve ücret-i vekâlet tahsîli hususunun taht-ı hükme alınmasını talep ve istid'â eylemiş olmağla ber mûceb-i istid'â icrâ-yı îcâbı hususuna himmet buyrulması cânib-i sefâretten iltimâs ve takrîr olunur. 19 Ağustos [1]313.

(s.53) 103) (451) İtalya devleti tebe'âsından ve tüccârdan Jack Levi konsolatoya takdîm eylediği istid'âda tebe'â-i devlet-i aliyyeden Boğaziçinde Yeniköyde Aya Nikola mahallesinde çarşı içinde [] numaralı mağazada sâkin meyhâneci Haralambo Leyaci ve kezalik devlet-i aliyye-i Osmâniye tebe'âsından Yanya vilâyeti dahilinde Ergiri kazasında Policani karyesinde mukîm bilâ sanat Dimitri veledi Kiryako Koko zimmetlerinde kendisine ciro olunmuş 3 Eylül 1891 tarihli emre muharrer senet mûcebince otuzsekiz adet lirâ-yı Osmânî alacağı olup medyûn-ı merkûmlar te'diyesinden imtinâ etmekte bulunduğundan her ikisinin Birinci Mahkeme-i Ticârete celbiyle meblağ-ı mezbûrun maa faiz ve masârif-i muhâkeme ve ücret-i vekâlet kefil bi'l-mâl sıfatıyla tahsîli hususunun taht-ı hükme alınmasını talep ve istid'â etmiş olmağla ber mûceb-i istid'â icrâ-yı îcâbı hususuna himmet buyrulması cânib-i sefâretten iltimâs ve takrîr olunur. 18 Ağustos [1]313.

104) (452) Dersaâdet İtalya ceneral konsolosu mösyö Kavalir Baroni için sayd u şikâra mahsûs olarak iki kıyye barutun i'tâsı hususuna musâade-i aliyye-i âsafaneleri şayan buyrulması cânib-i sefâretten temennî ve iltimâs olunur. 21 Ağustos [1]313.

105) (453) Beyoğlu'nda Cadde-i Kebirde Süreyya Paşa hânında mukîm İtalya devleti tebe'âsından ve Su Kumpanyası memurlarından Hector Nahum nâm kimesnenin konsolatoya takdîm eylediği arzuhalde Bank-ı Osmânî memurlarından mösyö Aleksander Vitalis zimmetinde 1 Haziran 1897 tarihli emre muharrer sened mûcebince alacağı olan

on adet Osmânî lirâsının ahzına muvaffak olamadığından bahsile medyûn-ı mûmâileyhin Mahkeme-i Ticâret Birinci Meclisine celbiyle meblağ-ı mezbûrun maa güzeste ve masârif-i muhâkeme ve ücret-i vekâlet tahsîli hususunun taht-ı hükme alınmasını talep ve istid'â eylemiş olmağla icrâ-yı îcâbı husûsuna himmet buyrulması cânib-i sefâretten iltimâs ve takrîr olunur. 30 Ağustos [1]313.

(s.54) 106) (454) (Sahibi tarafından hariçte tanzim ettirilmiştir). Galatada Kurşunlu hânda mukîm tüccârdan ve İtalya devleti tebe'âsından Naim Benzonana'nın konsolatoya i'tâ eylediği arzuhalde Çarşı-yı Kebirde Bat Pazarında 162 ve 164 numaralar ile murakkam dükkanda sâkin⁵ hazır elbisesi tebe'â-i devleti aliyyeden Pavli Panayot zimmetinde bir kıt'a sened mücebince onaltı lirâ ve otuzdört kuruş ile bâ defter dört lirâ ve doksandört kuruş ki cem'ân yirmibir lirâ-yı Osmânî ve yirmisekiz kuruş matlûbu olup ahzına muvaffak olamadığından bahsile medyûn-ı mûmâileyhin Birinci Mahkeme-i Ticârete celbiyle meblağ-ı mezbûrun maa güzeste ve masârif-i muhâkeme ve ücret-i vekâlet tahsîli hususunun taht-ı hükme alınmasını talep ve istid'â eylemiş olmağla icrâ-yı îcâbı husûsuna himmet buyrulması cânib-i sefâretten iltimâs ve takrîr olunur. 30 Ağustos [1]313.

107) (455) Taraf-ı sefâretten yazılan 19 Ağustos 313 tarihli ve 450 numaralı takrîrde Üsküdar'da Doğancılar meydanında Çakır Hasan Paşa mahallesinde 2 numaralı hânde mukîm Şehremânet-i celîlesi meclis azasından Şakir Paşa Hazretlerinin mahdûmu atufetlû Salih Beyefendi hazretleri yazılacak iken sehven atufetlû Şakir Beyefendi tahrîr edilmiş idiğünden keyfiyetin tashihi zımnında işbu takrîrin bu bâbdaki evrâk ile birleştirilmesi temennî ve iltimâs olunur. 1 Eylül [1]313.

108) (456) Galatada Sahrınçlı hânında 10 ve 12 numarada mukîm İtalya devleti tebe'âsından Adolpho Eferin tebe'â-i devlet-i aliyyeden ve kereste tüccârından Arslan Arslanyan zimmetinde alacağı olan yirmibeş adet Osmânî lirâsının te'mîn-i istîfâsı zımnında medyûn-ı merkûmun İstanbul'da Ayazma kapısında deniz kenarında mutasarrıf olduğu 496 numaralı arsanın taht-ı hacze alınması 19 Temmuz 313 tarihli ve 445 numaralı takrîr ile temennî olunması üzerine îcâb-ı icrâ olunmuş idi mûmâileyh Adolfo Eferin bu kere konsolatoya takdîm eylediği arzuhalde mûmâileyh Arslan Arslanyan'ın Dersaadet Bidâyet Mahkemesi Birinci Hukuk Dâiresine celbiyle bi'l-muhâkeme hacz-i mezkûrun tasdîki ve bu bâbda vukûb olan muhâkeme ve haciz masârif-iyle ücret-i vekâlet ve masârif-i sâirenin medyûn-ı mûmâileyhden tahsîlini talep ve istid'â eylemiş olmağla icrâ-yı îcâbı husûsuna himmet buyrulması cânib-i sefâretten iltimâs ve takrîr olunur. 2 Eylül [1]313.

(s.55) 109) (457) (İşbu takrîrin bir nüshası 11 Teşrinisânî 313 tarihinde Mahkeme-i Ticârete yazılmıştır). Hasköyde Piri Paşa mahallesinde mukîm İtalya devleti tebe'âsından İzak Alof konsolatoya takdîm eylediği arzuhalde İstanbul'da Sirkeci iskelesinde Gülbenkian hânında

⁵ Takrire metinde 3 nolu dipnot düşülmüş olup devamı eserin 55.sahifesinde yer almaktadır.

mukîm tüccârdan Tomas Karakaşyan Efendiyle manda, koyun ve öküz boynuzu ve sâire alıp satmak üzere 306 senesinde münakid olup şimdiye kadar devam eden mukâvelenâmelerinden dolayı merkûm Tomas zimmetinde bir hayli matlûbu olup bu babda rü'yet-i muhâsebeden imtinâ etmekte bulunduğu cihetle merkûmun Mahkeme-i Ticâret Birinci Meclisine celbiyle hesaplarının mümeyyizler marifetiyle bi'r-rü'ye tahakkuk edecek matlûbunun merkûm Tomas Karakaşyan'dan tahsîlini talep ve istid'â eylemiş olmağla icrâ-yı îcâbı husûsuna himmet buyrulması iltimâs ve takrîr olunur. 3 Eylül [1]313.

(s.56) 110) (460) (Mahkemeye gönderilen nüshası sahibi tarafından hâricte tanzîm ettirilmiş). Galatada Havyar hânında 15 numaralı mağazada mukîm İtalya devleti tebe'âsından ve tüccârdan Aşil B Corpi ve kumpanyası tarafından konsolatoya takdîm edilen arzuhalde İstanbul'da Koca Mustafapaşa'da ekmekçilik etmekte iken bundan akdem vefât eden İran devleti tebe'âsından Mutanya Damyanos nâm kimesne zimmetinde vadeleri hulûl etmiş iki kıt'a sened ve bir kıt'a poliçe mücebince gayr-ı ez teslim yüz kırkiki adet lirâ-yı Osmânî ve seksensekiz kuruş matlûbları olup müteveffâ-yı merkûmun terekesine vaz'-ı yed eden vâris ve mahdûmları İran devleti tebe'âsından İstavri ve Patri nâm kimesneler deyn-i mezkûru ikrarla berâber te'diyede tesâmuh etmekde olduklarından bahsile medyûnân-ı merkûmların Mahkeme-i Ticâret Birinci Meclisine celbiyle meblağ-ı mezbûrun maa güzeste ve masârif-i muhâkeme ve ücret-i vekâlet tahsîli husûsunun icrâ-yı muvakkatla berâber taht-ı hükme alınmasını talep ve istid'â eylemiş olduklarından icrâ-yı îcâbı husûsuna himmet buyrulması cânib-i sefâretten iltimâs ve takrîr olunur. 12 Eylül [1]313.

111) (458) (Müsveddesi sahibi tarafından tanzim ettirilmiştir). İtalya devleti tebe'âsından ve tüccârdan Beyoğlu'nda Doğruyolda Otoni çıkmazında 1 numaralı hânede sâkin tüccârdan Mesil Hrisoni'nin cânib-i konsolatoya takdîm eylediği arzuhalde devlet-i muşârunileyhâ tebe'âsının mahall-i mezkûrda sâkine zevcesi madam Taris Hrisoni zimmetinde 4 Teşrinisânî 1893 tarihli mukâvelenâme mücebince dörtbin adet lirâ-yı Osmânî matlûbu olup meblağ-ı mezbûrun te'diyesi için kaçıllarya mahkemesi kararıyla medyûne-i mezbûrenin eşyâsı taht-ı hacze alınmış ise de mezkûr eşyâ alacağının tesviyesine kâfi olmadığından mütebaki alacağının te'mîn-i istîfâsı zımında medyûne-i mezbûrenin devletlû ismetlû Cemile Sultan alıyyetü's-şân hazretlerinde alacağı olan binseksen adet lirâ-yı Osmânînin Sultan-ı muşârunileyhâ hazretleri yedinde taht-ı hacze alınması 6 Eylül 1897 tarihinde kaçıllarya mahkemesince karar verilmiş olduğundan aidiyeti cihetiyle birinci Mahkeme-i Ticâretten dahi usûlû vechile taht-ı hacze alınmasını talep ve istid'â etmiş olmağla icrâ-yı îcâbı husûsuna himmet buyrulması cânib-i sefâretten iltimâs ve takrîr olunur. 8 Eylül [1]313.

(s.57) 112) (459) Dersâadet İtalya ceneral konsolosu mösyö Kavalir Baroni için sayd u şikâra mahsûs olmak üzere altı kilo barutun i'tâsı husûsuna musâade-i aliyye-i âsafaneleri şâyân buyrulması temennî ve iltimâs olunur. 8 Eylül [1]313.

113) (461) (Müsveddesi sahibi tarafından tanzîm ettirilmiştir). Beyoğlu'nda Doğruyolda Otoni çıkmazında 1 numaralı hânedeki sâkin İtalya devleti tebe'âsından Mesil Hrisoni'nin konsolatoya takdîm eylediği arzuhalde devlet-i muşârunileyhâ tebe'âsından mahall-i mezkûrda sâkine zevcesi Madam Taris zimmetinde 4 Teşrinisânî 1893 tarihli mukâvelenâme mücebince matlûbu olan dörtbin adet lirâ-yı Osmânînin te'mîn-i istîfâsı zımında medyûne-i mezbûrenin devletlû ismetlû Cemile Sultan aliyyetü's-şân hazretlerinde alacağı olan binseksen adet lirâ-yı Osmânî 10 Eylül 313 tarihinde Mahkeme-i Ticâret Birinci Meclisi cânibinden taht-ı hacze alınmış olduğundan bahsile Sultan-ı muşârunileyhâ hazretleri ile mezbûre madam Taris Hrisoni'nin usûlu vechile mahkeme-i mezkûreye celbiyle hacz-i mezkûrun tasdîki ve mahcûz bulunan sâlifü'z-zikr binseksen adet Osmânî lirâsının kendisine i'tâsı ve masârif-i muhâkeme ile ücret-i vekâletin mezbûre Taris Hrisoni kadına tahmîli husûsunun taht-ı karara alınmasını talep ve istid'â eylemiş olmağla icrâ-yı îcâbı husûsuna himmet buyrulması taraf-ı sefâretten iltimâs ve takrîr olunur. 13 Eylül [1]313.

(s.58) 114) (462) Galata'da Arapoğlu sokağında madam Marico Pana'nın 5 numaralı hânesinde mukîme İtalya devleti tebe'âsından Nino Elena nâm kadın konsolatoya takdîm eylediği arzuhalde mezkûr hânedeki sâkin tebe'â-yı Yunaniyeden Aristidi Papa Istefanato nâm şahıs 4/16 Eylül 1897 tarihinde pek cüz'î sebepten dolayı yumruk ve ayaklarıyla yüzünü ve arkasını darb edip vücûdu zayıf olması cihetiyle eser-i darbdan büsbütün zedelenerek çalışmaya gayr-ı muktedir olup kendi ve çocuklarının akvât-ı yevmiyelerini tedârik edememekte olmakla berâber işbu vak'âyı tebe'â-i devlet-i aliyyeden Roza Favust ve Anna Nikiloviç nâm kadınlar muşâhade eylemiş ve zaten merkûmun sabıkalı takımından ve ahlak-ı zemîme ashabından bulunmuş olduğundan bahsile hakkında nizâmen lâzım gelen te'dibâtın icrâsıyla giriftâr olduğu zarar ve ziyânının tazmîn ettirilmesi husûsunun taht-ı hükme alınmasını talep ve istid'â eylemiş olmağla icrâ-yı îcâbı husûsuna himmet buyrulması cânib-i sefâretten iltimâs ve takrîr olunur. 23 Eylül [1]313.

115) (463) İtalya devleti tebe'âsından müteveffâ De Lena veresesinin Mahkeme-i Ticâret Birinci Meclisinden sâdır olup muâmele-i teblîğiyesi icrâ kılınan 2 Teşrinisânî 311 tarihli ve 161 numaralı i'lâm-ı gıyâbî mücebince Beyrut vâli-i âlîsi atufetlû Mustafa Reşit Bey Beyefendi hazretlerinden alacağı olan kırkaltı adet lirâ-yı Osmânî ve yetmişbeş kuruş onbeş paranın güzeşte ve masârif-i muhâkeme ile berâber te'mîn-i istîfâsı zımında muşârunileyhâ hazretlerinin mukaddema Maliye Nezâret-i celîlesinde muterakim ve Tekâud Sandığı Nezâret-i celîlesinden muhassas maâşlarının taht-ı hacze alınması 17 Kanunisânî 311 tarihli takrîr ile temennî olunmuş idi maâşât-ı mezkûrenin henüz taht-ı hacze alınmadığından bahsile muşârunileyhâ hazretlerinin yeniden tahsîs buyrulan maâşları rub'unun taht-ı hacze alınarak i'lâm-ı mezkûrun icrâsı bu kere verese-i merkûmunun vekîli Paolo Parma tarafından konsolatoya takdîm olunan arzuhalde istid'â kılınmış olmağla icrâ-yı îcâbı husûsuna himmet buyrulması cânib-i sefâretten iltimâs ve takrîr olunur. 27 Eylül [1]313.

(s.59) 116) (464) (İşbu takrîrin müsveddesiyle mahkemeye gönderilen nüshası sahibi tarafından hariçte yazdırılmıştır). İtalya devleti tebe'âsından Cenova'da mukîme Artemis-ya hatunun vekîli musaddakı Galata'da Mihnethî hânında 12 numarada mukîm Emanuel Notari cânib-i konsolatoya takdîm eylediği istid'âda müvekkilesinin İtalyalı Aldo Socci ile hîn-i izdivâcında Dersaâdet İtalya Konsoloshânesinde tanzîm kılınan 28 Mayıs 1891 tarihli resmi bir kıt'a cihaznâme mücebince yüzde altı fâiz ile üç sene zarfında tesviye olunmak üzere altmışbin frank cihaz nâmıyla zevciyle berâber vâlidesi madam Taris Hrisoni te'diyesine mecbûre olup tayin olunan üç sene müddet hayli vakitten beri murûr eylediği halde yalnız fâize mukabil cüz'î bir mikdar te'diye olunarak mütebâkisi tesviye olunmamış ve müvekkilesi matlûbâtının te'mîn-i istîfâsı zımnında vâlidesi mezbûre Taris kadının devletlû ismetlû Cemile Sultan alıyyetü's-şân hazretleri zimmetinde alacağı bulunan binseksen adet lirâ-yı Osmânîyi taht-ı hacze aldırmasına hakkı derkâr bulunduğu binâen muâmelât-ı kanuniyenin icrâsıyla beraber evvela madam Taris Hrisoni hatunun devletlû ismetlû Cemile Sultan alıyyetü's-şân hazretleri zimmetinde matlûbu bulunan binseksen adet lirâ-yı Osmânînin Mahkeme-i Ticâret Birinci Meclisi marifetiyle taht-ı hacze alınması ve saniyen bir kıt'a haciz kararının sûreti devletlû ismetlû Cemile Sultan alıyyetü's-şân hazretlerinin Erenköyünde kâin saray meal-i intima-yi devletlerinde tebliğ olunması sâlisen bir kıt'a haciz kararının sûreti dahi usûlû vechile İtalya devleti tebe'âsından Cadde-i Kebirde Otoni çıkmazında 1 numaralı hânedâ mukîme madam Taris Hrisoni'ye tebliği husûslarına hüküm ve karar i'tâsı vekîli mûmâileyh Emanuel Notari bâ istid'â talep etmiş olmağla ber müceb-i istid'â icrâ-yı icâbı iltimâs ve takrîr olunur. 21 Teşrinievvel [1]313.

(s.60) 117) (465) (İşbu takrîr hâricte tanzîm ettirilmişdir). İtalya devleti tebe'âsından Sezar Juletti tarafından konsolatoya takdîm olunan arzuhalde Hâriciye Nezâret-i celîlesi Tâbiyyet Kalemi müdür muavin-i evveli izzetlû Nebil Bey'in Şehzâdebaşında Direklerarasında müceddeden inşâ ettirmiş olduğu tiyatrodâ üçyüzondört senesi Ramazan-i Şerifinin yedinci gününden itibaren nihâyetine kadar taht-ı kumanda ve idâresinde bulunan at canbazı takımıyla icrâ-yı lu'biyât etmiş ise de miyânelerinde mun'akid şirket mukâvelesi mücebince şerîki sahib-i tiyatro mîr-i mûmâileyhin kabz eylemiş olduğu hâsılâtın ancak altmışdokuzbin yediyüzbir kuruştan ibâret idiğini nâtık göstermiş olduğu hesab varakasının muahharan İtalyalı-yı merkûmun mûmâileyhe kefaletiyle akdemce Kurşunlu hânında 3 numaralı odada mukîm sarrâfandan Boyacıoğlu Aleksandros Efendiye olan deyni için dâin-i mûmâileyh tarafından Dersaâdet Birinci Hukuk Dâiresinde mîr-i mûmâileyh aleyhine ikâme eylediği kefâletten matlûbat davasının icrâ kılınan muhâkemesinde mîr-i mûmâileyhin hasılât-ı mezkûreden yirmibin kuruştan fazla akçe ketmeylediğini mûmâileyh Aleksandros Efendi varaka-i resmiye ile isbât ederek bu sûretçe İtalyalı-yı merkûmun mektûmât-ı vakıadan hissesine âit nısıf hissenin zimmet-i mîr-i mûmâileyhde kaldığı anlaşılarak bilahare hukukuna sekte îrâs edeceği mertebe-i subûta vâsıl olduğundan şahs-ı sâlis sûretiyle şimdiden dahil-i dava olunmasını ve mezkûr nısıf hisse-i mektûmesi olan meblağın maa güzeste ve masârif-i muhâkeme mîr-i mûmâileyhden tahsîliyle hukukuna dokunan cihetin islahı

tarikiyle tarafeynin icrâ kılınacak muhâkemelerinde huzurunu İtalyalı-yı merkûm arzuhal-i mezkûrda taleb ve istid'â eylemiş olmağla ber müceb-i taleb ve iddia icrâ-yı icâbı iltimâs ve takrîr olunur. 21 Teşrinievvel [1]313.

(s.61) 118) (466) (Sahibi tarafından tanzîm ettirilmiştir). İtalya devleti tebe'âsından Ceno- vada mukîme Artemisya Aldosoci hatunun vekîl-i musaddakı Galatada Mihnethli hânında 12 numaralı odada mukîm Emanuel Notari cânib-i konsolatoya takdîm eylediği istid'âda müvekkilesinin İtalyalı Aldosoci ile hîn-i izdivâcında Dersââdet konsoloshânesinde tanzîm kılınan 28 Mayıs 1891 tarihli resmî bir kıt'a cihaznâme mücebince yüzde altı fâiz ile üç sene zarfında tesviye olunmak üzere zevci ile berâber vâlidesi İtalya devleti tebe'âsından Beyoğlu'nda Cadde-i Kebîr'de Otoni çıkmazında 1 numaralı hânede mukîme Taris Hrisoni hatun altmışbin frank te'diyesine mecbûre olup tayin olunan üç sene müddet hayli vakitten beri murûr ve borcu dahi takriben yetmişbin frankı tecâvüz eylediği halde yalnız fâizine mukabil cüz'î bir miktar te'diye edip mütebâkisini îfâ ve te'diyesinden imtinâ eylemekde bulunduğundan ve müvekkilesi alacağıın te'mîn-i istîfâsı zımında medyûne-i mezbûre Taris Hrisoni hâtunun devletlû ismetlû Cemile Sultan alıyyetü's-şân hazretlerinden alacağı bulunan binseksen adet lirâ-yı Osmânîyi bu kerre Mahkeme-i Ticâret Birinci Meclisi marifetiyle 22 Teşrinievvel 313 tarihinde taht-ı hacze aldırılmış olduğundan şu halde devletlû ismetlû Cemile Sultan alıyyetü's-şân hazretleriyle medyûne-i mezbûre Taris hâtunun usulü vechile Mahkeme-i Ticâret Birinci Meclisi huzuruna celbleriyle hacz-i mevzûun tasdîki ve mebâlig-i mahcûze-i mezkûrenin müvekkilesine i'tâsı ve vukubulmuş ve bulacak bi'l-cümle masârif-i muhâkeme ve sâirenin müdde-i aleyhaya tahmîli husûslarının taht-ı hükm ve karara alınması[nı] vekîl-i merkûm Emanuel Notari ba istid'â talep etmiş olmağla ber müceb-i istid'â icrâ-yı icâbı iltimâs ve takrîr olunur. 27 Teşrinievvel [1]313.

(s.62) 119) (467) Dersââdet Almanya Konsolosu asaletlû mösyö Steinbric'in İtalya devleti tebe'âsından Galiardi aleyhine İtalya konsolatosu mahkemesinde ikâme eylemiş olduğu sirkat davasından dolayı li-ecli's-şehâde istimâ'larına luzûm görülen İstanbul'da Valide hânında mukîm İran devleti tebe'âsından ve tüccârdan Mirza Ali Efendiyle Halil ve Hacı Kasım Said ağaların şehr-i hâl-i rûmînin onuncu pazarertesi günü mahkeme-i mezkûreye i'zâmı husûsuna himmet buyrulması temennî ve iltimâs olunur. 8 Teşrinisânî [1]313.

120) (468) (İdâre-i Mahsûsa Muâvinliği Cânib-i Vâlâsına): İtalya devleti tebe'âsından Francesco Carollo ile zevcesi ve mahdûmu ve diğer beş nefer ameile geçende İdâre-i Mahsûsanın Bandırma vapuruyla Bartın'dan Dersââdet'e gelmiş ve bunların navlları bulunan akçe için merkûm Francesco'nun malı olan bir adet sandık İdâre-i muşârunileyhâ memurları cânibinden alıkonulmuş ise de merkûmlar afkar-ı fukaradan olup vapur navllarını te'diye etmeye muktedir olmadıklarından işbu navl akçesinin sadaka-i serefser-i maâli-i Hazret-i cihandâri olmak üzere afvıyla mezkûr sandığın merkûma iâdesi husûsuna himmet buyrulması bilhassa temennî olunur. 10 Teşrinisânî [1]313.

121) (469) İtalya devleti tebe'âsından Beyoğlu'nda Kalyoncu Kolluğu caddesinde 118 numaralı hânedeki sâkin ebniye mültezimi Pascal Fozari tarafından cânib-i konsolatoya takdîm olunan istid'âda tebe'â-i devlet-i aliyyeden Tophânede Kara Casim kahvesinde mukîm merkepçi esnâfından Yovan veledi Hristo'nun Mahkeme-i Ticâret Birinci Meclisinden istihsâl eylediği 3 Eylül 313 tarihli ve 369 numaralı i'lâm-ı gıyâbînin hükümünü adem-i kabul ile i'tirâz ale'l-hüküm eylemiş şöyleki evvela merkûm Yovan'a yirmibirbin kûşûr kuruş deyni olmayıp bindörtüyz seksenyedi kuruş borcu bulunduğuna ve bunu dahi dâin-i merkûmun vekîli Tıngır Simon Efendiye kâmilan i'tâ ederek yedinden bir kıt'a ibranâme ahzetmiş olduğuna (s.63) ve huzûr-ı mahkemede vukûbulacak ifâde-i sâiresine binâen i'lâm-ı gıyâbî-i mezkûrun feshiyle tarafeynin bi'l-celb muhâkeme-i vicâhiyelerinin icrâsı ve bi'l-cümle masârif-i muhâkemenin müddei-i merkûma tahmîli husûsunun taht-ı hükme alınmasını istid'â eylemiş olmağla icrâ-yı icâbî husûsuna himmet buyrulması iltimâs ve takrîr olunur. 15 Teşrinisânî [1]313.

122) (470) İtalya devleti tebe'âsından terzi Paolo Parma'nın kendi tarafından şahsen ve müteveffâ Domenico veledi Giovanni Lena veresesi tarafından vekâleten konsolatoya takdîm eylediği arzuhalde Fındıklı'da Hacı Bezirağa sokağında 15 numaralı hânedeki mukîm Hâriciye Nezâret-i celîlesi konsolato dairesi memûrlarından saadetlû Şükrü Beyefendi hazretlerinde mal bahâsından dolayı alacakları olan kırkûç adet lirâ-yı Osmânî dört kuruşun ahzına muvâfak olamamış olduğundan bahsile mîr-i mûmâileyhin Mahkeme-i Ticâret Birinci Meclisine celbiyle meblağ-ı mezbûrun maa güzeste ve masârif-i muhâkeme ve ücret-i vekâlet tahsîli husûsunun icrâ-yı muvakkatla berâber taht-ı hükme alınmasını istid'â eylemiş olmağla icrâ-yı icâbî husûsuna himmet buyrulması iltimâs ve takrîr olunur. 19 Teşrinisânî [1]313.

123) (471) (Müşveddesi sâhibi tarafından tanzîm ettirilmişdir). İtalya devleti tebe'âsından Beyoğlu'nda Borsa sokağında kırk numaralı hânedeki sâkin tüccârdan Enrico Boccardo'nun bâ sened-i musaddak vekîli Galata'da Mihnetli hanında 12 ve 13 numaralı odalarda sâkin dava vekîli Anji Yovanidinin cânib-i konsolatoya i'tâ eylediği arzuhalde müvekkilinin 2 Nisan 1894 tarihli bir kıt'a senet mücebince bir sene vadeli ve senevî yüzde altı fâiz ile tebe'â-i devlet-i aliyyeden ve tüccârdan Iraklı Kıryako zimmetinde yediyüz adet lirâ-yı Osmânî matlûbu olup meblağ-ı mezbûrun te'diyesini Haydarpaşada Şimendifer istasyonunda sâkin şimendifer memurlarından (s.64) ve tebe'â-i devlet-i aliyyeden Aristidi Kıryako ile Fener'de Yenikapı'da Kayık iskelesinde bir hânedeki sâkin Rum Patrikhânesi memurlarından Simeon Papadaki nâm kimesneler kefâlet eylemiş iseler de meblağ-ı mezbûrun ifâsından imtinâ eylemekte olduklarından merkûman Aristidi ve Simeon Papadakinin usûlen Birinci Mahkeme-i Ticârete celbleriyle muhâkemelerinin icrâsı ve meblağ-ı mezbûrun terâkum eden fâiziyle masârif-i muhâkeme ve ücret-i vekâletin cihet-i kefâletten dolayı her ikisinin mecmû-i deyne zâmin olmak üzere tahsîliyle müvekkiline i'tâsı husûsunun taht-ı hükme alınmasını istid'â eylemiş olmağla icrâ-yı icâbî husûsuna himmet buyrulması iltimâs ve takrîr olunur. 19 Teşrinisânî [1]313.

124) (472) (Müsveddesi sâhibi tarafından tanzîm ettirilmiştir). İtalya devleti tebe‘âsından İstanbul’da Kezzapçıoğlu hânında komisyoncu Lazar Vitali’nin cânib-i konsolatoya takdîm etmiş olduğu arzuhalde devlet-i aliyye-i Osmâniye tebe‘âsından İstanbul’da Hasır iskelesinde Dolmaçıkırmaz sokağında beş numaralı mağazada sâkin tüccârdan Hristo Saropolo’ya Marsilyada mukîm E. ve F. Ankest nâm Fransa ticarethânesinin hesabına olarak furûht etmiş olduğu onüçbin sekizyüz frank kıymetinde E ve F markalı yüzelli çuval kahveyi Dersaâdet’e vurûd ettikte merkûm Saropolo kabul etmeyip bi’z-zarûre Dersaâdet Rıhtım Kumpanyası depozitolarında kalmış ve hukukunun muhafazası zımında îcâb eden protesto keşide edilmiş olduğundan bahsile merkûm Saropolo’nun Mahkeme-i Ticâret Birinci Meclisine celbiyle meblağ-ı mezbûrun fâiz ve arziye ve sâir masrafiyle masârif-i muhâkeme ve ücret-i vekâletin tahsîli husûsunun taht-ı hükme alınmasını istid‘â etmiş olmağla icrâ-yı îcâbı hususuna himmet buyrulması iltimâs ve takrîr olunur. 25 Teşrinisânî [1]313.

(s.65) 125) (473) (Müsveddesi sâhibi tarafından tanzîm ettirilmiştir). İtalya devleti tebe‘âsından Beyoğlu’nda Su Terazisi sokağında 13 numaralı apartmanda mukîm Banker Avram Levi’nin kançılaryaya takdîm eylediği arzuhalde Büyükderede mukîm Layezar Toledo ve Salamon Toledo ve Hazakya Habib ve David Habib beynlerinde mün‘akid olup ahîren fesh edilen şirket-i ticâriyeden Osmânî lirâsı yüzün kuruş hesabıyla matlûbatı olan altmışaltıbin beşyüzyirmi kuruş mahsuben kezâlik lirâ-yı Osmânî yüzün kuruş hesabıyla şirket-i merkûmeden iştirâ eylediği emtia bedeli olan kırkbirbin yediyüzün kuruş ba‘de’t-tenzîl mütebâki matlûbatı olan yirmidörtbin sekizyüzün kuruştan Layezar Toledo ile Salamon Toledo kendilerine isabet eden nısıf hisseyi te’min etmiş iseler de merkûmundan Hazakya ve biraderi David Habib’in zimmetlerine onikibin dörtüzyüzbeş kuruş alacağı kalmış olduğundan bahsile Mahkeme-i Ticâret Birinci Meclisine celbiyle meblağ-ı mezbûrun maa güzeste ve masârif-i muhâkeme ve ücret-i vekâletin kefâlet-i müteselsile sûretiyle her ikisinden tahsîli husûsunun taht-ı hükme alınmasını talep ve istid‘â eylemiş olmağla icrâ-yı îcâbı husûsuna himmet buyrulması iltimâs ve takrîr olunur. 8 Kanunievvel [1]313.

126) (474) (Müsveddesi sahibi tarafından tanzim ettirilmiştir). Beyoğlu’nda Su Terazisi sokağında 13 numaralı apartmanda mukîm İtalya devleti tebe‘âsından Avram Levi’nin kançılaryaya takdîm ettiği arzuhalde Beyoğlu Mutasarrıfıyet-i aliyyesi ketebesinden izzetlû Mehmed Ali Beyefendi zimmetinde 3 Mayıs 1896 tarihli iki kıt‘a emre muharrer senet mücebince matlûbu olan sekizyüz ve aşıktan kırk kuruş ki ceman sekizyüz kırk kuruşun ahzına muvaffak olamadığından bahsile mûmâileyhin Mahkeme-i Ticâret Birinci Meclisine celbiyle meblağ-ı mezbûrun maa güzeste ve masârif-i muhâkeme ve ücret-i vekâlet tahsîli husûsunun taht-ı hükme alınmasını talep ve istid‘â eylemiş olmağla icrâ-yı îcâbı husûsuna himmet buyrulması iltimâs ve takrîr olunur. 10 Kanunievvel [1]313.

(s.66) 127) (475) Beyoğlu’nda Büyük Caddede 343 numarada mukîm İtalya devleti tebe‘âsından mösyö Bartolucci’nin konsolatoya takdîm eylediği arzuhalde devletlû necâbetlû Yusuf İzzet-

tin Efendi hazretlerinden mefrûşât bahâsından dolayı bir defada onaltıbin ikiyüz doksantüç ve bir defada dahi binonbeş kuruş ki cem'ân onyedibin üçyüzsekiz kuruş matlûbu olup te'diyesinden imtinâ etmekte olduklarından bahsile muşârunileyh hazretlerinin Mahkeme-i Ticâret Birinci Meclisine celbiyle meblağ-ı mezbûrun maa güzeşte ve masârif-i muhâkeme ve ücret-i vekâlet tarafına i'tâsı husûsunun taht-ı hükme alınmasını istid'â eylemiş olmağla icrâ-yı îcâbı husûsuna himmet buyrulması iltimâs ve takrîr olunur. 17 Kanunievvel [1]313.

128) (476) İtalya devleti tebe'âsından Scattoni Sezare veledi Andrea Emin Camii Şerifi civarında inşâ etmekte olduğu 108 numaralı hâneye 1 Kanunisânî 1898 tarihinde Altıncı Dâire-i Belediye müfettişlerinden izzetlû Şükrü Efendi belediye çavuşu Mustafa Efendi ve bir hademe ile beş altı nefer asâkir-i şâhâne ile berâber gelerek cebren pencereden içeri duhûl ederek kendisiyle vâldesini darb edip yumruk ile bazı yerlerinden zedelemiş ve o sırada nezdinde bulunan 3820 kuruş ile 35 adet [...] altını ve bir adet gümüş saati asâkir-i mûmâileyhimâ tarafından ahz olunmuş olduğundan ve husûs-ı mezkûru arz ve beyân edeceği şuhûd ile isbat edeceğinden bahsile memûrîn ve asâkir-i mûmâileyhimin Beyoğlu Bidâyet Mahkemesi Ceza dairesine celbiyle haklarında nizâmen lâzım gelen muâmelenin icrâsıyla hukuk-i şahsiyesinin tahsîli hususunun taht-ı hükme alınmasını istid'â eylemiş olmağla icrâ-yı îcâbı hususuna himmet buyrulması iltimâs ve takrîr olunur. 23 Kanunievvel [1]313.

(s.67) 129) (477) Beyoğlu Bidâyet Mahkemesinden gelen 13 Kanunievvel 313 tarihli ve 393 numaralı tezkire mutâlaa olundu Dersââdet'te İtalyalılar aleyhinde verilen bi'l-cümle mukarrerât usûlen Adliye Nezâret-i celîlesinde bulunan Mahkeme-i Fevkalade'nin maiyetindeki İcrâ Dairesi marifetiyle konsolato tarafından icrâ ettirilmeğe olduğundan mösyö Dö Marki ile madam Ravotti aleyhinde olan tahliye-i me'cûr kararının dahi usûlen Dâire-i muşârunileyhâca icrâsı zımnında îcâb-ı halin îfâsı ve aksi halde mezkûr kararın muğâyir-i usûl olarak icrâsından dolayı vukûa gelecek mesuliyet müsebbiblerine âit olacağı beyân olunur. 30 Kanunievvel [1]313.

130) (478) İtalya devleti tebe'âsından Andrea Dandorya nâm kimesne geçende tüfenk ve revolverini hâmil olduğu halde berâ-yı sayd u şikâr Mudanya'ya gidip bir müddet sonra avdet etmekde iken yedinde bulunan revolveri Mudanya gümrük memurları tarafından alıkonularak Rusûmât Emânet-i celîlesine gönderilmiş ve halbuki merkûmun sayd u şikâr etmek için mahall-i mezkûra gitmezden mukaddem nizâmen lâzım gelen tezkereyi bi'l-ahz Dersââdet'ten Mudanya'ya azîmet eylemiş ve mezkûr tezkere yedinde bulunduğu cihetle ol vakit Dersââdet gümrük memurları tarafından mumânaat vuku bulmamış olmağla mezkûr revolverin usulü dairesinde merkûma îade buyrulması cânib-i konsolatodan temennî ve iltimâs olunur. 1 Kanunisânî [1]313.

(s.68) 131) (479) Galata'da Bayezid sokağında 41 ve 43 numaralarda sâkin İtalya devleti tebe'âsından Ekile Toni'nin konsolatoya takdîm eylediği arzuhalde Galata'da pençşenbe

pazarında mukîm Amerika devleti tebe'âsından mösyö Azaryan zimmetinde konsolato mahkemesi kararıyla alacağı olan mebalığın te'mîn-i istîfâsı zımında medyûn-ı merkûmun eşya-yı beytiyesi taht-ı hacze alınarak işbu eşyanın muhafazası zımında merkûm Azaryan'ın mağazasında sâkin tebe'â-i devlet-i aliyyeden Vartan nâm kimesneyi bekçi koymuş ise de muahharan bundan kırkaltı lirâ kıymetinde eşya sirkat olunmuş idiğünden bahsile merkûm Vartan'ın Beyoğlu Bidâyet Mahkemesi Ceza Dâiresine celbiyle hakkında lâzım gelen muâmele-i kanuniyenin icrâsıyla zarar ve ziyânının merkûmdan tahsîl ettirilmesi ve bu babda mösyö Azaryan'ın dahi mes'ûl tutulmasını istid'â eylemiş olmağla icrâ-yı îcâbı husûsuna himmet buyrulması iltimâs ve takrîr olunur. 8 Kanunisânî [1]313.

132) (480) Haydarpaşa'da Osmân Ağa mahallesinde Topi sokağında mukîm İtalya devleti tebe'âsından taş müteahhidi Palombo'nun konsolatoya takdîm eylediği arzuhalde Bilecik'de şimendifer istasyonunun ittisâlinde bulunan Küplü nâm karyede muvakkaten sâkin ve el-yevm mezkûr şimendiferin ameliyât mültezimi İlia Sarih emriyle merkûmun hesabına olarak Konya ve Eğin şimendifer istasyonları ittisâlinde vagon muhafazası için inşâ edilen iki kıt'a "Ankar" yani Çerkinin duvarcı ameliyâtı vesâireden ve ameliyât-ı turâbiyeden dolayı yedibin beşyüz seksendokuz kuruş 13 santim alacağı kalmış olup te'diyesinden imtinâ etmekte bulunduğundan bahsile medyûn-ı merkûmun Mahkeme-i Ticâret Birinci Meclisine celbiyle meblağ-ı mezbûrun maa güzeste ve masârif-i muhâkeme ve ücret-i vekâlet tahsîli hususunun taht-ı hükme alınmasını istid'â eylemiş olmağla icrâ-yı îcâbı husûsuna himmet buyrulması iltimâs ve takrîr olunur. 10 Kanunisânî [1]313.

(s.69) 133) (481) İtalya devleti tebe'âsından terzi Paolo Parma'nın kendi tarafından asâleten ve müteveffâ Domenico veledi Giovanni Lena'nın veresesı tarafından vekâleten konsolatoya takdîm eylediği arzuhalde Mahkeme-i Ticâret Birinci Meclisinden sâdır olup 15 Kanunievvel 313 tarihinde muâmele-i teblîğiyesi icrâ kılınan 25 Eylül sene minh tarihli ve yetmiş numaralı i'lâm-ı gıyabî mücebince Tekfurdağı muhâsebecisi izzetlû Hayri Beyefendi zimmetinde alacakları olan kırkaltı adet lirâ-yı Osmânî ve otuzdörtbuçuk kuruşun maa güzeste ve masârif-i muhâkeme ve ücret-i vekâlet te'mîn-i istîfâsı zımında mûmâileyh Hayri Beyefendinin maâşî rub'unun taht-ı hacze alınarak ol-vechile i'lâm-ı mezkûr hükûmün icrâsı taleb ve istid'â kılınmış olmağla îcâb eden muâmele-i kanuniyenin icrâsı hususuna himmet buyrulması iltimâs ve takrîr olunur. 13 Kanunisânî [1]313.

134) (482) (Müsveddesi hariçte yazılmıştır). Beyoğlu'nda Şişli'de Maslak sokağında askeri karakolhânesi karşısında 28 numaralı hânedeki sâkin İtalya devleti tebe'âsından Costa Santoni'nin konsolatoya takdîm eylediği arzuhalde mahall-i mezkûrda 22 numaralı hânedeki sâkin Lambrini kadın ile beynlerinde vukûa gelen bir hukuk davasından dolayı mezbûrenin husûmeti olması hasebiyle mezkûr karakolhânedeki mustahdem mülâzım fütüvvetlû Hasan Efendi bi'l-iğfal mûmâileyh Hasan Efendi dahi karakolda bulunan asâkir-i şâhâneye emrederek 30 Kanunievvel 313 Cuma gecesi saat yedide ve muahharan saat onbirde

hânesinde bulunan camları taş ile şikest edilmiş olduğundan bahsile mezbûre Lambrini kadın ile mûmâileyh Hasan Efendi ve sâirenin ta'yîn-i mucazâtları istid'â kılınmış olmağla icrâ-yı îcâbı husûsuna himmet buyrulması iltimâs ve takrîr olunur. 13 Kanunisânî [1]313.

(s.70) 135) (483) İtalya devleti tebe'âsından çalgıcı Mocelli Gabriel konsolatoya takdîm eylediği arzuhalde geçende yılbaşı münasebetiyle arkadaşı olup Galata'da Kemeraltı caddesinde İzmit birahânesinde mukîm bulunan tebe'â-i devlet-i aliyyeden Brustin Rafail ile ötede beride çalgı çalıp Galata'da Kriniko kahvehânesine gitmişler ve orada kazanmış oldukları parayı taksim etmekte iken hissesine isâbet eden parayı vermemek maksadıyla merkûm Rafail tokat ile darb ve tırnaklarıyla yüzünü zedelemiş ve o sırada kendisini tahlîs etmek için oradan gitmiş ve mahdûmu Luigi mahalli zabıta memûruna murâcaât ederek polis efendiyle Kemer sokağında Arşimet'in birahânesine gidecekleri halde orada bulunan diğer Yahudiler ile berâber merkûm Luigi'yi dahi darb etmiş ve nezdinde bulunan yüzyirmi kuruş kıymetindeki saatini de merkûmun sirkat etmiş ve bu babda Voyvoda Karakolhânesinden tanzîm edilen jurnal ile tabîp raporu Galatasaray'ı'na gönderilmiş olduğundan bahsile merkûm Brustin Rafailin Beyoğlu Bidâyet Mahkemesi Cezâ Dâiresine celbiyle hakkında nizâmen lâzım gelen muâmelenin icrâsı ve çalgı ücreti ve saat bahasıyla ve doktor ücreti ve muâlece fiyatı olarak cem'ân 280 kuruşun dahi tahsîli hususunun taht-ı hükme alınmasını istid'â eylemiş olmağla icrâ-yı îcâbı husûsuna himmet buyrulması iltimâs ve takrîr olunur. 19 Kanunisânî [1]313.

136) (484) İtalya devleti tebe'âsından çalgıcı Moçelli Gabriel konsolatoya takdîm eylediği arzuhalde tebe'â-i devlet-i aliyyeden Tophânede Kadirler yokuşunda 103 numaralı tuzcu dükkânının üzerinde mukîm Kole Şevaliç nâm kimesneden furûht etmiş olduğu bir adet kıranata fiyatı olarak iki adet lirâ-yı Osmânî ve üç kıt'a bono mûcebince altıyüzsekiz kuruş ki cem'ân sekizyüz yirmidört kuruş alacağı olup ahzına destres olamadığından bahsile merkûmun Beyoğlu Bidâyet Mahkemesi İkinci Hukuk Dâiresine celbiyle meblağ-ı mezbûrun maa güzeşte ve masârif-i muhâkeme tahsîli husûsunun taht-ı hükme alınmasını istid'â eylemiş olmağla icrâ-yı îcâbı husûsuna himmet buyrulması iltimâs ve takrîr olunur. 19 Kanunisânî [1]313.

(s.71) 137) (485) İtalya devleti tebe'âsından Francesco Parizzi'nin konsolatoya takdîm eylediği arzuhalde Beyoğlu Bidâyet Mahkemesi İkinci Cezâ Dâiresinden sâdır olup kendisine tebliğ olunan 19 Teşrinisânî 313 tarihli ve 2282 numaralı i'lâm-ı gıyâbînin hükmünü adem-i kabul ile i'tirâz ale'l-hüküm etmiştir şöyle ki i'lâm-ı mezkûrda münderic sirkat fiili kendisince meçhul olduğuna ve merbûtan takdîm kılınan arzuhallerde münderic esbâb-ı sâireye binâen mezkûr i'lâmın feshiyle berâatine karar i'tâsını istid'â eylemiş olmağla icrâ-yı îcâbı husûsuna himmet buyrulması iltimâs ve takrîr olunur. 19 Kanunisânî [1]313.

138) Varna'da Rosso oteli sahibi İtalya devleti tebe'âsından Michelino Merkatli'nin mezkûr otelde kendi hizmetinde bulunan İsmail nâm şahıs geçende merkûmdan yediyüz

frank dolandırarak Dersaâdete firâr etmiş ve burada memurîn-i zabita tarafından derdest olunmuş ve bu babda İtalyalı-yı merkûm dahi merkûm İsmail'in aleyhinde ikâme-i dava eder olduğunu iş'âr etmiş olduğundan bunun Dersaâdet'e gelmesine kadar merkûmun hakkında lâzım gelen muâmele-i kanûniyenin icrâsı husûsuna himmet buyrulması iltimâs ve takrîr olunur. 22 Kanunisânî [1]313.

(s.72) 139) (486) İtalya devleti tebe'âsından İzmir'de Aya Yorgi kilisesi karşısında mukîm tüccârdan Temestoklu Odinotti'nin İzmir Mukavelât Muharrirliğinden musaddak 22 Teşrinisânî 313 tarihiyle musaddak bir kıt'a vekâletnâme mücebince vekîli Galata'da İzmir-liloğlu hânında 17 numaralı odada mukîm İlyâ Maliyaka tarafından İtalya Konsoloshâneye i'tâ kılınan istid'âda tebe'â-i devlet-i aliyyeden ve İzmirde dava vekîli Boyacıoğlu Dimitraki Efendinin yazîhânesinde muvakkaten mukîm tüccârdan Nestor Kilayediti'nin müvekkili aleyhine İzmir Ticâret Mahkemesi heyet-i muhtelitesinde 15 Şubat 310 tarihiyle ikâme etmiş olduğu çam kabuğu bedelinden üçbinikiyüz kuruş alacak davasıyla altıbin altıyüz yetmiş kuruş zarar ve ziyân davası ve müvekkili tarafından bi'l-mukabele ikâme olunan onüçbin ikiyüz kuruş zarar ve ziyân davası üzerine üçbin ikiyüz kuruşun maa faiz ve masârif müvekkilinden bi't-tahsîl merkûm Nestor Kilayeditti'ye i'tâsına ve tarafeynin zarar ve ziyân davalarının reddine dâir mahkeme-i mûmâileyhâdan sâdır olan 23 Eylül 313 tarihli ve yüzotuziki numaralı i'lâmın bir kıt'a sûret-i musaddakası 27 Eylül 313 tarihinde müvekkiline tebliğ olunmuş ise de i'lâm-ı mezkûr hükmünü müvekkili adem-i kabul ile Dersaâdet Mahkeme-i Ticâret Birinci Meclisine istînâf-ı dava eder şöyleki evvela hükm-i ibtidâinin bir gûna esbâb-ı mucibeye ve mevadda müstenid bulunmaması sâniyen müstenef-i aleyhin satmış olduğu çam kabuğunu vakt-ü zamanıyla teslim etmediği kendi taht-ı ikrar ve i'tirâzında olduğu ve bu cihetle hükm-i ibtidâiyenin dahi taht-ı tasdikinde bulunduğu halde gûya evvelce teslim olunan bir mikdar mâl bedelinin adem-i te'diyesi sebep addolunarak müvekkilinin zarar ve ziyân davasının reddedilmesi sâlisen satmış olduğu emvâli teslim etmesi müvekkili tarafından hasma resmen ve mükerreren ihtâr edilmiş iken merkûmun ihtarât-ı vakıaya [...]yerek malın adem-i tesliminde ısrar etmesinden nâşî müvekkili ihtiyacâtını def' ve şahs-ı sâlislere karşı taahhüdâtını îfâ etmek üzere kantar başına [...] kuruş fazla fiyatla çam kabuğu iştirâsına mecbûr olarak bu yüzden onüçbin ikiyüz kuruş zarar-ı hakîkiye dūçâr olduğu kabil-i inkar değil iken işbu kazıyye-i muftabihânın mahkeme-i ibtidâiyece kat'a nazar-ı ehemmiyete alınmaması rabian hususen (?) binikiyüz kantar çam kabuğu[nu] teslim mecbur olduğu zamanda ancak sülüsünü yani üçyüzaltmış kantar mal teslim edebildiği cihetle müvekkilinin dūçâr olduğu ve olacağı zarar ve ziyânlar için protesto keşîde ederek işbu zarar ve ziyânına karşı üçyüzaltmış kantar malın bedelini te'diye etmeyerek nezdinde hıfz etmeye hakkı derkâr iken bundan dolayı haksız çıkarılmış olması hâmisen gerek üçyüzaltmış kantar malın ve gerek geride kalan malın bedeli ahziçûn hasım tarafından müvekkilinden kefalet istenmiş ve müvekkili dahi mecburiyeti olmadığı halde İzmir tüccâr-ı muteberânından bir zâtı kefil irâe eylemiş iken hasım tarafının yine malı teslim etmemiş olması hasımın haksızlığını bedâheten isbata kâfi

olduğu halde burasının dahi mahkeme-i ibtidâiyece nazar-ı dikkate alınmaması esbâbı i'lâm-ı mustenefunbihin feshini müstelzim esbâb-ı kanûniyeden bulunduğuna ve lâyiha-i istinâfiye ile esnâ-yı muhâkemedede arz ve ilave olunacak ilel ve delâil-i sâireye ve şayet müvekkili işbu istinâf davasında haksız çıkar ise hükm-i evvelin icrâsıyla berâber mustenefun aleyhin istinâf muhakemesi masrafı ve kanunen tasdik olunacak masârif-i seferiyesiyle zarar ve ziyân [...] ve ifâsı için irâe olunan kefil-i muteberin dâire-i âidesinden musaddak kefâletnâmesi merbûtan takdîm kılınmış olduğuna mebni müstenefun aleyh-i merkûm Nestor Kilayediti'nin bizzât mahkemeye gelmesi veyahut tarafından bir vekîl göndermesi için ale'l-usûl celb ve ihzârıyla muhâkemenin bi'l-icrâ i'lâm-ı mustenefun bihin müvekkili aleyhinde olan cihetlerden dolayı feshi ve müvekkilinin zarar ve ziyân davasının kabulüyle müddeabih olan onüçbinikiyüz kuruşun maa fâiz ve masârif mustenefun aleyhden tahsîli ve bi'l-cümle masârif-i muhâkemenin müstenefun aleyhe tahmîli talep edilmiş olmağla icrâ-yı icâbı iltimâs olunur. 23 Kanunisânî [1]313.

(s.73) 140) (487) İtalya devlet-i fahîmesi tebe'âsından Kal'a-i Sultaniyede mukîm müteveffâ Sabatay Varon'un dul zevcesi Semhâ kadın konsolatoya takdîm ettiği arzuhalde keza Kal'a-i Sultaniyede mukîm ve tüccârdan ve tebe'â-i devlet-i aliyyeden Tatyos Bedrosyan Efendiyle Semhâ kadının mahdûmları Bahur ve Rehamim Varon Efendiler miyânelerinde tekevvün eden davaya şahs-ı sâlis sıfatıyla dâhil olup mahall-i mezkûr Ticâret Mahkemesinden aleyhine verilen 24 Haziran 313 tarihli ve yirmiiki numaralı i'lâm-ı vicâhiye merkûme adem-i kanaatle 16 Temmuz 313 tarihinde istinâf-ı dava etmiş ve dava-yı istinâfiyenin hîn-i rû'yetinde teşkil-i tarafeyne ait bir kusurun ikmâli için merkûmenin mahdûmları ve dava-yı ibtidâide medyûn-ı asıl sıfatıyla bulunmuş olan Bahur ve Rehamim Varon Efendilerin dahi dâhil-i dava-yı istinâf edilmesine 13 Kanunisânî 313 tarihinde mahkeme-i aliyyenizce karar verilmiş olduğunu bi'l-beyân karar-ı mezkûr mücebince el-yevm Galata'da Yüksek Kaldırırda Selânîk otelinde mukîm olmakta bulunan Bahur ve Rehamim Varon Efendilerin Mahkeme-i Ticâret Birinci Meclisine celbleriyle davalarının rû'yetine devam edilmesini talep ve istid'â eylemiş olmağla icrâ-yı icâbı hususuna himmet buyrulması iltimâs ve takrîr olunur. 27 Kanunisânî [1]313.

141) (488) İstanbul'da Kezzapçıoğlu hânında mukîm İtalya devleti tebe'âsından Lazoro Vitali'nin konsolatoya takdîm eylediği arzuhalde tebe'â-i devlet-i aliyyeden İstanbul'da Asmaaltı sokağında 64 numaralı dükkânda mukîm tüccârdan David ve Sabat Fersha'ya 20 Ağustos 1897 tarihinde furûht etmiş olduğu 177 sandık Fule Siyanis nâm vapur ile 18 Eylül 1897 tarihinde Dersâdete bi'l-vurûd konşimento mücebince merkûmlara teslim olunmuş ise de esmânı olan 2180 frank 25 santimin te'diyesinde imtinâ etmekte olduklarından bahsile merkûmların Mahkeme-i Ticâret Birinci Meclisine celbiyle meblağ-ı mezbûrun dava tarihinden itibaren maa fâiz ve masârif-i muhâkeme ve ücret-i vekâlet tahsîli husûsunun taht-ı hükme alınmasını istid'â eylemiş olmağla icrâ-yı icâbı husûsuna himmet buyrulması iltimâs ve takrîr olunur. 2 Şubat [1]313.

(s.74) 142) (489) Beyoğlu'nda mukîm İtalya devleti tebe'âsından Avram Levi'nin konsolatoya takdîm eylediği arzuhalde Teodori Kostantin ve Yorgi Dimitriyadis haklarında Mahkeme-i Ticârette ikâme-i dava ederek mahkeme-i mezkûrece verilen karar mücebince merkûmlardan 190 adet lirâ-yı Osmânî matlûbu olduğundan ve işbu kararın usûlen merkûmlara tebliğ olunmuş idiğünden bahsile meblağ-ı mezbûrun te'mîn-i istifâsı zımında merkûm Teodor Kostantin'in Kırkkilise sancağında Câmi-i Kebîr mahallesinde mutasarrıf olduğu hâneyle Yorgi Dimitriyadis'in Dersaâdet'te Edirnekapısında mutasarrıf olduğu emlakden resimci gediğinin taht-ı hacze alınarak karar-ı mezkûr hükmünün icrâsını istid'â eylemiş olmağla icrâ-yı îcâbı husûsuna himmet buyrulması iltimâs ve takrîr olunur. 2 Şubat [1]313.

143) (490) İtalya devleti tebe'âsından Cenovada kain "İtalya" nâm bahrî sigorta kumpanyasının Dersaâdet acentesi Galata'da Nerdubani sokağında 12 numaralı mağazada sâkin Mösyö (J, B) Cazarto tarafından konsolatoya takdîm kılınan istid'ânâmede mezkûr İtalya Sigorta Kumpanyasının tebe'â-i devlet-i aliyyeden ve tüccârdan Galata'da Sarioğlu hanında 4 numaralı odada mukîm (B, N) Koyunoğlu ve şurekâsı zimmetinde Sigorta ucûrâtından dolayı dokuzbin yüz kırk bir frank ile otuz santim bakiyye-i matlûbu olup edâsından imtinâ edilmekte olduğundan bahsile medyûn-ı merkûm (B, N) Koyunoğlu ve şurekâsının Mahkeme-i Ticâret-i Bahriyeye celbiyle meblağ-ı mezbûrun maa güzeste ve masârif-i muhâkeme ve ücret-i vekâlet tahsîlinin taht-ı hükme alınması taleb ve istid'â olunmuş olmağla ber müceb-i istid'â icrâ-yı îcâbı iltimâs olunur. 7 Şubat [1]313.

(s.75) 144) (491) İtalya devleti tebe'âsından olup Haydarpaşada mukîm bulunan taşşı Luigi Bazellinin vekîli Beyoğlu'nda Asmalı Mescit mahallesinde yirmibeş numaralı hâmede mukîm mösyö İlia Tiyeşma tarafından konsolatoya takdîm kılınan arzuhalde müvekkilinin Derince kazasında 40086 numaralı kilometresi hattı üzerinde icrâ eylediği işden dolayı merkez idaresi Haydarpaşada bulunan Anadolu Şimendifer Kumpanyasının mütebâki alacağı olan 48599 kuruş altın akçenin mezkûr kumpanya te'diyesinden imtina etmekte olduğundan bahsile mezkûr kumpanyanın müdürü olup Haydarpaşada mukîm mösyö Haki'nin Mahkeme-i Ticâret Birinci Meclisine celbiyle meblağ-ı mezbûrun maa masârif-i muhâkeme ve ücret-i vekâlet ve protesto masrafıyla zarar ve ziyânının tahsîli hususunun taht-ı hükme alınması taleb ve istid'â edilmiş olmağla icrâ-yı îcâbı husûsuna himmet buyrulması iltimâs ve takrîr olunur. 14 Şubat [1]313.

145) (492) İtalya devleti tebe'âsından Antonio De Latula'nın vekîli mösyö Don Piyer tarafından konsolatoya takdîm olunan arzuhalde Bilecik Reji İdaresi memûrlarından mahall-i mezkûrda mukîm devlet-i muşârunileyhâ tebe'âsından Aleksandro Nicoli'nin zimmetinde Dersaâdet İtalya Konsolato Mahkemesi i'lâmı mücebince alacağı olan mebâlîğ-i malûmenin te'mîn-i istifâsı zımında medyûn-ı mûmâileyhin Reji İdâresinden muhasses maâşî rub'unun taht-ı hacze alınması vukûbulan taleb üzerine 24 Ağustos 307 tarihli ve 286 numaralı takrîr

ile iltimâs olunmuş idi bu kerre mahkeme-i mezkûrece mezkûr karar fesh edilerek ba‘demâ mûmâileyhin maâşının kat‘ olunmayarak tamamen îfâsı taht-ı karara alınmış olduğundan bahsile işbu takrîrin Reji İdaresi cânibine tebliğini istid‘â etmiş olmağla ber müceb-i istid‘â icrâ-yı îcâbı hususuna himmet buyrulması iltimâs olunur. 18 Şubat [1]313.

(s.76) 146) (493) Beyoğlu’nda Şerbethâne sokağında 43 numarada mukîm İtalya devleti tebe‘âsından kalemkâr Edvardo Isabella ve terzi madam Carolina Lepori taraflarından konsolatoya takdîm kılanan arzuhalde efrencî Şubatın yirmialtıncı günü alafranga saat onbirde merkûm kalemkar hânesinin önüne gelip hânedeki akrabasına kapının açılması için ağzı ile ıslık çalmış ve o sırada polis Tahir Efendi maiyetinde bulunan asâkir-i şâhâne ile oraya gelip merkûmu derdest ile karakola götürüleceğini beyân etmiş ve avukat Isabella’nın hâne kapısı açılarak kapıya gelen mezbûre Carolina ne sebebe mebni karakola götürüleceğini suâl etmesi üzerine mûmâileyh Tahir Efendi elindeki demirli bir baston ile merkûmenin kolunu ve kalemkar Edvardo’nun dahi yüzünü darb ve cerh etmiş ve o esnada İtalyalı-yı merkûm hânedan içeri girip kapıyı kapamış ise de Efendi-i mûmâileyh oraya celb etmiş olduğu asâkir-i şâhâneye emrederek kapının açılması için tüfenk dipçigiyle kapıyı rihtedâr etmiş ve işbu vak‘ayı mezkûr hânenin karşısında bulunan mösyö Rosso’nun hanında mukîm mösyö Oscar ve Leonar Ferro dahi muşâhâde ettikleri gibi hükûmete muracaât etmek istemiş iseler de mûmâileyh mumanaât etmiş ve merkûmlar korkmuş olduklarından bahsile mûmâileyhin muâmele-i gayr-ı layıkasıyla bu bâbdaki tabîp raporuna nazaran hakkında nizâmen lâzım gelen mucâzâtın icrâsıyla berâber kendisiyle mezbûre el-yevm eser-i darbdan çalışmaya muktedir olamadıkları cihetle giriftâr oldukları zarar ve ziyânın tahsîli husûsunun taht-ı hükme alınmasını istid‘â eylemiş olmağla icrâ-yı îcâbı hususuna himmet buyrulması iltimâs ve takrîr olunur. 18 Şubat [1]313.

147) (494) İtalya devleti tebe‘âsından terzi Paolo Parma’nın kendi tarafından şahsen ve müteveffâ Domenico veledi Giovanni Lena veresesi tarafından vekâleten konsolatoya takdîm eylediği arzuhalde Beyoğlu’nda Cemalpaşa sokağında 38 numaralı hânedan mukîm tebe‘â-i devlet-i aliyreden ütücü Jan Kobaş nâm kimesne zimmetinde bir kıt’a bono mücebince alacağı olan (s.77) otuzbeş aded lirâ-yı Osmânîden gayr-ı ez istîfâ bâki kalan yirmibeş lirânın ahzına muvaffak olamadığından bahsile medyûn-ı merkûmun Mahkeme-i Ticâret Birinci Meclisine celbiyle mezkûr yirmibeş adet Osmânî lirâsının maa güzeşte ve masârif-i muhâkeme ve ücret-i vekâlet tahsîli hususunun taht-ı hükme alınması istid‘â kılınmış olmağla icrâ-yı îcâbı hususuna himmet buyrulması iltimâs ve takrîr olunur. 21 Şubat [1]313.

148) (495) Galatada Bayezid sokağında 43 numarada mukîm İtalya devleti tebe‘âsından Ekile Toni’nin konsolatoya takdîm eylediği arzuhalde Şişli’de Bulgar hastahânesinin müteahhid-i evveli bulunan mösyö Spanof ile beynlerinde akdolunan kontrato mücebince mezkûr hastahâne ebniyesinin inşâsı mükeddema kendisine ihâlâ olunarak ikmal etmiş ise

de geçende Bulgar milletinden mösyö Vays nâm kimesne kapıcı Eftemi ve diğer birkaç şahıs ile berâber sâlifü'z-zıkr [hasta]hâneye gelerek orada bulunan bir takım barakaları hedm ve hastahâne kapısını da şikest ile içeri girmiş ve başka kimsenin hastahâneye duhûl etmesini de men' etmiş olduğundan bahsile bunların memûrîn-i zabıta marifetiyle mezkûr ebniyeden ba'de'l ihraç taht-ı tevkîfe alınarak husûs-ı mezkûrun Beyoğlu Bidâyet Mahkemesi Cezâ Dâiresi rü'yetiyle haklarında lâzım gelen muâmele-i kanûniyenin icrâsı ve hukuk-ı şahsiyesinin dahi tahsîli husûsunun taht-ı hükme alınmasını istid'â eylemiş olmağla icrâ-yı îcâbı husûsuna himmet buyrulması iltimâs ve takrîr olunur. 21 Şubat [1]313.

(s.78) 149) (496) (Müsveddesi sahibi tarafından tanzim ettirilmiştir). İtalya devleti tebe'âsından İstanbul'da Maksudiye hânında mukîm banker Avram Levi mahdûmları tarafından cânib-i konsolatoya takdîm olunan arzuhalde Beyoğlu'nda Yazıcı sokağında 1 numaralı mağazada sâkin kömürcü esnafından Dimboglu ve Nolakis nâm kimesnelere satmış oldukları yediyüz onbir çuval kömür bedelinin bir kısmı tesviye edilmiş ise de elli lirâ-yı Osmânî deynleri kalmış olduğundan işbu meblağın maa masarîf-i muhâkeme bâliğ olduğu yetmiş adet lirâ-yı Osmânînin te'mîn-i istîfâsı zımında merkûmânın mağazalarında bulunan emvâlinde kifâyet edeceği mikdârının bi't-tefrîk taht-ı hacze alınması istid'â ve talep edilmiş olmağla ol vechile icrâ-yı îcâbı iltimâs ve takrîr olunur. 26 Şubat [1]313.

150) (497) (Müsveddesi sahibi tarafından tanzîm ettirilmiştir). İtalya devleti tebe'âsından İstanbul'da Balıkpazarında Maksûdiye hânında mukîm banker Avram Levi mahdûmların cânib-i konsolatoya takdîm olunan arzuhalde Beyoğlu'nda Yazıcı sokağında 2 numaralı mağazada sâkin kömürcü esnafından Dimboglu ve Nolakis nâm kimesneler zimmetlerinde matlûbları olan elli adet lirâ-yı Osmânînin te'mîn-i istîfâsı zımında medyûnân-ı merkûmânın emvâli Birinci Mahkeme-i Ticâret marifetiyle taht-ı hacze alınmış olduğundan merkûmânın Mahkeme-i Ticâret Birinci Meclisine celbleriyle bi'l-muhâkeme mevzu' olan haczin tasdîki ve meblağ-ı mezkûrun maa güzeşte ve masârif-i muhâkeme ve ücret-i vekâlet ve masârif-i hacziye tahsîli husûsunun taht-ı hükme alınması istid'â ve talep edilmiş olmağla ol vechile icrâ-yı îcâbı cânib-i konsolatodan iltimâs ve takrîr olunur. 10 Mart [1]314.

(s.79) 151) (498) (Müsveddesiyle beyâzı sahibi tarafından hariçte tanzîm ettirilmiştir). Dersâadet'te Topalyan hânında 44 numarada mukîm İtalya devleti tebe'âsından Nesim Avram Parderoki tarafından konsolatoya takdîm olunan arzuhalde tebe'â-i devlet-i aliyeden İstanbul'da Marpuşçularda 8 ve 10 numaralı mağazada olan mösyö Samuel Menas ve kumpanyası miyânelerinde akdolunan mukâvele mücebinece kağıtçılık ve kırtasiye ticâretiyle işigâl etmek üzere bir seneden ziyâde bir müddetten beri tesîs edilmiş olan şirket efrâdından bulunduğu halde ahîren merkûm Samuel Menas ve kumpanyasının bilâ sebep ma'kûl ve mârru'z-zıkr mukâvele ahkâm-ı sarîhası hilâfında kendisini muşârekette bi'l-ihraç işten keff-i yed etmesi luzûmu husûsunda tenbihât ve ihbârâtıyla fesh-i şirket eylemiş olması üzerine fesh-i şirket kaziyyesinin hemen istirdâdiyle kendisinin iştirake ibkası ve

aksi takdirinde kâr ve temettudan hisse-i âide-i meşruasından vâki olan mahrûmiyetinden dolayı tazminat talep edileceğini muhtır ber müceb-i nizâm taraflarına keşide eylediği bir kıt'a protestonâme semeresiz kaldığından mezkûr Samuel Menas ve kumpanyasının ale'l usûl Mahkeme-i Ticârete celbiyle ber müceb-i protesto mârru'z-zikr fesh-i şirket maddesinden neşet edip inde'l-muhâkeme dahi sabit ve müteayyin olacak bi'l-cümle zarar ve ziyânının maa güzeste ve masârif-i muhâkeme ve ücret-i vekâlet tazmîn ve tahsîli husûsunun maa icrâ-yı muvakkat taht-ı hüküm ve karara alınması talep ve istid'a kılınmış olmağla ber müceb-i istid'â ifâ-yı muktezası husûsuna himmet buyrulması iltimâs ve takrîr olunur. 17 Mart [1]314.

(s.80) 152) (500) Yedikulede mukîm İtalya devleti tebe'âsından Camello Asfoli Tramvay Kumpanyası'nda müstahdem tebe'â-i yunâniyeden Nicola Carelli zimmetinde 5/17 Kanunievvel 1897 tarihli sened mücebince alacağı olan 1804 kuruşun maa güzeste ve masârif-i muhâkeme tahsîli zımnında merkûmun Tramvay şirketinde terâkum etmiş ve edecek matlûbunun taht-ı hacze alınmasını bâ-arzuhal istid'â etmiş olmağla ber müceb-i istid'â icrâ-yı icâbı husûsuna himmet buyrulması iltimâs ve takrîr olunur. 23 Mart [1]314.

153) (501) İtalya devleti tebe'âsından Sezar Guiliani'nin Beyoğlu'nda Altıncı Dâire karşısında mukîm mobilyacı Jean Pasaletti zimmetinde alacağı olan 138 frankın tahsîli zımnında makeddema Meclis-i Ticâret-i Bahriyede iflâs davası ikâme etmiş ise de merkûm Jean Pasaletti mezkûr akçeyi mahkeme-i mezkûr veznesine depozito eylemiş olduğundan bahsile meblağ-ı mezbûrun oradan aldırılarak medyûn-ı merkûmun Mahkeme-i Ticâret Birinci Meclisine celbiyle muhâkemelerinin bi'l-icrâ matlûbunun güzesteyle masârif-i muhâkeme ve ücret-i vekâletle berâber tahsîli husûsunun taht-ı hükme alınmasını bâ arzuhal istid'â eylemiş olmağla icrâ-yı icâbı husûsuna himmet buyrulması iltimâs ve takrîr olunur. 23 Mart [1]314.

(s.81)c154) (502) Beyoğlu'nda mukîm İtalya devleti tebe'âsından Francesco Martinio nâm kimesne Şişli'de Osmânbey gazinosunun arkasında Hacı Sahak mahallesinde 26 numarada mukîm Süleyman Efendi zimmetinde elbise tamirâtından dolayı alacağı olan 150 kuruşun ahzına destres olamadığından bahsile mûmâileyh Süleyman Efendinin Beyoğlu Bidâyet Mahkemesi Birinci Hukuk Dâiresine celbiyle meblağ-ı mezbûrun maa güzeste ve masârif-i muhâkeme ve ücret-i vekâlet tahsîli husûsunun taht-ı hükme alınmasını bâ arzuhal istid'â eylemiş olmağla icrâ-yı icâbı husûsuna himmet buyrulması iltimâs ve takrîr olunur. 8 Nisan [1]314.

155) (503) Tebe'â-i devlet-i aliyyeden Dersââdet'te mukîm Karenin Manukyan'ın İtalya devleti tebe'âsından Dersââdet'te mukîm Floriani Giuseppe nâm kimesne alehine Mahkeme-i Ticâretten istihsâl eyleyip 15 Eylül 310 tarihinde muâmele-i teblîğiyesi icrâ kılınan 3 Ağustos 310 tarihli i'lâm-ı gıyâbînin Usûl-ı Muhâkeme-i Ticâret Nizâmnamesinin yetmişikinci maddesine tevfikân mezkûr i'lâmın tarih-i sudûrundan itibaren altı ay zarfında

mevki-i icrâya konulmamış olduğu cihetle i'lâm-ı mezkûrun hükmü olamayacağından bahsile merkûm Karenin Manukyan'ın mahkeme-i mezkûreye celbedilerek sâlifü'z-zikr i'lâmın keenlemyekün hükmünde addolunması ve bu babdaki masârif-i muhâkeme ve ücret-i vekâletin dahi merkûm Karenin Manukyan'dan tahsîli husûsunun taht-ı hükme alınmasını İtalyalı-yı merkûm bâ istid'â taleb eylemiş olmağla icrâ-yı îcâbı husûsuna himmet buyrulması iltimâs ve takrîr olunur. 2 Nisan [1]314.

(s.82) 156) (504) Beyoğlu'nda Kalyoncu kolluğunda Feraci sokağında 3 numarada mukîm İtalya devleti tebe'âsından Vito Salerno Hâriciye Nezâret-i celîlesi memûrlarından Kadıkaryesi'nde Moda'da mukîm saadetlû Nebil Beyefendiden tiyatro ameliyâtından dolayı binüçyüz kırkbeş kuruşla bunu istemek için beheri altmışar kuruştan onbeş gündelik bedeli olan dokuz ve mezkûr akçeyi mîr-i mûmâileyhden talep etmek üzere vapur ücreti olarak sarfeylediği üçyüz yirmiiki kuruş ki cem'ân ikibin beşyüz altmışyedi kuruşun ahzına muvaffak olamadığı cihetle mûmâileyh Nebil Beyefendinin Mahkeme-i Ticâret Birinci Meclisine celbiyle meblağ-ı mezbûrun maa güzeste ve masârif-i muhâkeme ve ücret-i vekâlet ve zarar ve ziyan tahsîli husûsunun taht-ı hükme alınmasını bâ-arzuhal istid'â eylemiş olmağla icrâ-yı îcâbı husûsuna himmet buyrulması iltimâs ve takrîr olunur. 7 Nisan [1]314.

157) (505) İtalya devleti tebe'âsından Valli Costantino konsolatoya takdîm eylediği arzuhalde evvelki Pazarertesi günü Hereke'de mösyö Rossi'nin barakasında refîkleri olan Bulfoni Ilario ve Sali Leonida ile berâber oturmakta iken Jandarma asâkirinden Ali onbaşı gelerek bilâ sebep hâmil olduğu kama ile kendisini cerh etmiş olduğundan ve bekçi İbrahim nâm kimesne dahi darb edip o sırada refîkleri kendisini tahlîs eylediğinden husûs-ı mezkûru bâlâda muharrer şuhûd ile isbat edeceğinden bahsile bu bâbda tahkîkât icrâsıyla merkûmların hakkında nizâmen mucazât-ı lâzîme icrâsı zımnında îcâb-ı halin icrâsına istid'â eylemiş olmağla îfâ-yı muktezası husûsuna himmet buyrulması iltimâs ve takrîr olunur. 7 Nisan [1]314.

(s.83) 158) (506) Dersaâdet'te mukîm İtalya devleti tebe'âsından ve tüccârdan Lazaro Alof Galata'da Sarioğlu hanında 6 numarada sâkin tebe'â-i Yunaniyeden taşçı Mihail Georgi Herikel zimmetinde 21 Eylül 1897 tarihli sened mücebince alacağı olan doksaniki adet Osmânî lirâsının te'diyesi lâzım gelen taksitlerinin zamanı murûr eylediği halde henüz tesviye edilmediği cihetle mezkûr senette mûnderic şerâit mücebince mezkûr doksaniki adet lirâyı birden talep etmeğe hakkı olduğundan bahsile medyûn-ı merkûmun Mahkeme-i Ticâret Birinci Meclisine celbiyle meblağ-ı mezbûrun maa güzeste ve masârif-i muhâkeme ve ücret-i vekâlet tahsîli husûsunun taht-ı hükme alınmasını bâ-arzuhal istid'â eylemiş olmağla icrâ-yı îcâbı husûsuna himmet buyrulması iltimâs ve takrîr olunur. 9 Nisan [1]314.

159) (507) (Müsveddesi sahibi tarafından tanzim ettirilmiştir). İtalya devleti tebe'âsından Galata'da Mehmed Ali Paşa hânında mukîm banker D. S Toledo ve şurekâsı tarafından

konsolatoya takdîm edilen istid'âda Galata'da mukîm tüccârdan ve tebe'â-i devlet-i aliyyeden Sinos oğlu Simonaki Efendiye efrenci 3 Mayıs 1895 tarihinde beheri yedi şilin altı pensden furûht edilen altıyüz Sûd Afrikan Astas nâm tahvîlatın bedel-i mecmuû olan ikiyüz yetmiş lirâ ellisekiz kuruş Davidis de Toledo ve şurekâsının matlûbuna geçirdiği mektub ile bildirmiş ve îcâb eden fâizi dahi tesviyeye müteahhid bulunduğundan mârru'z-zikr senedâtın teslîmi muâmelesi ilk muâmelesi ilk likidasyonda icrâsı mukarrer olup kendisine protesto dahi keşîde kılınmış olduğundan mûmâileyhin Mahkeme-i Ticâret Birinci Meclisine celbiyle bi'l-muhâkeme senedât-ı mezkûrenin teslimine ve meblağ-i mezkûrun maa güzeste ve masârif-i muhâkeme ve ücret-i vekâlet tahsîli husûsunun taht-ı hükme alınması istid'â ve talep edilmiş olmağla ol vechile icrâ-yı îcâbı iltimâs ve takrîr olunur. 8 Nisan [1]314.

(s.84) 160) (508) İtalya devleti tebe'âsından Yedikulede mukîm ve şimendifer kumpanyasında mustahdem Camello Asulce'nin cânib-i konsolatoya takdîm eylediği arzuhalde Tramvay şirketinde mustahdem tebe'â-i Yunaniyeden Nicola Carelli zimmetinde 17/5 Kanunievvel 1897 tarihli sened mücebince alacağı olan 1804 kuruşun maa güzeste ve masârif-i muhâkeme ve ücret-i vekâlet tahsîli zımnında medyûn-ı merkûmun Tramvay şirketinde terâkum etmiş ve edecek matlûbunu 23 Mart 314 tarihiyle taht-ı hacze aldirmış ve 4 Nisan 314 tarihinde mezkûr haciz takrîr sûretlerinden bir nüshası Tramvay şirketine ve bir nüshası dahi merkûm Nicola Carelli'ye tebliğ kılınmış olduğundan bu babda tebliğât-ı lâzîmenin icrâsı ve merkûmun celbiyle bi'l-muhâkeme hacz-i vakı'nın tasdîkini ve meblağ-i mezkûrun maa masârif-i muhâkeme ve güzeste ve ücret-i vekâlet ve verilen yarım lirâ-yı Osmânî pul cezâ-ı nakdîsi ile berâber merkûm Nicola'dan tahsîli husûslarının taht-ı hükme alınmasını bâ-istid'â talep eylemiş olmağla ber müceb-i istid'â icrâ-yı îcâbı iltimâs ve takrîr olunur. 8 Nisan [1]314.

161) (509) İtalya devleti tebe'âsından Luigi Falconi'nin zevcesinin 3500 frank kıymetindeki mücevherâtı sirkat ederek firâr eden ve muahharan derdest olunan tebe'â-i devlet-i aliyyeden [] nâm şahsın hakkında nizâmen lâzım gelen mucazâtın icrâsıyla mezkûr mücevherât bedelinin tahsîlini merkûm Luigi Falconi bâ-arzuhal istid'â eylemiş olmağla icrâ-yı îcâbı husûsuna himmet buyrulması iltimâs ve takrîr olunur. 9 Nisan [1]314.

(s.85) 162) (510) Şişli'de Osmânbey gazinosunun yanında İspanya hânında 14 numarada sâkine İtalya devleti tebe'âsından Elena Recco nâm kadın şehîr iki adet lirâ-yı Osmânî bedel-i îcâr ile ve peşînen te'diye edilmek şartıyla mezkûr sâkine olduğu hânedan bir oda ve bir salonu el-yevm Osmânbey bahçesinin arkasında Hacı Sahak mahallesi sokağında mukîm Süleyman Efendi 21 Şubat 1898 tarihinde îcâr eylemiş ve aradan dokuz gün murûr eylemesi ve mûmâileyh Süleyman Efendi için bâ-defter üçyüz kırkdokuz kuruş sarfedilmesi cihetiyle müterâkim matlûbunu talep etmiş ise de Efendi-i mûmâileyh mezkûr hânedan çıkmış ve henüz matlûbunu tesviye etmemiş olduğundan bahsile medyûn-ı mûmâileyhin Beyoğlu Bidâyet Mahkemesi Birinci Hukuk Dâiresine celbiyle matlûbunun maa güzeste

ve masârif-i muhâkeme ve ücret-i vekâlet tahsîli hususunun taht-ı hükme alınmasını bâ-arzuhal istid'â eylemiş olmağla icrâ-yı îcâbı hususuna himmet buyrulması iltimâs ve takrîr olunur. 12 Nisan [1]314.

163) (511) İtalya devleti tebe'âsından Salvator Galata'da müste'cir bulunduğu lokantaya geçende gelmiş olan ve el-yevm taht-ı tevkîfte bulunan Francesco nâm kimesnedeki alacağını talep eylediği sırada merkûm itâle-i lisânda bulunup tahkîr etmiş ve muahharan yine gelip ikiyüzkırkbeş kuruş kıymetindeki lokanta takımını şikest ve kendisini de darb eylemiş olduğundan ve bunu da mahall-i mezkûrda bulunan asâkir-i şâhânedan Osmân ve Trabzonlu Hasan ve bekçi Hafız ve mezkûr lokantanın sahibi Atanaş muşâhade eylemiş olduğundan bahsile merkûm Francesco'nun hakkında nizâmen lâzım gelen mucazâtın icrâsıyla zarar ve ziyânının tazmîn ettirilmesi husûsunun taht-ı hükme alınmasını bâ-arzuhal istid'â eylemiş olmağla icrâ-yı îcâbı iltimâs ve takrîr olunur. 25 Nisan [1]314.

(s.86) 164) (512) (Sâhibi tarafından hâriçte tanzîm ettirilmiş). Beyoğlu'nda Yeniçarşı sokağında 14 numaralı hânede sâkine İtalya devleti tebe'âsından madam A. Alberti tarafından kançılıyımıza takdîm olunan arzuhalde hâne-i mezkûrun mutasarrıfâsı sıfatıyla Ağavani Cermekyan kadının Beyoğlu Bidâyet Mahkemesi Birinci Hukuk Dairesine 11 Teşrinievvel 313 tarihinde takdîm eylediği istid'â mücebince gûya mezbûre madam Alberti mezbûre Ağavani kadını bi'l-iğfâl hâne-i mezkûra duhul ile altı bâb odasını fuzûlen ve bilâ akd işgal eylemekte bulunmuş olduğundan bi'l-muhâkeme mezkûr odaların tahliyesi ve bu bâbda keşide edilen 3 Eylül 313 tarihli protesto tarihinden itibaren hîn-i tahliyeye kadar şehîr sekiz lirâ-yı Osmânî hesabıyla bedel-i îcârın yani ecr-i mislin maa fâiz ve masârif-i muhâkeme ve ücret-i vekâlet ve zarar ve ziyân ve sâirenin tahsîli talep olunması üzerine mahkeme-i mezbûrece mezkûr odalar için şehîr sekiz lirâ ile işlemiş üçyüzonuç senesi Teşrinievvel ve Teşrinisânî ucurâtının hasılı bulunan onaltı lirâdan makbûz olan sekiz lirâsı bi't-tenzîl kusûr sekiz lirânın fâiz ve masârif-i muhâkemesiyle müddeaaaleyha madam Alberti'den bi't-tahsîl müddeiye vekîline i'tâsına ve müddeabih altı bâb odayı müddeaaaleyhanın bi't-tahliye heyet-i asliyesi ve Kanunievvel ibtidâsından itibaren hîn-i tahliyeye değin şehîr sekizer lirâ hesabıyla işleyecek olan icâresiyle berâber müddeiyeye terk ve teslîme müddeaaaleyhanın nizâmen mecbûr olmasına dâir verilen 1 Zilkade 315 ve 11 Mart 314 tarih ve altıyüzoniki adedli i'lâm-ı gıyâbînin bir kıt'a sûret-i musaddakası alafranga 12 Nisan 1898 tarihinde mezbûre madam Alberti'ye usûlû dairesinde tebliğ olunmuş ise de kendisinin işgâl etmekte olduğu odaların adedi altı olmadığı ve bilâ akd ikâmet etmeyip şehîr dörder lirâyı mukâvele ederek mezkûr hâneye duhûl ettiği ve esnâ-yı muhâkemede îzâh edeceği esbâbdan dolayı şehîr dörder lirâ îfâsına dahi mecbûr olmadığını ve vicâhen cereyân eden muhâkemelerinde dermiyân ettiği vechile muterezunaleyhanın ikâme-i davaya selahiyeti olmadığı ve gerek evvelce dermiyân ettiği esbâbdan ve gerek esnâ-yı muhâkemede ilâve edeceği esbâb-ı sâireden dolayı (s.87) muterezun aleyhaya bir gûne deyni olmayıp bilakis muterezunaleyhadan zarar ve ziyân talebine selahiyeti olduğu-

nu ve binâenaleyh kendisinin alacağı zuhûr edeceğini ve binâen alâ zâlik i'lâm-ı gıyabî-i mezkûr hükmünü adem-i kabul ile i'tirâz alel-hüküm kaidesine tevfikân aleyhine i'tirâz eylediğinden ve bu kere mezbûre Ağavani kadın vefât edip verâseti biraderi Beyoğlu'nda İngiliz sarayı arkasında Güllük sokağında 31 numaralı hânedede sâkin bilâ sanat Artin Kazga ile hemşiresi yine Beyoğlu'nda Halebi sokağında 8 numaralı apartmanda sâkin sarrâf Tebernik zevcesi Filomini kadına munhasır bulunduğundan merkûm Artin Aga ile mezbûre Filomini kadının usulü dâiresinde Beyoğlu Birinci Hukuk Dâiresine celbiyle bi'l-muhâkeme i'lâm-ı gıyabî-i mezbûr hükmünün feshini ve hasmının istid'âsının reddiyle bi'l-cümle masârif-i muhâkeme ve ücret-i vekâlet ve tahakkuk edecek zarar ve ziyânının verese-i merkûmeden tahsilini talep ve istid'â eylemiş olmağla ber mûceb-i istid'â icrâ-yı îcâbı iltimâs olunur. 27 Nisan [1]314.

165) (513) (Müsveddesi sâhibi tarafından hâriçte tanzîm ettirilmiştir). Dersâdet'te Marpuş-çularda Barnatan hânında mukîm dava vekîli Filibeli Kemâl Efendinin konsolatoya takdîm eylediği istid'âda İtalya devleti tebe'âsından müvekkili Nesîm Leon Levinin Balat'da Hacı İsa Mahallesinde Dörttyol ağzında mutasarrıf olduğu seksenaltı numaralı bir bab müskirât fabrikasını 5 Kanunievvel 1896 tarihli bir kıt'a kontrato mûcebince kezâlik İtalya devleti tebe'âsından Marco Levi'den iki sene müddetle istîcâr eylediği halde henüz mezkûr fabrika kendi tarafına teslim edilmediğinden Marko Levi'nin celbiyle muhâkemelerinin icrâsı ve mecûrun teslimi iddiasını hâvi Balat'da Tahtaminare caddesinde 155 numaralı dükkânda mukîm Yunan devleti tebe'âsından Stemati Kalika tarafından mûmâileyh Marco Levi aleyhine Dersâdet Birinci Hukuk Mahkemesine takdîm eylediği istid'â ile ikâme-i dava eylemiş ve muhâkemeleri dahi 1137 numaralı evrâkla derdest-i rü'yet bulunduğu haber almış ve müvekkilinin ilmi lâhık olmaksızın vukûbulan akd-i icârın hükmü batıl idiği bir akde istinaden (s.88) mezkûr fabrikanın tarafına teslim olunması iddiasında bulunmak müvekkilinin hukukuna tecavüz edilmek sûretiyle bir dava demek olduğundan Uul-i Muhâkeme-i Hukuk kanununun yüzonyedinci maddesinin verdiği selahiyete istinaden dava-yı mezkûreye dâhil-i dava sûretiyle dehaletini talep ve davay-ı vakıaya müvekkilinin hakk-ı müdahalesini isbat ettikten sonra muhâkemelerinin icrâsı ve mezkûr fabrikanın kendisine teslimine dair merkûm İstemati Kalikanın vuku bulan istid'âsının reddi ve masârif-i muhâkeme ile vekîl ücretinin merkûma tahmili hususu istid'â eylediğinden mârru'z-zikr 1137 numaralı evrâkla birleştirilerek ber mûceb-i istid'â icrâ-yı îcâbı iltimâs ve takrîr olunur. 4 Mayıs [1]314.

166) (514) İtalya devleti tebe'âsından Basmini Domenico'nun konsolatoya takdîm eylediği arzuhalde tebe'â-i devlet-i aliyeden Fenerbahçesi'nde mukîm Balıkçı İzmirli nâm kimesne geçende bir takım itâle-i lisânda bulunduktan başka sen sarıksın diyerek darb ve cüz'îce cerh etmiş ve el-yevm cerhden eser kalmamış ise de kendisi ihtiyâr olduğu cihetle hasta bir halde bulunmuş olduğundan ve iddiasını esnâ-yı muhâkemede beyân edeceği şuhûd ile isbat edeceğinden bahsile merkûmun hakkında nizâmen lâzım gelen muâmelenin

icrâsıyla ba‘demâ kendisine bu gibi tehdidâtta bulunmayacağına dâir kefâlete rabtını talep ve istid‘â eylemiş olmağla icrâ-yı îcâbı husûsuna himmet buyrulması iltimâs ve takrîr olunur. 4 Mayıs [1]314.

167) (515) Dersaâdet‘te Dikranyan hânında sâkin İtalya devleti tebe‘âsından Ilia Alfandari İstanbul‘da Yusufyan hânında 17 numaralı odada mukîm Kazar Ağaçyan zimmetinde alacağı olan kırkdokuzbuçuk adet lirâ-yı Osmânînin ahzına muvaffak olamadığından bahsile merkûm Kazar Ağaçyan‘ın Mahkeme-i Ticâret Birinci Meclisine celbiyle meblağ-ı mezbûrun maa güzeste ve masârif-i muhâkeme ve ücret-i vekâlet tahsîli husûsunun taht-ı hükme alınmasını bâ-arzuhal istid‘â eylemiş olmağla icrâ-yı îcâbı husûsuna himmet buyrulması iltimâs ve takrîr olunur. 5 Mayıs [1]314.

(s.89) 168) (516) Tebe‘â-i devlet-i aliyyeden Kadıkaryesinde mukîm bakkal Haralambos lehine ve İtalya devleti tebe‘âsından ve şimendifer ketebesinden Josef Ferro aleyhine olarak Mahkeme-i Ticâret Birinci Meclisinden sâdır olup 4 Mayıs 314 tarihinde muâmele-i teblîğiyesi icrâ kılınan 11 Nisan 314 tarihli ve 6 numaralı i‘lâm-ı gıyâbînin hükmünü adem-i kabul ile i‘tirâz ale‘l-hüküm eylemiştir şöyleki evvela merkûm Haralambos‘a binbeşyüz kuruş borcu olmadığı gibi müddei-i merkûm şerîki Stefano ile berâber meblağ-ı mezbûru talep etmeyip yalnız kendisi için iddia eylediğinden ve mezkûr akçenin mukassitan merkûm şerîkine verilmesi için dükkân mührüyle kendisine bir varaka i‘tâ ve buna mahsûben geçen sene Martında beş adet lirâ-yı Osmânî te‘ diye etmiş olduğundan ve böyle bir varaka verdiğini merkûm Haralambos inkâr ederse tahlîfini talep edeceğinden ve esnâ-yı muhâkeme[de] beyân edeceği esbâb-ı sâireden dolayı mezkûr i‘lâmın feshiyle yeniden muhâkemelerinin icrâsı ve masârif-i muhâkeme ve sâirenin merkûm Haralambosa tahmîlini bâ-istid‘â talep eylemiş olmağla icrâ-yı îcâbı hususuna himmet buyrulması iltimâs ve takrîr olunur. 11 Mayıs [1]314.

169) (517) İtalya devleti tebe‘âsından Beyoğlu‘nda Kalyoncu Kolluğu civârında mukîm Federico nâm kimesne konsolatoya takdîm eylediği arzuhalde Kasımpaşada Emin camii şerîfi sokağında kâin olup taht-ı istîcârında bulunan 108 numaralı şarap depozitosu bakkâl dükkânında müskirât furûht olunmamak üzere geçende oraya memûrîn-i zabıta tarafından bir memur konulmuş olduğundan ve halbuki mezkûr dükkânı 28 Nisan 1898 tarihli konturato mücebince eşyâsıyla berâber sahiplerinden istîcâr ve iştirâ eylediğinden bahsile memur-ı mûmâileyhin mahall-i mezkûrdan kaldırılması zımnında îcâb-ı halin icrâsını istid‘â eylemiş olmağla îfâ-yı muktezası husûsuna himmet buyrulması iltimâs ve takrîr olunur. 11 Mayıs [1]314.

(s.90) 170) (518) Galata‘da Büyükdeğirmen hânında 12 numaralı odada mukîm İtalya devleti tebe‘âsından ve tüccârdan Dandrea birâderler tarafından cânib-i konsolatoya i‘tâ olunan arzuhalde Çekmece-i sağır kazasına tabi Burgaz karyesinde mukîm tebe‘â-i

devlet-i aliyyeden fırıncı Vasil Ananostaki zimmetinde vadesi murûr etmiş bir kıt'a senet mücebince elli adet lirâ-yı Osmânî matlûbu olup te'diyesinden imtinâ eylediği cihetle medyûn-i merkûmun celbiyle muhâkemelerinin icrâsını ve alacakları olan mebâliğin maa faiz ve masârif-i muhâkeme ve ücret-i vekâlet merkûmdan tahsîlini istid'â kılınmağla ber mücebi istid'â icrâ-yı îcâbı iltimâs kılınır. 13 Mayıs [1]314.

171) (519) (Müsveddesiyle beyazı sahibi tarafından hâriçte tanzîm ettirilmiştir). İtalya devleti tebe'âsından ve demiryol ameliyât-ı inşâiye müteahhidlerinden olup akdemce muvakkaten Uşak'ta ve el-yevm İtalya'da Milan vilâyeti dahilinde Markirot şehrinde mukîm bulunan Luigi Bocolo ve şurekâsının vekîli Galata'da Gül Kamando hânında 12 numaralı odada sâkin dava vekillerinden mösyö J. A. Rozasco tarafından konsolatoya i'tâ olunan istid'â-nâmede tebe'â-i devlet-i aliyyeden Uşak'da sâkin bakkal Pandeli İliyadi nâm kimesne mukeddema Oturakda ve el-yevm Afyonkarahisar'da mukîmün İtalya devleti tebe'âsından Giovanni Butte ile Adolfo Silvestri ve Teresa Silvestri zimmetlerinde alacağı olduğundan bahsile Uşak Ticâret Mahkemesi marifetiyle müvekkilleri yedinde onüçbin üzerine hacz vaz' etmiş ve ol-babda vukûbulan tasdîk-i hacz davasında müvekkilleri celb olunmadıklarından mâadâ merkûmün Butte ve Silvestrilere ancak dokuzyüzden bin kuruşa kadar borçları olduğunu bâ-takrîr beyân etmiş oldukları halde mahkeme-i mezkûre 17 Mart 313 tarihli ve 2 numaralı i'lâm mücebince hacz-i vâkı tasdîk eylemiş ve i'lâm-ı mezkûrun tebliği akabinde müvekkilleri i'tirâzu'l-ğayr etmişler ise de işbu i'tirâzu'l-ğayr istid'âları 8 Kanunîsânî 313 tarihli ve 59 numaralı i'lâm ile (s.91) mahkeme-i mezkûre tarafından red ve hacz-i mezkûr için müvekkillerinin hesabına olarak medyûnları bulunan Demiryol İnşâat ve İşletici Umûm Reji İdaresinden Uşak mahkemesi İcrâ Memuriyetine ikiyüz lirâ-yı Osmânî edâ olunması memûriyet-i mûmâileyhâ cânibinden taleb olunmuş olduğundan ve halbuki evvela bâlâda dahi beyân olduğu vechile müvekkillerinin merkûmün Butte ve Silvestrilere ancak dokuzyüzden bin kuruşa kadar borçları olduğu bâ-takrîr beyân ettiklerinden başka mahkemeye dahi celb olunmadıkları cihetle mahkemenin onüçbin kuruş üzerine vaz olunan haczi tasdîk etmesi îcâb etmeyip ya takrîr-i mezkûru pîş-i nazara alması veyahut müvekkillerini dahi dâhil-i dava ettirip Butte ve Silvestrilere olan miktâr deyinlerini tahkîk ve ol-vechile haczin meblağ-ı esahhını tayîn eylemesi tabiat-ı maslahat iktizâsından bulunduğu ve sâniyen onüçbin kuruş üzerine mevzu olan haczin tasdîkini mutazammın olup usûl ve nizâma ve uhûd-ı düveliyeye külliyyen münâfi sûrette müvekkillerine tebliğ kılınan 17 Mart 313 tarihli ve iki numaralı i'lâma karşı hukuk ve menâfilerinin sekteden vikâyesi için tedâbir-i lâzimeye musâraata müvekkilleri mecbûr olup zira takrîrleri pîş-i nazara alınmadığı gibi kendileri dahi mahkemeye celb olunmadıkları ve mutlaka Butte ile Silvestrilere onüçbin kuruş medyûn olmaları hususunda ısrâr olunarak ol-babda kendilerine bir kıt'a i'lâm dahi tebliğ olduğundan bi't-tab' i'lâm-ı mezkûr aleyhine i'tirâzu'l-gayra hakları derkâr ve şu halde mahkeme-i mezkûre işbu i'tirâzu'l-gayr davalarını reddedecek yerde bilakis Usûl-i Muhâkeme-i Ticâret Nizâmnâmesi'nin doksanikinci maddesi mücebince kendilerini istimâ ve haczin miktarını deynleri olan meblağa hasr ve tahdîd

etmesi muktaziyât-ı kanûniyeden bulunduğuna ve ahîran gûya müvekkillerinin Butte ve Silvestrilere onüçbin kuruş borçları olup hemen edâya mahkûmiyetlerini hâvî ortada bir i'lâm var imiş gibi mahkeme-i mezkûre icrâ memuriyeti tarafından mârru'z-zikr Umum Reji İdâresine gönderilen ve müvekkilleri hesabı için ikiyüz lirâ-yı Osmânî te'diyesi talebini hâvî olan tezkerden mahkeme-i mezkûrenin ânifu'z-zikr muğâyir-i nizâm (s.92) hükmünün netâyic-i vahîmesi numayan olduğuna mebni müvekkilleri mârru'z-zikr Uşak Ticâret Mahkemesinin 8 Kanunisânî 313 tarihli ve ellidokuz numaralı i'lâm hükmünü adem-i kabul ile esbâb-ı mezkûreden ve esnâ-yı muhâkemedede arz ve ilâve kılınacak esbâb ve edille-i sâireden dolayı mahkeme-i istînâf makâmına kâim olan Mahkeme-i Ticâret Birinci Meclisinde istînâf-ı davaya kıyam eder ve işbu dava-yı istînâfiyelerinde haksız çıkacak olurlar ise hükm-i evvelin icrâsıyla berâber müstenifunaleyhin istînâf muhâkemesi masârifini ve kanûnen tasdîk olunacak masârif-i seferiye ve zarar ve ziyânlarını tazmîne dâir irâe edilen kefilin merciinden musaddak senedi merbût bulunmuş olduğundan bahsile müstenifunaleyh-i merkûm Pandeli İliyâdi'nin kanûnen muayyen olan müddet-i kalîle zarfında serîan mahkeme-i istînâfa celbiyle evvela müvekkillerinin i'tirâzu'l-ğayr istid'âlarının reddini mutazammın olan mezkûr 8 Kanunisânî 313 tarihli ve ellidokuz numaralı i'lâmın feshini sâniyen esâs madde hakkında Usûl-i Muhâkeme-i Ticâret Nizâm-nâmesinin yüzonsekizinci maddesine tevfiikan muâmele olunarak sâlifü'z-zikr 17 Mart 313 tarihli ve iki numaralı i'lâm-ı gıyâbînin müvekkilleri Luigi Boccolo ve şurekâsına karşı bir gûne hüküm ve te'siri olmadığı ve binâenaleyh kâffe-i muâmelâtın ve be-tahsîs icrâ memûriyetince tasaddîf olunan muâmele-i icrâiyyenin keenlemyekun hükmünde tutulması ve alâ-küllî't-takdireyn hacz-i vâkî nihâyetü'n-nihâye bin kuruşa kadar tasdîk olunabilip fakat bu meblağ dahi müstenifunaleyh-i merkûm Pandeli İliyâdi'nin ahza hakkı olmaması zira müvekkillerinin vâkî olan masârif-i muhâkeme ve sâirelerine takas ve mahsûbu lâzım geldiğini ve sâlisen bi'l-cümle derece-i ûla ve sâniye muhâkeme masârif-i ile ücret-i vekâlet ve sâir zarar ve ziyânlarının tazmînine ve i'tirâzu'l-ğayr istid'âlarının reddinden dolayı Uşak mahkemesi tarafından tevkîf olunan birbuçuk Osmânî lirâsının tesviyesine müstenifunaleyhin mahkûm tutulması ve müvekkillerinin Dersââdet Beyoğlu'nda kâin olup İzmir Kasaba demiryolunun temdîd inşaatının müteahhidi bulunan Umûm Reji İdâresi zimmetinde matlûbları olan akçeden ikiyüz Osmânî lirâsı müstenifunaleyh-i merkûmun talebi üzerine Uşak Mahkemesi İcrâ Memûriyeti tarafından bi-gayr-ı hakkın hacz edilmiş olduğundan müvekkilleri tarafından istînâf-ı dava olunduğu ve binâenaleyh her gûne icrâ muâmelâtının te'hîri luzûmu bâ-telgraf Uşak Mahkemesiyle İcrâ Memûriyetine Mahkeme-i İstînâf riyâsetinden iş'âr olunması taleb ve istid'â olunmağın ber mûceb-i istid'â icrâ-yı îcâbı iltimâs olunur. 14 Mayıs [1]314.

(s.93) 172) (520) Üç mâh mukaddem Yenişehir'de katlolunan İtalya devleti tebe'âsından Francesco Lucasio'nun keyfiyet-i katlinden dolayı maznûnen derdest olunarak taht-ı tevkîfte bulunan Yenişehir bekçisi Ali bin Aziz Ağa maktul-ı merkûmun intihâr etmiş olduğu cihetle kendisinin tahliye-i sebîlini bâ-arzuhal taleb etmiş ise de husûs-ı mezkûr

mahkeme-i âidesince rü'yet olunmadıkça merkûmun sebîli tahliye olunmaması müteveffâ-yı merkûmun veresei tarafından istid'â kılınmağla icrâ-yı îcâbı husûsuna himmet buyrulması iltimâs ve takrîr olunur. 19 Mayıs [1]314.

173) (521) İtalya devleti tebe'âsından Aşil B. Corpi ve Kumpanyası Mahkeme-i Ticâret Birinci Meclisinden istihsâl eyleyip 15 Nisan 314 tarihinde muâmele-i teblîğiyesi icrâ kılınan 15 Kanunievvel 313 tarihli 133 numaralı i'lâm-ı gıyâbî mücebince İran devleti tebe'âsından müteveffâ Mutanya Damiyano'nun mahdûmları Stavri ve Paji zimmetlerinde alacağı olan yüz kırkbeş adet lirâ-yı Osmânî ve yirmiüç kuruş otuz paranın maa güzeste ve masârif-i muhâkeme te'mîn-i istîfâsı zımında merkûmların Alacahamamda Ekmekçi Fırını hânında kendilerine âit olan hissenin taht-ı hacze alınarak furûhtuyla i'lâm-ı mezkûr hükmünün icrâsını bâ arzuhal istid'â eylemiş olmağla icrâ-yı îcâbı husûsuna himmet buyrulması iltimâs ve takrîr olunur. 21 Mayıs [1]314.

(s.94) 174) (522) İtalya devleti tebe'âsından Lucia Pocco Corone Altıncı Dâire-i Belediye Evrâk Odası ketebesinden rif'atlû Ali Rıza Efendi geçende mezbûreye tasallut etmek için Küçükhendekte sâkine olduğu hâneye duhûl ile mezkûr hânedeki köpeği baston ile darb edip vefâtına sebebiyet vermiş ve mezbûreyi bıçak ile tehdit etmekle berâber muahharan yine gelerek hâne-i mezkûrun camlarını şikest ve mezbûreyi cerh eylemiş olduğundan bahsile mûmâileyhin Beyoğlu Bidâyet Mahkemesi Cezâ Dâiresine celbiyle hakkında nizâmen lâzım gelen mucazâtın icrâsıyla ba'demâ merkûmeye taarruz etmemesi zımında iktizâ eden muâmelenin îfâsı ve zarar ve ziyânının tahsîli husûsunun taht-ı hükme alınmasını bâ arzuhal istid'â eylemiş olmağla icrâ-yı îcâbı husûsuna himmet buyrulması iltimâs ve takrîr olunur. 25 Mayıs [1]314.

175) (524) İtalya devleti tebe'âsından Matil'da Rosanetti'nin konsolatoya takdîm eylediği arzuhalde Ferikaryesinde Rus sokağında 13 numarada mukîm olduğu hânenin tahliye olunmasını müş'ir Beyoğlu Bidâyet Mahkemesi Mukâvelât Muharrirliği tarafından bir kıt'a ihbarnâme teblîğ olunmuş ve halbuki mukaddema mezkûr hâneye mutasarrıfe iken muahharan tebe'â-i devlet-i aliyyeden doktor Yanopolo uhdesine yüzyetmiş adet lirâ-yı Osmânî mukâbilinde vefâen ferâğ etmiş olup fakat beynlerinde bir güne îcâr kontratosu olmadığı ve şu halde mezkûr hânenin tahliyesi hakkındaki vâki olan taleb muğâyir-i kanun bulunmuş olduğundan bahsile merkûm doktor Yanopolo'nun mahkeme-i mezkûreye celbiyle dava-yı vaki'nin reddi ve masârif-i muhâkeme ve sâirenin dahi merkûma tahmîlini istid'â eylemiş olmağla icrâ-yı îcâbı husûsuna himmet buyrulması iltimâs ve takrîr olunur. 27 Mayıs [1]314.

(s.95) 176) (523) (Müsveddesiyle beyâzı hâriçte tanzîm ettirilmiştir). İtalya devleti tebe'âsından İsviçreli Beyoğlu'nda Postahâne sokağında yirmi numaralı hânedeki mukîm mühendis Joseph Abrellanın konsolatoya takdîm eylediği istid'âda Fransa devleti

tebe‘âsından Kont Charles de Semali ile müsterek Kastamonu vilâyeti dâhilinde Bartın kazasında Amasra nâhiyesinde Kalaycı karyesinde Karadeniz sahilinde malûmu’l-hudud mahalde vucûdunu hissetmiş oldukları maden kömürü ocaklarını bi’t-taharrî zâhire ihrâç ve hukûmet-i seniyye ile muâmele-i lâzimesini icrâ ve şartnâmesini tanzîm ve imtiyâz fermân-ı âlîsini istihsâl edecekleri sırada tebe‘â-i devlet-i aliyyeden Dersaadet’te Bâbîâlî caddesinde Şamlı hânında mukîm kitapçı Hacı Mehmed Emin Efendi kendilerini iğfâl ile imtiyâz fermân-ı âlîsini istihsâl ve sermayedâr teşkil ederek ocakların rub’ hissesini kendilerine terk ve teslim edeceğini beyân ile yedlerinde bulunan şartnâme ve harita ve dört kıt’a mevcut kapı ve [...] tahlil raporunu ahzeylemiş ve fermân-ı âlîsini istihsâl eylemiş ve ocakları muâyene etmek ve husûsât-ı sâiresini tetkîk eylemek üzere kendisine yüzelli lirâ ucûrât ile memûr eylemiş ve hizmetini ifâ etmiş olduğu halde mûmâileyh mezkûr ocakları zabt ile berâber ucûrât-ı mezkûru dahi i’tâdan imtinâ eylemiş olduğundan mûmâileyhin celbiyle bi’l-muhâkeme mezkûr ocaklarda olan rub’ hissesiyle ucûrâtı olan yüzelli lirânın bi’t-tahsîl tarafına i’tâsına ve rub’ hisse ocağın kendilerine âidiyetine hükmolunmasını ve bu bâbda vâki olan masârif-i muhâkeme ve ücret-i vekâlet ve sâirenin kendisine tahmîlini talep ve istid‘â etmiş olmağla ber müceb-i istid‘â îcâbının icrâsı iltimâs olunur. 25 Mayıs [1]314.

(s.96) 177) (525) (Müsveddesiyle beyâzı sahibi tarafından hâriçte tanzîm ettirilmiştir). Beyoğlu’nda Şişli’de Büyükdere caddesinde Asâkir-i şâhâne karakolhânesi karşısında bilâ numara hânenin iki odasında müste‘ciren sâkin İtalya devleti tebe‘âsından asva[1]tucu mösyo Costa Cakettoni’nin konsolatoya takdîm eylediği arzuhalde Beyoğlu Hasan ağa mahallesi dahilinde Sakızağacı caddesinde bilâ numaralı hânede sâkin umûr-ı beytiyesiyle meşgûl tebe‘â-i devlet-i aliyyeden Lambrini Bihnes Yanko’nun aleyhine Beyoğlu Birinci Hukuk Mahkemesinde Şişli’de vâki mezkûr hânenin odalarının tahliye ve bedel-i îcârdan dolayı ikâme eylediği dava üzerine mahkeme-i mezkûrda cereyan eden muhâkeme neticesinde mezbûre tarafından mahkemeye konturato ibrâz edilmediği halde usûl-i muhâkemeye muğâyir olarak icrâ-yı muvakkat kararı verilmesi ve akd-i sâninin mutasarrıf Galib Bey ile vukubulduğu iddia edilip mîr-i mûmâileyhe yemin teklif edilmiş iken gûya mezkûr tarihte Dersaadet’te bulunmadı denilerek mahkeme yemin kararından muğâyir-i kanun olarak feragât etmesi ve İtalyalı-yı merkûm sudûr eden 55 numaralı ve 14 Nisan 314 tarihli ve 25 Mayıs 314 tarihinde tebliğ kılınan i’lâm hükmüne adem-i kanaatle istînâf-ı dava edip ve bu hususta kefâlet-i musaddaka verdiğiinden usûlen takdîm eylediği evrâkın birer sûretlerini mezbûre tarafına tebliğiyle mezbûrenin veyahut vekîl-i musaddakasının müddet-i kanuniyesi zarfında mahkeme-i aliyyenize celbiyle bi’l-muhâkeme hükm-i ibtidâiyenin feshi ve masârif-i muhâkeme ve ücret-i vekâletin mezbûreye tahmili istid‘â olunmasıyla icrâ-yı îcâbi iltimâs olunur. 30 Mayıs [1]314.

(s.97) 178) (526) İtalya devleti tebe‘âsından Aleksandronun konsolatoya takdîm eylediği arzuhalde Beyoğlu’nda Kalyoncu Kolluğu civârında 44 numaralı dükkânda mukîm

tebe‘â-i devlet-i aliyyeden eczacı Vasilaki Anastasyadi nâm kimesne zimmetinde bir kıt‘a bono mûcebince Haliç Dersâadet vapurları idaresinde müstahdem Yanko Balta Efendinin kefâletiyle gayr-ı ez-istîfâ alacağı olan onyedî adet lirâ-yı Osmânînin ahzına muvaffak olamadığından bahsile mûmâileyhimânın Mahkeme-i Ticâret Birinci Meclisine celbiyle meblağ-ı mezbûrun maa güzeste ve masârif-i muhâkeme ve ücret-i vekâlet tahsîli husûsunun taht-ı hükme alınmasını istid‘â eylemiş olmağla icrâ-yı îcâbına himmet buyrulması iltimâs ve takrîr olunur. 4 Haziran [1]314.

179) (527) İtalya devleti tebe‘âsından Giacomo Garse konsolatoya takdîm eylediği arzuhalde tahmînen dokuz sene mukaddem Mahkeme-i Ticâretten istihsâl eylediği i‘lâm mûcebince bu defa Bâb-ı Vâlâ-yı Seraskerî Levâzımât Dâiresi Üçüncü Şube Müdür Muavinliğine tayin kılınmış olan kâimmakâm izzetlû İbrahim Bey zimmetinde alacağı olan ellibeş adet lirâ-yı Osmânînin maa-fâiz ve masârif-i muhâkeme tahsîli zımında mûmâileyh İbrahim Bey’in rub‘ maâşî mukeddema taht-ı hacze aldırılmış ise de henüz bir akçe verilmediğinden ve bu ise muğâyir-i adalet bulunduğundan bahsile matlûbunun tesviyesi zımında îcâb-ı halin icrâsını istid‘â eylemiş olmağla mîr-i mûmâileyhin mahcûz bulunan maâşat-ı rub‘undan şimdiye kadar terâkum eden meblağın def‘aten ve işleyeceklerinin dahi bilâ te‘hîr dâire-i icrâya irsâli zımında taraf-ı sâmi-i cenâb-ı seraskeriye iş‘âr-ı keyfiyet olunması iltimâs ve takrîr olunur. 4 Haziran [1]314.

(s.98) 180) (528) İtalya devleti tebe‘âsından Scattoni ile vâlidesini darb ettiği taraf-ı konsolatodan yazılan 23 Kanunievvel 313 tarihli takrîrde gösterilen asâkir-i şâhânenin Beyoğlu İtfaiye Tabur-ı Humâyûnundan onbaşı Kel Hüseyin ile maiyeti efrâdı ve Emin Câmi-i şerîfi karakolhânesinde müstahdem Mustafa çavuş olduğu ve “Antifoni” odasında müstahdem polis memuru Mustafa Efendinin dahi vak‘ayı muşâhâde eylediği müddeiler tarafından beyân olunduğundan icrâ-yı îcâbı iltimâs ve takrîr olunur. 4 Mayıs [1]314.

181) (529) İtalya devleti tebe‘âsından terzi Paolo Parma kendi tarafından asâleten ve müteveffâ Domenico veledi Lena vereseşi tarafından vekâleten konsolatoya takdîm eylediği arzuhalde Dâhiliye Nezâret-i celîlesi Matbuat Kalemi muavini olup Kadıkaryesinde Yoğurtçu Çeşmesi’nde mukîm bulunan saadetlû Feyzi Beyefendi zimmetlerinde elbise bahâsından dolayı fatura mûcebince alacakları olan yirmiyedî adet lirâ-yı Osmânî ve ellibir kuruşun ahzına muvaffak olamadığından bahsile mûmâileyh Feyzi Beyefendinin Mahkeme-i Ticâret Birinci Meclisine celbiyle bi’l-muhâkeme meblağ-ı mezbûrun maa güzeste ve masârif-i muhâkeme ve ücret-i vekâlet tahsîli husûsunun taht-ı hükme alınmasını istid‘â eylemiş olmağla icrâ-yı îcâbına himmet buyrulması iltimâs ve takrîr olunur. 6 Haziran [1]314.

182) (530) Polis komiseri İsmail Hakkı Efendi lehine ve İtalya devleti tebe‘âsından Kor-fotayı Yanyalı aleyhine olarak Üsküdar Bidâyet Mahkemesinden sâdır olan i‘lâm üzerine mezkûr i‘lâmın tasdîkini hâvî Dersâadet İstînâf Cunhâ Dâiresinden verilen ve 8 Haziran

314 tarihinde tebliğ olunan i'lâm-ı gıyâbînin hükmünü İtalyalı-yı merkûm adem-i kabulyle i'tirâz ale'l-hükm eylemiştir merbûtan takdîm kılınan lâyhada muharrer olduğu üzere merkûmun cereyân-ı muhâkemede kuvve-i mümeyyize ashâbından bulunmadığı gibi mûmâileyhe hakaret eylediğinin de asıl ve esası (s.99) olmadığından ve mezkûr lâyiha münderecâtıyla esnâ-yı muhâkemede arzedeceği esbâb-ı sâireye nazaran i'lâm-ı mezkûrun feshiyle muhâkeme-i vicâhiyelerinin icrâsı ve masârif-i muhâkeme ve sâirenin mûmâileyh İsmail Hakkı Efendiden tahsîli hususunun taht-ı hükme alınmasını talep eylemiş olmağla icrâ-yı îcâbına himmet buyrulması iltimâs ve takrîr olunur. 11 Haziran [1]314.

183) (531) İtalya devleti tebe'âsından terzi Paolo Parma kendi tarafından asaleten ve müteveffâ Domenico veledi Giovanni Lena vereseşi tarafından vekâleten konsolatoya takdîm eylediği arzuhalde Rumelihisarı'nda gözlükçü Ali Beyin hânesinde mukîm devlet-i aliyye-i Osmâniyenin Tırhala şebbenderi izzetlû Necip Beyefendi zimmetlerinde 1 Eylül 312 tarihinde vadesi hitâm bulan 1 Temmuz 312 tarihli bir kıt'a bono mücebibce alacakları olan ikiyüzotuz frank yani on adet Osmânî lirâsının ahzına muvaffak olamadığından bahsile mûmâileyhin Mahkeme-i Ticâret Birinci Meclisine celbiyle bi'l-muhâkeme meblağ-ı mezbûrun maa-güzeşte ve masârif-i muhâkeme ve ücret-i vekâlet tahsîli husûsunun taht-ı hükme alınması istid'â kılınmış olmağla icrâ-yı îcâbına himmet buyrulması iltimâs ve takrîr olunur. 22 Haziran [1]314.

184) (532) Devletlû ismetlû Seniha Sultan aliyyetü's-şân hazretlerinin zimmetlerinde İtalya devleti tebe'âsından banker mösyö Paul Stefanovic ile Fransa devleti tebe'âsından mösyö Costantin alacakları olan binaltiyüz yirmiyedi adet lirâ-yı Osmânînin maa faiz ve masârif-i muhâkeme tahsîli için Sultan-ı muşârunileyhâ hazretlerinin Maliye Nezâret-i celîlesinden muhassess maâşlarının rub'u mükeddema taht-ı hacze alınmış ve mûmâileyh Stefanovic konsolatoya murâcaatla şimdiye kadar mebâliğ-i mezkûre için bir akçe (s.100) verilmediği cihetle mutazarrır olmakta bulunduğunu beyân ile sızlanmakta bulunmuş idiğünden Sultan-ı muşârunileyhâ hazretlerinin sâlifü'z-zikr mahcûz bulunan rub' maâşından şimdiye kadar terâkum eden akçenin def'aten mûmâileyhe i'tâsı ve işleyeceklerinin de bilâ-te'hîr Dâire-i İcrâyâ celbi ile tesviye-i matlûb ettirilmesi zımında icrâ-yı îcâbı husûsuna himmet buyrulması temennî ve iltimâs olunur. 30 Haziran [1]314.

185) (533) (Şuhûd: Hasköy'de Yazıcı sokağında tebe'â-i devlet-i aliyyeden Marcona mahall-i mezkûrda mukîm Fransa devleti tebe'âsından Rafael Desine) İtalya devleti tebe'âsından Hasköyde mukîm Moiz Farsa konsolatoya takdîm eylediği arzuhalde mahall-i mezkûrda Kömürcü sokağında sâkin tebe'â-i devlet-i aliyyeden İlya Behur nâm kimesne geçende kendisine bir takım bed' muâmele ve nâmusu muhil bazı tefevvuhâtta bulunarak tehdîd etmiş olduğundan bahsile merkûmun hakkında nizâmen muâmele-i mukteziye icrâsıyla nâmusunun iâdesi zımında îcâb-i hâlin îfâsını istid'â eylemiş olmağla ol vechile ifa-yı muktezâsı husûsuna himmet buyrulması iltimâs ve takrîr olunur. 30 Haziran [1]314.

186) (534) İtalya devleti tebe'âsından terzi Paolo Parma kendi tarafından asâleten ve müteveffâ Domenico veledi Giovanni Lena veresesi tarafından vekâleten konsolatoya takdîm eylediği arzuhalde Beyoğlu'nda Cadde-i Kebîrde 373 numarada mukîm Tahrîrât-ı Hâriciye mümeyyizlerinden saadetlû Reşad Rıdvan Beyefendi zimmetlerinde elbise bahâsından dolayı alacakları olan yirmisekiz adet lirâ-yı Osmânî ve onbeş kuruşun ahzına muvaffak olunamadığından bahsile mûmâileyh Reşad Rıdvan Beyefendinin Mahkeme-i Ticâret Birinci Meclisine celbiyle meblağ-ı mezbûrun maa fâiz ve masârif-i muhâkeme ve ücret-i vekâlet tahsîli husûsunun taht-ı hükme alınmasını istid'â eylemiş olmağla icrâ-yı îcâbına himmet buyrulması iltimâs ve takrîr olunur. 30 Haziran [1]314.

(s.101) 187) (535) Galata'da Kurşunlu hânda mukîm İtalya devleti tebe'âsından Milya-da Deronde konsolatoya takdîm eylediği arzuhalde Mahmutpaşada Kürkçü hânında 31 numarada sâkin tebe'â-i devlet-i aliyyeden ve tüccârdan Mihail Boyacıyan zimmetinde 13 Eylül 1895 tarihli emre muharrer sened mücebince alacağı olan otuz adet Osmânî lirâsının ahzına muvaffak olamadığından bahsile medyûn-ı merkûmun Mahkeme-i Ticâret Birinci Meclisine celbiyle meblağ-ı mezbûrun maa fâiz ve masârif-i muhâkeme tahsîli husûsunun taht-ı hükme alınmasını istid'â eylemiş olmağla icrâ-yı îcâbına himmet buyrulması iltimâs ve takrîr olunur. 4 Temmuz [1]314.

188) (536) Taraf-ı konsolatodan yazılan 6 Haziran 314 tarihli takrîrde Dâhiliye Nezâret-i celîlesi Matbuat Kalemi Muavini saadetlû Hıfzı Beyefendi yazılacak iken sehven Feyzi Bey tahrîr edilmiş olduğundan keyfiyetin tashîhi zımında işbu takrîrin ol bâbdaki evrâk ile birleştirilerek icrâ-yı îcâbı husûsuna himmet buyrulması iltimâs olunur. 6 Temmuz [1]314.

(s.102) 189) (538) İtalya devleti tebe'âsından terzi Paolo Parma kendi tarafından asâleten ve müteveffâ Domenico veledi Giovanni Lena veresesi tarafından vekâleten konsolatoya verdiği arzuhalde Hademe-i Hassa-i şâhânededen ve Musika-ı Humâyûn müstahdemininden Cihangir'de Sormagir mahallesinde Almanya hastahânesinin arkasında mukîm izzetlû Tahir Beyefendi zimmetinde elbise bahâsından dolayı alacakları olan ondört lirâ ve doksanbirbuçuk kuruşun ahzına muvaffak olunamadığından bahsile mûmâileyhin Mahkeme-i Ticâret Birinci Meclisine celbiyle meblağ-ı mezbûrun maa güzeşte ve masârif-i muhâkeme ve ücret-i vekâlet tahsîli husûsunun taht-ı hükme alınması istid'â kılınmış olmağla icrâ-yı îcâbına himmet buyrulması iltimâs ve takrîr olunur. 9 Temmuz [1]314.

190) (537) Makriköy Bidâyet Mahkemesi Riyasetine: Galata'da Kalafât yerinde mukîm İtalya devleti tebe'âsından Antonio Lanco konsolatoya takdîm eylediği arzuhalde Ayes-tefanos civarında Galedârîye mahallesinde sâkin tebe'â-i devlet-i aliyyeden ve sabıkalı takımından bakkal Nikoli ve latarnacı Markonun mukîm bulundukları dükkâna geçende mahdûmu Sbilyo Arkedâs Spiro ile giderek bir gece ikâmet etmiş ise de sabahleyin yedinde bulunan bindörtüyüz doksanalı kuruş merkûmlar tarafından gasbolunduğunu ifâde eylemiş

olduğundan ve mezkûr dükkânda bir de ihtiyare kadın mevcut olup mezbûrenin bunda medhali olduğu melhûz bulunduğundan bahsile merkûmûnun haklarında nizâmen lâzım gelen muâmelenin icrâsıyla meblağ-ı mezbûrun istirdâdı ve kefâlet-i mâliyyeye rabtolunmaları zımnında icrâ-yı îcâbı istid'â olunmuş olmağla ifâ-yı muktezâsı hususuna himmet buyrulması iltimâs ve takrîr olunur. 8 Temmuz [1]314.

191) (539) 2 Kanunisânî 98 efrencî tarihinde Tatavla'da Dolapderesi'nde İtalya devleti tebe'âsından Francesco'nun bî-ruh olarak yatmakta olduğu mahall-i mezkûr bekçisi tarafından Dolapderesi polis komiseri Cemal Bey'e ihbâr olunması üzerine mûmâileyh maiyetinde müstahdem memûrîn-i zabita ile merkûmun (s.103) yanına giderek gûyâ intihâr etmiş olduğunu beyân ile bu bâbda bir gûne taharriyâtta bulunmadığı gibi geceleyin celb olunan Beyoğlu Mutasarrıfiyet-i aliyyesi etibbâsından tercümân efendinin de müteveffâ-yı merkûmun aharı tarafından âlet-i kâtua ve câriha ile katlolunduğu meydanda bulunduğu halde mûmâileyh verdiği raporda intihâr etmiş olduğunu beyân etmiş ve hatta cesedinin defn olunması hakkında kilise memuruna da ruhsat i'tâ eylemiş idiğünden ve halbuki Zabtiye Nezâret-i aliyyesi maiyetinde müstahdem Ali Beyin maktul-ı merkûma nefsâniyeti olmasından nâşî mûmâileyhin verdiği emir üzerine merkûm bekçi tarafından katlolunmuş olduğundan ve muahharan etibbâ heyeti tarafından icrâ edilen muâyenesi neticesinde intihâr etmeyip katlolunduğu anlaşılmış binâenaleyh tercüman efendinin raporu külliyyen kâzib hükmünde kalmış olmasıyla ve merkûm Francesco'nun maktûl olarak bulunduğu halde bunun katilinin kim olduğu hakkında tahkîkat icrâ olunmadığı misillû maznûn olarak hiç kimse de tevkîf olunmayıp cümlesi yeniden yek cihet olup intihâr etmiştir diyerek defnine ruhsat i'tâsı komiser Cemal Efendi ile tabîb-i mûmâileyhin icrâ-yı vazife etmediklerini ve madde-i katlde medhalleri bulunduğunu isbat etmesine ve mûmâileyh Ali Beyle merkûm bekçinin fiil-i katlde fâil-i müşterek olmasına binâen şu halde nizâmen mes'ûliyet-i şedîdeyi müstelzim olduğundan bu bâbda tekrâr tahkîkât-ı lâzıme icrâsıyla haklarında kanunen lâzım gelen mücazâtın bi'l-icrâ hukuk-ı şahsiyelerinin tahsîli maktul-ı merkûmun peder ve vâlîde ve mahdûmları Pascovale Lucasio ile Antonio ve Vittoria ve Domenico tarafından konsolatoya i'tâ olunan arzuhalde istid'â kılınmış olmasıyla icrâ-yı îcâbına himmet buyrulması iltimâs ve takrîr olunur. 9 Temmuz [1]314.

(s.104) 192 (540) İtalya devleti tebe'âsından terzi Paolo Parma kendi tarafından asaleten ve müteveffâ Domenico veledi Giovanni Lena veresesi tarafından vekâleten konsolatoya i'tâ eylediği arzuhalde Mahkeme-i Ticâret Birinci Meclisinden istihsâl eyleyip 1 Temmuz 314 tarihinde muâmele-i teblîgiyyesi icrâ kılınan 18 Haziran 314 tarihli ve 32 numaralı i'lâm-ı gıyâbî mücebince tebe'â-i devlet-i aliyyeden ütücü Jean Koban zimmetinde alacakları olan yirmibeş adet Osmânî lirâsının maa fâiz ve masârif-i muhâkeme te'mîn-i istifâsı zımnında medyûn-ı merkûmun Beyoğlu'nda Hamalbaşı sokağında sâkin olduğu 38 numaralı ütücü dükkânında mevcûd kâffe-i eşyâsının taht-ı hacze alınarak bi'l-muzâyede furûhtuyla i'lâm-ı mezkûr hükmünün icrâsını istid'â eylemiş olmağla icrâ-yı îcâbına himmet buyrulması iltimâs ve takrîr olunur. 18 Temmuz [1]314.

193) (541) İtalya devleti tebe'âsından Ernesto Nelli Ortaköy'de Pişmiş sokağında sâkin olduğu hânenin duvarının arkasında bulunan bir ağacı geçende mahall-i mezkûr sâkinlerinden ve tebe'â-i devlet-i aliyyeden Zaharya nâm kimesne gelerek kat' etmek istemiş ise de kendisinin mumânaatı üzerine teşhîr-i silaha cesâretle tehdîd edip savuşmuş ve muahharan merkûm Zaharya pederi İsrail ile gelip İtalyalı-yı merkûmu o sırada çukur içinde görmelerinden nâşî taş ile darb ettiklerinden ve güç hal mezkûr çukurdan çıkmış ise de yine üzerine hucûm ettikleri o esnâda bazı eşhâs tarafından görülmesiyle yetişip tahlîs etmiş olduklarından ve vak'a-i mezkûre bâlâda esâmisi muharrer zevâtla esnâ-yı muhâkemede beyân edeceği kesânın şehâdetleriyle sâbit olacağından bahsile merkûmların hakkında nizâmen lâzım gelen muâmelenin icrâsıyla giriftâr olduğu zarar ve ziyânın merkûm Zaharya ile pederinden tahsîli husûsunun taht-ı hükme alınmasını bâ arzuhal istid'â eylemiş olmağla icrâ-yı îcâbına himmet buyrulması iltimâs ve takrîr olunur. 23 Temmuz [1]314.

(s.105) 194) (542) İtalya devleti tebe'âsından Avram Levi'nin tebe'â-i devlet-i aliyyeden M. Romano ve şirketi zimmetlerinde dokuz kıt'a emre muharrer bono mücebince alacağı olan ikiyüz altmışbeş lirânın te'mîn-i istîfâsı için bunların mutasarrıf olduğu İstanbul'da Mahmutpaşa mahallesinde Hacı Küçük sokağında 180 numaralı mülk ve gedik bir bâb dükkânın taht-ı hacze alınması taraf-ı konsolatodan yazılan 16 Mayıs 301 tarihli takrîr ile iltimâs olunmuş idi merkûm M. Romano ve şirketinden meblağ-ı mezbûra mukabil kırk adet Osmânî lirâsı ahzedip mütebâkisini kendilerine terk eylediğinden bahsile mezkûr hacz-i mevzûun fekki zımnında îcâb-ı hâlin icrâsı mûmâileyh Avram Levi tarafından bu kerre i'tâ kılınan arzuhalde istid'â olunmasıyla ol vechile îfâ-yı muktezâsı husûsuna himmet buyrulması iltimâs ve takrîr olunur. 23 Temmuz [1]314.

195) (543) (İtalyalı Antonio Vale ve Yovakim İzalebella ve Yunanlı Antonio Eksantaki). Yıldız Saray-ı humâyûnunda çalışmakta olan İtalya devleti tebe'âsından kalemkar K. Sencine Alfredo nâm kimesne geçen Salı günü Beşiktaş'tan esnâ-yı murûrunda Dördüncü Dâire-i Belediye memurları tarafından derdest olunarak Dâire-i mezkûre memûriyetinden Mehmed Çavuş'un huzûruna götürülüp tezkire ahzetmesi teklif olunmuş ve kendisi dahi İtalyalı olduğunu beyân ile hâmil olduğu pasaportunu ibrâz etmiş ise de mûmâileyh Mehmed Çavuş sem' u i'tibâr etmeyip merkûma bir tokat vurmuş ve pasaportunu da parçalamış ve ol vakit darbın te'sîriyle burnundan kan gelerek mezkûr pasaportu ile gömleği dahi kan içinde kalmış olduğundan ve bunu bâlâda esâmisi muharrer şuhûd ile isbât edeceğinden bahsile mûmâileyh Mehmed Çavuşun hakkında nizâmen lâzım gelen mucazâtın icrâsıyla zarar ve ziyânın Mehmed Çavuştan bi't-tahsîl tarafına i'tâsı husûsunun taht-ı hükme alınması zımnında icrâ-yı îcâbı İtalyalı-yı merkûm tarafından i'tâ kılınan arzuhalde istid'â olunmuş olmağla îfâ-yı muktezasına himmet buyrulması iltimâs ve takrîr olunur. 25 Temmuz [1]314.

(s.106) 196) (544) Polis komiseri Ali Beyi katl kasdıyla cerh ettiği iddia olunmasından dolayı cinâyetle ithâm edilmiş olduğu Dersaadet Mahkeme-i İstînâfiyesi müdde-i umûmiliğinin

14 Temmuz 314 tarihli ithâmnameinde gösterilmiş olan İtalya devleti tebe'âsından Minali Carmalo Lucasio'nun bir kolu istimâlden sâkıt ve kendisi sar'a illetiyle malûl olduğu gibi hayli senelerden beri şuûruna da hâlel târî olmuş idiğünden bahsile merkûmun Bîmarhâne etibbâ heyeti tarafından bi'l-muâyene malûl ve şuûrunda hâlel bulunduğu tebeyyün eylediği halde nizâmen lâzım gelen muâmelenin bi'l-icrâ tahliye-i sebîli zımnında iktizâ-yı hâlin icrâsı zevcesi tarafından istid'â kılınmış olmağla icrâ-yı îcâbı husûsuna himmet buyrulması iltimâs ve takrîr olunur. 25 Temmuz [1]314.

197) (545) İtalya devleti tebe'âsından tenekeci Giovanni Molini'nin Mahkeme-i Ticâret Birinci Meclisinden sâdır olan 1 Temmuz 313 tarihli ve doksan numaralı i'lâmın gıyâben tasdîkini hâvî mahkeme-i mezkûreden istihsâl eyleyip 11 Temmuz 314 tarihinde muâmele-i teblîğiyesi icrâ kılınan i'lâm mücebince tebe'â-i devlet-i aliyyeden ve Latin milletinden Beyoğlu'nda Cadde-i Kebîrde yüzellisekiz numaralı Halep çarşısında mukîm ashâb-ı emlâkden Mişel Hecâr zimmetinde alacağı olan yüzyirmiyedi adet Osmânlı lirâsının maa fâiz ve masârif-i muhâkeme ve ücret-i vekâlet te'mîn-i istîfâsı için medyûn-ı mûmâileyhin hânesinde bulunan eşyâsıyla mutasarrıf olduğu mezkûr Halepli hânının ve diğer taht-ı tasarrufunda bulunan hâne ve dükkânların müste'cirleri zimmetlerindeki bedel-i îcâr ve sâirenin taht-ı hacze alınarak i'lâm-ı mezkûr hükmünün icrâsı zımnında iktizâ-yı hâlin îfâsı İtalyalı-yı merkûm tarafından bâ-arzuhal istid'â kılınmış olmağla icrâ-yı îcâbı husûsuna himmet buyrulması iltimâs ve takrîr olunur. 29 Temmuz [1]314.

(s.107) 198) (546) (Müsveddesi sahibi tarafından hâricte tanzîm ettirilmiştir). İtalya devleti tebe'âsından İstanbul'da Kezzapçıoğlu hânında mukîm komisyoncu mösyö Vitali tarafından cânib-i konsolatoya takdîm olunan istid'âda İstanbul'da Yağ iskelesinde mukîm tüccârdan ve tebe'â-i devlet-i aliyyeden Mişel Morayidis zimmetinde emtia bedelinden beşbin yediyüzbeş frank matlûbu olup ahzına muvaffak olamadığından merkûmun Mahkeme-i Ticâret Birinci Meclisine celbiyle bi'l-muhâkeme meblağ-ı mezkûrun maa güzeşte ve masârif-i muhâkeme ve ücret-i vekâletin tahsîli husûsunun taht-ı hükme alınması taleb ve istid'â edilmiş olmağla ol vechile icrâ-yı îcâbı cânib-i konsolatodan iltimâs ve takrîr olunur. 29 Temmuz [1]314.

199) (547) İtalya devleti tebe'âsından Lazar Alof'un Mahkeme-i Ticâret Birinci Meclisinden istihsâl eyleyip 11 Haziran 314 tarihinde muâmele-i teblîğiyesi icrâ kılınan 6 Haziran 314 tarihli ve yirmibeş numaralı i'lâm-ı gıyâbî mücebince tebe'â-i Yunaniyeden taşçı Mihail Georgi Herikel zimmetinde alacağı olan doksaniki adet Osmânlı lirâsının maa fâiz ve masârif-i muhâkeme medyûn-ı merkûmdan tahsîli zımnında mezkûr i'lâm-ı gıyâbî hükmünün icrâsı İtalyalı-yı mûmâileyh tarafından bâ- arzuhal istid'â kılınmış olmağla icrâ-yı îcâbı husûsuna himmet buyrulması iltimâs ve takrîr olunur. 12 Ağustos [1]314.

(s.108) 200) (548) İtalya devleti tebe'âsından terzi Paolo Parma kendi tarafından asâleten ve müteveffâ Domenico veledi Giovanni Lena veresesi tarafından vekâleten konsolatoya

i'tâ eylediği arzuhalde Mahkeme-i Ticâret Birinci Meclisinden istihsâl eyleyip 14 Ağustos 314 tarihinde muâmele-i teblîğiyesi icrâ kılınan 1 Ağustos 314 tarihli ve altmışdört numaralı i'lâm-ı vicâhî mücebine devlet-i aliyye-i Osmâniyenin Tırhala şehbenderi olup Rumeli hisarında gözlükçü Ali Beyin hânesinde mukîm izzetlû Necip Bey zimmetinde alacakları olan on adet lirâ-yı Osmânînin maa fâiz ve masârif-i muhâkeme ve ücret-i vekâlet te'mîn-i istîfâsı zımında mîr-i mûmâileyhin maâşî rub'unun taht-ı hacze alınarak i'lâm-ı mezkûr hükmünün icrâsını istid'â eylemiş olmağla icrâ-yı îcâbına himmet buyrulması iltimâs ve takrîr olunur. 17 Ağustos [1]314.

201) (549) Pangaltı'da Bayır sokağında Hacı Mahmut Beyin hânesinde sâkine İtalya devleti tebe'âsından Matilda nâm kadın şehir-i Ağustosun ikinci günü Abdurrahman nâmında bir kimse tarafından taş ile cerh edilmesinden nâşî memûrin-i zabıta cânibinden tanzîm olunan jurnal üzerine bu bâbdaki dava derdest-i rû'yet ise de hukuk-ı şahsiyesinin tahsîlini bâ arzuhal istid'â eylemiş olmağla icrâ-yı îcâbına himmet buyrulması iltimâs ve takrîr olunur. 22 Ağustos [1]314.

202) (550) İtalya devleti tebe'âsından terzi Paolo Parma kendi tarafından asâleten ve müteveffâ Domenico veledi Giovanni Lena vereseşi tarafından vekâleten konsolatoya i'tâ eylediği arzuhalde Pangaltı'da Büyükdere sokağında 52 numarada mukîm Beşinci Dâire-i Belediye muhâsebecisi izzetlû Tefvik Beyefendi zimmetinde elbise bahâsından dolayı alacakları olan dört yüz seksen frank yani yirmi adet lirâ-yı Osmânî ve doksanbeş kuruşun ahzına muvaffak olamadığından bahsile mûmâileyhin Mahkeme-i Ticâret Birinci Meclisine celbiyle meblağ-ı mezbûrun maa fâiz ve masârif-i muhâkeme ve ücret-i vekâlet tahsîli husûsunun taht-ı hükme alınmasını istid'â eylemiş olmağla icrâ-yı îcâbına himmet buyrulması iltimâs ve takrîr olunur. 27 Ağustos [1]314.

(s.109) 203) (551) (Hârîçte tanzîm ettirilmişdir). İtalya devleti tebe'âsından Komo şehrinde mukîm Edvar Ustuki'nin vekîli Galata'da Vitalis hânında mukîm dava vekîllerinden Adolph Rosenthal Efendinin cânib-i konsolatoya takdîm eylediği istid'âda mûmâileyh Edvar Ustuki Dersââdet'te Sultanhamamı civârında mahall-i ikâmeti bulunan Emin Yahya şirketinin ashâb-ı matlûblarından bulunmakta ve bu kere Selânik vilâyeti muhâsebe memurlarından Mustafa Efendi nâm zât memuriyetinde ikâ ettiği iddia olunan bazı ihtilâsâtta mahdûmları Emin Yahya Efendiler şerîk-i töhmet oldukları zannıyla Mâlîye Nezâret-i celîlesinin iddiası üzerine Emin ve Yahya şirketinin Dersââdet ve Selânik mağazalarında bulunan emvâlî Selânik Hukuk Mahkemesi kararıyla taht-ı hacze alınmış ve diğer taraftan bazı ashab-ı matlûbun murâcaatı üzerine Selânik Ticâret Mahkemesi tarafından şirket-i mezkûrenin iflâsiyetine karar verilmiş olduğundan kanunen ref'i îcâb eden hacz-i mezkûr el-ân bâkî ve halbuki şirketin alacaklıları emvâl-ı şirketten istîfâ-yı matlûb etmezden evvel şurekânın deyn-i husûsilerinin emvâl-i mezkûreden tesviyesi kanunen câiz olmadığından Mâlîye Nezâret-i celîlesinin iddia eylediği alacağının subûtu takdir[in]de bile bir cürüm-

den tevellüd etmiş olması hasebiyle husûsî bir matlûb olup Nezâret-i muşârunileyhânın müdahalesi muğâyir-i kanun ve müdahale-i vakıa mûmâileyh Edvar Ustuki'nin hukukunu muhil bulunduğundan ve Fransa devleti tebe'âsından Pariste mukîm Brusel ve Kumpanyası bu bâbda Mâliye Nezâret-i celîlesi hakkında Birinci Mahkeme-i Ticârette bir dava ikâme etmiş olduğundan dava-yı mezkûreye dehâlet ile Nezâret-i muşârunileyhânın Birinci Meclisi Ticârete celbiyle dehâlet davasının kabulü ve hacz-i mevzûun ref'i ve Nezâret-i muşârunileyhâca iddia olunan matlûb-ı mezkûrun subûtu takdir[in]de bile Emin Yahya birâderler şirketini terki eden â'zânın zimmetinde husûsî bir alacak olacağından şirket-i mezkûrenin ashab-ı matlûbu emvâl-i şirketten istifâ-yı hak ettikten sonra a'zâ-yı şirkete kalacak husûsî servetinden tahsîli luzûmu icrâ-yı muvakkatla taht-ı hükme alınması istid'â ve talep edilmiş olmağla ol vechile icrâ-yı îcâbı cânib-i konsolatodan iltimâs ve takrîr olunur. 29 Ağustos [1]314.

(s.110) 204) (552) Zabtiye Nezâret-i Aliyyesine: 16 Ağustos 1898 tarihinde Zonguldakta katlolunan İtalya devleti tebe'âsından Pelferino'nun kâtili olduğu istihbâr kılınan mahall-i mezkûrda mukîm devlet-i muşârunileyhâ tebe'âsından Antonio Pavletti ile fiil-i katl'de medhali bulunduğu anlaşılan yine tebe'â-i mezkûreden Giuseppe Fabyani nâm şahısların serîan derdest olunarak Dersââdet'e i'zâmları ve bu bâbda tahkîkat-ı mukteziye icrâsıyla evrâkının irsâli zımnında Zâbıtâ Memûriyetine telgrafla evâmîr-i lâzime i'tâsı husûsuna himmet buyrulması temennî ve iltimâs olunur. 2 Eylül [1]314.

205) (553) Dersââdet'te Bahçekapısında İzzet Efendi hânında mukîm İtalya devleti tebe'âsından Hâyim S. Toledo konsolatoya i'tâ eylediği arzuhalde Galata'da Doğruyol'da Hakkı Bey hânında 7 numarada sâkin tebe'â-i devlet-i aliyyeden Josef Namir nâm tâcir zimmetinde 24 Ağustos 1897 tarihinde vadesi hitâm bulan bir kıt'a çek mücebince altmışiki adet lirâ-yı Osmânî ve otuzyedî kuruş ve 27 Ağustos 1897 tarihinde vadesi hitâm bulan diğeri bir kıt'a çek mücebince otuzdört adet Osmânî lirâsı ve doksanbirbuçuk kuruş ki cem'ân doksanyedi lira yirmisekizbuçuk kuruş alacağı olup işbu akçenin te'mîn-i istifâsı zımnında kendisine bir takım eşyâ terhîn eylemiş ise de henüz ifâ-yı deyn etmediğinden bahsile medyûn-ı mûmâileyhin Mahkeme-i Ticâret Birinci Meclisine celbiyle meblağ-ı mezbûrun maa fâiz ve masârif-i muhâkeme ve ücret-i vekâlet tahsîli husûsunun taht-ı hükme alınmasını ve eşya-yı mezkûrenin dahi furûhtuyla esmânından istifâ-yı matlûb ettirilmesine karar i'tâsı ve bu bâbda verilecek kararın muvakkaten icrâsını istid'â eylemiş olmağla icrâ-yı îcâbına himmet buyrulması iltimâs ve takrîr olunur. 3 Eylül [1]314.

206) (554) (Müsveddesiyle beyâzı sâhibi tarafından hâriçte yazdırılmıştır). İtalya devleti tebe'âsından İstanbul'da Kezzapçıoğlu hânında mukîm komisyoncu mösyö L. Vitali tarafından cânib-i konsolatoya takdîm olunan arzuhalde mûmâileyh mösyö Vitali İstanbul'da Yağ İskelesinde mağazasında mukîm tüccârdan ve tebe'â-i devlet-i aliyyeden Teofarest Vitoli'nin siparişi üzerine Marsilya'ya teslim olunmak üzere kendisine satılan beşbin

sekizyüzbir frank yirmi santim kıymetinde elli fiçı zeytinyağının numûneye muvâfık olmadığı bahânesiyle emvâl-i mezkûrenin muâmele-i rusûmiyesini (s.111) icrâdan ve bedelinin i'tâsından imtinâ etmiş olduğundan tarafeyn kâffe-i hukûkunu muhafaza ile berâber zarar ve ziyânının tahdîdi zımnında altıyüzdokuz frank zarar ve ziyânla emvâl-i mezkûreyi ahara furûht etmiş olduğundan merkûmun Mahkeme-i Ticâret Birinci Meclisine celbiyle bi'l-muhâkeme hâsıl olan mezkûr altıyüzellidokuz frank ziyânın maa fâiz ve masârif-i muhâkeme ve ücret-i vekâlet tahsîli husûsunun taht-ı hükme alınması istid'â ve taleb eylemiş olmağla ol vechile icrâ-yı îcâbı iltimâs ve takrîr olunur. 7 Eylöl [1]314.

207) (555) (Müsveddesiyle beyâzı sahibi tarafından hâriçte yazdırılmıştır). İtalya devleti tebe'âsından Koma şehrinde mukîm tüccârdan Edvar Ustuki'nin vekîli Galatada Vitalis hânında mukîm dava vekîllerinden mösyö Adolph Rosenthal tarafından cânib-i ceneral konsolatoya takdîm olunan arzuhalde Selânîk Mahkeme-i Ticâretçe iflâsına hükmolunan Emin Yahya şirketinin ashab-ı matlûbundan bulunan Paris'te mukîm mösyö Brusel ve şurekâsının Maliye Nezâret-i celîlesi hakkında ikâme eylediği davaya müvekkilinin dehâleti zımnında 29 Ağustos 314 tarihinde istid'â takdîm etmiş ise de bazı esbab-ı kanûniyeye mebnî muvakkaten dehâlet-i davadan feragât ettiğinden ihzâr varakalarının iptali taleb etmiş olduğuna binâen ol vechile icrâ-yı îcâbı iltimâs ve takrîr olunur. 7 Eylöl [1]314.

208) (556) Asâkir-i şâhânenen ve Tophâne-i Amire mürettebâtından olup geçende Galata'da Rıhtım üzerinde kâin tiyatroya gelmiş olan Mehmed ve Said kimesnelerden Said isimdeki hâmil olduğu bıçakla mezkûr tiyatroda aktrislik eden İtalya devleti tebe'âsından Caterina Bocco nâm kızı cerh eylemiş olduğu cihetle zâbıta memûru tarafından tanzîm olunan jurnal üzerine bu babdaki dava derdest-i rü'yet bulunmuş ise de merkûmenin tedâvisiyle ticâretinden mahrûm olduğu bin kuruşu mütecâviz akçenin merkûmdan tahsîli husûsunun taht-ı hükme alınmasını bâ arzuhal istid'â eylemiş olmağla icrâ-yı îcâbına himmet buyrulması iltimâs ve takrîr olunur. 10 Eylöl [1]314.

(s.112) 209) (557) İtalya devleti tebe'âsından terzi Paolo Parma kendi tarafından asaleten ve müteveffâ Domenico veledi Giovanni Lena veresesi tarafından vekâleten konsolatoya takdîm eylediği arzuhalde Mahkeme-i Ticâret Birinci Meclisinden sâdır olarak 20 Ağustos 314 tarihinde muâmele-i teblîğiyesi icrâ kılınan 13 Ağustos 314 tarihli seksen numaralı i'lâm-ı gıyâbî mücebince Dâhiliye Nezâret-i celîlesi Matbuât Kalemi muavini olup Kadıkâr-yesinde Yoğurtçu Çeşmesinde mukîm saadetlû Hıfzı Beyefendi zimmetinde alacakları olan yirmiyedi adet Osmânî lirâsı ve ellibir kuruşun maa fâiz ve masârif-i muhâkeme ve ücret-i vekâlet te'mîn-i istîfâsı zımnında mûmâileyh Hıfzı Beyefendinin maâşî rub'unun taht-ı hacze alınarak tesviye-i matlûb ettirilmesi ve ol sûretle i'lâm-ı mezkûr hükmünün icrâsı istid'â eylemiş olmağla icrâ-yı îcâbına himmet buyrulması iltimâs ve takrîr olunur. 10 Eylöl [1]314.

210) (558) (Müsveddesi mücebince aynen kaydettirilmiştir). İtalya devleti tebe'âsından Caterina Pedemonte nâm hâtunun mahcûriyetine dair devlet-i muşârunileyhâ kançılarya-

sından 14 Nisan 1882 tarihinde verilen karar mücebince mezbûrenin uhde-i tasarrufunda olup Beyoğlu'nda Ağa sokağında 20 numara ile murakkam olan bir bâb hânenin ahârına bey' ve ferâğ edilmemesi hakkında 15 Nisan 98 tarihli ve elliyedî numaralı takrîr ile vukûbulan iltimâs üzerine îcâb eden makâmât-i resmiyeye teblîğât-ı lâzîme icrâ edilmiş idi bu kere mezbûrenin vukû-ı vefâtına mebni Philip Pedemonde ile Emilya Pedemonde nâm evlatları tarafından verilen arzuhalde mezkûr hâne üzerine mevzu' haczin bekâsına luzûm kalmamış olduğundan fekki istid'â kılınmış olmağla ber vech-i istid'â iktizâ-yı hâlin îfâsına himmet buyrulması devlet-i muşârunileyhâ kañçılıryasından iltimâs ve takrîr olunur. 12 Eylûl [1]314.

(s.113) 211) (559) (Müsveddesiyle beyâzı hâriçte yazılmıştır). İtalya devleti tebe'âsından Galata'da Küçükmillet hânında 11 numaralı odada mukîm komisyoncu Andon Rosso'nun cânib-i konsolatoya takdîm etmiş olduğu istid'âda tebe'â-i devlet-i aliyyeden Galata'da Fermencilerde 32 numaralı mağazada mukîm müskirât fabrikacısı Andrea Papandropulo zimmetinde kendisine ciro olunmuş ibtidâ-yı Temmuz 1893 tarihli bir kıt'a emre muharrer sened mücebince alacağı olduğu yüzonsekiz adet lirâ-yı Osmânî medyûn-ı merkûm te'diyesinden imtinâ etmekte bulunduğundan medyûn-ı merkûmun Birinci Mahkeme-i Ticârete celbiyle meblağ-ı mezkûr ile ber müceb-i sened fâizinin ve masârif-i muhâkeme ile ücret-i vekâletin te'diyesini[n] taht-ı hükme alınması[nı] talep etmiş olmağla ber müceb-i istid'â icrâ-yı îcâbı iltimâs ve takrîr olunur. 12 Eylûl [1]314.

212) (560) Mumhâne iskelesinde mukîm İtalya devleti tebe'âsından Av. C. Gallerini ve birâderleri tarafından cânib-i konsolatoya takdîm olunan arzuhalde Beyoğlu'nda Yazıcı sokağında kendi hânında odası bulunan ashâb-ı akardan Mehmet Nahit Bey zimmetinde bazı levâzım-ı inşâiye esmânından dolayı 26 Teşrinisânî 1896 tarihli emre muharrer sened mücebince alacağı olan ve 23 Şubat 1897 tarihinde te'diyesi meşrû olan altın akçe onüçbin dokuzyüz kuruşun ahzına muvaffak olamadığından bahsile medyûn-ı mûmâileyhin Mahkeme-i Ticâret Birinci Meclisine celbiyle meblağ-ı mezbûrun ve 23 Şubat 1897 tarihinden beri yüzde dokuz fâiziyle bu bâbda kañçılıryada vukûbulan altın akçe yüzelli kuruş masrafla mezkûr istid'â sûreti harçlarıyla berâber mûmâileyhden tahsîli husûsunun taht-ı hükme alınması istid'â kılınmış olmağla icrâ-yı îcâbı husûsuna himmet buyrulması iltimâs ve takrîr olunur. 14 Eylûl [1]314.

(s.114) 213) (561) Hasköyde mukîm İtalya devleti tebe'âsından Moiz Farsa konsolatoya takdîm eylediği arzuhalde geçende mahall-i mezkûrda Salhâne iskelesinde vapurdan çıkacağı esnada tebe'â-i devlet-i aliyyeden Bahur veledi Yasef nâm kimesne yedinde bulunan şemsiyesiyle yüzünü darb edip sürükleyerek iskele başına kadar getirmiş ve denize atmaya kıyam eylemiş ise de merkûm Moiz Farsa ayakları su içine girdiği vakit feryâd etmesi üzerine kayıkçılar yetişip tahlîs eylemiş ve bundan başka tehdîdât ve itâle-i lisânda bulunarak şedîden dârbetmiş olduğundan ve bunu bâlâda isimleri muharrer şühûd ile isbat edeceğinden bahsile

merkûmun hakkında nizâmen lâzım gelen mucazâtın icrâsını istid'â eylemiş olmağla icrâ-yı îcâbı husûsuna himmet buyrulması iltimâs ve takrîr olunur. 19 Eylül [1]314.

214) (562) İtalya devleti tebe'âsından Maria Françe nâm kadının Beyoğlu'nda Derviş sokağında kâin 21 numaralı hânede mukîme olduğu odasını geçen gün kilitleyip gitmiş ve gece avdetinde mezkûr oda kapısının kilidi ahârı tarafından bozulup derûnundaki mücevherât ve sâiresinin sirkat olunduğunu muşâhade etmesi üzerine zabıta memuruna ihbar-ı keyfiyet etmiş ve mezkûr mücevherât ve sâirenin sâlıfu'z-zıkr hânede sâkin tebe'â-i devlet-i aliyyeden Mihail ile Olga kadın ve Avusturya devleti tebe'âsından Anton nâm kimesne ve Fransa devleti tebe'âsından Marminyon Şarlot ve Leoni nâm kadınlar tarafından sirkat olduğu melhuz bulunmuş olduğundan bahsile mezkûr hânede taharriyât-ı lâzıme icrâsıyla fiil-i sirkatin merkûmun tarafından irtikab olduğu tebeyyün eylediği halde haklarında nizâmen muâmele-i mukteziye îfâsıyla berâber hukuk-ı şahsiyesinin dahi tahsîl olunması husûsunun taht-ı hükme alınmasını ba arzuhal istid'â eylemiş olmağla icrâ-yı îcâbına himmet buyrulması iltimâs ve takrîr olunur. 22 Eylül [1]314.

(s.115) 215) (563) [Battal] İtalya devleti tebe'âsından Petro Bonomi konsolatoya takdîm eylediği arzuhalde Dersaâdet Avusturya kançılaryası mahkemesinden verilen ve kesb-i kat'iyet etmiş olan karnâmeye mücebince devlet-i muşârunileyhâ tebe'âsından Sapancada mültezim Adolph Atıl nâm kimesne zimmetinde alacağı olan bindörtüyüzonsekiz frank onaltı filorin yirmi soldinin 15 Temmuz 1897 tarihinden beri yüzde dokuz fâiziyle berâber te'mîn-i istîfâsı için medyûn-ı merkûmun Anadolu Osmânlı Şimendifer Kumpanyası'nda matlûbu bulunan mebâliğin mezkûr şimendifer kumpanyası nezdinde taht-ı hacze alınması zımında îcâb-ı hâlin icrâsını istid'â eylemiş olmasına mebnî üç nüsha olarak tanzîm edilmiş iş bu takrîrin zikrolunan şimendifer kumpanyasıyla medyûn-ı merkûma teblîği için iktizâsının îfâsı husûsuna himmet buyrulması iltimâs olunur. 27 Eylül [1]314.

216) (564) İtalya devleti tebe'âsından Cezar Bracotti polis çavuşu İbrahim Efendiyi darb ettiği iddia olunması üzerine Beyoğlu Bidâyet Mahkemesi Cezâ Dâiresince altı mâh hap-solunmasına karar verilerek ol bâbda sâdır olan 26 Temmuz 311 tarihli i'lâmın hakkında istînâf-ı dava eylemiş ise de İstînâf Cunhâ Dâire-i aliyyesinde dahi mezkûr i'lâm gıyâben tasdîk olunarak muahharan memûrîn-i zabıta tarafından işbu i'lâmın icrâsına teşebbüs olunmuş idiğünden bahsile salifu'z-zıkr hükmi-i gıyâbîyi adem-i kabul ile i'tirâz ale'l-hüküm eylemiştir şöyleki hükmi-i gıyâbî-i mezkûrun bizzat kendisine teblîğ olunmadığına ve bu bâbda istînâf mahkemesine takdîm eylediği lâyhalar münderecâtıyla esnâ-yı muhâkemede arzedeceği esbâb-ı sâireye nazaran zikrolunan hükmi-i gıyâbîyle 26 Temmuz 311 tarihli i'lâmın feshiyle yeniden muhâkemesinin icrâsı ve bu bâbda vukûbulmuş ve bulacak bi'l-cümle masârif-i muhâkemenin mûmâileyh İbrahim Efendiden tahsîli husûsunun taht-ı hükme alınmasını bâ-arzuhal istid'â eylemiş olmağla icrâ-yı îcâbına himmet buyrulması iltimâs ve takrîr olunur. 29 Eylül [1]314.

(s.116) 217) (565) Beyoğlu'nda Aynalıçeşmede Surûrî mahallesinde 10 numaralı apartmanda 2 numaralı dairesinde sâkin İtalya devleti tebe'âsından ve Dersâdet Terkos Su Kumpanyası memurlarından Aleksander Cantonetti'nin cânib-i konsolatoya takdîm eylediği arzuhalde mezkûr apartmanın odabaşısı Yusuf ile zikrolunan apartmanın mutasarrıfı Donaroma'nın mutasarrıf olduğu Beyoğlu'nda Tarlabasında Fıçııcı sokağında kâin apartmanın odabaşısı Ali nâm kimesneler şehr-i hâlin yirminci Pazar gecesi sabaha karşı kendisinin mukîm olduğu dâireye gelip kapısını depmeleyerek hakaret ve itâle-i lisân etmiş olduklarından ve merkûmların şu ahvâl ve harekâtını isbata muktedir bulunduğu cihetle haklarında muâmele-i kanuniye icrâsını istid'â eylemiş olmağla icrâ-yı îcâbı husûsuna himmet buyrulması iltimâs ve takrîr olunur. 30 Eylûl [1]314.

218) (566) (Müsveddesiyle beyâzı hâriçte tanzîm olunmuştur). İtalya devleti tebe'âsından olup Beyoğlu'nda Tarlabasında Çukur sokağında 13 numaralı hânede mukîm simsar Yerasimo Malyano nâm kimesne cânib-i konsolatoya takdîm eylediği bir kıt'a istid'â meâlinde mûmâileyh Beyoğlu'nda Macar mahallesinde Duvarcı sokağında 1 numaralı hânede mukîm Yorgi Apostol Mehmet nâm şahsın vukûbulan murâcaatı üzerine Aynalıçeşme'de Alt sokakta vâki ve 23 numarayla murakkam bir bâb hânesinin Fransa devleti tebe'âsından madam Domeral nâm kadına furûht ettirmiş iken simsarlık olmak üzere mebûin bedelinden yüzde iki alacağı bulunduğu halde kendisine ale'l-hesâp yalnız yarım Osmânlı lirâsı te'diye etmiş ve onbir Osmânlı lirâsıyla ve doksan kuruşa balığ olan küsûr kalan miktârın edâsından imtinâ etmekte bulunduğundan merkûm Yorgi Apostol'un Birinci Mahkeme-i Ticârete celbiyle muhâkemesinin icrâsını matlûbu bulunan onbir Osmânlı lirâsıyla doksan kuruşun maa fâiz ve masârif-i muhâkeme ve ücret-i vekâlet ve sâire tahsîli husûsunun taht-ı hükme alınmasını taleb ve istid'â eylemiş olmağla îfâ-yı muktezâsı iltimâs olunur. 2 Teşrinievvel [1]314.

(s.117) 219) (567) İtalya devleti tebe'âsından Petro Bonomi konsolatoya takdîm eylediği arzuhalde Dersâdet Avusturya kançılaryası mahkemesinden verilen ve kesb-i kat'iyet etmiş olan kararnâme mücebince devlet-i muşârunileyhâ tebe'âsından Sapancada mültezim Adolph Atil zimmetinde alacağı olan bindörtüyüzonsekiz frank otuzvedi filorin kırk soldiyle iş bu akçenin 15 Temmuz 1897 tarihinden beri terâküm eden yüzde dokuz fâizinin ve bu bâbda vukûbulacak masârif-i muhâkeme ve sâire için başkaca altıyüz frankın te'mîn-i istîfâsı için medyûn-ı merkûmun Anadolu Osmânlı Şimendifer Kumpanyasında matlûbu bulunan mebalığın mezkûr kumpanya nezdinde taht-ı hacze alınması Mahkeme-i Ticâret Birinci Meclisi cânibinden karar tahtına alınarak verilecek kararın mezkûr kumpanya ile medyûn-ı merkûma teblîğini istid'â eylemiş olduğundan îfâ-yı muktezâsı husûsuna himmet buyrulması iltimâs ve takrîr olunur. 7 Teşrinievvel [1]314.

220) (568) Kalyoncu Kolluğu civârında Kurdela sokağında 32 numaralı hânede mukîm İtalya devleti tebe'âsından Nicola David ile zevcesi Sunhiye konsolatoya takdîm eylediği

arzuhalde geçende mezkûr hânede mukîm Anastas ve zevcesi Anastasya kadın bilâ sebep mezbûreyi darb ettikten mâada merkûm Anastas itâle-i lisân edip nâmusu muhîl tefevvuhâtta bulunmuş olduğundan ve iş bu vak‘ayı isimlerini arzedeceği şuhûd ile isbât edeceğinden bu bâbdaki itâle-i lisân maddesinin merkûm Anastas hakkında esbâb-ı müşeddeden addile zevcesi mezbûre Anastasya ile berâber haklarında nizâmen lâzım gelen mucazâtın icrâsı zımnında icâb-ı halin icrâsı istid‘â eylemiş olmağla ifâ-yı muktezası husûsuna himmet buyrulması iltimâs ve takrîr olunur. 10 Teşrinievvel [1]314.

(s.118) 221) (569) İtalya devleti tebe‘âsından Petro Bonomi konsolatoya takdîm eylediği arzuhalde Dersaadet Avusturya kançılıryası mahkemesinden verilen ve kesb-i kat‘iyyet etmiş olan kararname mücebince devlet-i müşârunileyhâ tebe‘âsından Sapancada mültezim Adolph Atil zimmetinde alacağı olan bindörtüyüzonsekiz frank otuzyedi filorin kırk soldiyle iş bu akçenin 15 Temmuz 1897 tarihinden beri terâküm eden yüzde dokuz fâizinin ve bu bâbda vukûbulacak masârif-i muhâkeme ve sâire için de başkaca altıyüz frankın te‘mîn-i istîfâsı zımnında medyûn-ı merkûmun Anadolu Osmânlı Şimendifer Kumpanyasında matlûbu bulunan mebalîğ Mahkeme-i Ticâret Birinci Meclisi cânibinden i‘tâ kılınan karar üzerine taht-ı hacze alınmış olduğundan bahsile mezkûr kumpanya ile medyûn-ı merkûmun zikrolunan Birinci Mahkeme-i Ticârete celbleriyle salifu‘z-zıkr haczin tasdîk olunmasıyla berâber mahcûz bulunan mebalîğden alacağı olan akçenin maa fâiz ve masârif-i muhâkeme ve sâire icrâ-yı muvakkatla merkûm Adolph Atil hesabına olarak mezkûr kumpanyadan tahsîliyle kendisine i‘tâsı husûslarının taht-ı hükme alınmasını istid‘â eylemiş olmağla ol vechile icrâ-yı icâbına himmet buyrulması iltimâs ve takrîr olunur. 13 Teşrinievvel [1]314.

222) (570) (İtalyalı Vitto Salerno ve oğlu Vincenzo, Yani Kokoli, İtalyalı Romano Fuyoko) İtalya devleti tebe‘âsından Konkordiya Tiyatrosunda müstahdem Bas Menotti geçen gece tiyatro oyununun hitâmından sonra mezkûr tiyatronun salonunda polis Niyazi Efendi nâmında birisi bila sebep darb edip tâbiiyeti hakkında da tefevvuhâtta bulunduğu ve iş bu vak‘ayı bâlâda esâmisi muharrer kesân ile zevât-i sâire müşâhade eylemiş olduklarından bahsile mûmâileyh Niyazi Efendi hakkında nizâmen muâmele-i mukteziye icrâsını istid‘â eylemiş olmağla ol vechile icrâ-yı icâbına himmet buyrulması iltimâs ve takrîr olunur. 14 Teşrinievvel [1]314.

(s.119) 223) (571) İtalya devleti tebe‘âsından terzi Paolo Parma’nın kendi tarafından asaleten ve müteveffâ Domenico veledi Giovanni Lena vereseşi tarafından vekâleten konsolatoya takdîm eylediği arzuhalde Beyoğlu’nda Tepebaşı’nda oniki numarada mukîm Mâliye Nezâret-i celîlesi Muşâvir Odası reisi saadetlû Hasan Beyefendi zimmetlerinde elbise bahâsından dolayı alacakları olan yetmişbeş adet lirâ-yı Osmânî ve kırkdokuz kuruşun ahzına muvaffak olamadığından bahsile medyûn-ı mûmâileyhin Mahkeme-i Ticâret Birinci Meclisine celbiyle meblağ-ı mezbûrun maa fâiz ve masârif-i muhâkeme ve ücret-i vekâlet tahsîli husûsunun taht-ı hükme alınmasını istid‘â eylemiş olmağla icrâ-yı icâbı husûsuna himmet buyrulması iltimâs ve takrîr olunur. 17 Teşrinievvel [1]314.

224) (572) İtalya devleti tebe'âsından terzi Paolo Parma kendi tarafından asaleten ve müteveffâ Domenico veledi Giovanni Lena vereseşi tarafından vekâleten konsolatoya takdîm eylediği arzuhalde Mahkeme-i Ticâret Birinci Meclisinden sâdır olup 26 Eylül 314 tarihinde muâmele-i tebliğiyesi icrâ kılınmış olan 5 Eylül 314 tarihli seksenyedi numaralı i'lâm-ı gıyâbî mücebince Beyoğlu'nda Cadde-i Kebîrde 373 numarada mukîm Tahrîrât-ı Hâriciye Kalemi mümeyyizlerinden saadetlû Reşad Rıdvan Beyefendi zimmetlerinde alacakları olan yirmisekiz lirâ onbeş kuruşun maa fâiz ve masârif-i muhâkeme ve ücret-i vekâlet te'mîn-i istifâsı zımında mîr-i mûmâileyh Reşad Rıdvan Beyefendinin maâşı rub'unun taht-ı hacze alınarak mezkûr i'lâm-ı gıyâbî hükmünün icrâsı için îcâb eden muâmele-i kanûniyenin icrâsını istid'â eylemiş olmağla îfâ-yı muktezâsı husûsuna himmet buyrulması iltimâs ve takrîr olunur. 17 Teşrinievvel [1]314.

(s.120) 225) (573) İtalya devleti tebe'âsından Francesco'nun keyfiyet-i katlinden dolayı müttehem bulunan bekçi Ali'nin hakkında 5 Teşrinievvel 314 tarihinde Mahkeme-i Cinâyet cânibinden karar verilmiş olduğundan bu bâbdaki i'lâm sûretinin kançılaryaya irsâli maktul-ı merkûmun veresesinin talebi üzerine temennî ve iltimâs olunur. 27 Teşrinievvel [1]314.

226) (574) Polis komiseri Ali Beyi katl kasdıyla cerh ettiği iddia olunmasından dolayı cinâyetle itham edilmiş olduğu Dersââdet Mahkeme-i İstînâfiyesi müdde-i umûmîliğinin 14 Temmuz 314 tarihli ithâmnamesinde gösterilmiş olan İtalya devleti tebe'âsından Minali Carmalo Lucasio'nun bir kolu isti'mâlden sâkıt ve kendisi sara illetiyle malûl olduğu gibi şuûruna da halel târî olması cihetiyle merkûmun birkaç defa Dersââdet İtalya Hastahânesinde tedâvi olunduğu mezkûr hastahâne tabîbî mösyö Salvator tarafından verilen şehâdetnâmede beyân edilmiş olmasıyla merkûm Carmalo Lucasio'nun tabîb-i mûmâileyh hâzır olduğu halde muâyenesinin icrâsı için keyfiyetin heyet-i sıhhiyeye havâlesi zımında îcâb-ı hâlin îfâsı husûsuna himmet buyrulması temennî ve iltimâs olunur. 29 Teşrinievvel [1]314.

227) (575) Dünkü gün Köstence'den Dersââdet'e gelmiş olan İtalya devleti tebe'âsından Napolyon Francesco ve Savriyo Praçe nâm kimesneler bu kere İtalya'ya gidecekleri cihetle buraya vurûdlarında gümrük memûruna teslîm eyledikleri iki adet revolverin merkûmlara îadesi husûsuna himmet buyrulması temennî ve iltimâs olunur. 29 Teşrinievvel [1]314.

(s.121) 228) (576) (Hâricte tanzîm edilmiştir). İtalya devleti tebe'âsından Sen Antoin Kilisesi başrahibi ve müteveffâ Salvator Mentucyan'ın halefi rahip Giuseppe Caneve'nin cânib-i kançılaryaya takdîm eylediği arzuhalde devlet-i müşârunileyhâ tebe'âsından ve Posta ve Telgraf Nezâret-i aliyyesi İdâre Meclisi a'zâsından Edvar Nepaci Efendinin efrencî 25 Ağustos 1898 tarihinde kâbil-i icrâ olmak şartıyla konsolatosu mahkemesinden verilen i'lâm mücebince evvela 11 Mayıs 1891 tarihinden itibaren senevî yüzde altı fâizli yirmibeş sâniyen 12 Ağustos 1898 tarihinden itibaren senevî yüzde beş güzesteli yüzotuzyedi adet lirâ-yı Osmânî alacağı olup meblağ-ı mezbûrun maa masârif ve ücret-i vekâlet te'mîn-i

istîfâsı zımında Mahkeme-i Ticâret Birinci Meclisi cânibinden karar tahtına alınarak verilecek kararın Nezâret-i muşârûnileyhâ ile medyûn-ı merkûma teblîğiyle berâber muâmele-i kanûniyenin icrâsını istid'â eylemiş olmağla icrâ-yı îcâbı husûsuna himmet buyrulması iltimâs ve takrîr olunur. 4 Teşrinisânî [1]314.

229) (577) (Hâriçte tanzîm edilmiştir). Galata'da Voyvoda caddesinde 118 numaralı mağazada sâkin İtalya devleti tebe'âsından hazır elbiseci Michael Pambura'nın vekîli Panco Kampolari Efendinin cânib-i konsolatoya takdîm eylediği istid'ânâmede Kadıkaryesinden Yeldeğirmeni'nde Tepe sokağında bilâ numara hânede sâkin Haydarpaşa demiryolunda mustahdem tebe'â-i devlet-i aliyyeden Pandeli Grigoryadis zimmetinde vadesi hulûl etmiş bir kıt'a sened mantukunca beğenip almış olduğu emtia-i ticâriye esmânından otuz adet Osmânlı lirâsı matlûbu olup çend defa taleb eylemiş ise de meblağ-ı mezkûrun ahzına muvaffak olamadığını beyân ile medyûn-ı merkûmun ale'l-usûl celbiyle ve muhâkeme-i lâzîme bi'l-icrâ meblağ-ı müddeabihin maa güzeste ve masârif-i muhâkeme ve ücret-i vekâlet ve sâirenin te'diye ve îfâsına mahkûm ve mecbûr tutulması ve matlûbâtı senede müstenid bulunduğuna binâen bu bâbda sâdir olacak hükmün icrâ-yı muvakkatla tenfizi husûslarının taht-ı karara alınmasını müvekkiline izâfetle taleb ve istid'â etmiş olmağla ber müceb-i taleb icrâ-yı îcâbı iltimâs olunur. 5 Teşrinisânî [1]314.

(s.122) 230) (578) Ayvansaray'da Arslan iskelesinde 77 numaralı hânede mukîm İtalya devleti tebe'âsından Avram Mizrahi konsolatoya takdîm eylediği arzuhalde Hasköy'de Arabacılar sokağında bilâ numaralı hânede sâkin tebe'â-i devlet-i aliyyeden ve Musevî milletinden halı dokuyucusu İsak Grison veledi David nâm kimesne zimmetinde bir kıt'a emre muharrer sened mücebince alacağı olan yüz adet Osmânlı lirâsının ahzına muvaffak olmadığından bahsile medyûn-ı mûmâileyhin Mahkeme-i Ticâret Birinci Meclisine celbiyle bi'l-muhâkeme meblağ-ı mezbûrun maa fâiz ve masârif-i muhâkeme ve ücret-i vekâlet ve masârif-i sâire tahsîli husûsunun taht-ı hükme alınmasını istid'â eylemiş olmağla icrâ-yı îcâbına himmet buyrulması iltimâs ve takrîr olunur. 9 Teşrinisânî [1]314.

231) (579) İtalya devleti tebe'âsından Grigoryo Orti nâm kimesneyi Kasımpaşada Bedredin mahallesinde beş numara ile murakkam hânede istîcâr eylediği odada iskân etmekte iken mezkûr hânenin mutasarrıfı asâkir-i şâhâne binbaşılardan Hüseyin Efendi ile zevcesi Hatice Hanım ve Şişhâne karakolhânesinde müstahdem kolağası Sadık Efendi ile maiyeti efradı kendisini cebren hânenen çıkarıp darb etmiş olduklarından bahsile icrâ-yı îcâbını istid'â eylemiş olmağla bu bâbda iktizâ eden tahkîkâtın icrâsıyla mûmâileyhimâ haklarında nizâmen mucazât-ı lâzîme îfâsı husûsuna himmet buyrulması iltimâs olunur. 14 Teşrinisânî [1]314.

232) (580) (Müsveddesi sâhibi tarafından hâriçte tanzîm ettirilmiştir). İtalya devleti tebe'âsından İstanbul'da Marpuşçularda mukîm tüccârdan mösyö Samuel Benzonana

tarafından cânib-i konsolatoya takdîm olunan arzuhalde Dersâadet'te Asmaaltında mukîm tüccârdan Yusuf Asım Efendinin zimmetinde bâ-sened bindokuzyüz kırk lirâ-yı Osmânî alacağı bulunduğundan ve mûmâileyhin Bank-ı Osmânî miyanesinde tekevvin eden zarar ve ziyân davası hakkında Mahkeme-i Temyiz Umûm Dâiresinden (s.123) sâdır olan karar Bank'ın mes'ûliyetini intâc eylemiş ve hatta bu kere Bank ile mûmâileyh Asım Efendi miyânında hafiyen muzâkerât-ı sulhiye cereyân etmekte olduğu istihbâr kılınmış olduğundan mûmâileyhin bankadan tahsîl edeceği mebâliğ bu sûretle mektûm kaldığından mûmâileyh Benzonana istîfâ-yı matlûb edemeyeceğinden hukûkunun te'mîni zımında Yusuf Asım Efendinin bankadan alacağı olup mahkemece takdir kılınacak zarar ve ziyândan bindokuzyüz kırk lirâ-yı Osmânînin taht-ı hacze alınması istid'â kılınmış olmağla ol vechile icrâ-yı îcâbı iltimâs ve takrîr olunur. 14 Teşrinisânî [1]314.

233) (581) (Müsveddesi sâhibi tarafından hâriçte tanzîm ettirilmiştir). İtalya devleti tebe'âsından Sen Antoin Kilisesi baş râhibi ve müteveffâ rahip Salvator Mentucyan'ın halefi rahip Giuseppe Canave'nin cânib-i konsolatoya takdîm eylediği arzuhalde devlet-i muşârunileyhâ tebe'âsından ve Posta ve Telgraf Nezâret-i aliyyesi İdâre Meclisi a'zâsından Beyoğlu'nda Aynalıçeşmede ondört numaralı hânede mukîm Edvar Tipaci Efendi mezkûr konsolato mahkemesinden sâdır olan 25 Ağustos 1898 tarihli kat'iyet kesbetmiş i'lâm mûcebince evvela 11 Mayıs 1896 tarihinden itibâren senevî yüzde altı fâizli yirmibeş sâniyen 12 Ağustos 1898 tarihinden itibaren senevî yüzde beş güzesteli yüzotuzyedi adet Osmânî lirâsının maa masârif-i muhâkeme ve ücret-i vekâlet te'diyesine hükmedilmiş olup i'lâm-ı mezkûr ahkâmının icrâsıyla mebâliğ-i matlûbenin istîfâsı zımında medyûn-ı mûmâileyhin Nezâret-i muşârunileyhâdan muhassas maâşının rub'u Mahkeme-i Ticâret Birinci Meclisi 12 Teşrinisani 314 tarihli kararıyla taht-ı hacze aldırılmış olduğundan mûmâileyh Edvar Tipaci Efendiyle İstanbul'da Kuruçeşmede Dâire-i mahsûsasında vaki Posta ve Telgraf Nezâret-i aliyyesi nazırı atufetlû beyefendi hazretlerinin veyahut makâmına kâim olanların mahkeme-i mezkûreye celbleriyle bi'l-muhâkeme mevzû haczin tasdîki ile mûmâileyh zimmetinde matlûbu bulunan mârru'z-zikr mikdâr mebâliğın maa güzeste ve masârif-i (s.124) muhâkeme ve ücret-i vekâlet tamamen îfâsına değin maâşı rub'unun bi't-tevkîf kendisine te'diyesi husûsunun Nezâret-i muşârunileyhâya teblîğini taht-ı hükme alınmasını istid'â eylemiş olmağla ol vechile icrâ-yı îcâbı husûsuna himmet buyrulması iltimâs ve takrîr olunur. 17 Teşrinisânî [1]314.

234) (582) İtalya vapur kumpanyasına mensup Scetto nâm vapurun birinci kapudanı Di Battolo'nun konsolatoya takdîm eylediği raporda geçen Cumâertesi günü zikrolunan vapurla Batum'dan İnebolu'ya vurûdunda ikiyüzotuz kadar yolcu vapura râkib olarak hemen mezkûr vapurun hareket etmesi için kapudanı tehdîd ve tahkîr edip hatta hareket olunmazsa kapudan-ı merkûm ile poliçeciye denize atacaklarını beyân ve ısrâr eylemeleriyle bi'l-mecbûriye hareket olunarak vapurun Dersâadet'e vusûlünde merkûmların ileri gelenleri olan Ahmed, Bekir, İsmail nâm şahıslar zabita memurları tarafından derdest olunduğundan ve bundan dolayı

İnebolu'da sekizyüz franklık eşyâ terk eylediklerinden bahsile merkûmûn Ahmed, Bekir, İsmail haklarında nizâmen lâzım gelen mucâzâtın icrâsını istid'â eylemiş olmağla icrâ-yı îcâbı husûsuna himmet buyrulması iltimâs ve takrîr olunur. 17 Teşrinisânî [1]314.

235) (583) İtalya devleti tebe'âsından Prospero Diyekava cânib-i konsolatoya takdîm eylediği arzuhalde İngiltere devleti tebe'âsından Stilario nâm kimesne marifetiyle tebe'â-i devlet-i aliyyeden Dersaâdet'te Aher Çelebi mahallesi sokağında 6 numaralı dükkanda sâkin Dimitri Çikine'ye 3 Teşrinisânî 314 tarihinde beher sandık üç frank doksan santim olmak üzere furûht eylediği doksandört sandık limonun esmânî olan üçyüzaltmışaltı frank altmış santim yani onbeş aded Osmânî lirâsı ve doksanbeş kuruş yirmibir gün sonra te'diye etmek için (s.125) bir kıt'a bono vereceğini ifâde eylemiş ise de muahharan murâcaâtında meblağ-ı mezbûrun kendisiyle ahz u i'tâsı olan Zanger nâm kimesnede alacağı olduğunu dermiyân ederek meblağ-ı mezbûrun merkûm Zanger'den istifa etmesini beyân eylemiş olduğundan ve bu ise matlûbunun adem-i tesviyesini mûcib olmakta bulunduğu bahsile merkûm Dimitri Çikine'nin Mahkeme-i Ticâret Birinci Meclisine celbiyle bi'l-muhâkeme meblağ-ı mezbûrun maa güzeste ve masârif-i muhâkeme ve ücret-i vekâlet tahsîli husûsunun taht-ı hükme alınmasını istid'â eylemiş olmağla ol vechile icrâ-yı îcâbı husûsuna himmet buyrulması iltimâs ve takrîr olunur. 20 Teşrinisânî [1]314.

236) (584) İtalya devleti tebe'âsından Ilarion Cola cânib-i konsolatoya takdîm eylediği arzuhalde geçende Beyoğlu'nda Cadde-i Kebîrde otel Lokberk karşısında mösyö Jean Bartelmi mağazasında bulunduğu sırada tebe'â-i devlet-i aliyyeden Nişan Karabet nâm kimesne gelerek mukaddemce kasden îka eylediği harîk hakkında şehâdet ettiğinden dolayı itâle-i lisânda bulunarak kendisini darb ve tahkîr etmiş ve elbisesini parçalamış ve o esnâda kravatında bulunan altı lirâlık elmas iğnesi zâyi olduğundan ve işbu vak'ayı mezkûr mağazada mustahdem Ohannes ile Beyoğlu'nda Feridiye sokağında 128 numarada mukîm arabacı Atanaş nâm kimesneler müşâhade eylemiş olduğundan bahsile merkûm Nişan Karabet hakkında nizâmen lâzım gelen mucâzâtın icrâsıyla zarar ve ziyânının tahsîlini istid'â eylemiş olmağla ifâ-yı muktezâsı husûsuna himmet buyrulması iltimâs ve takrîr olunur. 23 Teşrinisânî [1]314.

237) (585) Gekbûze (Gebze) kaimmakâmlığına: Hereke'de şarap mağazası bulunan İtalya devleti tebe'âsından Cazaryo Aristidi nâm kimesne geçende taraf-ı şerîflerinden i'tâ kılınan emir üzerine ailesiyle berâber diğer mahalle gitmekde iken berâberinde bulunan bir fıçı derûnunda elli kıyye şarabın mahall-i hükûmet memûrları tarafından zabt olduğundan ve fakr-ı halinden bahsile icrâ-yı îcâbını istid'â eylemiş olmağla merkûmun fakr u zaruretine merhameten mezkûr bir fıçı şarabın gerek merkûma gerek mahdûmu Alberto'ya iâdesi husûsuna himmet buyrulması temennî olunur. 25 Teşrinisânî [1]314.

(s.126) 238) (Sâhibi tarafından tanzîm edilmiştir). Marsilya'da mukîme Henriet binti Agnatio'nun Kadıkaryesinde Cafer Ağa mahallesinin Dilforde sokağında mükerrer sekiz

numaralı mutasarrıfa olduğu hânenin ferâğına vekîl olan Dersââdet'te Müttehide-i Amerika baştercümânî İtalya devleti tebe'âsından mösyö Aleksander Garçolo'nun el-yevm ber-hayat ve devlet-i muşârunileyhâ kançılıaryası nüfus defterinde mukayyed olduğunu mübeyyin işbu ilmuhaber i'tâ kılındı. 3 Kanunievvel [1]314.

239) (586) İtalya devleti tebe'âsından terzi Paolo Parma kendi tarafından asâleten ve müteveffâ Domenico veledi Giovanni Lena vereseşi tarafından vekâleten cânib-i konsolatoya takdîm eylediği arzuhalde Mahkeme-i Ticâret Birinci Meclisinden sâdır olup 25 Teşrinievvel 314 tarihinde muâmele-i teblîğiyesi icrâ kılınan 29 Eylül 314 tarihli ve yüzbeş numaralı i'lâm-ı gıyâbî mücebine hademe-i hassa-i şâhânedan ve Musıka-i Humâyûn müstahdemininden Cihangir'de Sormagir mahallesinde Almanya Hastahânesinin arkasında mukîm izzetlû Tahir Beyefendi zimmetinde alacakları olan ondört adet Osmânî lirâsı ve doksanbir kuruşun maa fâiz ve masârif-i muhâkeme ve ücret-i vekâlet te'mîn-i istîfâsı zımında medyûn-ı mûmâileyhin maâşî rub'unun taht-ı hacze alınarak mezkûr i'lâm-ı gıyâbî hükmünün icrâsını istid'â eylemiş olmağla icrâ-yı îcâbı husûsuna himmet buyrulması iltimâs ve takrîr olunur. 25 Teşrinisânî [1]314.

240) (587) Geçende Hereke Fabrika-ı Humâyûnu civârında vâkî Tahir Ağa Bahçesinde İtalya devleti tebe'âsından Aristidi'yi cerh eden devlet-i muşârunileyhâ tebe'âsından Recilio Guilo mahalli zabıta memurları tarafından derdest olunarak evrâk-ı tahkîkiye ile berâber Gekbûze müdde-i umûmilîği vekâletinden kançılıaryaya i'zâm kılınarak davaları derdest-i rü'yet bulunmuş ise de bu babda konsolato mahkemesince luzûm görülen (s.127) ve mahall-i mezkûrda icrâ kılınan tahkîkât ve taharriyât esnâsında cârih ve mecruh-ı merkûmların gerek üzerlerinde gerek hânelerinde zuhûr edip elde edilen revolver ve sâirenin cânib-i kançılıaryaya irsâli zımında müdde-i umûmilik-i mûmâileyhe evâmîr-i lâzîme i'tâsı husûsuna himmet buyrulması temennîve iltimâs olunur. 25 Teşrinisânî [1]314.

241) (588) İtalya devleti tebe'âsından İnias Scetto nâm kimesne bera-yı sayd u şikâr Bandırma'ya gıtmış ise de mahalli gümrük memurları tarafından tüfenk ile berâber imrârına musâade edilmemiş ve halbuki mûmâileyh muteber zevâtta olmakla berâber sayd u şikâr tezkeresini de hâmil bulunduğundan mûmâileyhin imrârına ruhsat i'tâsı zımında mahalli rusûmât memûruna evâmîr-i lâzîme i'tâsı husûsuna himmet buyrulması iltimâs ve takrîr olunur. 25 Teşrinisânî [1]314.

242) (589) İtalya devleti tebe'âsından Salamon nâm kimesne konsolatoya takdîm eylediği arzuhalde Balat'da Dibek caddesine kâin dükkânına İkinci Dâire-i Belediye memûrlarından Feyzi Efendiyle diğer bir zât gelerek mezkûr dükkânda bulunan elli kuruş kıymetinde bir adet terazisini ahz ve elli kuruş kıymetinde kahvesini de sokağa dökerek otuz kuruşluk iki adet dolu şişesini şikest etmiş olduklarından bahsile mûmâileyhin mahkeme-i aliyyelerine celbiyle bi'l-muhâkeme (s.128) mezkûr terazinin îadesiyle berâber kahve ve şişelerin bedeli

olan seksen kuruşun tahsîli husûsunun taht-ı hükme alınmasını istid'â eylemiş olmağla ol-vechile icrâ-yı icâbına himmet buyrulması iltimâs ve takrîr olunur. 28 Teşrinisânî [1]314.

243) (590) Melfûf iki kıt'a ruhsat tezkeresi mücebince İtalya devleti tebe'âsından mühendis Corita Guedo nâm kimesne kapudan Demartiyovic'in sefinesine Selânik'de tahmîl eylediği taşların mezkûr tezkerelerde Derinceye çıkarılacağı yazılacak iken sehven Dersââdete getirileceği tahrîr edilmiş olduğundan ve mezkûr seffinelerin Derince'ye vurûdunda depozito olarak mahalli rusûmât memûruna yirmi adet Osmânî lirâsı i'tâ edip hamûlesinin ihrâcına musâade istihsâl edilmiş ise de sâlıfu'z-zikr yirmi lirânın henüz iâde olunmadığı cihetle mezkûr tezkerelerin ba'de't-tashîh gönderilmek üzere Selânik Rusûmât Nezâretine evâmîr-i lâzime i'tâsı husûsuna himmet buyrulması temennî ve iltimâs olunur. 19 Teşrinisânî [1]314.

244) (591) İtalya devleti tebe'âsından Pascovale Rosano nâm kimesne geçende Büyükderede kundura furûht etmekte iken merkûmun İtalyalı olmadığı zannıyla tezkere ahzetmesi için nezdinde bulunan kunduruları mahalli belediye memurları tarafından ahz olunmuş ve halbuki merkûm Pascovale devlet-i muşârunileyhâ kañçılaryası nufûs defterinde mukayyed ve fakîru'l-hâl bulunduğu cihetle mezkûr kunduraların merkûma iâdesi zımnında lâzım gelen mahalle evâmîr-i mukteziye i'tâsı husûsuna himem-i aliyye-i âsîfâneleri şayân buyrulması bilhassa temennî ve iltimâs olunur. 1 Kanunievvel [1]314.

(s.129) 245) (592) İstanbul Polis Müdüriyetine: Cânib-i kañçılaryaya vurûd eden 30 Teşrinisânî 314 tarihli tezkire-i behiyyelerinde beyân olunan Carmalo nâm şahsın hastahâneye vaz' olunmak üzere konsolatoya i'zâmı husûsuna himmet buyrulması ricâ ve iltimâs olunur. 1 Kanûnievvel [1]314.

246) (593) Şuhud: Beyoğlu'nda Pangaltı civarında Meyve sokağında hânedede sâkin Pavlino Trayani; Beyoğlu'nda Pangaltı civarında Meyve sokağında hânedede sâkin Marliko; Beyoğlu'nda Pangaltı civarında Meyve sokağında hânedede sâkin madam Kösteyan; Beyoğlu'nda Pangaltı civarında Meyve sokağında hânedede sâkin İspali madam Nani; Beyoğlu'nda Pangaltı civarında Kaya sokağında hânedede sâkin yunanlı Jak Marko; Beyoğlu'nda Pangaltı civarında Kaya sokağında İtalyalı Alfredo Mabardo; Beyoğlu'nda Pangaltı civarında Meyve sokağında hânedede sâkin İpekçi Tatyos.

(s. 130) 247) (Müşveddesi sâhibi tarafından hâriçte tanzîm ettirilmiştir). İtalya devleti tebe'âsından Beyoğlu'nda Pangaltı'da Yenimahalle'de hânedede sâkin Pier Maçilotti nâm kimesnenin cânib-i konsolatoya takdîm eylediği istid'âda tebe'â-i devlet-i aliyyeden Beyoğlu'nda Pangaltı civârında Meyve sokağında 17 numaralı hânedede sâkine Katina nâm mezbûre ile hâne-i mezkûrda maan ve müste'ciren iskân etmekte iken mezbûre Katina, merkûmun zevcesi Loksandire'ye bir sebepden dolayı gazez ve nefsâniyet peydâ ederek tevârih-i muhtelifede müdeaddit hakarâtlarda bulunduğu ve her gün birer sebep beyânıyla

munâzaa ve mezbûreyi darb ve itâle-i lisân etmekle berâber bir gün bir su meselesinden dolayı muâraza ederek mezbûrenin üzerine hucûm etmiş olduğundan ve mezbûre Loksandire ol-vakit henüz vaz'ı haml etmiş olduğu cihetle korkudan sütü çekilip çocuğunun iâşeden mahrûm kalması hasebiyle çocuk beş mâh sonra terk-i hayat eylediği ve muahharan yine mezbûre ile munâzaa edip o sırada zevci merkûm Pier Maçilotti dahi hazır bulunmakla zevcesinin üzerine vukûbulan hucûmunu men etmek istediğinden kendisinin dahi nâmusuna müteallik bir takım itâle-i lisânlarda bulunduktan başka zevcesi Loksandire'yi dahi darb ve saçlarından çekip yatırmış olduğu ve bilâhare harekât-ı vakıasından tahlîs-i giribân etmek üzere ikâme-i dava eylemiş olduğu ve halbuki mezbûre Katina'nın vukûbulan taarruz ve itâle-i lisân ve darb ve munâzaası bâlâda esâmisi muharrer şuhûd def'a def'a müşahade eylemiş olduğundan mezbûrenin celbiyle hakkında muâmelât-ı kanûniyenin icrâsıyla berâber hukûk-ı şahsiyesinin ve çocuğun vefâtına sebebiyet verdiği cihetle diyet-i şer'iyyesinin tahsîli taleb ve istid'â etmiş olmağla ber müceb-i istid'â icâbının icrâsı iltimâs olunur. 24 Teşrinisânî [1]314.

(s.131) 248) (594) Beyoğlu'nda Kırlangıç sokağında 31 numarada sâkin İtalya devleti tebe'âsından Carlotti Natani konsolatoya takdîm eylediği arzuhalde geçende Otel Palas'ın arkasında Fransa tebe'âsından Emil Alfred'in hânesinde bulunmakta iken Beyoğlu'nda Tarlabasında Kireçhâne sokağında mukîm arabacı Lazari nâm kimesne diğer iki şahısla berâber merkûmu katl etmek üzere mezkûr hâneye gelerek kendisini darba kıyâm eylemiş ise de bazı zevât tarafından tahlîs olunduğundan ve merkûm Lazari ile baldızı Fanile Vintore nâm kadın kendisini katl edeceklerini veyahut ettireceklerini ötede beride söylemekte olduklarından ve bundan dolayı korkup hânesinden taşra çıkamayıp ticâretinden geri kalmakta olduğundan ve merkûmlar her vakit katletmek için kendisini taharrî etmekte bulunduklarından bahsile merkûmların kefâlete rabtıyla berâber haklarında nizâmen mucazât-ı lâzime icrâsını istid'â eylemiş olmağla icrâ-yı icâbı husûsuna himmet buyrulması iltimâs ve takrîr olunur. 3 Kanunievvel [1]314.

249) (595) (Sâhibi tarafından hâriçte tanzîm ettirilmişdir). İtalya devleti tebe'âsından İstanbul'da Marpuşçularda mukîm Samuel Benzonana tarafından cânib-i konsolatoya takdîm olunan arzuhalde Dersâadet'te Asmaaltına mukîm tüccârdan Yusuf Asım Efendinin zimmetinde bâ-senet bindokuzyüzkırk lirâ-yı Osmânî alacağı olup mûmâileyh Yusuf Asım Efendiyle Bank-ı Osmânî miyânesinde tekevvün eden zarar ve ziyân davası hakkında Mahkeme-i Temyîz Umûm Dâiresinden sâdır olan karar Bank'ın mes'ûliyetini intâc eylemiş ve hatta bu kerre Bank ile mûmâileyh Asım Efendi miyânesinde hafiyyen muzakerât-ı sulhiye cereyân etmekte olduğu istihbâr kılınmış olduğundan mûmâileyhin Bankadan tahsîl edeceği mebâliğ bu sûretle mektûm kaldığından mûmâileyh mösyö Benzonana istîfâ-yı matlûb edemeyeceğinden hukûkunun te'mîni zımında Yusuf Asım Efendinin Bankadan alacağı olup (s.132) Mahkemece takdir olunacak zarar ve ziyândan bindokuzyüzkırk lirâ-yı Osmânînin taht-ı hacze alınmış olduğundan Galata'da mahall-i ikâmeti bulunan

Osmânî Bankasıyla Yusuf Asım Efendinin Birinci Mahkeme-i Ticârete celbleriyle ve muhâkeme-i aleniyelerinin bi'l-icrâ ber-vech-i ma'rûz Bank-ı mezkûrun Yusuf Asım Efendiye te'diyesine mecbûr olup mahkemece takdir olunacak zarar ve ziyândan bindokuzyüz-kırk lirâ-yı Osmânînin maa fâiz ve masârif-i muhâkeme mûmâileyh mösyö Benzonana'ya i'tâsına Bank-ı mezkûrun mahkûm edilmesi taleb olunmuş olduğundan ber müceb-i istid'â icrâ-yı îcâbı cânib-i konsolatodan iltimâs ve takrîr olunur. 24 Teşrinisânî [1]314.

250) (596) Herekede şarap mağazası bulunan İtalya devleti tebe'âsından Kazario Aristidi nâm kimesne geçende ailesiyle berâber Hereke'den diğer mahalle gitmekde iken kendi malı olup mahalli hükûmet memurları tarafından zabtolunan elli kıyye şarabın merkûma îadesi geçende taraf-ı âcizânemden Gebze kaimmakâmılığına iş'âr ve iltimâs olunmuş ise de henüz mezkûr şarap teslim olunmamış ve merkûm ise her bâr murâcaâtla ve fakr u zarûretinden bahsile sızlanmakta bulunmuş idiğünden sâlifü'z-zkr bir fıçı elli kıyye şarabın gerek merkûm Kazario Aristidi'ye gerek mahdûmu Alberto'ya îadesi zımında Gebze kazası kaimmakâmılığına evâmir-i lâzime i'tâsı husûsuna himem-i aliyye-i âsifâneleri şayan buyrulması bilhassa temennî ve iltimâs olunur. 12 Kanunievvel [1]314.

251) (597) Beşiktaş'ta Mazka sokağında 5 numaralı hânede mukîm İtalya devleti tebe'âsından Naum konsolatoya takdîm eylediği arzuhalde zevcesi İstreye nâm kadını komşusu bulunan Bâbîâlî ketebesinden Mehmed Efendi bi'l-iğfâl 8 Kanunievvel 1898 tarihinde mezkûr hâne derûnunda İtalyalı-yı (s.133) merkûma âit yüzelli lirâ kıymetinde bi'l-cümle eşyâ ve elbise ile mücevherâtını sirkat edip zina etmek üzere karar etmiş olduklarından bahsile mûmâileyh Mehmed Efendi hakkında nizâmen muâmele-i mukteziye icrâsıyla mezkûr eşyâ ve mücevherâtın bunlardan istirdâdını taleb ve istid'â eylemiş olmağla icrâ-yı îcâbı husûsuna himmet buyrulması iltimâs ve takrîr olunur. 12 Kanunievvel [1]314.

252) (598) (Hârîçte tanzîm edilmiştir). Hâmili bulunduğu 27 Teşrinievvel 314 tarihli musaddak bir kıt'a vekâlet senedine istinâden Selânik'de icrâ-yı muâmele eden ve Savol Modyano unvânıyla marûf olan İtalya tâbiyetine mensûb ticâret evi tarafından bi'l-vekâle Galata'da Demir hânında mukîm Yahil Lilo Cohen tarafından cânib-i sefârete takdîm olunan istid'âda Hazîne-i Hassa-i şâhâneye ait olup Teselya kıt'asında kâin ve Bode ve Otacılar ve Kabil Ağa ve Tarnode ve Griçovalı çiftlikâtının icâresine dâir mezkûr ticâret evi nâmına tanzîm edilmiş olan îcâr mukâvelesinden yine tebe'â-i Osmâniyeden Leon Omar Efendi'nin kefâleti cihetiyle Hazîne-i muşârunileyhâ nâmına bu kerre kefil-i mûmâileyh aleyhinde Beyoğlu Bidâyet Mahkemesi Birinci Hukûk Dâiresinde ikâme-i dava olunmuş ve kefil-i mûmâileyh aleyhinde bu bâbda ikâme olunan dava ise mezkûr ticâret evi nâmına kefaleti vukûbulmasına istinâd edilmekte bulunmuş ve bu hale nazaran mezkûr ticâret evinin dava-yı vâkıya dehâletle mudafaât-ı mukteziyesini dermiyâna mecbûriyet ve hukuku derkâr görülmüş olduğunun beyânıyla dava-yı vâkıya müdahalesinin kabulünü ve müdafaâtını bi'l-istimâ hukûk ve menafiinin muhafazasını taleb eylemiş olduğundan

mezkûr mahkeme tarafından mukteziyât-ı kanunîsinin îfâsı cânib-i sefâretten iltimâs ve takrîr olunur. 15 Kanunievvel [1]314.

(s.134) 253) (599) (Müsveddesi hâriçte yazılmıştır). İtalya devleti tebe'âsından Galata'da Tünel civarında Gül Kamando hânında banker Bartelemi Giustiniani imzâsıyla konsolatoya i'tâ kılınan arzuhalde kendinin Birinci Hukuk Mahkemesine takdîm etmiş olduğu istid'â münderecâtı vechile tebe'â-i devlet-i aliyyeden Balat'da Turi Sina Kilisesi karşısında kâin hânedâ mütemekkin bilâ sanat Angeli veledi Nicoli ile Eleni binti Aleksander kadına ikrâz ve idâne eylediği ikiyüz aded Osmânî lirâsının te'mîn-i istîfâsı zımnında mezbûran Yeniköy'de Aya Nikola mahallesinde Kuyubaşı caddesinde munasefeten ve bi'l-iştirâk mutasarrıf oldukları yüzseksenaltı numaralı ve mahall-i mezbûrda Terzibaşı sokağında 2 numaralı sırf mülk iki bâb menzilleri bey'u'l-vefa tarîkiyle Dersââdet Mukavelât Muharrirliğinden musaddak bir kıt'a senet mantukunca kendilerine bey' u temlik ve inkizâ-yı vadede ahara bi'l-bey' semeninden istîfâ-yı hak etmesi zımnında vekâlet-i devriye-i sahîha ile kendini tevkîl dahi eylemiş oldukları ve deyn-i mezkûrun ecel-i muayyeni murûr ettiği halde te'diye-i deyn etmemekte ve merhûn olan mezkûr menzilleri ahara ferâğ teşebbüsünde bulundukları hasebiyle kendileri istîfâ-yı hak etmedikçe mezkûr akarların ahara satılamaması için 22 Teşrinievvel 314 tarihinde bâ-karar-ı mahkeme taht-ı hacze alınmış ve 24 Teşrinievvel 314 tarihinde tebliğât-ı lâzime dahi icrâ kılınmış olduğundan medyûn-ı merkûmân Angel veledi Nicola ve Eleni binti Aleksander'ın mahkemeye celbi ve muhâkemelerinin icrâsıyla mezkûr haczin tasdîki ve mahcûz olan sâlifü'z-zikr iki bâb menzilin bi'l-muzâyede furûhtuyla esmânından matlûb-ı mezkûrun maa fâiz ve masârif-i muhâkeme ve ücret-i vekâlet istîfâsı hususlarının icrâ-yı muvakkatla berâber taht-ı hükme alınması istid'â olunmuş olmağla îcâbının icrâsı iltimâs olunur. 29 Kanunievvel [1]314.

(s.135) 254) (600) (Müsveddesi hâriçte tanzîm olunmuştur). İtalya devlet-i fahîmesi tebe'âsından mösyö Costa Caketoni'nin konsolatoya takdîm eylediği arzuhalde Sakız Ağacı caddesinde numarasız hânedâ mukîme Lambiridi kadın ile beyninde mütehaddis bedel-i îcâr ve tahliye-i me'cûr davasına dâir Beyoğlu Bidâyet Mahkemesi Birinci Hukuk Dâiresinden verilen i'lâmı istînâf etmiş ise de yevm-i muayyeninde esbâb-ı meşrûasına mebnî Mahkeme-i İstînâfiyede hazır bulunâmadığına binâen İtalya konsolatosunun takrîrini iptaline ve muvakkatan muhâkemenin sukutuna ve hükm-i evvelin tasdîkine 2 Teşrinisânî 312 tarihinde Mahkeme-i İstînâfiyeden gıyâben karar verilip ve i'lâm-ı gıyâbî 3 Kanunievvel 314 tarihinde merkûm Caketoni'ye tebliğ olunmuş olduğundan hükm-i mezkûreye adem-i kanaatle i'tirâz eyler şöyleki evvela mûmâileyh Galip Bey Caketoni ile beyinlerinde akd-i mukâvele olunmadığına her ne kadar tahlîfi İzmir vilâyetinde icrâ olunmuş olduğu i'lâm-ı gıyâbî münderacâtından anlaşılmakta ise de Lambiridi kadın bidâyeten istînâfen dahi münaziunfih hânedâ muşaharetten icârâ verdiğini mezbûre tarafından dermiyân etmiş ve binâenaleyh mezbûrenin mehâkimde konturato îbrâz edememesi mamafih hâne-i mezkûrda kendisinin dahi muşaharetten iskân ettiği anlaşılmaması ve mutasarrıf-ı mûmâileyhin aharını

îcâr etmeğe me'zûniyeti olmaması mezbûre Lambiridi kadının kendisine karşı husume-ti teveccüh etmeyeceğini beyân eylediğinden ibâret olup şu halde tarafeynin celbiyle muhâkemelerinin yeni baştan bi'l-icrâ hükm-i evvelin feshi[ni] istirhâm etmiş olmağla ol-vechile îcâb eden muâmelesinin icrâsı iltimâs olunur. 30 Kanunievvel [1]314.

(s.136) 255) (601) İtalya devleti tebe'âsından ve ashâb-ı nâmusdan Lambertini nâm zâtın yedinde bulunan muteber şehâdetnâmelerden müstebân olacağı vechile kılıç muallimi olduğu cihetle taayyüşüne muktezî mebâliğin tedârîki için Beyoğlu'nda Loksınon kahvehânesi dâhilinde istîcâr eylediği odada bazı muteber zevâta kılıç talimi öğretmek üzere lâzım gelen ruhsatın istihsâli zımnında îcâb-ı halin îfâsını bâ arzuhal istid'â eylemiş olmasıyla bu bâbda muâmele-i mukteziyenin icrâsıyla îcâb eden ruhsatın i'tâsı husûsuna himmet buyrulması bilhassa temennî ve iltimâs olunur. 31 Kanunievvel [1]314.

256) (602) Hereke'de mukîm İtalya devleti tebe'âsından Rafailo Birotelli nâm kimesne mahalli mezkûrda kain Taşocağının ittisâlinde bulunan arsayı sâhibinin hüsn-i rızasıyla istîcâr ederek üzerine bir kıt'a baraka inşâ ettirmiş ise de mahalli hükûmet memurları tarafından mezkûr barakanın hedm olunması için ihtârât vukûbulmakta olduğundan bah-sile îcâb-ı hâlin icrâsını bâ arzuhal istid'â eylemiş ve merkûm ise fakîr-ü'l hâl ve şâyân-ı merhamet bulunmuş olmasına binâen sâlifü'z-zıkr barakanın oradan diğer mahalle nakli veyahut hedmi için merkûm hakkında bir gûne muâmele icrâ olunmaması zımnında îcâb eden mahalle evâmîr-i lâzîme i'tâsı husûsuna himem-i aliyye-i âsifaneleri şâyân buyrulması bilhassa temennî ve iltimâs olunur. 5 Kanunisânî [1]314.

(s.137) 257) (603) İtalya devleti tebe'âsından terzi Paolo Parma kendi tarafından asâleten ve müteveffâ Domenico veledi Giovanni Lena veresesi tarafından vekâleten konsolatoya takdîm eylediği arzuhalde Mahkeme-i Ticâret Birinci Meclisinden sâdır olup 4 Kanuni-evvel 314 tarihinde muâmele-i teblîğiyesi icrâ kılınan 1 Kanunievvel 314 tarihli ve 141 numaralı i'lâm-i gıyâbî mücebince Beşinci Dâire-i Belediye muhâsebecisi izzetlû Tefvik Beyefendi zimmetinde re'su'l-mâl olarak alacakları olan yirmi adet Osmânîlî lîrâsı ve doksanbeş kuruşun maa fâiz ve masârif-i muhâkeme ve ücret-i vekâlet te'mîn-i istîfâsı için mûmâileyh Tefvik Beyin maâş-ı rub'unun taht-ı hacze alınarak ol vechile mezkûr i'lâm-ı gıyâbî hükmünün icrâsı zımnında icrâ-yı îcâbı istid'â kılınmış olmağla ber müceb-i istid'â muâmele-i mukteziyenin îfâsı husûsuna himmet buyrulması iltimâs ve takrîr olunur. 9 Kanunisânî [1]314.

258) (604) (Sâhibi tarafından hâriçte tanzîm ettirilmişdir). İtalya devleti tebe'âsından Galata'da Aziziye caddesinde 75 numaralı dükkânda sâkin mösyö Giovanni Mavlini tarafından konsolatoya takdîm kılınan arzuhalde Boğaziçinde Hisarburnu'nda sâhil hânesinde sâkin tebe'â-i devlet-i aliyyeden akarâtçı Mişel Hecar Efendi zimmetinde bir kıt'a i'lâm-ı kat'î mücebince matlubu olan mebâliğin te'mîn-i istîfâsı için medyûn-ı mûmâileyhin

Beyoğlu'nda Cadde-i Kebîrde vâki mutasarrıf olduğu Halep çarşısı derûnundaki mağazaların müste'cirleri zimmetindeki bedeli îcârlarını 21 Eylül 314 tarihinde Ticâret İcrâ Dairesi marifetiyle taht-ı hacze aldırılmış ve muahharan bazı müste'cirler bâ arzuhal Dâire-yi İcrâya muracaatla emlâk-i mezkûr gûya Mişel Hecar Efendinin olmayıp Mustafa Süreyya Beyin olduğunu beyân etmeleri üzerine mûmâileyh Mustafa Süreyya Beyden bâ tezkere istifsâr-ı madde edilmiş (s.138) ve gelen cevâbda emlâk-ı mezkûr bâ sened-i Hâkânî uhdesinde bulunduğunu beyân eylemiş ise de arîz ve amîk icrâ kılınan tahkîkât neticesinde akar-ı mezkûr Mişel Hecar Efendinin malı olup menâfii kendisine ait olmak üzere Mustafa Süreyya Beyden ahz u istikrâz eylediği onbeşbin aded lirâ-yı Osmânî bedel mukabilinde mûmâileyh Mustafa Süreyya Beye rehn edildiği Beyoğlu Mukavelât Muharrirliğinden musaddak 14 ve 28 Kanunisânî 314 tarih ve 3833 ve 3940 numaralı ve Mustafa Süreyya Bey ve Mişel Hecar mühürlü bir kıt'a muvâzaa senediyle sabit olduğu gibi mezkûr senede istinâden Mişel Hecar Efendinin müste'cirler aleyhine ikâme eylediği tahliye ve bedel-i îcâr davaları neticesinde müste'cir aleyhine istihsâl edip Ticâret İcrâ Dâiresinde mevcût bulunan müteaddid i'lâmlar mutâlaasından sâbit olacağından mezkûr i'lâmlar buldurulup mutâlâa edildikde iddiası tamamıyla tebeyyün ve tahakkuk edeceğinden ve Dâire-i İcrâda mevcût bulunan i'lâmlar meydanda iken kendisini ızrâr etmek kasdıyla her ikisi birleşerek haczin fekki yoluna teşebbüs etmeleri kanunen câiz olamayacağından ve hakikat-i hal bu merkezde bulunduğundan emlâk-ı mezkûrun menâfiinden ber-mûceb-i hacz şimdiye kadar müste'cirler zimmetinde terâkum eden bedel-i îcârların hemen Dâire-i İcrâya tahsîldâr vasıtasıyla celbi ve tarafına i'tâsını istid'â eylemiş olduğundan ber mûceb-i istid'â icrâ-yı îcâbı cânib-i konsolatodan iltimâs ve takrîr olunur. 7 Şubat [1]314.

259) (605) (Müsveddesi sâhibi tarafından hâriçte tanzîm ettirilmişdir). İtalya devleti tebe'âsından İstanbul'da Kezzapçioğlu hanında mukîm komisyoncu mösyö L. Vitali tarafından cânib-i konsolatoya takdîm olunan arzuhalde İstanbul'da Tütün Gümrüğü civârında mağazasında mukîm tüccârdan ve tebe'â-i devlet-i aliyyeden Odesiya Kerasioğlu zimmetinde emtia bedelinden bindokuzyüz yirmi frank yirmibeş santim 4 Kanunisânî 1899 tarihinde merkûma keşide kılınmış bir kıt'a protesto mûcebince zarar ve ziyândan dolayı üçbin yüzyetmişaltı frank ki cem'ân beşbin doksanyedi frank yirmibeş santim matlûbu olup tahsîline muvaffak olamadığından bahsile merkûmun serîan Mahkeme-i Ticâret Birinci Meclisine celbiyle bi'l-muhâkeme meblağ-ı mezbûrun maa fâiz ve masârif-i muhâkeme ve ücret-i vekâlet tahsîli husûsunun taht-ı hükme alınması istid'â ve taleb edilmiş olmağla ber mûceb-i istid'â icrâ-yı îcâbı iltimâs ve takrîr olunur. 4 Şubat [1]314.

(s.139) 260) (606) İtalya devleti tebe'âsından Giuseppe Hayim Levi cânib-i konsolatoya takdîm eylediği arzuhalde tebe'â-i devlet-i aliyyeden Kuzguncukta İcâdiye sokağında mukîm meyhâneci David Behar Avram zimmetinde kendisine ciro olunmuş bir kıt'a emre muharrer sened mûcebince alacağı olan altıyüz kuruşun ahzına muvaffak olamadığından bahsile medyûn-ı merkûmun Mahkeme-i Ticâret Birinci Meclisine celbiyle bi'l-muhâkeme

meblağ-ı mezbûrun maa fâiz ve masârif-i muhâkeme ve zarar ve ziyân tahsîli husûsunun taht-ı hükme alınmasını istid'â eylemiş olmağla icrâ-yı îcâbına himmet buyrulması iltimâs ve takrîr olunur. 4 Şubat [1]314.

261) (607) İtalya devleti tebe'âsından Aleksandro'nun cânib-i konsolatoya takdîm eylediği arzuhalde Mahkeme-i Ticâret Birinci Meclisinden sâdır olup 12 Kanunievvel 314 tarihinde muâmele-i teblîğiyesi icrâ kılınan 10 Teşrinisânî 314 tarihli ve 106 numaralı i'lâm-ı vicâhî mücebince tebe'â-i devlet-i aliyyeden eczâcî Vasilaki Anastasyadi ile keffîli Haliç ve Dersâdet vapurları İdâresi'nde mustahdem Yanko Balta zimmetinde re'su'l-mâl olarak alacağı olan onyedî adet lirâ-yı Osmânî ve onaltı kuruşun te'mîn-i istîfâsı zımında medyûn-ı merkûm Anastasyadi'nin Beyoğlu'nda Kalyoncu Kolluğu civârında 44 numaralı eczâcî dükkânında mevcût eczâ ve emvâl ve eşyânın taht-ı hacze alınarak furûhtuyla matlûbunun tesviyesi ve i'lâm-ı mezkûr hükmünün ol-vechile icrâsı zımında îcâb-ı hâlin îfâsını istid'â eylemiş olmağla îfâ-yı muktezâsı husûsuna himmet buyrulması iltimâs ve takrîr olunur. 9 Şubat [1]314.

(s.140) 262) (608) İtalyada Lebone şehrinde mukîm Ferdinando Palpari ve oğlu nâm mefrûşât kumpanayasının cânib-i konsolatoya takdîm eylediği arzuhalde Beyoğlu'nda Kabristan sokağında Altıncı Dâire-i Belediye'nin ittisâlinde 14 ve 26 numaralı depolar taht-ı istîcârlarında olduğu halde geçende Jack Paletti nâm kimesne hakkında Mahkeme-i aliyyelerince tanzîm olunan celbnâme ve merbûtu arzuhal merkûm Jack Paletti'ye teblîğ olunmak üzere bir hademe tarafından zikrolunan depolara getirilip bırakılmış olduğundan ve halbuki sâlifü'z-zikr mağazalar bâ konturato kendilerine îcâr edilmiş olup orada Jack Paletti nâmında kimse olmadığından ve merkûm Jack Paletti bulunmadıkça işbu celbnâme ile arzuhalin mezkûr depolara bırakılmasına mahal olmadığından bahsile mârru'z-zikr celbnâme ile merbûtu bulunan arzuhalin mahkeme-i âidesine îâdesi istid'â edilmiş olmasıyla ol vechile mezkûr celbnâme ve merbûtu bulunan arzuhal leffen îâde ve irsâl kılınmış olduğu beyân olunur. 9 Şubat [1]314.

263) (609) İtalya devleti tebe'âsından Av. C. Gallerini'nin Mahkeme-i Ticâret Birinci Meclisinden sâdır olan ve 23 Kanunievvel 314 tarihinde muâmele-i teblîğiyesi icrâ kılınan 16 Kanunievvel 314 tarihli ve 355 numaralı i'lâm-ı gıyabî mücebince ashab-ı akardan Mehmed Nahid Bey zimmetinde re'su'l-mâl olarak alacağı olan onüçbin dokuzyüz kuruşun maa fâiz ve masârif-i muhâkeme tahsîli zımında i'lâm-ı mezkûr hükmünün icrâsı için îcâb-ı hâlin îfâsını bâ-arzuhal istid'â eylemiş olmağla ol vechile îcâb eden muâmele-i kanuniyenin icrâsı husûsuna himmet buyrulması iltimâs ve takrîr olunur. 13 Şubat [1]314.

(s.141) 264) (610) İtalya devleti tebe'âsından terzi Paolo Parma kendi tarafından asaleten ve müteveffâ Domenico veledi Giovanni Lena veresesi tarafından vekâleten konsolatoya takdîm eylediği arzuhalde müteveffâ Gani Bey zimmetinde mâl bahâsından dolayı alacağı

olan elli adet lirâ-yı Osmânî ve yirmibir kuruşun ahzına muvaffak olamadığından bahsile müteveffâ-yı mûmâileyhin zevcesi olup terekesine vaz'-ı yed eden Beşiktaş'ta Ketenciler hamamı civarında Yıldız caddesinde Hallaç ittisâlinde bilâ numaralı hânede sâkin Hatem Efendinin Mahkeme-i Ticâret Birinci Meclisine celbiyle meblağ-ı mezbûrun maa fâiz ve masârif-i muhâkeme ve ücret-i vekâlet tahsili husûsunun taht-ı hükme alınmasını istid'â eylemiş olmağla icrâ-yı îcâbı husûsuna himmet buyrulması iltimâs ve takrîr olunur. 27 Şubat [1]314.

265) (611) İtalya devleti tebe'âsından doktor Isidor De Cosyo konsolatoya takdîm eylediği arzuhalde kendisinin sâkin olduğu Beyoğlu'nda Kâtip Mustafaçelebi mahallesinde Kömürcü sokağında 2 numaralı hânenin tahliyesi hakkında Beyoğlu Bidâyet mahkemesi Birinci Hukuk Dâiresinden mezkûr hânenin mutasarrıfı duvarcı Panayot tarafından istihşâl kılınan 21 Şubat 314 tarihli ve 352 numaralı i'lâm-ı gıyâbînin hükmünü adem-i kabul ile i'tirâz ale'l-hükm eylediğinden bahsile esnâ-yı muhâkemede arz ve beyân edeceği esbâba nazaran mezkûr i'lâm-ı gıyâbî hükmünün feshiyle masârif-i muhâkeme ve sâirenin merkûm Panayot'a tahmîlini istid'â eylemiş olmağla icrâ-yı îcâbı husûsuna himmet buyrulması iltimâs ve takrîr olunur. 3 Mart [1]315.

(s.142) 266) (612) İtalya devleti tebe'âsından terzi Paolo Parma kendi tarafından asâleten ve müteveffâ Domenico veledi Giovanni Lena vereseşi tarafından vekâleten konsolatoya takdîm eylediği arzuhalde tebe'â-i devlet-i aliyyeden Beyoğlu'nda Arabacı sokağında 4 numarada sâkin ashâb-ı akardan Pol Hasûn nâm kimesne zimmetinde bir kıt'a bono ve bir kıt'a fatura mücebince mâl bahâsından dolayı alacakları olan üçbin ikiyüzyedi frank yirmibeş santim yani yüzotuzdokuz lirâ ve kırksekiz kuruşun henüz ahzına muvaffak olamadığından bahsile medyûn-ı mûmâileyhin Mahkeme-i Ticâret Birinci Meclisine celbiyle bi'l-muhâkeme meblağ-ı mezbûrun maa fâiz ve masârif-i muhâkeme ve ücret-i vekâlet tahsili husûsunun taht-ı hükme alınmasını istid'â eylemiş olmağla icrâ-yı îcâbına himmet buyrulması iltimâs ve takrîr olunur. 6 Mart [1]315.

267) (613) İtalya devleti tebe'âsından olup Camando Bankasının direktörü bulunan mösyö Piperno amelesinin tesviye-i ucûrâtı ile rü'yet-i muhâsebe zımnında bazen Karaağaçta vâki fabrikasına azîmet ve avdet edeceği cihetle esnâ-yı rahda müdafaa-i nefis için nezdinde bir adet revolver taşımağa mecbûr bulunmuş olmasıyla ba'demâ yani 24 Eylül 314 tarihinde verilen esliha tezkeresi misullü bu defa dahi diğer bir kıt'a esliha tezkeresinin i'tâsı husûsuna himmet buyrulması temennî ve iltimâs olunur. 27 Şubat [1]315.

268) (614) İstanbul'da Sirkeci iskelesinde yetmiş numaralı mağazada sâkin İtalya devleti tebe'âsından Costantin Vasiliadis'in cânib-i konsolatoya takdîm eylediği arzuhalde hayli senelerden beri Emânet-i celîle-i âsifâneleriyle muâmelede bulunmakda ve kesret-i muâmelesinden nâşî en fazla resm-i gümrük vermekte olduğu halde malının gümrükten

(s.143) ihrâcî için gerek arayıcı gerek kolcu ve istemator efendiler taraflarından usûl ve nizâma muğâyir olarak bir çok müşkilât gösterilmekte olduğu cihetle bunun men‘-i zımnında birkaç defalar şifâhen ve 19 Mayıs 314 tarihinde bâ-arzuhal makâm-ı âlî-i âsifânelerine murâcaat etmiş ise de henüz bir netice hâsıl olmadığından bahsile âtideki mevâddı istid‘â eylemiştir şöyleki evvelce bir vapur derûnunda yüzymibin kilo sikletinde bulunan demir için emtia-i ecnebiye gümrüğü bir kıt‘a beyânâme taleb ile fatura ve konşimentoya mutabık buldukda resm-i gümrüğü ile yüzde on fazlası depo tarikiyle vezneye teslim olunarak mallar tadâd ve vezn edilip depo edilmiş olan mezkûr fazla resm tarafına iâde ve malları hemen ahz u teslim olunmakda bulunduğu ve bu muâmelenin îfâsından sonra bir malın cinsi gümrükçe görülmek arzu olunursa yüzotuzbin kilo sikletinde olan demirin yirmibin kiloluk bir mavnası görülmesi ile iktifâ olunup mecmû emvâl hakkında ana göre gümrük muâamelesi bi‘l-îfâ vakit zâyî etmeksizin mallar hemen mağazaya naklettirilmekdeyken şimdi resm-i gümrük ve yüzde on fazlası depo olunduktan sonra yüzotuzbin kilo sikletindeki demirin kâffesi gümrüğün yanında bulundurulup bi‘l-cümle mavnalar birer birer tetkîk ve muâyene edilip badehu mağazalarının civârına naklolunduktan fatura ve konşimentoya kat‘a riâyet olunmayarak kâffesinin yeniden vezn olunması için Emânet-i celîleleri memûrları ısrâr etmekte ve bazen vapur yedi sekiz gün limanda durup mallar günlerce mavnalar derûnunda yüzüstü kalmakta ve böyle külliyetli malı yeniden birer birer veznetmek haftalara mütevakıf olarak bu yüzden vakit zayî olmakla berâber fuzûlî bir takım masârifeye duçâr olunmakta bulunduğundan ve ekseriya sekiz günlük mavna ücreti te‘diyesine mecbur ve emvâlini vaktiyle îcâb eden mahalle i‘tâ ve teslim edemediği cihetle mes‘ûl ve mutazarır olduğu gibi demirlerin Avrupadan vurûdunda istemator efendi fatura ve konşimentoya itibâr etmeyerek usûl ve nizâma ve san‘at-ı ticarete muğâyir olarak gûya piyasa tarafı istemiştir diyerek mallarına fatura ve konşimentoda muharrer kıymetinden onbeş yirmi kuruş fazla kıymet takdir etmekte bulunduğu ve böyle fazla takdîr-i fiyât olunması mağduriyetini mucib olmakta bulunması hasebiyle (s.144) mallarını mecbûr olarak aynen bırakmağa teşebbüs olunduktan Emânet-i celîleleri memûrları bir çok müşkilât ve i‘tirâzlar dermiyânıyla malları aynen alamayacaklarını kat‘iyyen beyân ve iddialarında ısrâr etmekte oldukları ve bu hâlin devamı ise kendisinin mağduriyetiyle zararını mucib olup binâenaleyh ahzedilen yüzde sekiz resm-i gümrük esbâb-ı marûzadan dolayı yüzde onaltıya bâliğ olmakta bulunduğu ve bu ise ma‘delet-i seniyyeye muğâyir olduğu misullû nezd-i âlî-i âsifânelerinde dahi rehîn-i cevâz olamayacağından işbu zarar ve müşkilâtın muhafazası zımnında vapur ambarlarında bulunan demirlerden yalnız bir mavnasının ber mûceb-i fatura ve konşimento muâyene ve tedkîk ile kâffe-i emvâl hakkında ana göre gümrük muâamelesi icrâsıyla kesret-i muâmelâta hâcet bırakılmaksızın emvâlinin hemen mağazasına nakli ve fatura ve konşimento mûcebince gümrük resmi ahzolunarak diğer lâzım gelen muâmelenin dahi hiçbir müşkilât gösterilmeyerek serîan îfâsı hususlarının Emânet-i celîle-i âsifânelerince taht-ı karara alınıp istemator arayıcı ve kolcu efendiler ile sâir îcâb edenlere taraf-ı âlî-i dâverîlerinden evâmîr-i mukteziye i‘tâsı zımnında îcâb-ı hâlin icrâsını taleb eylemiş olmağla ol vechile îfâ-yı mukteza-âsına himem-i aliyye-i âsifâneleri şâyân buyrulması bilhassa temennî ve iltimâs olunur. 7 Mart [1]315.

269) (615) İtalya devleti tebe'âsından terzi Paolo Parma ile müteveffâ Domenico veledi Giovanni Lena veresesinin müteveffâ Gani Bey zimmetinde alacağı olan elli adet lirâ-yı Osmânî ve yirmibir kuruşun terekesine vaz'-ı yed eden ve meblağ-ı mezbûrun tahsîli zımında Mahkeme-i Ticâret Birinci Meclisine celbi 27 Şubat 314 tarihli takrîr ile bildirilen Beşiktaş'ta Ketenciler civârında Yıldız caddesinde Hallaç ittisâlinde bilâ numaralı hânede mukîm müteveffâ-yı mûmâileyhin zevcesinin ismi Hikmet Hanım idiğü muahharan mûmâileyh Paolo Parma tarafından bâ arzuhal beyân edilmiş olmağla iş bu takrîrin dahi bu bâbdaki evrâk ile birleştirilerek nizâmen lâzım gelen muâmelenin ifâsı husûsuna himmet buyrulması temennî ve iltimâs olunur. 9 Mart [1]315.

(s.145) 270) (616) İtalya devleti tebe'âsından çalgıcı Antonio Toscanî'nin geçen Cuma günü Beşiktaş civârında gezmekte iken mahallî belediye memurları tarafından derdest olunarak muahharan saliverilmiş ise de latarnası ahz u hıfz olunmuş idiğüne ve halbuki merkûmun kaçırlara nüfûs defterinde mukayyed olduğı cihetle İtalya devleti tebe'âsından bulunduğuna binâen mezkûr latarnanın merkûma îâdesi zımında îcâb edenlere evâmîr-i mukteziye i'tâsı husûsuna himem-i aliyye-i âsîfâneleri şâyân buyrulması temennî ve iltimâs olunur. 10 Mart [1]315.

271) (617) (Sâhibi tarafından hâriçte tanzîm ettirilmiştir). İtalya devleti tebe'âsından İtalyada Milan şehrinde mukîm tüccârdan Carlocca'nın vekîli Galatada Mehmed Ali Paşa hânında 21 numaralı odada sâkin S. Katipyan Efendi tarafından cânib-i konsolatoya verilen arzuhalde müvekkilinin tebe'â-i devlet-i aliyyeden İstanbul'da Bahçekapısında 51 numaralı mağazada sâkin tüccârdan Abdurrahman Tevfik Efendi zimmetinde kendisine furûht ve teslîm kılınan mâl bedelinden dolayı dörtyüz altmışbeş frank matlûbu olup meblağ-ı mezbûrun tahsîline destres olamadığından bahsile medyûn-ı mûmâileyhin Mahkeme-i Ticâret Birinci Meclisine celbiyle bi'l-muhâkeme meblağ-ı mezbûrun maa fâiz ve masârif-i muhâkeme ve ücret-i vekâlet icrâ-yı muvakkatla tahsîli husûslarının taht-ı karara alınmasını istid'â eylemiş olmağla îcâbının icrâsına himmet buyrulması iltimâs ve takrîr olunur. 11 Mart [1]315.

S.146) 272) (618) (Müsveddesi sâhibi tarafından hâriçte tanzîm ettirilmiştir). Beyoğlu'nda Tekye caddesinde 570 numaralı mağazada İtalya devleti tebe'âsından Georgi Dandorya'nın cânib-i konsolatoya takdîm eylediğî arzuhalde el-yevm mezkûr mağazasında sâkin tebe'â-i devlet-i aliyyeden Stefan İstravlof ile mukaddema akdettikleri bir mukâvele mücebince şirket mezkûr mağazada perdekarlık etmek ve kâffe-i sermayesi merkûm Georgi Dandorya'nın olduğı halde merkûm şerîki Stefan ve çıraqları bulunan Dimostini V. L. Gramatika İtalyalı-yı merkûm Georgi'nin sırf kendi nâmına muharrer mezkûr mağazasının îcâr konturatosunun ve şirket mukâvelesinin ve sâir luzûmlu evrâkını cebren zabt ve şirket mukâvelesini dahi yırtıp mahvetmiş oldukları gibi merkûm Georgi'nin mezkûr dükkânı derûnunda bulunan emvâl ve eşyâsını dahi cebren zabt ve mağazasının üzerindeki levhada muharrer Georgi nâmını da haketmiş olduklarından ve merkûmânın harekât-ı vâkiasını isbata muktedir

bulunduğundan ve ahvâl-i mebhûseleri müstelzim-i cezâ idiğünden celbleriyle haklarında muâmele-i kanûniyenin icrâsı ve tahdîd-i cezâları ve ol-bâbdaki hukûk-ı şahsiyesinin dahi vikâyesi zımnında evrâk-ı mazbûtanın zâhire ihrâcı ve dükkânının emvâl ve eşyâsıyla istirdâd olunması taleb ve istid'â olunmuş olmağla ber müceb-i istid'â icrâ-yı îcâbı iltimâs ve takrîr olunur. 13 Mart [1]315.

273) (618) İstanbul'da Pento hânında mukîm İtalya devleti tebe'âsından Yakova Aşe nâm kimesne cânib-i konsolatoya takdîm eylediği arzuhalde gûya şerîki tebe'â-i devlet-i aliyyeden olduğu cihetle bunların iflâsıyla berâber mağazalarının taht-ı temhîre alınması Mahkeme-i Ticâret Birinci Meclisi tarafından taht-ı karara alınarak ol-vechile muâmele-i mukteziyesi icrâ kılınmış ve halbuki kendisi bundan ondört mâh mukaddem tebe'â-i devlet-i aliyyeden Avram Bensoin nâm kimesne ile akd-i şirket ederek her muâmelesi kendi nâmına cereyân ettiği gibi bi'l-cümle evrâkı dahi bizzât kendisi imzâ etmekde iken bundan iki mâh mukaddem işbu şirket fesh edilmiş olduğundan bahsile bu bâbda sindik tayin olunan Galata'da Mehmed Ali Paşa hânında mukîm dava vekillerinden Kirkor Senabyan Efendinin Mahkeme-i Ticâret Birinci Meclisine celbiyle muhâkemelerinin icrâsını istid'â eylemiş olmağla icrâ-yı îcâbı husûsuna himmet buyrulması iltimâs ve takrîr olunur. 16 Mart [1]315.

(s.147) 274) (619) (Müsveddesi hâriçte tanzîm ettirilmiştir). İtalya devleti tebe'âsından İstanbul'da Bahçekapısında mukîm tüccârdan Lazar Alof tarafından cânib-i konsolatoya takdîm kılınan arzuhalde evvelce Birinci Ticâret Mahkemesinden taşçı Mihail Ferikelin doksanikibuçuk adet Osmânî lîrâsıyla dört kuruşun ve masârif-i muhâkeme ile güzestenin îfâsı için mahkûmiyetini mutazammın olarak istihsâl eylediği 6 Haziran 314 tarihli ve 25 numaralı i'lâm-ı gıyâbî hükmünün icrâsına ibtidâr olundukda mahkûmunaleyh-i merkûm i'tirâz ale'l-hükm davasına kıyâm etmesiyle hükm-i mezkûrun icrâsı te'hîr edilmiş ise de ahiren i'tirâz ale'l-hükm istid'âsının reddine ve binâenaleyh hükm-i gıyâbî-i mezkûrun tasdîkine kezâlik Birinci Ticâret Mahkemesinden karar verilerek ol-bâbda tanzîm olunan 17 Şubat 314 tarihli ve 173 numaralı i'lâmın emr-i teblîği 26 Şubat 314 tarihinde icrâ kılınmış olduğundan vesâit-i kanûniyenin ittihâzı ve be-tahsîs mahkûmunaleyhin emvâl-ı menkûle ve eşyâ-yı beytiyesinin hacz ve furûhtu sûretiyle mezkûr i'lâmâtın icrâ-yı ahkâmının devam ve ikmâlî istid'â olunmağla mukteza-yı kanûniyenin emr ve icrâsı cânib-i konsolatodan iltimâs ve takrîr olunur. 25 Mart [1]315.

275) (613) (Müsveddesiyle beyâzı sâhibi tarafından hâriçte tanzîm ettirilmiştir). Birinci Mahkeme-i Ticâret Riyâset-i Cânib-i Alîsine: Pariste Bulvar de Capusin caddesinde bir numaralı hânede sâkin İtalya devleti tebe'âsından mösyö Kont de Zokin bâ-sened-i musad-dak vekîli Galata'da Mertabani sokağında bir numaralı hânede sâkin dava vekîli Aşil Hristidi tarafından bi'l-vekâle cânib-i konsolatoya takdîm eylediği bir kıt'a istid'âda Heybeliadada sâkin Şûrâ-yı Devlet â'zâ-yı kirâmından saadetlû Prens Abbas Halîm Paşa hazretlerinin imzâsını hâvî 30 Teşrinisânî 1895 tarihli ve 31 Kanunievvel 1896 tarihinde

muktazî olan (s.148) bir kıt'a sened mücebince müvekkilinin mösyö Kont Zokin'in Paşay-ı muşârunileyh zimmetinde matlûbu olan sekizbinonsekiz lirâ iki kuruşun tahsili hakkın-
da 15 Şubat 1897 tarihli istid'â ile mahkeme-i aliyyelerinde ikâme olunan alacak davası
üzerine icrâ kılınan muhâkemât neticesinde mahkeme-i aliyyelerinden sudûr ile 17
Teşrinisânî 1898 tarihinde muâmele-i teblîğiyesi icrâ ettirilen 1 Teşrinisânî 1898 tarihli
i'lâm meâline nazaran dava-yı vâkıanın gayr-ı mesmû olup reddolunduğu karargîr olmuş
ise de i'lâm-ı mezkûr hükmü usûl ve kanuna muğâyir bulunduğundan aleyhine ber vech-i
zir iâde-i muhâkeme istid'âsına mubâşeret olunur şöyleki dava-yı vâkıa emre muharrer
bir senede müstenid olup sened-i mezkûr dahi Kanûn-ı Ticâretin yüz kırkbeşinci maddesi
hükmüne tevfikân kâffe-i şerâit-i kanûniyeyi hâvî olarak tanzîm edilmiş idiğüne ve bil-
hassa te'diye olunacak meblağ "bedeli kendi emrim üzerine ve hesabım için ifâ olunmuş"
ibâresiyle sût-i vâzihada irâe ve beyân edilmiş ve binâberin mezkûr emre muharrer sened
kanuna muvâfık bulunup kanunun tayin eylediği vechile mösyö De Zokiye ciro ve devr
edilmiş ve vâkı olan ciro ise Kanûn-ı Ticâretin doksandördüncü maddesi hükmüne muvâfık
bulunduğu hasebiyle senedin mülkiyeti Kanûn-ı Ticâretin doksanüçüncü maddesince ciro
ve devr tarikiyle mösyö De Zokiye intikal eylemiş ve binâenaleyh senedin birinci hâmiline
karşı mümzîsi tarafından dermiyân edilebilecek i'tirâzât şahs-ı sâlis bulunan şimdiki
hâmiline karşı dermiyân edilemeyeceğine ve i'lâm-ı mezkûr ile sened-i mezkûrun ciheti
musanna ve sümme't-tedârik addedilmesi kanûna muğâyir bulunduğuna ve çünkü senedin
ciheti hakîki olmamış olsa bile şahs-ı sâlis ve bî-haber bulunan mösyö De Zokiye karşı
cihet hakkındaki i'tirâzın nazar-ı itibâra alınması kanûnen olmadığına ve bundan mâada
su-i niyetin vucûdu asıl olmayıp Usûl-i Muhâkeme-i Ticâretin otuzaltıncı maddesince her
müddei iddiasını isbata mecbur bulunduğuna ve dava-yı vâkıada hâmilin su-i niyetinin
subûtu için ve bir gûne delîl ve beyyine ikâme olunmamış ve mösyö De Zokinin gûya
senedin cihet-i hakikiyesinden haberdâr olup hulûs-i niyetle hareket etmediğine dâir i'lâm-ı
mezkûrda munderic ahvâl esbâb-ı kanûniye addolunmayacağı ve bilakis mösyö De Zoki
Pasati ve kumpanyasının komanditer olmak münasebetiyle Kanûn-ı Ticâretin (s.149)
onsekizinci maddesince şirket muâmelâtına müdâhalede menolunmuş olduğundan sened-i
munâziunfihîn cihetinden malûmâtı olmaması bedîhi bulunduğuna ve her ne kadar koman-
diter sıfatından dolayı şirketin muâmelâtından muttali olmağa mösyö De Zoki'nin selâhiyeti
bulunduğu teslîm ve kabul olunabilecek ise de bu bâbda hiçbir esbâb ve mevadd-ı kanûniye
irâe etmeksizin mahkeme-i aliyyelerinin kabul etmek istediği gibi mezkûr ittıla husûsuna
mösyö De Zoki'nin hiçbir mecburiyet-i kanûniyesi olmadığını ve bundan mâada senedin
tanziminden hayli vakit evvel mösyö De Zoki Dersaâdet'ten azîmet etmiş olmasından nâşî
senedin ne cihetten ileri geldiğine muttali olmak kendisince hiçbir gûne mümkün olmamış
idiğüne ve senedin cihetinden haberdâr olduğunun mahkemece karargîr olması bilâ bey-
yine ve isbât bir şeyi hüküm ve kabul etmek demek olduğuna ve bu ise Usûl-i Muhâkeme-i
Ticâretin yirmialtıncı maddesi hükmüne muhâlif bulunduğuna nazaran Usûl-i mezkûrenin
124 üncü maddesi beşinci fıkrasınca esbâb-ı iâdeden bulunduğuna sened-i mezkûrun
ciheti bâlâda zikrolunduğu üzere "bedeli kendi adım üzerine ve hesabım için ifa olunmuş-

tur” ibaresi ile irâe ve beyân olunmuş olduğuna nazaran bu sûretle senedi imzâ eden medyûn deynini ikrâr eylemiş olduğuna ve ancak Mecellenin 1579 uncu maddesince bir kimse vukûbulan ikrârında kâzip olduğuna iddia eylemiş ise ikrârında kâzip olmadığına mukırrunlehe yemin teklife mukırrın hakkı olduğuna ve binâenaleyh müddeabih meblağın kendi emriyle te’ diye olunmadığına müddeialeyhin müddeiye bir yemin teklife hakkı olabilir idiğüne ve halbuki böyle bir yemin ne teklif ve ne de icrâ edilmemiş idiğüne ve binâen alâ zâlik kişi ikrârıyla ilzâm olunması kâidesince ve Mecelle’nin 1610 uncu maddesine tev-fikan müdde-i aleyhin mahkûm olması lâzım gelen olduğu halde bu kâideye tev-fikan i’tâ-yı hükm edilmemesi Mecellenin 1589, 1610 uncu maddeleri ahkâmına muhâlif olup Usûl-i Muhâkemenin 124 üncü maddesi beşinci fıkrasınca esbâb-ı îâdeden olduğuna ve sened-i munaziünfihin hevâyı ve emr-i itibari bir muâmeleden mütevellid idiğı i’lâm-ı mezkûrla karargîr olmuş ise de hükm-i mezkûr vukû-ı hâle külliye muğâyir idiğüne ve çünkü ikibin adet lirâ-yı Osmânî tahvîlâtını vade ile iştirâ etmeye müddeialeyhin hiçbir gûne niyet ve maksadı olmamış ve isbata hazır ve müheyyâ olduğum üzere müddeialeyh (s.150) Pasati ve kumpanyasıyla etmiş olduğu kâffe-i muâmelâtta ve bilâ istisnâ dâima tahvîlâtı ciddi olarak teslim etmiş idiğüne ve iştirâ etmiş olduğu diğer tahvîlâtı teslim etmiş olduğu gibi mezkûr ikibin adet Bank-ı Osmânî tahvîlâtını dahi ahz u teslim etmek niye-tinde bulunmuş idiğı inkâr olunamayacağına ve çünkü likidasyon yani tasfiye-i muâmelât vadesinden evvel Bank-ı Osmânî üzerine keşide eylemiş olduğu iki çek senedâtı ile üçbin-beşyüz adet lirâ-yı Osmânî te’ diye ve ifâ eylemiş ve Paris borsasında peşinen tahvîlât iştirâ olunduğı takdirde dahi mebi’ yalnız tasfiye-i muâmelât vaktinden evvel tedennî-i fiyat ne kadar olursa olsun mubâyaaacıların cüz’î bir meblağ bile talep ve ahza hak ve selahiyetleri olmadığına ve kavâid-i esâsiyeden iki netâyic-i kanûniye istinbât olunabilip bunlardan birincisi muâmele-i munaziünfihin kapatırılmasının birinci likidasyon tarihine ta’lik ve te’hîr edilmesinden mezkûr muâmelenin vade ile vâki olmuş bir muâmeleden ibâret idiğüne bir delil olamayacağı ve ikincisi fark-ı fiyattan mütevellit duyûnât yalnız likidasyon vaktinde tahakkuk edebileceğinden müddeialeyh tarafından likidasyondan evvel te’ diye olunan üçbinbeşyüz lirâ-yı Osmânî fark-ı fiyattan mütevellit bir deyne karşılık olmayıp iştirâ olunan tahvîlâtın semen-i müsemmâsına mahsûben bir akçe idiğünden ibâret bulunduğuna ve çünkü meblağ-ı mezbûrun müddeialeyh tarafından te’ diye olunduğı vakitte tahvîlât-ı mezkûre tedennî-i fiyat etmiş olsa bile likidasyon vaktinde mezkûr tahvîlât fiyatının tayin olunan semeni aşarak tezâyüd edebilmesi emr-i tabii bulunmuş idiğüne ve şu halde diğer tahvîlâtın derhal adem-i teslimi hakkındaki i’tirâz gayr-ı vârid idiğüne ve müddeialeyh tarafından semen-i mebi’a mahsûben bir mikdar te’ diye etmesi ciddî olarak bir akd-i bey’in vâki olduğuna delil-i sarîh idiğüne ve bundan mâada müddeialeyhin vekîli David Galavanî’nin 6 ve 9 Teşrinisânî tarihlerinde Pasati ve kumpanyasına irsâl eylediğı iki kıt’a mektupların meâlinden münfehim olduğu üzere mezkûr tahvîlâtı ahz ü teslim etmek müddeialeyh arzu etmiş ve fakat müddeialeyhin çeklerini kabul etmemek husûsu Bank-ı Osmânîce karargîr olmasından mezkûr arzu mevki-i icrâya vaz’ olunamamış idiğüne ve müddeialeyhin red ve inkar edemeyeceğı mezkûr iki mektuplardan muâmele-i

vâkıanın ciddi ve hakiki (s.151) bir muâmeleden ibâret idiğü istidlâl olunmakta idiğüne ve ancak kendileriyle Bank-ı Osmânî beyninde ahîren tahaddüs eden bir ittifaksızlıktan dolayı müşteri bulunan müddeialehy semen-i müsemâyı edâsında bir dakikada izhâr-ı acz etmesi iştirâ hakkında emr ve siparişinin itibârî ve hevâyî bir muâmeleden ibâret olduğuna hiçbir güne delîl olamayacağına ve ikibin adet Bank-ı Osmânî tahvîlâtının ahz u teslîmi için yetmişbeşbin Fransız lirâsının te'diye edilmesi lâzımeden idiğü hakkındaki i'tirâz vâhî ve bî esâs olup çünkü iştirâ vaktinde mezkûr Bank-ı Osmânî tahvîlâtının her birisinin itibârî olan kıymeti yediyüzelli frank bulunmuş ise de mezkûr tahvîlâtın ahz u teslîmi vaktinde te'diye olunmayan ikibin ikiyüzelli frankın meblağ-ı mezbûrdan tenzîl edilmesi iktizâ ettiğî cihetle mezkûr tahvîlâtın her birisinin fiyatı beşyüz franka bâliğ idiğüne nazaran ikibin Bank-ı Osmânî eshâmının yekûnen kıymeti birmilyon franka yani kırkdörtbin lirâya bâliğ olduğuna ve eshâm-ı umûmiye cidden iştirâsında hiçbir vakit bütün bedeli tesviye olunmayıp bir bank vasıtasıyla iştirâ olunan eshâm ahz u teslîm edilerek ol bank tarafından yalnız yüzde yirmi yirmibeş marj yani ihtiyâtî olarak bir meblağ talep olunması adet-i belde iktizâsından olduğü herkesçe malûm olduğuna ve bu sûretle müddeialehy onbin lirâ te'diyesiyle eshâm-ı mezkûreyi ahz u teslîm edebilmiş mamafih müddeialehyin ellibin lirâ ve daha ziyade bir meblağ te'diyeyle iktidâr-ı mâlîsi bulunmuş idiğüne ve esbâb ve ahvâl-i mezkûreden anlaşıldığı üzere müddeialehy burada hevâyî ve emr-i itibârî olarak bir muâmelede bulunmak niyet ve efkârında bulunmamış ve kendisinin eshâmı bi'l-iştirâ ahz u teslîm eylemek üzere muâmelede bulunduğu Pasati ve kumpanyasınca yakînen zannedile gelmiş idiğüne ve Kont De Zoki'nin sened-i mezkûru iskonto ederken mezkûr senedin emr-i itibârî hevâyî bir muâmeleden munbais olduğuna zannetmemesi bi-tarîk-i evleviye idiğüne ve şu halde muâmelât-ı vâkıanın emr-i itibârî ve hevâyî muâmelâtın ibâret idiğüne mahkemece karar verilmiş olması kanûna muğâyir idiğüne ve çünkü mahkemenin bu bâbdaki kararı üç nev esbâba istinâd edilmiş olup bunlardan birincisi munaziunfih olan senedin hâvî olduğü meblağın bazı hesap varakalarının münderecât ve mebâliğine tevâfuk etmesi (s.152) ve ikinci[si] sened-i munaziunfihin protesto edilmemiş olması ve üçüncüsü Mecelle'nin 1741 inci maddesi hükmünden istihrâç olunan bir sebepten ibâret olduğuna ve halbuki sened-i mezkûrla hesâb-ı mezkûrenin mebâliği beyninde görülen bir münasebet ve tevâfuk kanûnen bir delîl addolunamayıp böyle bir hüküm ve neticenin istihrâcî dahi hiçbir madde-i kanuniyeye müstenid olmadığına ve protestonun adem-i keşîdesi muâmele-i vâkıanın hevâyî ve emr-i itibârî bir muâmeleden ibâret olduğuna bir delîl olamayıp çünkü bir senedi imzâ eden şahıs hakkında hâmilin hâiz olduğü hukûkunu muhafaza etmek üzere senedin mümzisi aleyhine protesto keşîdesi luzûmuna mütedâir hiçbir sarahat-i kanûniye mevcûd olmadığına ve Mecelle'nin 1741 inci maddesi hükmüne gelince madde-i mezkûrenin mutâlaasından dahi münfehîm olduğü üzere madde-i mezkûre yalnız mevâdd-ı cezâiyede mâ-bihi't-tatbîk olabileceğî ve şu halde i'lâm-ı mezkûrun müstenid olduğü ahvâl ve esbâb nazar-ı kanûnda vâhî ve bî-esâs olduğuna ve şu halde protesto ile karîne-[i] kâtia hakkında olan mevâdd-ı kanûniyeye mahkemece yanlış bir mana verilerek muhalîf-i usûl ve kanûn olarak i'tâ-yı hüküm edilmiş idiğüne ve

bu ise Usûl-i Muhâkemenin 124 üncü maddesi beşinci fıkrasınca esbâb-ı îâdeden idiğüne ve maamâfih sened-i mezkûrun emr-i itibârî ve hevâyî bir borsa muâmelesinden munbais olduğu farzolunsa bile emr-i itibârî i'tirâzının kabul olunamayacağına ve çünkü ale'l- itlak emr-i itibârî ve hevâyî muâmelesi i'tirâz ve bilhassa borsa muâmelâtında emr-i itibârî i'tirâzının dermiyânıyla bir davanın mesmû' olamayacağı hakkında hiçbir sarahât mevcût olmadığına ve her ne kadar bazı memâlikde böyle bir i'tirâzın dermiyânı kabul olunmuş ise de bunun sebep ve hikmeti ol memâlikde oyundan mütevellit duyûnât için ikâme-i dava etmesi sarâhaten men' u nehy olunmuş olup halbuki bizde böyle bir memnûiyet hakkında ne de Mecelle'de ne Kanun-i Ticâret ve ne de Zeylinde veya bir kanûn-ı mahsûsda hiçbir sarâhat mevcût olmadığına ve bir davanın adem-i mesmûiyeti hakkında olan her nev def'-i dava ve i'tirâzât hukûk-ı mülkiyete sekte eyledikleri cihetle dâima tayîn ve tahsîs olunan mevâdda tatbik olunmak îcâb ettiğine ve binâberin bu gibi i'tirâzât sarâhat-ı kanûniye olmadıkça kabul olunamayacağı âşikâr bulunduğu ve her ne kadar marru'l-beyân esbâbdan dolayı husus-ı mezkûr kıyas kabul etmez ise de bu gibi bir i'tirâz ve iddianın dermiyân ve istimâna kavânîn-i Osmâniyede kıyâsen bile hiçbir gûne mesâğ ve sarâhat bulunmadığına ve müddeialeyhin mâ-bihi't-tatbik icrâ (s.153) etmek istediği Zeyl-i Kanûn-i Ticâretin 27 inci maddesinin fıkra-ı müzeyyesinde böyle bir iddia ve i'tirâzın meşruiyeti hakkında hiçbir gûne sarâhat bulunmadığına ve çünkü eshâm ve tahvîlât-ı Osmâniye hakkında vâki olacak muâmelâtın meşrûiyeti semen-i meblağın peşînen te'diye olunmak ve tahvîlât ve eshâmın müşteriye teslîm olunmak ile meşrût olduğu mezkûr fıkra-ı müzeyyele iktizâsından bulunduğu ve tabîr-i âherle va'de ile ahz u i'tâlar men' olunup yalnız ber vech-i peşîn olan muâmelât nazar-ı kanûnda makbûl ve muteber addolunmakta idiğünden ve fakat mezkûr fıkra-ı müzeyyele 14 Şaban 1284 tarihinde neşrolunub ol tarihten sonra yani 11 Şevval 1290 tarihinde Tahvîlat Borsası'nın Nizâm-nâmesi neşr olunmuş idiğüne ve borsa muâmelâtının vade ile vaki olması ve likidasyonla da rapor yani devir muâmelesinin icrâsı mucâz olduğu ve rapor ve devir muâmelâtının ne sûretle icrâ olunacağı ve nihayet farkları te'diye etmeyenlerden cezâ-yı nakdi alınacağı mezkûr Borsa Nizâm-nâmesi'nin kâffe-i ahkâmından bulunduğu ve mezkûr nizâm-nâmenin mukaddimesinde işbu nizâm-nâmenin inhâsı ve tahvîlâtın bey' u şîrâsına müteallik ahkâmın borsa a'zâsından olan mubâyaaacı vasıtasıyla îfâ-yı muâmele edenlerin cümlesine dahi şumûlû olduğu mastûr bulunduğu ve bu fıkranın dava-yı vâkıada büyük bir ehemmiyeti bulunduğu ve çünkü va'de ile ve rapor şartıyla vâki olan borsa muâmelâtının yalnız mubâyaaacılar için değil bu muâmelât için sipâriş edenler için dahi mucâz olduğu anlaşılmakta idiğüne ve bunun aksisi akl-ı selîme muvâfık olamayacağına ve çünkü mubâyaaacılar kendi hesapları için hiçbir vakit îfâ-yı muâmele etmeyip mubâyaaacılar sınıfının ancak efrâd-ı nasdan alacakları emir ve sipârişleri icrâ etmek maksadıyla tesîs olunmuş bir sınıf-ı memûriyet bulunduğu ve şu halde Borsa Muâmelâtı Nizâm-nâmesinin ahkâmı her türlü muâmelâtı şâmil olup Zeyl-i Kanûn-i Ticâretin 28 inci maddesinin fıkra-ı müzeyyesindeki hükmü mezkûr nizâm-nâme ile lağv olunmuş olduğu iştibâh olunamayacağına ve mezkûr nizâm-nâme tarihinden vade ile borsa muâmelâtı meşrû olup sipâriş edenler kendi muâmelâtını likidas-

yonlara devr etmek yed-i iktidarlarında kaldığı ve iştirâ fiyatı ile furûht fiyatı beyindeki farkdan dolayı kendilerinin mes'ûl oldukları âşikâr olduğuna ve muahharan yani 10 Recep 313 tarihinde (s.154) Borsalar hakkında neşr olunan diğer bir nizâmnâme mükeddemâ neşr olunmuş olan diğer nizâmnâme ahkâmını ilgâ ile bir gûne ta'dîl etmemiş olduğuna ve mezkûr ikinci nizâmnâmenin 4 üncü maddesinde borsalarda peşînen veya vade ile vâki olacak muâmelâtı tâdâd eylemekde idiğüne ve işbu yeni nizâmnâmenin vadeli muâmelâtın meşrûiyeti ve bunların likidasyonu için mükeddemâ tesîs olunan usulü dahî kabul etmiş ve nihayet te'hîr-i te'dibât hakkında muahharan neşr olunan fıkra-ı nizâmiyede borsa muâmelâtından mütevellid duyûnât hakkında dahî sarâhat bulunduğu ve vadeli borsa muâmelâtı memnû olup da likidasyonlarda tahakkuk eden farklar talep olunamaz ise borsa muâmelâtından dolayı duyûn ne yolda mütevellid edebileceği tefehhüm olunamayacağı ve şu halde mevâdd ve ahkâm-ı nizâmiye-i mezkûre mevcûd olduğu ve borsa oyununu men' eder bir sarâhat-i kanûniye bulunmadığı ve bilhassa borsa muâmelâtından mütevellid duyûnun tesviyesi için ikâme-i dava olunmasını memnû' addeden bir kanûn meydanda yoğ iken borsa muâmelâtı için tedeyyün edilen mebâliğin tesviyesi hakkında olan bir davanın adem-i mesmûiyetine karar verilmesi muğâyir-i kanûn ve adalet olduğuna ve şu halde lağv olunmuş bir madde-i kanuniyeye tatbiken i'tâ-yı hükm edilmiş olması kanunen hükmü sâkit olmayan mevâdd sâkit hükmünde tutulmuş olmasına göre Usûl-i Muhâkemenin 124 üncü maddesi ikinci fıkrasınca esbâb-ı îâdeden idiğüne ve maamâfih emr-i itibârî ve hevâyî i'tirâzının kanûniyeti kabul ve teslîm olursa bile işbu i'tirâzın dava-yı vâkiada dermiyan olunması câiz olamayacağına ve çünkü işbu davada verilen bir vekâlet ve me'zûniyetin icrâsından mütevellid bir deynin istîfâsı talep ve istid'â olunmakta idiğünden ve fi'l-vâki mezkûr senedde "bedeli kendi emrim üzerine te'diye olunmuş" deyû bir ibâre mevcûd idiğüne ve şu halde sened-i munaziunfîhin hâmil-i evvelî Pasati ve kumpanyasının banker sıfatında îfâ-yı muâmele eylemiş oldukları mezkûr ibârenin meâlinden istidlâl olunmakta idiğüne ve mezkûr bankerlik sıfatı min ziyâdetin şu veçhile sâbit oluyor ki müdde-i aleyh tarafından Pasati kumpanyasına yazılan 5 Kanunievvel 1896 tarihli bir mektupta akçenin hazır bulunduğu ve fakat Pasati ve kumpanyasının te'diye eylemiş olduklarının delîlini talep eylediğini beyân ve iş'âr olunmakta idiğüne ve binâenaleyh hevâyî bir muâmele vâki olmuş olsa bile böyle bir muâmele Pasati ve kumpanyası ile müddeialehy beyinde olmayıp beyinlerinde ancak vekâlet akdinden mütevellid hukûk ve münasebât mevcut (s.155) olabildiğine ve şu halde bu davada tatbîk olunacak mevâdd-ı kanûniye vekâlet hakkında olan mevâdd ve bilhassa Mecelle'nin 1506, 1509 uncu maddeleri olabileceğine ve binâenaleyh i'lâm-ı meadbihin mevâdd-ı kanûniye-i mezkûreye muhâlif bulunması Usûl-i Muhâkemenin 124 üncü maddesi beşinci fıkrasınca esbâb-ı îâdeden idiğüne ve Usûl-i Muhâkemenin 133 üncü maddesince onbin lirâ cezâ-yı nakdî teslîm-i vezne edilmiş idiğüne binâen teblîğât-ı lâzîminin îfâsından sonra müddeialehy Abbas Halim Paşa hazretlerinin Mahkeme-i Ticâret Birinci Meclisi Alisine celbi ile lede'l muhâkeme işbu îade-i muhâkeme istid'âsının kabulü ve red ve îade olunan mezkûr i'lâmın külliyyen feshiyle talep ve istid'â olunan sekizbin onsekiz lirâ iki kuruşun maa fâiz ve kâffe-i

masârif-i muhâkeme müddeialehyden tahsîli ve emâneten teslim-i vezne edilen meblağın redd u îâdesi husûslarına hüküm ve karar verilmesi taleb ve istid'â olunmuş olmağla ber müceb-i istid'â icrâ-yı îcâbı iltimâs ve takrîr olunur. 8 Mart [1]315.

276) (615) (Müsveddesiyle beyâzı hâriçte tanzîm ettirilmiştir). İstanbul'da Kezzapçioğlu hânında mukîm komisyoncu mösyö L.Vitali tarafından cânib-i konsolatoya takdîm olunan arzuhalde Galata gümrüğünde bulunan altıyüz çuval un için arziye nâmıyle Dersaâdet Rıhtım kumpanyası dörtbin dokuzyüz altmışbeş kuruş muğâyir-i nizâm olarak istifâ etmiş ve işbu muâmelesine karşı mösyö Vitali 15 Şubat 99 tarihinde protesto etmiş olduğundan Rusûmât Emânet-i celilesiyle Rıhtım kumpanyasının Birinci Mahkeme-i Ticârete celbi ve muhâkeme-i aleniyelerinin bi'l-icrâ Dersaâdet Rıhtım kumpanyasının muğâyir-i nizâm olarak istifâ etmiş olduğu dörtbin dokuzyüz altmışbeş kuruşun protesto tarihinden itibaren işleyen fâizi ile berâber îâdesine mahkûm edilmesi istid'â ve taleb edilmiş olmağla ber müceb-i istid'â icrâ-yı îcâbı iltimâs ve takrîr olunur. 10 Mart [1]315.

(s.156) 277) (620) İtalya devleti tebe'âsından terzi Paolo Parma kendi tarafından asaleten ve müteveffâ Domenico veledi Giovanni Lena veresesi tarafından vekâleten cânib-i konsolatoya takdîm eylediği arzuhalde Mahkeme-i Ticâret Birinci Meclisinden sâdır olup 6 Mart 315 tarihinde muâmele-i teblîğiyesi icrâ kılınan 2 Mart 315 tarihli ve 204 numaralı i'lâm-ı gıyâbî mücebince Maliye Nezâret-i behiyyesi Muşâvir Odası reisi saadetlû Hasan Beyefendi zimmetlerinde re'su'l-mâl olarak yetmiş aded lirâ-yı Osmânî ve kırkdokuz kuruş alacakları olduğundan bahsile mezkûr i'lâm-ı gıyâbî hükmünün icrâsı için mîr-i mûmâileyhin maâş-ı rub'unun taht-ı hacze alınarak istifâ-yı matlûb ettirilmesi zımında îcâb-ı hâlin icrâsını istid'â eylemiş olmağla ol vechile îcâb eden muâmele-i kanûniyenin îfâsı husûsuna himmet buyrulması iltimâs ve takrîr olunur. 25 Mart [1]315.

278) (621) (Sâhibi tarafından hâriçte tanzîm ettirilmiştir). Galatada Kredi Liyon bankası memurlarından ve İtalya devleti tebe'âsından mösyö Edvar Trumpna nâm şahıs cânib-i konsolatoya takdîm eylediği i'tirâz istid'âsının meâli İstanbul'da Bahçekapısında Celal Bey hânında 8 ve 9 numaralı odalarda sâkin tüccârdan ve tebe'â-i devlet-i aliyyeden Parseh İstanbuliyân nâm kimesnenin iki kıt'a sened mücebince 94 lirâ-yı Osmânî alacağı olduğundan bahsile meblağ-ı mezbûru maa fâiz ve masârif-i muhâkeme tahsîli zımında merkûm Trumpna asıl sıfatıyla aleyhinde ikâme eylediği davasının netice-i muhâkemesinde meblağ-ı müddeabihden teslimâtın ba'de't-tenzîl ve fâizin ilâvesiyle bâliğ olduğu 108 lirâ-yı Osmânî ve 49 kuruşun maa masârif-i muhâkeme luzûm-ı te'diyesine dâir Birinci Mahkeme-i Ticâretten sudûr eden 30 Teşrinisânî 314 tarihli ve 178 numaralı bir kıt'a i'lâm-ı gıyâbî mösyö Trumpna teblîğ olunmuş ise de tayîn olunan yevm-i muhâkemede esbâb-ı mücbireden nâşî ispat-ı vucûd etmediğine ve hiçbir borcu olmadığına ve Parseh İstanbuliyân tarafından ibrâz olunan senedlerin hâvî olduğu meblağ-ı müddeabihi ahz u kabz etmediğine ve hîn-i muhâkemede arz ve ilave olunacak esbâb-ı sâire-i kanûniyeye

binâen muterezunaleyh-i merkum (s.157) İstanbulyan usulü vechile Birinci Mahkeme-i Ticârete celbiyle muhâkemesinin icrâsı ve i'lâm-ı muterezunbihin feshiyle muterezunaleyh-i merkûm İstanbulyan'ın istid'âsının reddini vukûbulan bi'l-cümle masârif-i muhâkeme ve ücret-i vekâlet ve sâirenin muterezunaleyhe tahmîli iltimâs olunur. 30 Mart [1]315.

279) (622) (Sâhibi tarafından hâriçte tanzîm ettirilmiştir). İtalya devleti tebe'âsından İstanbul'da Kezzapçıoğlu hânında mukîm komisyoncu mösyö L.Vitali tarafından cânib-i konsolatoya takdîm olunan arzuhalde mûmâileyhin Galata'da Havyar hânında mukîm tüccârdan ve tebe'â-i devlet-i aliyyeden Haci Nikola Dimitriyadi'ye furûht etmiş olduğu yediyüz çuval dakîkin üç taksitte Marsilya'da vapura tahmîl olunarak 22 ve 31 Teşrinievvel ve 5 Teşrinisânî 1898 tarihli üç kıt'a fatura mücebince dokuzbin yediyüz yetmişbeş frank otuzbeş santime bâliğ olup emvâl-i mezkûre Marsilya'da vapura teslîm olunmak üzere furûht edilmiş ve irsâlât müşterinin talimâtı üzerine icrâ olunduğu halde merkûm Haci Nikola Dimitriyadi konşimentoları almaktan ve fatura bedelini te'diyeden imtinâ' ettiğinden merkûmun Mahkeme-i Ticâret Birinci Meclisine celbiyle bi'l-muhâkeme mezkûr dokuzbin yediyüz yetmişbeş frankın tahsîlini ve mezkûr dakîklerin konşimentosunu bi't-teslîm bi'l-cümle masârifin te'diyesine mahkûm edilmesi istid'â ve taleb edilmiş olmağla ber müceb-i istid'â icrâ-yı îcâbı iltimâs ve takrîr olunur. 29 Mart [1]315.

(s.158) 280) (623) (Sâhibi tarafından hâriçte tanzîm ettirilmiştir). Montesada mukîm mösyö Gasparatti Vemedâ şirketi tarafından takdîm olunan arzuhalde şirket-i mezkûre İstanbul'da mukîm İtalya devleti tebe'âsından Boşoha Asa zimmetinde matlûbu olup bu bâbda İtalya kançılaryasından ikâme eyledikleri dava derdest iken medyûn-ı merkûm ve Meşolam nâmında bir Osmânlı şeriki gösterip bazen ashâb-ı matlûb ile bi'l-ittifâk Mahkeme-i Ticâret-i Bahriyeye murâcaatla mahkeme-i mezkûre tarafından 8 Mart 315 tarihinde iflâsiyetlerine dâir hüküm istihsâl edildi ve mösyö Gasparatti Vemedâ şirketi ise 7 mart 315 tarihinde Dersaâdet İtalya kançılaryası mahkemesine murâcaatla kezâlik merkûm Asa'nın iflâsiyetini talep etmiş olmağla kançılarya mahkemesinden sâdır olan 16 Mart 1315 tarihli i'lâmda iki mahkeme beyninde vâki olabilecek ihtilâfı menetmek için bir Osmânlı şirketinin vucûdu hakkında vazifedâr olan Birinci Mahkeme-i Ticâretçe meselenin halli luzûmu gösterilmiş ve merkûmân Asa ve Meşolam beyninde vâki olduğu iddia olunan şirket hakkında bir gûne i'lânât icrâ edilmemiş olduğundan kanûnen bir şahs-ı mane'î teşkîl edilememiş ve binâenaleyh ne Osmânlı ve ne de diğer bir tâbiyeti hâiz olabileceğinden ve bir Osmânlının bir İtalyalı için kabul etmek istediği kefâlet-i müteselsileden dolayı İtalyalı hadd-i zâtında tâbi olduğu mahkemeden halâs olamayacağından merkûmân Asa ve Meşolam masası sindikleri bulunan dava vekîli Kirkor Sanabyan Efendi ile tüccârdan Nito hânında mukîm mösyö [...] ve Kezalik Dersaâdet'te mukîm mösyö Ozel Asoi'nin Birinci Mahkeme-i Ticârete celblerinin ve muhâkeme-i aleniyelerinin bi'l-icrâ merkûmân Asa ve Meşolam lehinde şerâit-i kanûniye dâiresinde bir şirketin adem-i vucûdu hasebiyle Osmânlı tâbiyetini hâiz bir şahs-ı mane'î mefkûd olduğuna ve bu bâbda sâdır olacak karar vechile

icrâ-yı îcâbı zımnında keyfiyetin Mahkeme-i Ticâret-i Bahriyeye tebliğine karar verilmesi istid'â edilmiş olmağın ol vechile icrâ-yı îcâbı iltimâs ve takrîr olunur. 31 Mart [1]315.

(s.159) 281) (624) İstanbul'da Pento hânında mukîm İtalya devleti tebe'âsından Yakova Aşe nâm kimesne cânib-i konsolatoya takdîm eylediği arzuhalde gûyâ şerîki tebe'â-i devlet-i aliyyeden olduğu cihetle bunların iflâsıyla berâber mağazalarının taht-ı temhîre alınmasına Mahkeme-i Ticâret Birinci Meclisi tarafından karar verilerek ol vechile muâmele-i mukta-ziyesi icrâ kılınmış ve halbuki kendisi ondört mâh mukaddem tebe'â-i devlet-i aliyyeden Avram Bensoin ile akdedip bundan iki mâh mukaddem Bensoin tarafından fesh edilen şirketin her muâmelesi ol vakit kendi nâmına cereyan ettiği gibi bi'l-cümle evrâkı dahî bizzât kendisi imzâ etmiş olduğundan ve bir de kendisinin tebe'â-i ecnebiyeden olduğu cihetle şirketin tâbiyeti tahkîk olunmaksızın dükkânında bulunan emvâlinin taht-ı temhîre alınması muhâlif-i kanun bulunduğu bahsile bu babda sindik tayin olunan Galata'da Mehmed Ali Paşa hânında mukîm dava vekillerinden Kirkor Senabyan Efendinin Mahkeme-i Ticâret Birinci Meclisine celb olunarak muhâkemelerinin icrâsıyla kendisinin iflâsı keyfiyetinin rû'yetine Mahkeme-i Ticâret-i Bahriye Meclisinin nizâmen vazifedâr olmadığının taht-ı karara alınmasını istid'â eylemiş olmağla icrâ-yı îcâbı husûsuna himmet buyrulması iltimâs ve takrîr olunur. 30 Mart [1]315.

282) (625) (Sâhibi tarafından hâriçte tanzîm ettirilmiştir). İtalya devlet-i fahîmesi tebe'âsından ve Beyoğlu'nda İstanbul gazetesi mustahdemininden ve mahall-i mezkûr Balıkpazarında bilâ numaralı hânede sâkin mösyö Carlo'nun konsolatomuza takdîm eylediği arzuhalde Mekteb-i Sultânî bahçevanı Pandeli'nin Beyoğlu Birinci Hukuk Mahkemesinde ikâme eylediği bedel davasında İtalyalı-yı merkûm esbâb-ı meşrûhasına binâen yevm-i muayyen-i muhâkemede hazır bulunâmmasına mebnî sekizbuçuk lirâ maa fâiz ve masârif-i muhâkeme ve güzeste tahsiline 18 Haziran 313 tarihinde karar verilip ve i'lâm-ı mezkûr 15 Mart 315 tarihinde kendisine tebliğ olunarak hükm-i mezkûra adem-i kanaatle i'tirâzâtta bulunup şöyleki merkûm Pandeli ile hiçbir mukâvelesi olmadığı gibi i'lâm-ı gıyâbîde teklîf olunan yemini dahi îfâ etmeğe hazır bulunduğu hükm-i evvelin (s.160) feshi [ve] masârif-i muhâkeme ve ücret-i vekâletin diğer tarafa tahmili iltimâs olunur. 13 Nisan [1]315.

283) (626) Şehremânet-i celîlesine: İtalya devleti tebe'âsından Antonio Toscanî'nin Beşiktaş civârında gezmekte iken tezkere tevzîne memur kol tarafından görülüp çevrilmiş ve yedinde Hâriciye Nezâret-i celîlesinden musaddak pasaport olmadığı cihetle tâbiyeti anlaşılamayıp pasaportunu getirmek üzere latarnasını bırakıp gittiği Dördüncü Dâire-i Belediye Müdüriyeti'nin iş'ârına atfen taraf-ı âlî-i âsifânelerinden vârid olan 27 Mart 315 tarihli ve yetmişdokuz numaralı müzekkerede beyân olunmuş ve halbuki devlet-i muşârunileyhâ tebe'âsından burada bulunanlar nezdinde pasaport olmamasında bir beis olmayıp fakat tebe'â-i merkûmeden taşraya azîmet edenlere pasaport i'tâ kılınmakta ve maamâfih merkûm Antonio'nun yedinde her ne kadar pasaport bulunmamış ise de kaçı-

larya nüfus defterinde mukayyed ve fi'l-asıl İtalya devleti tebe'âsından bulunduğu cihetle salifu'z-zıkr latarnanın kendisine îadesi yahut kaçırlaryaya teslim olunması zımında Dâire-i mezkûre müdüriyetine evâmîr-i mukteziye i'tâsı husûsuna himmet buyrulması be-tekrâr temennî olunur. 1 Nisan [1]315.

284) (627) (Sâhibi tarafından hâriçte tanzîm ettirilmiştir). İtalya devleti tebe'âsından madam Giovannina binti Nicola di Tomasso tarafından cânib-i konsolatoya verilen arzuhalde ötedenberi uhde-i tasarruf ve temellükünde bulunan Beyoğlu'nda Dolapderesinde Güllük sokağında 5 numaralı mesken-i şer'isini ahzeylemek üzere Rum milletinden Despino kadının []⁶

(s.161) 285) (629) İtalya devleti tebe'âsından Antonio Toni cânib-i konsolatoya takdîm eylediği arzuhalde Dersaadet İtalya konsolatosu mahkemesinden i'tâ kılınan 3 Kanunisânî 1899 tarihli kararname mücebince Terkos Su Şirketi'nde müstahdem devlet-i muşârunileyhâ tebe'âsından Aleksandro Fantonetti zimmetinde re'su'l-mâl olarak alacağı olan yirmiyedi meci diye otuzbeş kuruş ile masârif-i muhâkemesi bulunan yirmidokuz frank beş santimin bu bâbdaki i'lâm tercümesi harcı ve ücret-i vekâlet ve masârif-i muhâkeme bi'l-cümle masârifle berâber te'mîn-i istifâsı için medyûn-ı merkûmun maâş-ı rub'unun taht-ı hacze alınması Mahkeme-i Ticâret Birinci Meclisi cânibinden karar tahtına alınarak verilecek kararın şirket-i mezkûre ile medyûn-ı merkûma tebliğiyle berâber muâmele-i kanûniyenin icrâsını istid'â eylemiş olmağla icrâ-yı icâbı husûsuna himmet buyrulması iltimâs ve takrîr olunur. 15 Nisan [1]315.

286) (628) (Sâhibi tarafından hâriçte tanzîm ettirilmiştir). İtalya devleti tebe'âsından Galata'da Bayezid sokağında 43 numaralı hânede sâkin inşâat müteahhidi Ekile Toni nâm kimesnenin cânib-i konsolatoya takdîm eylediği arzuhalde makeddema şer'iki olup muah-haran kâffe-i hukûkunu kendisine terk ederek şirketten keff-i yed eden Muller ile berâber Espasof biraderler beyinde Bulgar Eksarhlığı ruhsatı ve acenteliği tasdîkiyle akdolunan konturato mücebince Şişlide vâki Bulgar hastahânesinin inşâsı götürü olarak taahhüd ve amelîyâta mubâşeretle bir mikdârını inşâ etmiş olduğu halde hastahâne-i mezkûrun sahibi müteveffâ Uloyo Kiyorkif veresesi ile Bulgar Eksarhlığı tarafından mühendis S.Vasilif vasıtasıyla kendi malı olup henüz istimâl olunmayan levâzımât-ı inşâiye ve eşyâ-ı sâire bi-gayr-ı hakkın cebren zabtedilmiş olmasından dolayı zuhûra gelen matlûbât ve zarar ve ziyânının tahsiline muvaffak olamamış olduğundan bahsile kâffesi dahi Bulgar milletinden olan mûmâileyhim Bulgar Eksarhlığı için Beyoğlu'nda sâkin Bulgar Eksarhı efendinin ve müteveffâ Uloyo Kiyorkif veresesi için vekîlleri bulunan Şişli'de Bomonti[de] hânesinde sâkin mûmâileyh Vasilif'in bi'l-vekâle ve bi'l-asâle Birinci Mahkeme-i Ticârete celbleriyle evvel emirde matlûbunun tamamen istifâsında îade kılınmak üzere mezkûr hastahânenin kendisine teslim olunması ve mümeyyiz kâşifler tayîniyle verecekleri rapor mücebince

⁶ Metinde hüküm bu ifade ile sona ermekte olup devamı yer almamaktadır.

tebeyyün edecek inşâat ve henüz istimâl (s.162) olunmayan levazımât-ı inşâiye ve eşya-yı sâire ve hastahânenin ikmâl-i inşâatından men olduğu cihetle mahrûm kaldığı kâr bedellerinin ve i'tâ eylediği ikiyüz aded lirâ-yı Osmânî depozito akçesinin maa fâiz ve masârif-i muhâkeme ve ücret-i vekâlet mûmâileyhimden yek diğere kefil sıfatıyla tahsîli husûslarının icrâ-yı muvakkatla taht-ı hükme alınması zımnında icbâb-ı hâlin icrâsı istid'â kılınmış olmağla ifâ-yı muktezâsına himmet buyrulması iltimâs ve takrîr olunur. 15 Nisan [1]315.

287) (630) (Sâhibi tarafından hâriçte tanzîm ettirilmiştir). Galata'da Voyvoda caddesinde 118 numaralı mağazada sâkin İtalya devleti tebe'âsından hasırcı Michel Vamoro'nun cânib-i konsolatoya takdîm eylediği istid'âda Kadıkaryesinde Yeldeğirmeni'nde Tepe sokağında bilâ numaralı hânedede sâkin Haydarpaşa demiryolunda mustahdem tebe'â-i devlet-i aliyyeden Pandeli Grigoryadis zimmetinde alacağı olan otuz aded lirâ-yı Osmânînin te'mîn-i istihsâli için evvelce vukûbulan murâcaatı üzerine meblağ-ı müddeabih masârif-i muhâkeme ve sâirenin te'diye ve ifâsı zımnında Mahkeme-i Ticâret Birinci Meclisinden sâdır olan 6/18 Kanunisânî 1899 tarihli ve 617 adedli bir kıt'a i'lâm-ı gıyâbî mahkûmunaleyh-i merkûm Grigoryadis'e ale'l-usûl tebliğ kılınarak lâzımı'l-icrâ bulunduğu beyânıyla i'lâm-ı mezkûr münderacâtının icrâsı bâbında lâzım gelen muâmelât-ı kanûniyenin ifâsı ve tebliğât-ı kanûniye akabinde şayet tesviye-i matlûbât olunmazsa mahkûmunaleyh-i merkûmun mezkûr hânesinde mevcut olup hacze sâlih olan mobilya ve eşya-yı sâire-i beytiyesinden münâsib bir miktarının hacziyle ve muzâyede-i aleniye ile bi'l-furûht esmân-ı hâsılasından tesviye-i matlûbât kılınması ve bu sûretle tesviye-i deyn olunmadığı halde rub' maâşının dahi hacziyle tesviye-i matlûbât olunmasını talep etmiş ve talep-i vâkı muvâfık-ı usûl ve kanûn bulunmuş olmağla ber müceb-i talep icrâ-yı icbâbı iltimâs olunur. 15 Nisan [1]315.

(s.163) 288) (631) Galata'da Bat pazarında Yofiraki sokağında bilâ numaralı hânedede mukîme İtalya devleti tebe'âsından Sebastiano Messina Tersâne-i Amire memûrlarından Ali Bey'in Galata'da Mumhâne'de inşâ etmekde olduğu hânenin iskelesinden mahdûmu Giuseppe Messina'nın iskele tahtasıyla berâber düşerek terk-i hayat eylediğinden bahsile mûmâileyh Ali Bey'in tayîn-i cezâsıyla berâber hukûk-ı şahsiyesinin tahsîli hakkında makâm-ı saadetlerine hitâben i'tâ eylediği arzuhal leffen irsâl kılınmış olmağla münderecâtına nazaran icbâb-ı hâlin ifâsı husûsuna himmet buyrulması iltimâs ve takrîr olunur. 18 Nisan [1]315.

289) (632) İtalya devleti tebe'âsından Vito Salerno'nun cânib-i konsolatoya takdîm eylediği arzuhalde Mahkeme-i Ticâret Birinci Meclisinden istihsâl eylediği 3 Eylül 314 tarihli ve seksenüç numaralı i'lâmın tasdikini hâvî Mahkeme-i mezkûreden sâdır olup 22 Şubat 314 tarihinde muâmele-i tebliğiyesi icrâ kılınan 16 Kanunisânî 314 tarihli ve 171 numaralı i'lâm-ı gıyâbî mücebince Tâbiyyet Kalemi müdür muavini saadetlû Nebil Beyefendi zimmetlerinde re'su'l-mâl olarak matlûbu olan ikibin altıyüzonbir kuruşun maa fâiz ve masârif-i muhâkeme ve ücret-i vekâlet bi'l-cümle masrafiyla berâber tahsîli zımnında

mîr-i mûmâileyhin maâşî rub'unun taht-ı hacze alınarak i'lâm-ı mezkûr hükmünün icrâsı için îcâb eden muâmele-i kanûniyenin îfâsını istid'â eylemiş olmağla îfâ-yı muktezâsına himmet buyrulması iltimâs ve takrîr olunur. 18 Nisan [1]315.

290) (633) (Sâhibi tarafından hâriçte tanzîm ettirilmiştir). Montessa'da mukîm İtalya devleti tebe'âsından mösyö Gasparati Vemedâ vekîli Galata'da Vitâlis hânında mukîm dava vekîllerinden mösyö Adolph Rosenthal tarafından takdîm olunan arzuhalde Mahkeme-i Ticâret-i Bahriyece kolektif şirketi olduğu iddiası üzerine iflâsiyetine hükmeyletiği Boşoho Asa ile hizmetçisi Moşohalem masası aleyhine mösyö Gasparati Vemedâ tarafından Birinci Mahkeme-i Ticârette ikâme olunan davada bu gibi bir şirketin esâsen vucûdu olmadığı ve vucûdu farzolunsa bile Kanûn-ı Ticâretin 32 ve 33 üncü maddelerinde musarrah olan merâsim-i kanûniye icrâ olunmadığından Kanun-ı mezkûrun otuzbeşinci maddesinde fıkra-ı ahîresi mücebince eşhâs-ı sâliye karşı hükmü olamayacağı husûsâtının taht-ı hükme alınması ve bu bâbda teblîğât-ı lâzîme Mahkeme-i Ticâret-i Bahriyeye icrâsını talep olunmakda ve halbuki masaca muâmelât-ı iflâsiyeye devam edilmekte ve bu ise mösyö Gasparati Vemedâ'nın hukûkunu muhil ahvâlden olmağın mezkûr (s.164) masa sindikleri bulunan Galata'da mukîm dava vekîllerinden Kirkor Sanapyan Efendi ile tüccârdan Oziye L. Aseo Vabilis Efendilerin Mahkeme-i Ticâret-i Bahriyeye celbleriyle muhâkeme-i aleniyelerinin bi'l-icrâ Birinci Mahkeme-i Ticâretten sâdır olacak karara değin muâmelât-ı iflâsiyenin tatîli keyfiyetinin taht-ı hükme alınması istid'â edilmiş olduğundan ber müceb-i arzuhal icrâ-yı îcâbı iltimâs ve takrîr olunur. 24 Nisan [1]315.

291) (634) Beyoğlu'nda Emin Câmîi şerîfi civârında Şerbethâne sokağında kâin olup İtalya devleti tebe'âsından mösyö Gollero'nun taht-ı istîcârında bulunan 38 numaralı dükkânda muskîrât furûht edilmesine ruhsat i'tâsı mükeddema taraf-ı konsolatodan yazılıp muâmele-i muktaziyesi icrâ kılınarak 14 Kanunievvel 314 tarihinde Meclis-i Emânete havâle buyrulan takrîr ile iltimâs olunmuş idi aradan hayli müddet murûr eylediği halde henüz îcâbı icrâ kılınmamış ve teahhur-ı vâkın nezd-i âlf-i daverilerinde rehîn-i cevâz olamayacağı derkâr bulunmuş olmasıyla bu bâbda ruhsat-ı lâzîmenin i'tâsı zımında îcâb edenlere teblîğât-ı muktaziye icrâsı husûsuna himem-i aliyye-i asifânelerinin şâyân buyrulması bilhassa temennî ve iltimâs olunur. 27 Nisan [1]315.

292) (635) (Sâhibi tarafından hâriçte tanzîm ettirilmiştir). İtalya devleti tebe'âsından İtalya'nın Torino şehrinde ikâmet edip dava-yı âtiyyu'l-beyân için İstanbul'da Aksantopulo hânında 14 numaralı odayı ikâmetgâh ittihâz eden manifatura[cı] Di Rivarо veledi Georgio Caneveze unvânı tahtında bulunan anonim şirketinin vekîl-i musaddakı dava vekîllerinden Kostaki Malinopulo Efendinin cânib-i konsolatoya takdîm eylediği arzuhalde şirket-i mezkûrenin İstanbul'da Mahmûdiye hânında mukîm tebe'â-i devlet-i aliyyeden ve tüccârdan olup J. Diparlaki ve H. Z. Koncoglu nâmında olup ahîren fesh edilen kolektif şirketinin muâmelâtını tesviye ve duyûnâtını kendi hesabı için deruhte eden Sara Konçoğlu

zimmetinde mezkûr kollektif şirketine satılan ve teslim edilen emtia bedeli olarak alacağı bulunan sekizyüz kırksekiz frank ve yirmibeş santimin istihâline muvaffak olamadığından bahsile merkûm Sara Konçoğlu'nun Dersâdet Ticâret Mahkemesi Birinci Meclisi huzûruna celbiyle (s.165) bi'l-muhâkeme meblağ-ı mezbûrun maa fâiz ve masârif-i muhâkeme ve ücret-i vekâlet tahsîliyle şirket-i müvekkilesine veyahut vekâlet ve me'zûniyeti hasebiyle kendisine i'tâsına hükmedilmesi vekîl-i mûmâileyh tarafından talep ve istid'â edilmiş olmağla ol vechile icrâ-yı îcâbı iltimâs ve takrîr olunur. 1 Mayıs [1]315.

293) (636) İtalya devleti tebe'âsından Antonio Toni'nin cânib-i konsolatoya takdîm eylediği arzuhalde Dersâdet İtalya Konsolatosu mahkemesine i'tâ kılınan 3 Kanunisânî 1899 tarihli kararname mücebince Terkos Su şirketinde mustahdem devlet-i müşârûnileyhâ tebe'âsından Aleksandro Fantonetti zimmetinde alacağı olan yirmiyedi mecidiye otuzbeş kuruş ile masârif-i muhâkemesi bulunan yirmidokuz frank beş santimin bu bâbdaki i'lâm tercemesi harcı ve ücret-i vekâlet ve masârif-i muhâkeme bi'l-cümle masârif-iyle berâber te'mîn-i istîfâsı zımında Mahkeme-i Ticâret Birinci Meclisi cânibinden verilen karara tevfikân medyûn-ı merkûmun şirket-i mezkûreden muhasses maâşının rub'u taht-ı hacze alınmış olduğundan mezkûr şirketin direktörü olup Beyoğlu'nda Cadde-i Kebîrde 390 numarada mukîm bulunan mösyö Saye ile medyûn-ı merkûmun Birinci Mahkeme-i Ticârete celbleriyle hacz-i mezkûrun tasdîkiyle berâber icrâ ve haciz masârif-i ve mezkûr i'lâm tercümesi harcıyla ücret-i vekâlet ve masârif-i muhâkeme kâffe-i masârifin merkûm Aleksandro Fantonetti'den tahsîli ve mâh be mâh mezkûr rub' maâşdan tevkîf edilecek akçenin kendisine teslimi husûslarının taht-ı hükme alınmasını istid'â eylemiş olmağla ol vechile îfâ-yı muktezâsı husûsuna himmet buyrulması iltimâs ve takrîr olunur. 24 Nisan [1]315.

294) İtalya devleti tebe'âsından İstanbul'da Maksûdiye hânında mukîm banker mösyö Marco Levi tarafından cânib-i konsolatoya takdîm olunan arzuhalde mûmâileyhin Dersâdet'te Eminönü'nde mağazasında mukîm tüccârdan ve tebe'â-i devlet-i aliyyeden Dimitri Krilos zimmetinde bir kıt'a sened mücebince matlûbu bulunan altmış aded lirâ-yı Osmânînin tahsiline muvaffak olamadığından merkûmun Mahkeme-i Ticâret Birinci Meclisine celbiyle bi'l-muhâkeme meblağ-ı mezkûrun maa fâiz ve masârif-i muhâkeme ve ücret-i vekâlet tahsîli husûsunun icrâ-yı muvakkatla taht-ı hükme alınması[nı] istid'â ve talep etmiş olmağla ber müceb-i istid'â icrâ-yı îcâbı iltimâs ve takrîr olunur. 6 Mayıs [1]315.

(s.166) 295) (637) (Sâhibi tarafından hâriçte tanzîm ettirilmiştir). İstanbul'da Kezzâpçioğlu hânında mukîm İtalya devleti tebe'âsından komisyoncu mösyö L. Vitali tarafından cânib-i konsolatoya takdîm olunan arzuhalde Dersâdet Rıhtım Kumpanyası'nın Galata gümrüğünde bulunan altıyüz çuval dakîk için muğâyir-i usûl ve nizâm olarak arziye nâmiyle istîfâ etmiş olduğu dörtbin dokuzyüz altmışbeş kuruşun maa-masârif-i muhâkeme ve sâire tahsîli zımında 21 Mart 315 tarihinde Mahkeme-i Ticâret Birinci Meclisinde ikâme-i dava etmiş ise de istîfâ olunan meblağ-ı mezkûr mukabilinde Rıhtım Kumpanyası Avusturya

devleti tebe'âsından Galata'da mukîm mösyö Etyen Anjossi nâm zâtın makbûzunu vermiş olmağla mûmâileyh mösyö Anjossi'nin dâhil-i dava edilmesi luzûmu mahkemece karargâr olmuş olduğundan mûmâileyhin dahî mahkeme-i mezkûreye celbiyle bi'l-muhâkeme muâmele-i vâkıada Rıhtım Kumpanyası'nın nâm-ı müsteârî olduğunu beyân ederse fe-bihâ aksi takdirde ânifu'l-beyân dörtbin dokuzyüz altmışbeş kuruşun maa-masârif-i muhâkeme ve ücret-i vekâlet kendisinden tahsîli husûsunun taht-ı hükme alınması istid'â ve taleb edilmiş olmağla ber müceb-i istid'â icrâ-yı îcâbı iltimâs ve takrîr olunur. 8 Mayıs [1]315.

296) (638) İtalya devleti tebe'âsından Salamon Tomasso'nun Büyükderede mutasarrıf olduğu tuğla fabrikasının nakliyâtında kendi malı olarak istimâl etmekte olduğu dört adet arabanın beheri için kethüdâlık nâmıyla mahalli belediye memûriyeti tarafından senevî birerden cem'ân dört adet sim mecidiye taleb olunmakda olduğundan ve halbuki gerek devlet-i aliyye gerek ecnebi tebe'âsının kendi işlerinde kullanmakda bulundukları arabalardan bu misullû kethüdâ için hiçbir şey istîfâ kılınmamakta idiğünden bahsile icrâ-yı îcâbı istid'â olunmasına ve sûret-i istid'âyâ nazaran bu nâm ile İtalyalı-yı mûmâileyhden akçe taleb edilmemesi zımnında iktizâ edenlere evâmîr-i lâzıme i'tâsı husûsuna himem-i aliyye-i âsifânelerinin şâyân buyrulması temennî ve iltimâs olunur. 12 Mayıs [1]315.

(s.167) 297) (639) (Sâhibi tarafından hâriçte tanzîm ettirilmiştir). Beyoğlu'nda Kançılarya sokağında iki numaralı hânede mukîm İtalya devleti tebe'âsından George Danderya nâm kimesne tarafından cânib-i konsolatoya takdîm olunan arzuhalde Kulekapısı'nda Şahkuyu sokağında 750 numaralı dükkânda mukîm tebe'â-i devlet-i aliyyeden Stefano Steryanok'a emâneten tevdi ve teslîm etmiş olduğu ve mukaddema kendisinin taht-ı iştigâlinde olup el-yevm merkûm Steryanok'un taht-ı idâresinde bulunan mezkûr dükkân mefrûşâtı olup müddeialehy-i merkûm ile çırağı Dili Gramatika nâmındaki şahsın ve kendisinin imzâlarını hâvî bir kıt'a mufassal cetvelde tadâd olunan bi'l-cümle eşyânın kendi tarafına iâde ve teslîmi mutâlebe olunmuş ise de iâde etmedikten başka kezâlik mezkûr cetvelde zikrolunan altıyüz kırksekiz kuruş kıymetli iki sandık şampanya ve üçyüz yirmidört kuruş kıymetinde bulunan bir sandık şarap ve üçyüz yirmidört kuruş kıymetli 250 kravat ve yüzelli kuruş kıymetinde olan yirmidört küçük ve üç büyük şişe kolonya ve altmış kuruş kıymetli Amerika muşamması ve elli kuruş kıymetli iki gömlek ile berâber açıktan merkûm Steryanok zimmetinde matlûbu bulunan dörtyüz kırkdokuz kuruşun ahzına muvaffak olamadığından bahsile medyûn-ı merkûm Steryanok'un Mahkeme-i Ticâret Birinci Meclisine celbiyle bi'l-muhâkeme sâlifü'z-zikr mefrûşât ve eşyânın tarafına iâdesi ve matlûbu bulunan meblağın dahi maa güzeste ve masârif-i muhâkeme ve ücret-i vekâlet tahsîli husûslarının taht-ı karara alınması istid'â olunmuş olmağla ber müceb-i istid'â icrâ-yı îcâbı iltimâs olunur. 8 Mayıs [1]315.

298) (640) (Sâhibi tarafından hâriçte tanzîm ettirilmiştir). İtalya devleti tebe'âsından Montessada mukîm mösyö Gasparatti Vemeda tarafından cânib-i konsolatoya takdîm olunan

arzuhalde mûmâileyh Dersaâdet'te Dikranyan hânında mukîm tebe'â-i devlet-i aliyyeden komisyoncu Fridman birâderler vasıtasıyla Dersaâdet'te Pento hânında mukîm İtalya devleti tebe'âsından Boşo Asa'ya beşbin frank kıymetinde envâ-ı iplik furûht eylemiş iken merkûm Asa emvâl-ı mezkûrenin kendisinden Meşolam nâmında olan şahısdan mürekkep Osmânîli şirketine teslîm olunup malûm olan ticâretgâhı şirket-i mezkûreye âit olduğu iddiasında (s.168) bulunmakta ve işbu iddiası muvafık-ı sıhhat ise bundan dolayı Fridman birâderlere mes'ûliyet terettüb edeceğinden ve merkûman Asa ve Meşolamın iflâsiyetleri Mahkeme-i Ticâret-i Bahriyece taht-ı hükme alınmış olduğundan gerek Fridman gerek Boşo Asa masası sindikleri bulunan Galata'da mukîm dava vekillerinden Kirkor Sanapyan Efendi ile Dersaâdet'te mukîm tüccârdan Ozil Aseo Vabilis Efendilerin Mahkeme-i Ticâret Birinci Meclisine celbleriyle muhâkeme-i aleniyenin icrâsı ve iddia oluna şirket-i mezkûrenin adem-i vücûdu sâbit olsa fe-bihâ ve aksi takdirde Fridman birâderlerden mârru'z-zikr beşbin frankın tahsîli hükmolunması istid'â ve taleb edilmiş olmağla ber müceb-i istid'â icrâ-yı îcâbı iltimâs ve takrîr olunur. 11 Mayıs [1]315.

299) (641) Beyoğlu'nda Dolapderesinde Günlük sokağında beş numaralı hânenin tahliyesiyle müddeiye Despino kadına teslîmi için Mahkeme-i Teftîş-i Evkâftan vicâhen verilen i'lâmın icrâ olunacağını mübeyyin tanzîm ve İtalya devleti tebe'âsından Giovanina di Tomasso hâtuna tebliğ olunmak üzere gönderilen ihtarnâme mutalaa olundu merkûme mevzubahs olan i'lâm-ı şer'inin kat'a kendisine tebliği olunmadığını ve bundan mâada zâten bu iş hakkında mukaddema Beyoğlu Bidâyet Mahkemesi Birinci Hukuk Dâiresinden sâdır olup kesb-i kat'iyet etmiş ve kendi lehinde olarak yedinde bulunmuş olan iki kıt'a i'lâm-ı vicâhiye istinâden mahkeme-i şer'iyyenin nazar-ı istimândan Evkaf Müfettişiliğinin men'i talebini havi Adliye Nezâret-i celîlesinden Evkaf-ı Humâyûn Nezâret-i celîlesine yazılan tezkerenin numero ve pusulasını dahi irâe eylemiş olmasına mebni mezkûr ihtarnâmenin mezbûre Giovanina'ya tebliğ olunması kabil olamayıp leffen îade kılınmıştır. 25 Mayıs [1]315.

300) (642) (Sâhibi tarafından hâriçte tanzîm ettirilmiştir). İtalyanın Como şehrinde mukîm İtalya devleti tebe'âsından fabrikacı mösyö Masiyadri ve Marzoradi'nin Dersaâdet'te Çorapçı hânında mukîm devlet-i Osmânîye tebe'âsından Heym Maca ve evladı nam ticâret evine 5 Kanunisânî 1899 tarihli fatura mücebince binikiyüz kırkdört frank ve otuz santim semen mukabilinde her birisi üçyüzotuzbuçuk metreden ibâret beş top düşes küpes tabir edilen ipekli kumaş furûht etmiş olduğu halde esmânı bulunan mârru'z-zikr bin ikiyüz kırkdört frank ve otuz (s.169) santimi îfadan mezkûr ticâret evi imtinâ eylemekde olduğu cihetle direktör veya vekîlinin celbiyle muhâkemelerinin bi'l-icrâ meblağ-ı mezbûrun maa fâiz ve masârif-i muhâkeme ve ücret-i vekâlet icrâ-yı muvakkatla taht-ı hükme ve karara alınması mösyö Masiyadri ve Marzoradi'nin musaddak vekîli bulunan Dersaâdet'te Galata'da Voyvoda caddesinde 67 numaralı Agopyan hânında mukîm dava vekîli mösyö Alberto Cito imzasıyla cânib-i konsolatoya takdîm edilen bir kıt'a istid'âda taleb ve iddia edilmiş olmağla ber müceb-i istid'â icrâ-yı îcâbı iltimâs olunur ol bâbda. 27 Mayıs [1]315.

301) (643) (Sâhibi tarafından hâriçte tanzîm ettirilmişdir). Galatada Kurşunlu hân ittisâlinde 16 numaralı mağazada mukîm tüccârdan ve İtalya devleti tebe'âsından Naim Benzonana'nın cânib-i konsolatoya takdîm eylediği arzuhalde ikâmetgâhı Galata'da Şişhâne karakolu caddesinde Haham Nesim hânesinde ve ticaretgâhı dahi Galata'da Mumhâne caddesinde Yıldız hânında beş numaralı odada bulunan tüccârdan ve tebe'â-i devlet-i aliyyeden Nesim David Bonfi nâm kimesne zimmetinde 15/27 Nisan 1885 tarihli bir kıt'a sened mucebince matlûbu olan sekizyüz aded Osmânî lirâsını te'diyeden istinkâf etmekte olduğuna binâen keyfiyetin bâ-takrîr Birinci Mahkeme-i Ticârete tevdi olunarak meblağ-ı mezbûrun hîn-i tahsîline değin terâkum etmiş ve edecek güzeşte-i nizâmî ve masârif-i muhâkeme ve ücret-i vekâletin i'lâma rabtını taleb eylemiş olmağla ber müceb-i taleb icrâ-yı îcâbı iltimâs olunur. 27 Mayıs [1]315.

302) (644) İtalya devleti tebe'âsından terzi Paolo Parma kendi tarafından asâleten ve müteveffâ Domenico veledi Giovanni Lena veresesi tarafından vekâleten cânib-i konsolatoya takdîm eylediği arzuhalde Mahkeme-i Ticâret Birinci Meclisinden sâdır olup 13 Mayıs 315 tarihinde muâmele-i teblîğiyesi icrâ kılınan 24 Nisan 315 tarih ve sekiz numaralı i'lâm-ı gıyâbî mücebince (s.170) Beyoğlu'nda Arabacı sokağında dört numaralı hânedede sâkin ashâb-ı akardan ve tebe'â-i devlet-i aliyyeden Pol Hasun zimmetinde re'su'l-mal olarak alacakları bulunan maa güzeşte ve masârif-i muhâkeme ve ücret-i vekâlet ve masârif-i icrâiye te'mîn-i istîfâsı zımında mezkûr hâne derûnunda mevcûd bulunan bi'l-cümle mefrûşât ile medyûn-ı mûmâileyhin mutasarrıf olduğu Büyükdere'de deniz kenarında vâki bir bâb sahilhânenin taht-ı hacze alınarak i'lâm-ı mezkûr hükmünün icrâsı için îcâb-ı hâlin îfâsını istid'â eylemiş olmağla îfâ-yı muktezâsı husûsuna himmet buyrulması iltimâs ve takrîr olunur. 27 Mayıs [1]315.

303) (645) Beyoğlu'nda Emîn câmi-i şerifi civârında Şerbethâne sokağında kâin olup İtalya devleti tebe'âsından mösyö Gollero'nun taht-ı istîcârında bulunan 38 numaralı dükkânda muskirât furûht edilmesine ruhsat i'tâsı ahîren taraf-ı konsolatodan yazılan 27 Nisan 315 tarihli takrîr ile iltimâs olunmuş ise de henüz icâbı icrâ kılınmamış ve merkûm ise her bâr murâcaatla sızlanmakta bulunmuş olmasıyla artık merkûma ruhsat i'tâsıyla işin neticelendirilmesi zımında îcâb edenlere evâmîr-i mukteziye i'tâsını himem-i aliyye-i âsıf-i ekremîlerinden sûret-i mahsûsada ricâ eylerim ol bâbda emr u fermân hazret-i men lehu'l-emrindir. 29 Mayıs [1]315.

304) (646) İtalya devleti tebe'âsından terzi Paolo Parma kendi tarafından asâleten ve müteveffâ Domenico veledi Giovanni Lena veresesi tarafından vekâleten takdîm eylediği arzuhalde Birinci Mahkeme-i Ticâretten istihsâl eylediği çend kıt'a i'lâm mücebince Memûrîn-i Mülkiye Komisyonu reisi devletlû Rıza Paşa hazretleriyle Beyrut vâlisi atufetlû Reşîd ve Şûrâ-yı Devlet azâsından İsmail Kemâl ve Hâriciye Nezâret-i celîlesi memûrlarından saadetlû Reşad ve Hıfzı ve Beşinci Dâire-i Belediye muhâsebecisi izzetlû

Tevfik ve Tâhir ve Hayri ve sabık Tırhala şehbenderi Necip ve Dersaâdet İstinaf Mahkemesi müddeiumûmî muâvini Reşid ve saadetlû Cemal Beyefendiler hazerâtı (s.171) zimmetlerinde alacakları olan malûmu'l-mikdâr mebâliğin te'mîn-i istifâsı zımında rub' maâşlarının taht-ı hacze alınması bâ-takrîr iltimâs olunmuş ise de muşâr ve mûmâileyhimden Rıza Paşa hazretleriyle Necip ve Reşad ve Tevfik Beyefendilerin maâşâtı henüz taht-ı hacze alınmamış ve Reşid ve İsmail ve Cemal Beylerin de maâşları mahcûz bulunmuş ise de şimdiye kadar bir akçe te'diye olunmadığı gibi Hıfzı Beyefendinin dahî tahkîkât evrâkı komisyonunda olduğu cihetle hakkında olan i'lâmın icrâsı te'hîr edilmiş ve bu ise haklarında mûcib-i gadr bulunmuş olduğundan bahsile icrâ-yı îcâbı istid'â kılınmış ve böyle i'lâma merbût bulunan matlûbâtın istifâsı emrinde müşkilâta tesâdüf olunması gayr-ı câiz bulunmuş olmasıyla sûret-i cereyân-ı hâle nazaran îcâb-ı hâlin icrâsı husûsuna himmet buyrulması zımında terkim-i mahzaraya ibtidâr kılındı. 30 Mayıs [1]315.

305) İtalya devleti tebe'âsından mühendis Arnaldo Pañçere nâm kimesne geçende Avrupa'dan Dersaâdet'e gelerek salona mahsûs olarak yedinde bulunan Flober tûfengi gümrük memûrları tarafından alıkonulmuş ve halbuki mezkûr tûfenk eğlence için imâl edilmiş olmasına binâen işbu tûfengin mûmâileyhe îâdesi zımında îcâb edenlere evâmîr-i mukteziye i'tûsı husûsuna himem-i aliyye-i âsaf-ı ekremîlerinin şâyân buyrulması temennî olunur. 22 Mayıs [1]315.

306) (647) (Sâhibi tarafından hâriçte tanzîm ettirilmiştir). İtalya devleti tebe'âsından Dersaâdet'te Yusufyan hânında mukîm banker mösyö A. Castello'nun cânib-i konsolatoya takdîm eylediği arzuhal meâline nazaran kendi[sine] ciro edilmiş bir kıt'a sened mücebine İstanbul'da Vâlide hânında mukîm İran devleti tebe'âsından Hacı Mahmud Deştimalcı zimmetinde matlûbu olan ikiyüz yirmisekiz lirâ dokuz kuruşun istifâsına muvaffak olmadığından bahsile mûmâileyh Hacı Mahmud Deştimalcı'nin tayîn buyrulacak günde ale'l-usûl Mahkeme-i Ticâret Birinci Meclisine celbiyle bi'l-muhâkeme meblağ-ı mezbûrun senedin inkıza-yı müddetinden itibâren ve fâiz ve masârif-i muhâkeme ve ücret-i vekâletleyle berâber tahsîli husûsunu maa icrâ-yı muvakkat taht-ı hükme alınmasını istid'â ve talep eylediğinden ber müceb-i istid'â icrâ-yı îcâbı iltimâs ve takrîr olunur. 31 Mayıs [1]315.

(s.172) 307) (649) (Sâhibi tarafından hâriçte tanzîm ettirilmiştir). İtalya devleti tebe'âsından Galata'da Küçükmillet hânında mukîm eşyâ tüccârından Charles Saseli'nin İtalya konsolatosuna takdîm eylediği bir kıt'a arzuhalde Beyoğlu'nda Sen Antoin kilisesi ittisâlinde çiçekçi Jean Philipiddi zimmetinde cihet-i kefâletten dokuzyüz altmış kuruş matlûbu olup meblağ-ı mezbûrun te'diyesinde kefilî-i merkûm muhâlefet göstermekde olduğundan merkûmun Beyoğlu Bidâyet Mahkemesi Birinci Hukuk Dâiresine celbi ile muhâkemelerinin icrâsıyla meblağ-ı mezbûrun maa fâiz ve masârif-i muhâkeme ve ücret-i vekâlet tahsîlinin taht-ı hükme alınmasını talep etmiş olmağla ber müceb-i istid'â icrâ-yı îcâbı iltimâs olunur. 5 Haziran [1]315.

308) (648) Galata'da Voyvoda caddesinde 118 numaralı mağazada sâkin İtalya devleti tebe'âsından hazır elbiseci Michel Vambori Mahkeme-i Ticâret Birinci Meclisinden sâdır olup 16 Kanunisânî 314 tarihinde muâmele-i kanûniyesi icrâ kılınan 6 Kanunisânî 314 tarihli ve 167 numaralı i'lâm-ı gıyâbî mücebine Kadıkaryesinde Yeldeğirmeni'nde Tepe sokağında bilâ numeroda sâkin Haydarpaşa demiryolunda mustahdem tebe'â-i devlet-i aliyyeden Pandeli Grigoryadis zimmetinde alacağı olan otuz adet lirâ-yı Osmânînin maa güzeşte ve masârif-i muhâkeme te'mîn-i istîfâsı için medyûn-ı merkûmun mezkûr hânesinde mevcut olan mobilya ve eşya-yı sâire-i beytiyesinden munâsip miktarının taht-ı hacze alınarak furûhtuyla esmân-ı hâsılasından tesviye-i matlûb kılınması ve eşya-yı mezkûre meblağ-ı mezbûrun tesviyesine kâfi olmadığı sûrette merkûm Pandeli Grigoryadis'in Anadolu Osmânî Şimendifer Kumpanyasından muhasses maâsî rub'unun taht-ı hacze alınarak ol vechile istîfâ-yı matlûb ettirilmesi zımında icâb-ı hâlin icrâsı istid'â olunmuş olmağla icrâ-yı icâbı husûsuna himmet buyrulması iltimâs ve takrîr olunur. 1 Haziran [1]315.

(s.173) 309) (650) İtalya devleti tebe'âsından terzi Paolo Parma kendi tarafından asâleten ve müteveffâ Domenico veledi Giovanni Lena veresesi tarafından vekâleten cânib-i konsolatoya takdîm eylediği arzuhalde müteveffâ Gani Bey zimmetinde re'su'l-mâl olarak alacağı olan elli lirâ ve yirmibir kuruşun maa güzeşte ve masârif-i muhâkeme Beşiktaş'ta Ketenciler hamamı civârında Yıldız caddesinde Hallaç ittisâlinde bilâ numarolu hâned e sâkine olup müteveffâ-yı mûmâileyhin terekese vaz'-ı yed etmiş olan zevcesi Hikmet Hanımdan tahsîlini mutazammın Mahkeme-i Ticâret Birinci Meclisinden sâdır olan 13 Mayıs 315 tarihinde muâmele-i teblîğiyesi icrâ kılınan 12 Mayıs 315 tarihli ve dokuz numaralı i'lâm-ı gıyâbînin icrâ-yı ahkâmı için mûmâileyhâ Hikmet hanımın mezkûr hâned e mevcut mefrûşâtıyla eşyâ-yı sâiresinin taht-ı hacze alınarak bi'l-muzâyede furûhtuyla esmânından istîfâ-yı matlûb ettirilmesini istid'â eylemiş olmağla icrâ-yı icâbı husûsuna himmet buyrulması iltimâs ve takrîr olunur. 9 Haziran [1]315.

310) (651) Beşiktaşta Maçka sokağında 5 numaralı hâned e mukîm İtalya devleti tebe'âsından Naum konsolatoya takdîm eylediği arzuhalde zevcesini iğfâl ederek nezdine almış olan ve komşusu bulunan Babîâlî ketebesinden Mehmed Efendi 7 Haziran 315 inci Pazartertesi günü saat dokuz buçuk raddelerinde Beşiktaşta kendisine tesâdüfle baş ile vücûdunun bazı mahallerini cerh ve baston ile darb ettiği cihetle mahalli zabıta memuru tarafından muâyenesi icrâ ve tahkîk-i madde edilerek jurnali tanzîm olunmuş idiğünden ve bu bâbdaki şuhûdu arz u beyân edeceğinden bahsile mûmâileyh Mehmed Efendinin Beyoğlu Bidâyet Mahkemesi Cezâ Dâiresine celbiyle hakkında nizâmen lâzım gelen mucazâtın icrâsı zımında icâb-ı hâlin icrâsı[nı] istid'â eylemiş olmağla icrâ-yı icâbı husûsuna himmet buyrulması iltimâs ve takrîr olunur. 9 Haziran [1]315.

(s.174) 311) (652) İtalya devleti tebe'âsından İlia Nahûm tarafından Hâriciye Nezâret-i celîlesi Tâbiyet Kalemi hulefâsından Ahmed Beyefendi hakkında makâm-ı saâdetlerine

hitâben tanzîm ettiri[li]p i'tâ kılınan iki kıt'a arzuhal leffen savb-ı vâlâlarına irsâl kılınmış olmağla münderecâtına nazaran îcâb-ı hâlin icrâsı husûsuna himmet buyrulması temennî ve iltimâs olunur. 16 Haziran [1]315.

312) (653) İtalya devleti tebe'âsından terzi Paolo Parma ile müteveffâ Domenico veledi Giovanni Lena veresesinin müteveffâ Gani Bey zimmetinde Mahkeme-i Ticâret Birinci Meclisinden sâdır olan i'lâm-ı gıyâbî mücebince alacağı olan mebâliğin tahsîli için müteveffâ-yı mûmâileyhin terekesine vaz'-ı yed eden zevcesi Hikmet hanımın hânesinde mevcût mefrûşât ve eşyâ-yı sâiresinin taht-ı hacze alınması 9 Haziran 315 tarihli takrîr ile iltimâs olunmuş idi bu kerre mûmâileyh Paolo Parma tarafından takdîm olunan arzuhalde Mıgırdıç Asaduryan nâm kimesnenin Orman ve Maâdin ve Ziraat Nezâret-i celîlesinde matlûbu olan ikibinbeşyüz lirânın mûmâileyhâ Hikmet Hanım tarafından taht-ı hacze aldırıldığı istihbâr olduğundan bahsile işbu ikibinbeşyüz lirâdan dahi alacaklarının maa güzeşte ve masârif-i muhâkeme ve ücret-i vekâlet istîfâya kâfi miktarının haciz tahtına alınarak tesviye-i matlûb ettirilmesi zımnında îcâb-ı halin icrâsı istid'â kılınmış olmağla ifâ-yı muktezâsı husûsuna himmet buyrulması iltimâs ve takrîr olunur. 16 Haziran [1]315.

313) (654) Dersââdet Mahkeme-i İstînâfiyesi Heyet-i İthâmiyesinden vârid olan 3 Haziran 315 tarihli ve 106 numaralı tezkerede İtalya devleti tebe'âsından olup olmadığı istifsâr olunan Ozak Levi veledi İzak (s.175) hayli zamandan beri İzmite gitmediği gibi Galata'da Saray civârında Mumhânede 108 numaralı mağazada dahi ticâretle meşgûl olmayıp ashâb-ı akardan bulunduğunu ve bunun bir sehve mebnî yazılmış olduğu[nu] takdîm eylediği varakada beyân etmiş ve maamafih İzmit'te dahi resmen konsolos memuru olmayıp fakat Dersââdet İtalya Ceneral Konsolosu tarafından mahall-i mezkûrda bulunan İtalyalıların husûsâtına bakmak üzere gayr-ı resmî olarak bir zât tayîn edilmiş olduğunun beyânına ibtidâr kılındı. 19 Haziran [1]315.

314) (655) İtalyada Chio şehrinde mukîm Lanificio Rossi'nin vekîli Marco Ordehay tarafından cânib-i konsolatoya takdîm kılınan arzuhalde müvekkilinin Dersââdet'te Vâlide hânında 55 numarada mukîm İran devleti tebe'âsından ve halı tüccârından İsfahanlı Hacı Mehmed İbrahim zimmetinde alacağı olan sekizyüzelli frankın ahzına muvaffak olunamadığından bahsile medyûn-ı mûmâileyhin Mahkeme-i Ticâret Birinci Meclisine celbiyle meblağ-ı mezbûrun maa fâiz ve masârif-i muhâkeme ve ücret-i vekâlet tahsîli husûsunun icrâ-yı muvakkatla berâber taht-ı hükme alınması istid'â kılınmış olmağla icrâ-yı îcâbı husûsuna himmet buyrulması iltimâs ve takrîr olunur. 22 Haziran [1]315.

315) (656) Aynalıçeşme'de Serandi sokağında 12 numaralı hânede sâkin tebe'â-i devlet-i aliyyeden Philipocci Silviyo nâm kimesne Beyoğlu'nda Fransa sefârethânesi karşısında Lorando çıkmazında Zarîfinin apartmanında 3 numaralı mahalle gelerek iş bu mahalde ikâmet etmekte olan ve İtalya devleti tebe'âsından bulunan Eugenia ve Luigi ve Geni nâm

kadınlara tasallut ve tehdîd etmekte olduğu merkûmlar tarafından (s.176) ifâde olunmuş olmasıyla merkûm Philipocci'nin bade ezîn merkûmlara tasallut ve tehdîdâtta bulunmak üzere serîan kefâlete rabtı zımnında îcâb-ı hâlin icrâsı husûsuna himmet buyrulması temennî ve iltimâs olunur. 22 Haziran [1]315.

316) (657) Zabtiye Nezâret-i aliyyesi cânib-i vâlâsına: 21 Haziran 315 tarihli ve 461 numaralı tezkire-i atûflerinde gösterilen Otel Royal'de her ne kadar taharrî ettirilmiş ise de dışçı mösyö Nişye Lazarotti nâmında bir kimse bulunamadığı cihetle tembihât-ı lâzime îfâ edilememiş olmasıyla badehu îcâbı icrâ kılınmak üzere evvel emirde mûmâileyhin mahall-i ikâmetinin tasrîhen iş'âr buyrulması husûsunun cevâben beyânına ibtidâr kılındı. 24 Haziran [1]315.

317) (658) İtalya devleti tebe'âsından Pezo Bonominin Avusturya devleti tebe'âsından Sapanca'da mültezim Adolf Atıl zimmetinde re'su'l-mâl olarak alacağı bulunan bindört-yüz onsekiz frank ve otuzyedi florin kırk santimin maa güzeste ve masârif-i muhâkeme te'mîn-i istîfâsı zımnında medyûn-ı merkûmun Anadolu Osmânlı Şimendifer Kumpanyasında matlûbu olan meblağ Mahkeme-i Ticâret Birinci Meclisinin kararıyla akdemce taht-ı hacze alınmış ve muahharan işbu haczin tasdîkini hâvî mahkeme-i mezkûreden sâdır olup 6 Mayıs 315 tarihinde muâmele-i teblîğiyesi icrâ kılınan i'lâm-ı gıyabî mücebine mebâliğ-i matlûbenin sâlifü'z-zikr mahcûz bulunan akçeden ifrâz olarak Dâire-yi icrâya celbiyle tarafına bi'l-i'ta ol-vechile mezkûr i'lâm hükmünün icrâsı İtalyalı-yı merkûm tarafından bâ-arzuhal istid'â kılınmış olmağla îfâ-yı muktezası husûsuna himmet buyrulması iltimâs ve takrîr olunur. 26 Temmuz [1]315.

(s.177) 318) (659) Beyoğlu Bidâyet Mahkemesi Riyâsetine: Penelop ve Joli hanımların Mikail Polatyan Efendi zimmetinde alacağı olan mebâliğin te'mîn-i istîfâsı zımnında medyûn-ı merkûmun Beyoğlu'nda Ağa Cami-i şerîfi civârında İtalya devleti tebe'âsından Ceromo Lakandele'nin ikâmet etmekte olduğu 7 numaralı apartmanda bulunan emvâl-i menkûlesinin haczi mukarrer bulunduğundan bir memûrun izâmı 23 Haziran 315 tarihli ve 187 numaralı tezkire-i vâlâlarında beyân olunmuş ise de mûmâileyh Mikail Efendi mezkûr apartmanda müsteciren sâkin olmayıp işbu apartman mûmâileyh Ceromo Lakandele'nin taht-i istîcârında olduğu ve mukeddema Büyükderede vukûbulan harîkden dolayı mûmâileyh Mikail Efendi mezkûr apartmana gelerek muvakkatan ve misâfireten sâkin olmakta idiği ve sâlifü'z-zikr apartmanda hiçbir emvâl-i menkûlesi bulunmadığı yani mezkûr apartmanda mevcut olan emvâlin kâffesi İtalyalı-yı mûmâileyhin kendi malı olduğu tahkîkât-ı vakıadan anlaşılmış olmağla cevaben beyân-ı keyfiyete ibtidâr kılındı. 28 Haziran [1]315.

319) (660) İtalya devleti tebe'âsından Kotoviço Verone Zakarspi'nin vekîli devlet-i muşârunileyhâ tebe'âsından Vittoryo tarafından cânib-i konsolatoya takdîm olunan arzuhalde tebe'â-i devlet-i aliyyeden Armanak Manokyan hakkında 6 Temmuz 1899 tarihinde

tanzim ve i'tâ edilip merkûm Armanak'a tebliğ edilmek üzere 11 Temmuz 1899 tarihinde Hâriciye Nezâret-i celîlesi Umûr-ı Hukûkiye-i Muhtelite kalemine gönderilmiş olan protestonun tarafına iâdesi zımnında icâb-ı halin icrâsı istid'â kılınmış olmasıyla mezkûr protestonâmenin ol vechile kançılaryaya iâdesi husûsuna himmet buyrulması temennî ve iltimâs olunur. 2 Temmuz [1]315.

(s.178) 320) (661) Hasköyde İtalya devleti tebe'âsından Paolo Stefanoviç'in mutasarrıf olduğu dakîk değirmeni ittisâlindeki arsaya tebe'â-i devlet-i aliyyeden ve kereste tüccârından Kırkor Ağa tarafından bir takım eski kereste vaz' olunmuş ve bunun oradan kaldırılması birkaç defa kendisine beyân olunmuş ise de işğa etmediği gibi mezkûr arsayı kereste deposu yapacağı anlaşılmış ve halbuki mezkûr kerestelerin orada bulunması hudanekerde harîk zuhûrunu teshîl edeceği cihetle gayr- câiz ve bu bâbda ahâlî-i mahalliye tarafından da başkaca bir mazbata tanzîm kılınmakta bulunmuş olduğundan bahsile def'-i mazarrat olmak üzere işbu kerestelerin serîan mahall-i mezkûrdan kaldırılması zımnında memûrîn-i zâbıta cânibinden icâb-ı hâlin icrâsı mûmâileyh Stefanoviç'in vekîli Enrico Boccardo tarafından bâ-arzuhal istid'â kılınmış olmağla icrâ-yı icâbı husûsuna himmet buyrulması temennî ve iltimâs olunur. 1 Temmuz [1]315.

321) (662) (Sâhibi tarafından hâricte tanzîm ettirilmiştir). İtalya devleti tebe'âsından İstanbul'da Kezzâpçioğlu hânında mukîm komisyoncu Vitali ve kumpanyası tarafından cânib-i konsolatoya takdîm olunan arzuhalde İstanbul'da Marpuşçular mağazasında mukîm tüccârdan ve tebe'â-i devlet-i aliyyeden Simatof Hayim zimmetinde mâl bedelinden dolayı dört yüz frank matlûbu olup tahsîline muvaffak olamadığından merkûmun Mahkeme-i Ticâret Birinci Meclisine celbiyle bi'l-muhâkeme meblağ-ı mezkûrun maa fâiz ve masârif-i muhâkeme ve ücret-i vekâlet tahsîli husûsunun taht-ı hükme alınması istid'â ve talep edilmiş olmağla ber mûceb-i istid'â icrâ-yı icâbı cânib-i konsolatodan iltimâs ve takrîr olunur. 14 Temmuz [1]315.

(s.179) 322) Zabtiye Nezâret-i Celîlesine: 6 Temmuz 315 tarih ve binyüz yirmiüç numaralı tezkire-i aliyyelerinde beyân olunan ve dışçı mösyö Nişye Lazoratti İtalyalı olmayıp tebe'â-i Yunâniyeden bulunduğunu ifâde eylemiş ve merkûmun kançılaryaya nufûs defterinde dahi kaydı bulunamamış idiğünden cevâben beyân-ı keyfiyete ibtidâr kılındı. 9 Temmuz [1]315.

323) (662) Galata'da Kemeraltı sokağında 42 numaralı mağazada tebe'â-i devlet-i aliyyeden perdekar Jorj Vişi Ferik, Samatyada Toprak sokağında 9 numarada mukîm camcı Kevork tebe'â-i Yunaniyeden George Buhure, sabuncu Pandeli, İngiltere tebe'âsından Michel Foroce, Balıkpazarında yorgancı Şevki Efendi .

Galata'da Kemeraltı caddesinde 61 numaralı meyhânenin sahibi bulunan İtalya devleti tebe'âsından Georgio Fotoloni binsekizyüz doksandokuz senesi Temmuzun ondördüncü Cuma günü alafranga saat sekiz râddelerinde mezkûr meyhânede bir çalgı tecrübe

etmekte iken polis memurlarından Ahmet ve Süleyman Efendiler bilâ sebep mûmâileyh İtalyalıyı muhill-i nâmus sözlerle tehdîd ve üzerine hucûm ile boğazını sıkarak ziyâdesiyle darb etmiş ve elbisesini parçalamış olduklarından ve o sırada Voyvoda karakolhânesinde müstahdem komiser Ziya Efendi gelerek ellerinden tahlîs edip mûmâileyhimâyı başka mahalle sevk etmiş olduğundan ve işbu vakayı bâlâda isimleri muharrer şuhûd ile isbat edeceğinden bahsile mûmâileyhimâ Ahmet ve Süleyman Efendiler haklarında nizâmen lâzım gelen mucâzâtın icrâsı zımnında icâb-ı hâlin îfâsı bâ-arzuhal istid'â kılınmış olmağla icrâ-yı icâbı husûsuna himmet buyrulması temenni ve iltimâs olunur. 6 Temmuz [1]315.

(s.180) 324) (663) İtalya devleti tebe'âsından Giovanni Anastasio mukîm bulunduğu Kadı-karyesinde Osmân Ağa mahallesinde Yeldeğirmeni caddesinde kâin hânenin tahliyesiyle mutasarrıfı olan saadetlû Ömer Paşaya teslimi ve bedel-i icârdan müterâkim dokuzbuçuk lirâ ile masârif-i muhâkemenin Paşa-yı mûmâileyhden tesviyesini hâvi Üskûdar Bidâyet Mahkemesinden sâdır olup 20 Haziran 1899 tarihinde tarafına tebliğ kılınan 13 Nisan 315 tarihli i' lâm-ı gıyâbînin hükmünü adem-i kabul ile i' tirâz ale'l-hüküm eylemiş olduğundan bahsile esna-yı muhâkemede arz ve beyân edeceği esbaba binâen mezkûr i' lâmin feshiyle yeniden muhâkemelerinin icrâsı ve masârif ve sâirenin mûmâileyh Ömer Paşadan tahsîli zımnında icâb-ı hâlin icrâsına bâ arzuhal istid'â eylemiş olmağla îfâ-yı muktezâsı husûsuna himmet buyrulması iltimâs ve takrîr olunur. 7 Temmuz [1]315.

325) (664) İtalya devleti tebe'âsından Rosettin Rabbi tarafından cânib-i konsolatoya i' tâ olunan arzuhalde Dersaâdet Bulgar konsolatosu memûrlarından ve Bulgar konsolatosunda sâkin Nicola Becof'un mezbûre Rosettin Rabbi'yi envâ- desâyisle tenhâ bir mahalle götürüp cebrî sûrette bıkırını izâle eylediği gibi ırz ve nâmusunu ihlâl eder sûrette itâle-i lisânda bulunarak tehdît etmiş olduğundan ve bu bâbda muktazî lâyihayı muahharan takdîm edeceğinden ve merkûm Nicola Becof'un firâr etmek üzere bulunduğu bahsile merkûmun firârına meydan verilmemek üzere hemen taht-ı tevkîfe alınarak bi'l-muhâkeme ta'yîn-i cezâsı ve kendisine âit olan zarar ve ziyânın tahsîli husûsunun taht-ı hükme alınması zımnında icâb-ı hâlin icrâsı istid'â kılınmış olmağla ol vechile îfâ-yı muktezâsı husûsuna himmet buyrulması iltimâs ve takrîr olunur. 17 Temmuz [1]315.

(s.181) 326) (665) İtalya devleti tebe'âsından Sankri Tomassito nâm kimesne geçende Dersaâdete gelmek üzere şimendiferle Filibe'den Cisri Mustafapaşa'ya vurûdunda nezdinde bulunan dört adet kitâp ile bir adet revolveri Cisri Mustafapaşa Rusûmât memûrları tarafından alıkonulmuş olmasıyla mezkûr kitaplarla revolverin Dersaâdet'e celbiyle merkûma îâdesi zımnında icâb-ı hâlin icrâsı husûsuna himem-i aliyye-i âsafânelerinin şâyân buyrulması temennî olunur ol-bâbda emr u fermân hazret-i men lehu'l emrindir. 20 Temmuz [1]315.

327) (666) Beyoğlu'nda Feridiye sokağında 93 numaralı hânede sâkin tebe'â-i devlet-i aliyyeden gazeteci Artin Muradyan ile mahall-i mezkûrda Çaylak sokağında 72 numarada

mukîm devlet-i muşârunileyhâ tebe'âsından ve Tepebaşı bahçesi aktörlerinden Antoin Fadokci nâm kimesneler itâle-i lisânda bulunmakla berâber kendisini katledeceklerini beyân ile tehdîd etmiş olduklarından ve bu cihetle merkûmlara emniyeti kalmadığından bahsile bunların kefâlete rabtolunmaları zımnında îcâb-ı hâlin icrâsı mezkûr Feridiye sokağında [] numarada sâkin İtalya devleti tebe'âsından gömlekçi Geragi Antonio tarafından bâ-arzuhal istid'â kılınmış olmağla ol vechile icrâ-yı îcâbı husûsuna himem-i aliyye-i atûfîlerinin şâyân buyrulması temennî ve iltimâs olunur. 22 Temmuz [1]315.

328) (667) İtalya devleti tebe'âsından müteveffâ Aleksandro Fori'nin birâderi ve terekesinin tasfiye memuru Galata'da Gül Kamando hânında mukîm tebe'â-i muşârunileyhâdan Achil Corpi imzâsıyla cânib-i sefârete takdîm kılınan istid'âda Yanya ahâlisinden müteveffâ ve müflis Samuel Kohen Efendinin masasında musaddak alacağı olan ikibin yüzseksenbir adet lirâ-yı Osmânîye ber mücebi konturato isâbet eden ikiyüzonsekiz adet lirâ-yı Osmânînin te'diyesine Galata'da Demir hânında mukîm sarrâf İzak Kohen kefâlet eylemiş olduğu halde meblağ-ı mezbûru te'diyeden imtinâ eylediğinden merkûmun Dersaâdet Birinci Ticaret mahkemesine celbi ve muhâkemelerinin icrâsıyla meblağ-ı mezbûrun maa fâiz (s.182) ve masârif-i muhâkeme ve ücret-i vekâlet tahsîli husûsunun taht-ı hükme alınmasını ve bu bâbda verilecek hükmün icrâ-yı muvakkata rabtı istid'â edilmiş olmağla ol vechile ifâ-yı muktezâsı iltimâs olunur. 19 Temmuz [1]315.

329) (667) İtalya devleti tebe'âsından İstanbul'da Kezzâpçioğlu hanında mukîm tüccârdan mösyö Lazaro Vitali'nin vekîli Galata'da Vitâlis hânında mukîm dava vekîllerinden mösyö Adolph Rosenthal tarafından cânib-i konsolatoya takdîm olunan arzuhalde müvekkilinin patates bedelinden ve zarar ve ziyândan dolayı İstanbul'da Tütün Gümrüğü civârında mağazasında mukîm tüccârdan ve tebe'â-i devlet-i aliyyeden Odesya Kerasioğlu zimmetinde matlûbu bulunan beşbin doksanyedi frank yirmibeş santimin tahsîli zımnında Birinci Mahkeme-i Ticârete murâcaat eylemiş ise de emvâl-ı mezkûreyi münfesihi olup zimem ve matlûbu İtalya devleti tebe'âsından İstanbul'da Kezzâpçioğlu hânında mukîm Rotyalı'ye intikal etmiş olan Vitali Rozenthal Antoniadis şirketinden almış olduğunu beyân etmesine nazaran mûmâileyh Rotyalı'nın Mahkeme-i Ticâret Birinci Meclisine celbiyle bi'l-muhâkeme şirket-i mezkûre Lazar Vitaliye bi'l-vekâle muâmele ettiğini beyân ederse fe-bihâ aksi takdirde mârru'z-zıkr beşbin doksanyedi frankdan me'ûl tutulmasına karar verilmesini istid'â ve taleb edilmiş olmağla ber müceb-i istid'â icrâ-yı îcâbı iltimâs ve takrîr olunur. 24 Temmuz [1]315.

330) (668) (Sâhibi tarafından hâriçte tanzîm ettirilmişdir). Mısır-ı Kahirede Hân-ı Halilde sâkin ve el-yevm Dersaâdet'te Bedestende misâfireten mukîm İtalya devleti tebe'âsından Jack Eskenazi'nin cânib-i konsolatoya takdîm eylediği istid'âda mûmâileyhin hân-ı mezkûrda kâin antikacı mağazasına efrencî 1899 senesi Mart nihayetinde Ahmed İzzet-tin Bey nâmını vererek bir şahs-ı meçhûl gelip beşyüzkırk adet İngiliz lirâsı kıymetinde

eşyâ ve mücevherâtını dolandırmış ve merkûmun bu kere Dersââdet'e gelip Mehmed Ali nâmı tahtında dolaşmakta iken hükûmet-i seniyye cânibinden diğer sebebdan dolayı taht-ı tevkîfe alınmış olduğundan bahsile bunun muhâkemesinin icrâsı zımnında tahte'l-hıfz Mısırâ i'zâmı ve hîn-i i'zâmına kadar tahliye-i sebîl edilmemesi için îcâb-ı hâlin (s.183) icrâsını istid'â etmiş ve husûs-ı mezkûru mahall-i mezkûrda şuhûd ve evrâk-ı mevcûde ile isbât edeceğini beyân etmekte bulunmuş olmasıyla ol-vechile îfâ-yı muktezâsı husûsuna himmet buyrulması iltimâs ve takrîr olunur. 27 Temmuz [1]315.

331) (669) İtalya devleti tebe'âsından mösyö Costantin Iliasco'nun Mahkeme-i Ticâret Birinci Meclisinden sâdır olan 15 Temmuz 315 tarihinde muâmele-i teblîğiyesi icrâ kılınan 13 Temmuz 315 tarih ve altmışiki numaralı i'lâm-ı gıyâbî mücebince İstanbul'da Balkapanı hânında 7 numaralı mağazada mukîm tebe'â-i devlet-i aliyyeden ve tüccârdan Yovan Doçoğlu zimmetinde masârif-i muhâkeme vesâireden dolayı alacağı bulunan mebâliğin te'mîn-i istîfâsı zımnında medyûn-ı merkûmun mezkûr mağazada mevcut eşyâsının taht-ı hacze alınarak furûhtuyla i'lâm-ı mezkûr hükmünün icrâsı bâ-arzuhal istid'â kılınmış olmağla icrâ-yı îcâbı husûsuna himmet buyrulması iltimâs ve takrîr olunur. 28 Temmuz [1]315.

332) (670) (Müsveddesi sâhibi tarafından hâriçte tanzîm ettirilmişdir). İtalya devleti tebe'âsından Galatada Gül Kamando hânında mukîm banker mösyö Bartolomeo Giustini imzâsıyla konsolatoya verilen arzuhalde Balat'da Tûri Sîna kilisesi karşısında kâin hânedâ mütemekkinler bilâ sanat Angeli veledi Nicoli ile Eleni binti Aleksander kadına ikrâz eylediği ikiyüz adet Osmânî lirâsının te'mîn-i istîfâsı zımnında mezbûrân Yeniköy'de Aya Nikola mahallesinde Köybaşı caddesinde munâsefeten bi'l-iştirâk mutasarrıf oldukları yüzseksenaltı numarada ve mahall-i mezkûrda Terzibaşı sokağında iki numarada sırf mülk iki bâb menzilinî bey'u'l-vefâ tarîkiyle Dersââdet Mukâvelât Muharrirliğinden musaddak (s.184) bir kıt'a sened mantûkunca kendisine bey' ve inkızâ-ı vadede âhere bey' [ve] semeninden istîfâ-yı hak etmek üzere vekâlet-i devriye-i sahîha ile tevkîl eylemiş oldukları ve ecel-i muayyeni hulûl ettiği halde deyn-i mezkûru te'diye etmemekte bulunmaları ve merhûn olan mezkûr akârları âhere bey'a teşebbüs eylemeleri hasebiyle akârât-ı mezkûre Dersââdet Birinci Hukuk Mahkemesi kararıyla taht-ı hacze aldırılmış ve müddet-i kanûniyesi zarfında vâki olan istid'â üzerine hacz-i mevzûun Mahkeme-i mezkûrece ibkâsına karar verilmiş olduğundan mezbûrân Angeli ve Eleni'nin mahkeme-i aliyyelerine celbi ve muhâkemelerinin icrâsıyla mezkûr ikiyüz lirânın ve bir de bâ-senet merkûmân zimmetlerinde başkaca alacağı olan elli Osmânî lirâsı ki cem'an ikiyüzelli lirânın maa fâiz ve masârif-i muhâkeme ve ücret-i vekâlet kendilerinden tahsîline hükmolunması istid'â kılınmış olmağla icrâ-yı îcâbı iltimâs olunur. 31 Temmuz [1]315.

333) (669) İtalya devletinin Darezi şehrinde mukîm devlet-i muşârunileyhâ tebe'âsından Verani Luigi nâm şahıs Dersââdet İtalya sefâret tercümanı mösyö Şabirin mahdûmu avukat mösyö George Şabiri an karîb buraya gelip katledeceğini beyân ile tehdîd eylemiş ve bunun eşkâlini

mübeyyin pusula leffen irsâl kılınmış olmağla merkûmun gerek bahren gerek berren Dersaâdet vürûdunda derdest olunarak cânib-i konsolatoya teslîmi zımnında icâb edenlere evâmîr-i lâzîme i'tâsı husûsuna himmet buyrulması temennî ve iltimâs olunur. 27 Temmuz [1]315.

(s.185) 334) (671) Melfûf pusulada esâmisi muharrer üç zâtın Dersaâdet İtalya Konsolatosu mahkemesinde rû'yeti mukarrer olan bir cezâ davasından dolayı berâ-yı şehâdet istimâna luzûm görülmüş olduğundan mûmâileyhimin ifâdeleri zabtolunmak üzere şeh-r-i hâl-i rûmînin onuncu Salı günü alaturka saat sekiz raddelerinde mahkeme-i mezkûreye i'zâmı zımnında iktizâ-yı hâlin icrâsı reis-i mahkeme tarafından vâki olan talebe binâen temennî ve iltimâs olunur. 1Ağustos [1]315.

335) (672) Milano şehrinde mukîm İtalya devleti tebe'âsından Rivolta Carminati ve şurekâsından Ada-i Kebîrde Otel de Zetrade'nin sahibi ve direktörü bulunan tebe'â-i devlet-i aliyyeden Apostolaki Arsiropulo zimmetinde vâki olan emrine binâen i'tâ edilen mal bahâsından mütebâki alacağı bulunan 1363 frank seksen santimin ahzına muvaffak olamadığından bahsile medyûn-ı merkûmun Mahkeme-i Ticâret Birinci Meclisine celbiyle meblağ-ı mezbûrun istid'â tarihinden itibaren fâiziyle berâber bu bâbdaki masârif-i muhâkemenin tahsîli husûsunun taht-ı hükme alınması bâ-arzuhal istid'â kılınmış olmağla icrâ-yı icâbına himmet buyrulması iltimâs ve takrîr olunur. 2 Ağustos [1]315.

336) (673) İtalya devleti tebe'âsından Agustino Cenni ve Giovanni Delcove nâm kimesnelerin cânib-i konsolatoya takdîm eylediği arzuhalde Büyükdere mukîm tebe'â-i devlet-i aliyyeden arpacı Yorgi zimmetinde bir kıt'a bono mücebince gayr-ı ez tesviye alacakları bulunan ikibin kırkiki kuruşun ahzına muvaffak olamadığından bahsile medyûn-ı mûmâileyhin Mahkeme-i Ticâret Birinci Meclisine celbiyle meblağ-ı mezbûrun maa güzeşte ve masârif-i muhâkeme ve ücret-i vekâlet tahsîli husûsunun taht-ı hükme alınması istid'â kılınmış olmağla icrâ-yı icâbına himmet buyrulması iltimâs ve takrîr olunur. 10 Ağustos [1]315.

(s.186) 337) Şehremânet-i celîlesine: Beykoz'da Sütlüce mesîresi nâm mahaldeki taş ocaklarında familyasıyla maan ikâmet etmekte olan İtalya devleti tebe'âsından amele çavuşu Bonetti veledi Giovan Bonti nâm şahsın beslemekte olduğu iki adet köpeği berâberinde olduğu halde ekser günler oralarda gezmekte olduğundan bahsile hudanekerde bir uygunsuzluğun vukûna meydan verilmemek üzere iktizâ-yı hâlin icrâsı Beykoz kazası Kaimmakâmlığının iş'ârına atfen vârid olan 18 Ağustos 315 tarihli ve dört yüzelliiki numaralı tezkire-i aliyye-i Emânetpenâhileriyle iş'âr buyrulması üzerine her ne kadar taharrî ettirilmiş ise de mahall-i mezkûrda zikrolunan isimde İtalyalı kimse bulunmadığı cihetle tebliğat-ı mukteziye icrâ edilememiş olmasıyla cevâben beyân-ı hale ibtidâr kılındı. 25 Ağustos [1]315.

338) (676) Emânet-i muşarunileyhâya: İtalya devleti tebe'âsından ve amele takımından Bernardo Reste nâm kimesne bundan iki mâh mukaddem Cîsr-i Cedîdin İstanbul cihetinde

bulunan belediye memurları tarafından derdest olunup nezdinde bulunan evrâkı alınarak salıverilmiş ve halbuki merkûmun kañlılaryâ nufûs defterinde mukayyed bulunduğû gibi fakîru'l-hal olması cihetiyle şâyân-ı merhamet bir halde idiğünden edevât-ı mezkûrenin merkûma iâdesi zımnında îcâb-ı hâlin icrâsı husûsuna himem-i celîle-i asaf-ı ekremîlerinin şâyân buyrulması temennî ve iltimâs olunur. 7 Eylöl [1]315.

(s.187) 339) (675) (Müsveddesi sâhibi tarafından hâriçte tanzîm ettirilmişştir). İtalya devleti tebe'âsından Beyoğlu'nda Sakızağacında 154 numaralı hânede mukîm demirci Alphonso Berdanetti'nin İtalya kañlılaryasına takdîm eylediğî arzuhalde tebe'â-i devlet-i aliyyeden Beyoğlu'nda Bursa sokağında Arambey hânesinde hizmetçilik ile meşgule Vanya Kiryako Josa kadının vekîli bulunan Galata'da Vitâli hânında beş numaralı odada mukîm dava vekîli Aleksander Bayramoğlu'na esnâ-yı muhâkemede arzedeceğim esbâbdan dolayı iki taksitte onbeş aded lirâ-yı Osmânî teslîm eylediğî halde meblağ-ı mezbûrun te'diyesinde muhâlefet göstermekte olduğundan medyûn-ı merkûmun Mahkeme-i Ticâret Birinci Meclisine celbiyle muhâkemelerinin icrâsı ve meblağ-ı mezbûrun maa fâiz ve masârif-i muhâkeme ve ücret-i vekâlet tahsîli husûslarının taht-ı hükme alınması istid'â kılınmış olmağla ber mûceb-i istid'â icrâ-yı îcâbı iltimâs olunur. 17 Ağustos [1]315.

340) (678) İtalya devleti tebe'âsından dişçi Penchela Gidetti'nin geçende Hasköy'de Halaçoğlu sokağında ikâmet eden seyyâh tercümanlarından ve tebe'â-i devlet-i aliyyeden Akolando Moiz nâm kimesneyi tercümânlık etmek üzere nezdine almış ve bir müddet sonra ruhsat vermiş ise de merkûm yine kendisini bırakmayıp berâber Küçükçekmece'ye gitmişler ve orada merkûm Akolando Moiz hâmil olduğû hançeri keşide ederek üzerine hucûm ile darb ve cerh etmiş ve o sırada Tophâneli arabacı Yahya Efendi ile Balat'da Köprübaşında Hokkabaz sokağında mukîm Taryandefili yetişerek merkûmun elinden tahlîs etmiş olduğundan ve tabîb cânibinde muâyene-i lâzimesi dahi icrâ kılındığından bahsile merkûmun hakkında nizâmen îcâb eden mucâzâtın icrâsıyla kefâlete rabt olunmasını bâ-arzuhal istid'â etmiş olmağla icrâ-yı îcâbı husûsuna himmet buyrulması iltimâs ve takrîr olunur. 7 Eylöl [1]315.

(s.188) 341) Dersââdet Bidâyet Mahkemesi Müddeiumûmîliğine: Çatalca müddeiumûmî muavinliğinden gelip kañlılaryaya irsâl kılınan iki kıt'a celbnâmenin İtalya devleti tebe'âsından İstra Leonio ile Pir Pariye tebliğî taraf-ı sefâretten vârid olan 7 Eylöl 315 tarih ve binbeşyüz seksenbeş numaralı müzekkerede beyân ve mûmâileyhimânın şehri hâlin onbeşinci Çeharşenbe günü Çatalca İstintak Dâiresinde bulunmaları dermiyân olunmuş ise de işbu iki kıt'a varakadan birisi yani mösyö İstra Leoniye ait olan ihzâr müzekkeresi olup halbuki mûmâileyh hakkında akdemce hiçbir celbnâme gönderilmediğinden ve tercümân beyin de yevm-i mezkûrda Dersââdet Mehâkim-i Adliyesinde diğeri işleri bulunmasından nâşî mahall-i mezkûra gidemeyeceğinden şu halde mezkûr ihzâr müzekkeresinin mahallince celbnâmeye tebdîliyle ve merkûmların Edirne gibi bu'd mesâfede bulunmaları cihetiyle

husûs-ı mezkûrun bir mâh sonra gelecek bir Pencşenbe gününe ta'lik olunarak keyfiyetin iş'ârı zımında mezkûr varakalar leffen iâde kılınmıştır. 14 Eylül [1]315.

342) Beyoğlu Mutasarrıflığı Cânib-i Vâlâsına: 15 Eylül 315 tarihli ve yediyüz yirmialtı numaralı tezkire-i aliyyelerinde beyân olunan Giovanni'nin İtalyalı olmayıp tebe'â-i devlet-i aliyyeden bulunduğu ve kerîmesinin de akdemce İtalyalı bir şahıs ile tezevvüc ettiği cihetle el-yevm İtalya devleti tebe'âsından idiğü tahkikât-ı vâkıadan anlaşılmış olmağla cevâben beyân-ı hale ibtidâr kılındı. 18 Eylül [1]315.

(s.189) 343) Beyoğlu Bidâyet Mahkemesi Müddeiumûmiliğine: İtalya sefâreti tecümânlarından mösyö Bodesta ile viskonsolos mösyö Petroviç'in imzâlarını takliden Leon nâm tâcirin akçesini dolandırdığı iddiasıyla maznûnunaleyh olan Henry hakkında icrâ kılınmakta olan tahkikât esnâsında elde edilen Franseviyyu'l-ibare iki kıt'a mektûbun gönderildiği beyânıyla bunların mûmâileyhimâya irâesiyle bu bâbdaki ifâdelerinin iş'ârı taraf-ı âlîlerinden vârid olan 15 Eylül 315 tarihli müzekkerede beyân olunması üzerine mezkûr mektuplardan J. Bodesta imzâsını hâvî olan bir adedi mûmâileyh mösyö Bodesta-ya irâe olundukda zîrinde muharrer imzânın kendi imzası olmadığını beyân eylediği gibi Dersaâdet İtalya kançılıryasında Petroviç nâmında viskonsolos bulunmadığı tahkikât-ı vâkıadan anlaşılmış ve sâlifü'z-zikr iki kıt'a mektub leffen iâde kılınmış olmağla cevâben beyân-ı keyfiyete ibtidâr kılındı. 20 Eylül [1]315.

344) (679) Cedidiye sokağında 58 numarada sâkin İtalya devleti tebe'âsından Giovanni Leoni tarafından cânib-i konsolatoya takdîm olunan arzuhalde alafranga geçen Nisan'ın yirmüçüncü günü Pangaltı'da kain Sen Spirto nâm Latin kilisesine gitmek üzere mezkûr kilisenin karşısındaki mahalle geldiği esnada Yeniyol sokağında mukîm tebe'â-i devlet-i aliyyeden Gregoir Darni nâm kimesne bilâ sebep itâle-i lisânda bulunarak kendisini darb eylemiş ve işbu vak'ayı orada bulunup Beyoğlu'nda Otel de Londor kapıcısı olan İtalya devleti tebe'âsından Luigi Caripe ve Küçükparmak kapıda sâkin makaronyacı Carlo Dö Ferrari nâm kimesne muşâhede eylemiş ve hatta vak'adan bir gün mukaddem işbu fiile cür'et edeceğini sâlifü'z-zikr kilisenin rahibi Don Claro Francesco'ya söylemiş ve muahharan yani efrencî Eylül'ün onaltıncı günü saat beş raddelerinde Rejî memûrlarından ve Avusturya devleti tebe'âsından mösyö Mateo ile berâber Büyük Taksim caddesinden geçmekte iken merkûm Gregoir tesâdüfle yine itâle-i lisânda (s.190) bulunarak bastonla başını darb ve cerh eylemiş ve bunu da İtalya devleti tebe'âsından Armando Reforzo görmüş ve o sırada polis memurları yetişerek jurnal tanzîm ve muâyenesini icrâ ettirmiş ve fâil-i merkûmun buna da kanaat etmeyerek el-ân nâmusunu muhil tefevvuhâtta bulunmakla berâber muâmele-i gayr-ı layıkada devâm etmekde olduğu Tepebaşında Pera Palas otelinin arkasında Mehmed Ali Paşa sokağında ikâmet eden İtalya devleti tebe'âsından terzi Giuseppe Rocco ile Galata'da Yazıcı sokağında odun ve kömür tüccârından ve tebe'â-i Yunaniyeden Dimpoğlu Georgio şehâdetleriyle sâbit olacağından ve şu hal artık Gregoir

Darni'ye emniyeti kalmamış olduğundan bahsile merkûmun kefâlete rabtıyla hakkında nizâmen lâzım gelen mucazâtın icrâsı zımnında icâb-ı hâlin ifâsı istid'â kılınmış olmağla ifâ-yı muktezâsı husûsuna himmet buyrulması iltimâs ve takrîr olunur. 25 Eylül [1]315.

345) (680) (Müsveddesi sâhibi tarafından hariçte tanzîm ettirilmiştir). Dersaadette Marpuşçularda mukîm mösyö Samuel Benzonana tarafından ceneral konsolatoya takdîm olunan arzuhalde mûmâileyhin Dersaâdet'te Asmaaltında mukîm tüccârdan Yusuf Asım Efendi'nin zimmetinde matlûbu bulunmuş olan bindokuzyüz lirâ-yı Osmânîden dolayı medyûn-ı merkûmun Osmânî Bankasından dava ettiği mebâligden bindokuzyüz lirâ-yı Osmânîyi taht-ı hacze aldırması ise de bu defa Yusuf Asım Efendi deyn-i mezkûru tesviye etmiş olduğundan ve Bank-ı Osmânî'nin Birinci Mahkeme-i Ticârete celbiyle ve bi'l-muhâkeme hacz-i mezkûrun ref'i husûsunun taht-ı karara alınması istid'â olunmuş olmağın ber müceb-i istid'â icrâ-yı icâbı iltimâs ve takrîr olunur. 28 Eylül [1]315.

(s.191) 346) Ticâret-i Bahriye Mahkemesi Riyâset-i Aliyyesine: İtalya devleti tebe'âsından Francesco Costantini konsolatoya murâcaatla kendisi devlet-i müşârûnileyhâ tebe'âsından bulunduğu halde 23 Eylül 315 tarihinde Mahkeme-i Ticâret-i Bahriyece iflâsına karar verilerek mağazası taht-ı temhîre alınmış ve defterleri de cânib-i mahkemeye götürülmüş olduğundan bahsile icâb-ı hâlin icrâsını taleb eylemesine ve muâmele-i vâkıa ise gayr-ı câiz bulunmuş olmasına binâen mezkûr mağazadaki mührün fekkiyle defterlerin de merkûma iâdesi zımnında lâzım gelenlere evâmîr-i muktaziye i'tâsı husûsuna himmet buyrulması temennî ve iltimâs olunur. 28 Eylül [1]315.

347) Milano şehrinde mukîm İtalya devleti tebe'âsından Straca ve Bianci nâm kolektif şirketinin vekîli olan Jean Valas tarafından cânib-i konsolatoya takdîm olunan arzuhalde tebe'â-i devlet-i aliyyeden Galata'da Saraççı sokağında S. Luksenburg nâm tâcir zimmetinde 1 Nisan 1899 tarihinde kendilerinin sipârişi üzerine şirket-i merkûme tarafından gönderilmiş elli kilo tereyağının fiyatı olup 13 Nisan 1899 tarihinde te'diyesi meşrût olan yüz yirmiyedibuçuk frankı hâvî bulunan kambiyaalın Kredi Leone bankası tarafından medyûn-ı merkûma irâe olunmuş ise de meblağ-ı mezbûru vermekten imtinâ eylemiş olmasına binâen merkûm Luksenburg'un Mahkeme-i Ticâret Birinci Meclisine celbiyle işbu akçenin mezkûr Nisan mâhının onüçünden itibaren güzêştesi ve bu bâbdaki masârif-i muhâkeme ile berâber tahsîli husûsunun taht-ı hükme alınması istid'â kılınmış olmağla icrâ-yı icâbı husûsuna himmet buyrulması iltimâs ve takrîr olunur. 9 Teşrinievvel [1]315.

(s.192) 348) (Müsveddesi sâhibi tarafından hâriçte tanzîm ettirilmiştir). İstanbul'da Kezazapçioğlu hânında ondokuz numaralı odada mukîm R. Vitalis ve kumpanyası imzâsıyla cânib-i ceneral konsolatoya takdîm olunan arzuhalde kumpanya-ı mezkûrun Yunan devleti tebe'âsından Marsilya şehrinde mukîm Feriye de Kalo ve Kumpanyası nâmıyla maruf ticâret evinin sahibi olan Nicola Kalo ve Coressi ile icrâ eylediği komisyonculuk muâmelâtından ve

mûmâileyh Nicola Kalo ve Coressinin hesabına avans tarîkiyle te'diye eylediği mebâliğden dolayı beynlerinde cereyân eden muhâbereden mustebân olduğu vechile matlûbu olan yedibin yediyüz frankın te'diyesinden medyûn-ı merkûm imtina etmiş ise de meblağ-ı mezbûrun te'mîni istîfâsı zımnında medyûn-i merkûm tebe'â-i devlet-i aliyyeden İstanbul'da Hasır iskelesinde ve ellidört numaralı dükkânda sâkin tüccârdan George M Kidilidis yedinde dörtyüz çuval dakîk bedelinden dolayı matlûbu olan beşbin yüz doksan yedibuçuk frank ile yine tebe'â-i muşârunileyhadan mahall-i mezkûrda üç numaralı dükkânda sâkin S. Saropulo yedinde ikiyüz çuval dakik bedelinden dolayı matlubu olan ikibin dörtyüz sekiz frankın medyûn-ı merkûma veyahut şahs-ı âhere verilmemek üzere taht-ı hacze alınması ve haciznâme sûret-i musaddakalarından bir nüshasının mûmâileyhima Kidilidi ve Saropulo Efendilere ve nusah-ı diğerinin dahi medyûn-ı merkûm Nicola Kalo ve Coressi'ye tebliğ edilmesi müsted'i-i merkûm tarafından istid'â ve talep edilmiş olmağla ol vechile icrâ-yı îcâbı cânib-i konsolatodan iltimâs ve takrîr olunur. 5 Teşrinievvel [1]315.

(s.193) 349) Beyoğlu Mutasarrıflığı Cânib-i Vâlâsına: 29 Eylül 315 tarihli ve yediyüz seksen numaralı tezkire-i aliyyelerinde beyân olunan İtalya devleti tebe'âsından Yiyito veledi Giovanni gösterile kiraathânen çıkararak taşraya gitmiş olduğu tahkîkât-ı vâkıadan anlaşılmış olmağla beyân-ı hâle ibtidâr kılındı. 9 Teşrinievvel [1]315.

350) (681) (Müsveddesi sâhibi tarafından hâriçte tanzîm ettirilmiştir). İtalya devleti tebe'âsından Beyoğlu'nda Yeniçarşı'da 38 numaralı hânedâ mukîm tüccârdan mösyö Michel Hrisoni'nin kezâlik İtalya devleti tebe'âsından Beyoğlu'nda Otoni çıkmazında 1 numaralı hânedâ sâkine zevcesi madam Tarsi Hrisoni zimmetinde İtalya kaçılarıyası mahkemesinin kat'ıyyet kesbetmiş 25 Eylül 1897 tarihli bir kıt'a i'lâmı mücebince matlûbu olan dörtbin aded lirâ-yı Osmânî ile ber müceb-i i'lâm yüzde altı güzestesinin ve masârif-i muhâkeme ve sâirenin hîn-i te'diyesine değin bâliğ olacak sekizbin lirânın te'mîn-i istîfâsı zımnında medyûne-ı mezbûrenin Birinci Mahkeme-i Ticâretin 13 Mart 312 tarih ve 294 numaralı i'lâmı mücebince devletlû ismetlû Senîha Sultan aliyyetu's-şân zimmetinde olan malûmu'l-mikdâr matlûbunun haczi ve i'lâm-ı mezkûra mahsûben îfâ olunacak te'diyât hiçbir tarafa verilmeyip müsted'i-i merkûmun matlûbunun tesviyesi zımnında İcrâ Dâiresinin veznesine gönderilmesi zımnında tebliğât-ı lâzîmenin Sultan-ı muşârunileyhâ hazretlerine icrâsı iltimâs ve takrîr olunur. 5 Teşrinievvel [1]315.

(s.194) 351) (682) (Sahibi tarafından hâriçte tanzîm ettirilmiştir). İstanbul'da Maksûdiye hânında mukîm İtalya devleti tebe'âsından Marco Avram Levi tarafından ceneral konsolatoya takdîm olunan arzuhalde mûmâileyhin Dersââdet'te Osmânî postasıyla altından mamul ikiyüz otuz lirâ-yı Osmânî kıymetinde Mahmudiye meskûkât-ı afîka taklidi Erzuruma irsâl etmiş olduğundan Rusûmât Emânet-i celîlesinin kararı üzerine musâdere olunmuş ve halbuki bu bâbda bundan bir çok sene mukaddem şerefsâdır olan irâde-i seniyye-i cenâb-ı Padişâhî ahkâmınca meskukât-ı mezkûre mâl hükmünde olup zaten Anadolu'da köylüler bu

altınları yalnız tezyinât için istimâl etmekte bulunduklarından Rusûmât Emânet-i celîlesinin Birinci Mahkeme-i Ticârete celbiyle muhâkeme-i aleniyenin bi'l-icrâ musâdere olunan mârru'z-zikr altınların aynen iâdesi ve sarf olunduğu takdirde bedeli bulunan ikiyüz otuz lirâ-yı Osmânînin Rusûmât Emânet-i celîlesinden tahsiline karar verilmesi istid'â edilmiş olmağla ber müceb-i istid'â icrâ-yı îcâbı iltimâs ve takrîr olunur. 12 Teşrinievvel [1]315.

352) (683) (Sahibi tarafından hâriçte tanzîm ettirilmiştir).İstanbul'da Kezzâbçioğlu hânında ondokuz numaralı odada mukîm R Vitali Kumpanyası imzasıyla cânib-i ceneral konsolatoya takdîm olunan arzuhalde kumpanya-ı mezkûrun Yunan devleti tebe'âsından Marsilya'da mukîm Feriye De Kalo ve Coressi nâmıyla marûf ticâret evinin sahibi olan Nicola Kalo ve Coressi'yle icrâ eylediği komisyonculuk muâmelâtundan mûmâileyh Nicola Kalo ve Coressi'nin hesabına avans tarikiyle te'diye eylediği mebâligden dolayı beynlerinde cereyân eden muhâbereden mustebân olduğu vechile medyûn-ı merkûmun yedibin yediyüz frank deyni olduğu tahakkuk eylemiş ve meblağ-ı mezbûrun te'mîni istifâsı zımında medyûn-ı merkûmun altıyüz çuval dakîk bedelinden dolayı tebe'â-i devlet-i aliyyeden İstanbul'da Hasır iskelesinde ellidört numaralı dükkânda sâkin (s.195) tüccârdan George M Kirilidis yedinde matlûbu olan beşbin yüzdoksanyedibuçuk frank ile yine tebe'â-i muşârunileyhâdan mahall-i mezkûrda Fıçıçı sokağında 3 numaralı dükkânda sâkin Saropulo yedinde matlûbu olan ikibin dörtyüzsekiz frankın taht-ı hacze alınması 5 Teşrinievvel 315 tarihinde Mahkeme-i Ticâret Birinci Meclisi cânibinden talep edilmiş ve talep-i vâkı is'âf buyrularak meblağ-ı mezbûrun taht-ı hacze alınmasına dâir mahkeme-i mezkûreden 7 Teşrinievvel 315 tarihinde sâdır olan kararın birer sûret-i musaddakaları 9 Teşrinievvel 315 tarihinde Nicola Kalo ve Coressi ile mûmâileyhima Kirilidis ve Saropulo Efendilere tebliğ edilmiş olmağla medyûn-ı merkûm Nicola Kalo ve Coressi ile Kirilidis ve Saropulo Efendilerin Mahkeme-i Ticâret Birinci Meclisine celbleriyle hacz-i mevzûun tasdîkini ve meblağ-ı mezbûrun maa fâiz ve masârif-i muhâkeme ve ücret-i vekâlet medyûn-ı merkûmdan tahsili istid'â edilmiş olmağla ol-vechile icrâ-yı îcâbı cânib-i ceneral konsolatodan iltimâs ve takrîr olunur. 13 Teşrinievvel [1]315.

353) (684) 25 Mayıs 315 tarihli takrîr ile iş'âr kılındığı vechile Beyoğlu'nda Dolapderesi'nde Güllük sokağında beş numaralı hânenin tahliyesiyle müddeiye Despino kadına teslimi için Mahkeme-i Teftîş-i Evkâftan sâdır olan i'lâmın icrâ olunacağını mübeyyin İ'lâmât-ı Şer'iyye İcrâ Dâiresinden tanzîm ve İtalya devleti tebe'âsından Giovannina De Tomasso hâtuna tebliğ olunmak üzere gönderilen ihtarnâme bu bâbda mukeddema Beyoğlu Bidâyet Mahkemesi Birinci Hukuk Dâiresinden verilip kesb-i kat'iiyet etmiş ve el-yevm yedinde bulunmuş olan iki kıt'a i'lâm-ı vicâhiye istinâden ve ol-bâbda Adliye Nezâret-i celîlesi cânib-i âlisinden Evkâf-ı Humâyûn Nezâret-i celîlesine yazılan 8 Temmuz 312 tarih ve 15 numaralı tezkirenin numara ve pusulasını irâe eylesine binâen tebliği mümkün olamayıp iâde edilmiş idi bu defa merkûme tarafından cânib-i konsolatoya takdîm olunan arzuhalde mezkûr ihtarnâmenin dâire-i mûmâileyhâ mubâşiri tarafından hânesine gönderilerek adem-i kabulü cihetiyle atıp gitmiş ve mezkûr i'lâm-ı şer'înin icrâ-yı ahkâmına teşebbüs olunarak

kendisine eşyâsıyla berâber (s.196) hânedan ihraç olunacağı beyân edilmiş ise de salifu'z-zikr ihtarnâme zaten konsolato tarafından kendisine tebliğ olunmadığı ve İtalya devleti tebe'âsından bulunduğu gibi el-yevm mezkûr hânedâ mukîme olduğu halde marru'l-beyân i'lâm-ı şer'inin i'lâmât-ı şer'iyye icrâ memûriyeti cânibinden doğrudan doğruya icrâsına teşebbüs olunması gayr-ı câiz bulunmuş olduğundan bahsile icrâ-yı îcâbı istid'â kılınmış olmasıyla sûret-i istid'â ile uhûd-ı mevcûdeye nazaran îcâb-ı hâlin icrâsı zımında beyân-ı keyfiyete ibtidâr kılındı. 12 Teşrinievvel [1]315.

354) (685) Dersâdet İstînâf Mahkemesi Müddeiumûmiliği Cânib-i Vâlâsına: Beyoğlu Bidâyet Cezâ Mahkemesinin İstintak Dâiresinden verilen karar hakkında İtalya devleti tebe'âsından Sebastiano Messina nâm kimesne tarafından Dersâdet Heyet-i İthâmiyesi Riyâset-i Behiyyesine hitâben tanzîm ve i'tâ kılınan arzuhal merbûtan takdîm kılınmış olmağla munderecâtına nazaran îcâb-ı hâlin icrâsı husûsuna himmet buyrulması temennî ve iltimâs olunur. 18 Teşrinievvel [1]315.

355) (686) İtalya devleti tebe'âsından Bursada sâkin madam Anitta Cedbon vekîli Galata'da Voyvoda caddesinde Agopyan hânında mukîm mösyö Alberto Viccino'nun cânib-i konsolatoya takdîm eylediği arzuhalde müvekkilesinin Dersâdet İtalya konsolatosu mahkemesinden istihsâl ederek kesb-i kat'ıyyet etmiş olan 21 Nisan 1899 tarihli bir kıt'a i'lâm mücebine Ereğli civarında Zonguldak nâm mahalde mukîm bulunan zevci mösyö Otello Barcelli zimmetinde işbu tarihe kadar re'su'l-mâl ve masârif olarak alacağı olan sekizbin dokuz-yüz kuruşun tahsîline destres olunamamış idiğünden bahsile meblağ-ı mezbûrun te'mîn-i istîfâsı zımında medyûn-ı merkûmun Ereğli Kömür şirketine muhassess maâsî rub'unun taht-ı hacze alınması husûsu Mahkeme-i Ticâret Birinci Meclisi cânibinden karar tahtına alındıktan sonra merkez idaresi Tophânede Rıhtım üzerinde bulunan şirket-i mezbûreye tebliğât-ı muktaziyenin îfâsı zımında îcâb-ı halin icrâsı istid'â kılınmış olmağla îfâ-yı muktezâsı husûsuna himmet buyrulması iltimâs ve takrîr olunur. 18 Teşrinievvel [1]315.

(s.197) 356) (687) İtalya devleti tebe'âsından Joseph Amon tarafından cânib-i konsolatoya takdîm olunan arzuhalde sâbık Şehremânet-i celfilesi meclisi azâsından olup el-yevm Beşiktaş'ta Serencebey yokuşunda mukîm bulunan atûfetlû İbrahim Beyefendi hazretleri zimmetlerinde bir kıt'a bono mücebine gayr-ı ez istîfâ yirmi adet lirâ-yı Osmânî ve baş-kaca hesaptan mütebâki dört lirâ elliüç kuruş ki cem'ân yirmidört lirâ elliüç kuruş alacağı olup bundan sekiz lirâ mehûzu olarak bâki kalan onaltı lirâ elliüç kuruşun ahzına muvaffak olamadığından bahsile muşârunileyh hazretlerinin Mahkeme-i Ticâret Birinci Meclisine celbiyle meblağ-ı mezbûrun maa fâiz ve masârif-i muhâkeme ve sâire tahsîli husûsunun taht-ı hükme alınması zımında îcâb-ı halin icrâsı istid'â kılınmış olmağla îfâ-yı muktezâsına himmet buyrulması iltimâs ve takrîr olunur. 30 Teşrinievvel [1]315.

357) (688) İtalya devleti tebe'âsından Yasef Otello tarafından cânib-i konsolatoya takdîm olunan arzuhalde Mahkeme-i Ticâret Birinci Meclisinden sâdır olan 20 Teşrinievvel 314

tarikh ve 231 numaralı i'lâm-ı gıyâbî mücebince tebe'â-i devlet-i aliyyeden Yani Dimitri kalfaya 2818 kuruş tesviyesine mahkûm bulunmuş ise de yevm-i muayyeninde mazeret-i meşrûası olduğundan nâşî mahkemede isbat-ı vucûd edemediğinden ve mûmâileyhe de bir gûne deyni bulunmadığı cihetle mezkûr i'lâm-ı gıyâbî aleyhine i'tirâz ale'l-hüküm eylemiş olduğundan bahsile Usûl-i Muhâkeme-i Ticâretin 74 ve 75 inci maddelerine tevfikân salifu'z-zikr i'lâmın feshiyle yeniden muhâkemelerinin icrâsı ve masârif-i muhâkeme ve sâirenin Yani Dimitri kalfaya tahmîlini istid'â eylemiş olmağla icrâ-yı îcâbına himmet buyrulması iltimâs ve takrîr olunur. 6 Teşrinisânî [1]315.

(s.198) 358) (689) İtalya devleti tebe'âsından Feri karyesinde Kostanti sokağında 38 numaralı caddede mukîm Rosa Olodo [...] cânib-i konsolatoya takdîm eylediği arzuhalde geçen alafranga Teşrînevvîlin yedinci günü kendisinin hânede bulunmadığı bir zamanda mezkûr hânede sâkine tebe'â-i devlet-i aliyyeden ve Ermeni milletinden Roşak Parçacıyan ile madam Rosso zevcesiyle munâzaa ederek itâle-i lisânda bulunduktan başka mezbûre zevcesini darb ve eşyâsını zabt ve cebren hânedan ihrâc etmiş ve ol-esnâda hamile olan mezbûre zevcesinin havfından dolayı muahharan hastalanıp iskat-ı cenîn vâkî olduğu ve el-yevm mezbûrenin hali tehlikede bulunduğu ol bâbda tabîb tarafından verilen raporda gösterilmiş olduğundan ve husûs-ı mezkûru esna-yı muhâkemede arz u beyân edeceği şuhûd ile isbat edeceğinden bahisle merkûme madam Rosso ile Parçacıyan haklarında lâzım gelen muâmelenin icrâsıyla berâber zarar ve ziyânının bi't-tahsîl tarafına i'tâsı zımında îcâb-ı hâlin icrâsını istid'â eylemiş olmağla îfâ-yı muktezasına himmet buyrulması iltimâs ve takrîr olunur. 6 Teşrinisânî [1]315.

359) (690) Galatada Bat pazarında mukîm İtalya devleti tebe'âsından Carlo Bofe tarafından cânib-i konsolatoya takdîm olunan arzuhalde Kızıltoprakta sâkin yaver-i Ekrem-i hazret-i Padişahi müşîr devletlû Fuat Paşa hazretlerinin Balıkesirde Sultançayırı nâm mahalde mutasarrıf oldukları Borasit madeninde 9 Temmuz 304 tarihli konturato mücebince maden çıkarmak üzere şehîr dokuzyüz kuruş maâşla üç mâh yirmiiki gün istihdam olunarak işbu müddet zarfında ber müceb-i konturato cem'an otuzüç lirâ altmış kuruş ücreti terâkum etmiş ve meblağ-ı mezbûra mahsûben altı lirâ onsekiz kuruş me'hûzu olmuş ise de bâkî kalan yirmiyedi lirâ otuziki kuruşun ahzına muvaffak olunâmamış idiğünden bahsile Paşa-yı muşârunileyh hazretlerinin Mahkeme-i Ticâret Birinci Meclisine celbiyle sâlifü'z-zikr yirmiyedi adet lirâ-yı Osmânî ve kırkiki kuruşun maa güzeste ve masârif-i muhâkeme ve sâire tahsîli husûsunun taht-ı hükme alınması zımında icrâ-yı hâlin icrâsı istid'â kılınmış olmağla îfâ-yı muktezâsına himmet buyrulması iltimâs ve takrîr olunur. 11 Teşrinisânî [1]315.

(s.199) 360) (691) (Müsveddesi hâriçte tanzîm olunmuştur). Marpuşçularda Büyük Abud Efendi hânında mukîm dava vekîli S. Levi Efendi cânib-i konsolatoya takdîm eylediği istid'âda bâ sened-i musaddak vekîli bulunduğu İtalya'da Milano şehrinde mukîm İtalya devleti tebe'âsından fabrikatör mösyö Eugenio Kolombo Fovotiryo'nun İstanbul'da

Köprülü hânında 40 numaralı odada mukîm K. Malkasyan Efendi zimmetinde protesto olunmuş bir kıt'a emre muharrer sened mücebince matlûbu olan ikibin kırksekiz frankın emr-i te'diyesinde muhâlefet etmekte bulunduğundan Dersaâdet Birinci Ticaret Mahkemesine celbiyle muhâkemelerinin icrâsı ve mârru'z-zikr ikibin kırksekiz frankın senedin protesto olunduğu günden itibaren maa güzeste ve masârif-i muhâkeme ve ücret-i vekâlet ve protesto masârifi tahsîlinin icrâ-yı muvakkatla taht-ı hükme alınmasını talep ve dava etmiş olmağla ber müceb-i talep icrâ-yı îcâbı cânib-i konsolatodan iltimâs ve takrîr olunur. 22 Teşrinisânî [1]315.

361) (692) (Müsveddesi sâhibi tarafından hâriçte tanzîm ettirilmişştir). İtalya devleti tebe'âsından Bursada sâkin ve umûr-ı beytiyesiyle meşgule madam Anita Ceyon vekîli Galata'da Voyvoda caddesinde Agopyan hânında mukîm mösyö Alber Viçinyo'nun cânib-i konsolatoya takdîm eylediği arzuhalde müvekkilesinin Dersaâdet İtalya konsolatosu mahkemesinden istihsâl ederek kesb-i kat'iyet etmiş olan 21 Nisan 1899 tarihli bir kıt'a i'lâm mücebince Ereğli civarında Zonguldak nâm mahalde mukîm olup Ereğli Kömür Madeni Osmânî şirketine mustahdem bulunan zevci İtalya devleti tebe'âsından mösyö Otello Barcelli zimmetinde re'su'l-mâl ve masârif olarak geçen Teşrinievvel nihâyetine değin alacağı olan sekizbin dokuzyüz kuruşun te'mîn-i istîfâsı zımında merkûmun şirket-i mezbûreden muhasses maâsı rub'unun Mahkeme-i Ticâret Birinci Meclisi kararıyla bundan akdem taht-ı hacze aldırılmış olduğundan bahsile gerek merkûm Otello Barcelli'nin gerek merkez idaresi Tophânede Rıhtım üzerinde (s.200) bulunan mezkûr Ereğli Kömür madeni şirketi müdürü veya vekîlinin celbleriyle muhâkemelerinin icrâsını ve hacz-i mevzûun tasdîkiyle zikrolunan ökmeblağın ve bundan böyle işleyecek matlûbâtının maa fâiz ve masârif-i muhâkeme ve ücret-i vekâlet tamamen tesviyesine değin merkûm Barcelli'nin maâsı rub'unun şirket-i mezbûre marifetiyle bi't-tevkîf mâh be mâh tarafına i'tâsı luzûmunun taht-ı hüküm ve karara alınmasını talep eylemiş olmağla ber müceb-i istid'â ifâ-yı muktezâsı husûsuna himmet buyrulması iltimâs ve takrîr olunur. 27 Teşrinisânî [1]315.

362) (693) İtalya devleti tebe'âsından müteveffâ Francois Corpi veresesı vekîli Dominic Corpi tarafından devlet-i muşârünileyhanın Dersaâdet ceneral konsolatosuna takdîm olunan arzuhalde müvekkillerinin tebe'â-i devlet-i aliyyeden George Vasilyadis'den alacakları olan mebâliğe mahsûben medyun-ı merkûm tarafından Mahkeme-i Ticâret İcrâ Dâiresine kestirilmiş olan seksen adet Osmânî lîrâsı bir memûr tarafından ihtilâs edilmiş olduğundan meblağ-ı mezbûrun verilemeyeceği Dâire-i mûmâileyhimâdan beyân edildiğinden ve bu ise müvekkillerinin mağduriyetini mucib olduğundan bahsile icrâ-yı îcâbı istid'â olunmuş ve şu hal nezd-i âlî-i riyâset penâhîlerinde dahi terhîn-i cevâz olamayacağı gibi arz u beyândan mustağnî olduğu üzere Dâire-i mûmâileyhâya teslîm edilen bir akçenin ihtilâs edilmesinin dâyine bir taalluku olmayıp yine Dâirece tesviyesi lâzımeden bulunmuş ve hatta geçende bazı dâyinlerin alacaklarından dolayı ihtilâs edilen mebâliğ dahi Dâire-i mezkûrece ifâ kılınmış olmasıyla mezkûr seksen lîrânın da ol vechile sâlifu'z-zikr icrâ

dairesi cânibinden tesviye ettirilmesi zımında iktizâ-yı hâlin îfâsı himem-i aliyyelerinden temennî ve iltimâs olunur. 2 Kanunievvel [1]315.

(S.201) 363) (694) Mahkeme-i Ticâret İcrâ Memûriyet-i Behiyyesine: İtalya devleti tebe'âsından Pier Antonio tarafından cânib-i konsolatoya takdîm olunan arzuhalde Mahkeme-i Ticâret İcrâ Dâiresince tanzîm ve 6 Kanunievvel 315 tarihinde tarafına tebliğ olan 1 Kanunievvel 315 tarihli ve 315/473 numaralı ihbarnâmede Fransa devleti tebe'âsından Baron Dö Dandor'un tebe'â-i devlet-i aliyyeden Mişel Heçar zimmetinde Birinci Meclis-i Ticâret i'lâmıyla alacağı olan mebâliğin maa fâiz ve masârif-i muhâkeme te'mîn-i istîfâsı zımında medyûn-ı merkûmun uhde-i tasarrufunda olup kendisinin taht-ı istîcârında bulunan sirk mahallinin işlemiş ve işleyecek bedel-i îcârının hiçbir tarafa verilmeyip İcrâ Dâiresi veznesine teslîmi ve bu bâbda bir diyeceği olduğu sûrette tahrîren beyânı izbâr olunmuş ise de mezkûr sirk mahallinin te'diye-i îcâbı kendisine âit olmadığı gibi merkûm Mişel Hecar ile de hiçbir vech ile ahz u i'tâsı bulunmadığından ve bir gûne deyni dahi olmadığından bahsile keyfiyetin Dâire-i mûmâileyhâya iş'ârı zımında îcâb-ı halin icrâsı istid'â kılınmış olmağla beyân-ı hâle ibtidâr kılındı. 7 Kanunievvel [1]315.

364) (695) İstanbul'da Kezzâpçioğlu hânında 34 numarada mukîm İtalya devleti tebe'âsından Avram Levi tarafından cânib-i konsolatoya takdîm olunan arzuhalde Balat'da Köprübaşı mahallesinde deniz kenarındaki dükkânda demir ve çuka parçalarıyla sâir bu gibi şeyler müddehar ise de İkinci Dâire-i Belediye tarafından mezkûr dükkânın kapısına bir memûr vaz' edilerek ahz u i'tâsı men' olunmuş ve bu ise mağduriyetini mucib ahvâlden bulunduğu cihetle nezd-i âlî-i Emânet penâhilerinde rehîn-i cevâz olamayacağı derkâr bulunmuş olduğundan ve mahall-i mezkûrda bulunan diğer bu türlü eşyâ mağazalarına musâade bulunduğu halde kendisine ruhsat verilmediğinden ve halbuki eşyâ-yı mezkûrenin sıhhat-ı umûmiyeye hiçbir mazarratı olmadığı vukûbulan murâcaatı üzerine Dâire-i mûmâileyhâ tabîbî cânibinden i'tâ kılınan raporda beyân edildiğinden bahsile îcâb-ı hâlin icrâsı istid'â kılınmış olmağla mezkûr dükkândan memûr-ı mûmâileyhin kaldırılmasıyla berâber ticâretinin serbest bırakılması zımında Dâire-i mûmâileyhâ müdüriyetine evâmîr-i lâzîme i'tâsı husûsuna himem-i aliyye-i asaf-ı ekremîlerinin şâyân buyrulması temennî ve iltimâs olunur. 11 Kanunievvel [1]315.

(s.202) 365) (696) Birinci Mahkeme-i Ticâret Riyâset-i Aliyyesine: Dava vekîli Onnik Afetyan tarafından İkinci Mahkeme-i Ticârete takdîm olunan arzuhal ile ol-bâbdaki celb varakası muğâyir-i usûl olarak mubâşiri marifetiyle İtalya devleti tebe'âsından Napolyon kapudanın hânesine bırakılmış olduğu bâ-istid'â konsolatoya bildirilmiş ve bu ise gayr-ı câiz olup tebliğ nazarıyla bakılamayacağı cihetiyle evrâk-ı mezkûre leffen îade kılınmış olduğundan mahkeme-i mezkûrece İtalyalı-yı merkûmun hakkında hiçbir gûne muâmele icrâ olunmaması zımında keyfiyetin İkinci Mahkeme-i Ticârete havâle buyrulması husûsuna himmet buyrulması iltimâs olunur. 18 Kanunievvel [1]315.

366) (697) Haydarpaşa'da İstasyon karşısındaki birahânenin müste'ciri İtalya devleti tebe'âsından Carozo konsolatoya takdîm eylediği arzuhalde efrencî Kanunievvelin yirminci günü akşam üzeri polis memurluğundan muhrec Boşnak Yusuf nâm kimesne bilâ sebep munâzaa çıkarıp masa üzerindeki şişeleri şikest etmekle berâber itâle-i lisânda bulunarak hâmil olduğu revolveri keşîde edip o sırada mahalli polis komiseri yetişerek oradan götürmüş ve merkûmun serseri ve sabıkalı takımından olduğu cihetle mahall-i mezkûrda bulunması gayr-ı câiz bulunmuş olduğundan bahsile merkûmun kefâlete rabtıyla hakkında lâzım gelen muâmele-i kanuniyenin icrâsı ve beşyüz kuruşu mütecâviz zarar ve ziyânının tahsîli husûsunun taht-ı hükme alınması istid'â kılınmış olmağla icrâ-yı îcâbına himmet buyrulması iltimâs ve takrîr olunur. 16 Kanunevvel [1]315.

367) (698) İtalya devleti tebe'âsından Tereza Cenna binti Mikele'nin konsolatoya takdîm eylediği arzuhalde ötedenberi Şehzâdebaşında Hasan Efendi'nin idâresinde bulunan tiyatroda aktrislik etmekte ise de mezkûr tiyatroda yine aktrislik eden ve Virginia nâm kadının ahvâl-ı gayr-ı layıkasından dolayı mahalli zabıta memurları cânibinden kendisinin mezkûr tiyatroda aktrislik etmesi men' edilmiş ve halbuki hayli vakittenberi (s.203) sâlıfu'z-zikr tiyatroda bulunduğu gibi maişetini de bu yüzden te'mîn eylemiş ve kendisinin mezbûre Virginia'ya hiçbir medhali bulunmamış olduğundan bahsile icrâ-yı îcâbını istid'â eylemesi üzerine lede'l-murâcaa merkûmenin sabıkalı olmadığı konsolato kuyûd defterinden ve husn-i hâl sahibesi olduğu da yedinde bulunan şehâdetnâmeden anlaşılmasına nazaran mezbûrenin ba'demâ dahi mezkûr tiyatroda bulunduğu müddetçe hiçbir hareket-i gayr-ı layıkada bulunması vârid-i hatır olmadığından merkûme Tereza'nın marru'l-beyân tiyatroda aktrislik etmesine mumânaat olunmaması zımnında îcâb edenlere evâmîr-i lâzıme i'tâsı husûsuna himmet buyrulması temennî ve iltimâs olunur. 22 Kanunievvel [1]315.

368) (699) Altıncı Dâire-i Belediye Müdüriyet-i Aliyyesine: Beyoğlu'nda Taksim'de Ahır sokağında 26 numara ile murakkam hâneyi Dersââdet İtalya ceneral konsolatosu mösyö Kont Francesco Macca istîcâr eylemiş ise de mezkûr sokağın kaldırımları gayr-ı muntazam bir halde olmasından nâşî Terkos Su Şirketi tarafından vaz' olunan boruların musluk mahalleri de yarım arşın kadar meydanda kalmış ve sâlıfu'z-zikr sokakta her vakit arabalar murûr etmekte olduğundan hudanekerde bunların bir güne musluk mahallerini şikest etmesi ve bu yüzden bir kaza vukûbulması melhûz olmakla berâber işbu sokakta bulunup sıhhat-i umûmiyeye mazarratı derkâr olan birkaç ahırda gübre terâkum ettirilerek hâsıl olan râyiha-ı kerîhe adeta mezkûr sokakta iskân edenlerin sıhhatlerini ihlâl etmekte olduğundan ve marru'l-beyân kaldırımların bozulduğundan nâşî bazı zevâtın mûmâileyh Kont Francesco'yu ziyâret için hânesine gelememekte olduklarından işbu kaldırımların icrâ-yı tamiriyle berâber sıhgate muzır olan ahval-i mezkûrenin def'i mûmâileyh konsolos tarafından niyâz edilmekte olmasıyla îcâb-ı halin icrâsına himem-i aliyyelerinin şâyân buyrulması temennî ve iltimâs olunur. 23 Kanunievvel [1]315.

(s.204) 369) (700) (Müsveddesi sâhibi tarafından hâriçte tanzîm ettirilmiştir). Galata'da Büyük Değirmen hânında 12 numaralı odada mukîm İtalya devleti tebe'âsından ve tüccârdan

Fraşelli Danderya'nın cânib-i konsolatoya takdîm eylediği arzuhalde Beyoğlu'nda İmam sokağında 5 numaralı hânede sâkin doktor Nazaret Dağavaryan Efendiye Tepebaşında Belediye bahçesi karşısında vâki mutasarrıf olduğu Yasaz Danderya nâm apartmanın 1 numaralı dâiresinde Galata'da Büyükdeğirmen hânında 4 numaralı odada mukîm Meza-doryan Efendinin kefâletiyle bâ konturato îcâr eylemiş ve müddet-i îcâr munkaziye olduğu halde müste'cir-i mûmâileyh apartman-ı mezkûru tahliyeden imtinâ eylediği cihetle İcâr ve Akar Nizâmânâmesine tevfiikan Beyoğlu İcra Dâiresi marifetiyle usulü dâiresinde müste'cir-i mûmâileyh tahliye ettirilmiş ise de muterâkim bedel-i îcârdan ve masârif-i icrâiyeden doksan aded lirâ-yı Osmânî matlûbu olup te'diyesinden imtinâ eylediği cihetle kefil Mazadoryan Efendi hakkında şimdilik talebi bâki kalmak üzere medyûn-ı mûmâileyh doktor Dağavaryan efendinin oğlu Bidâyet Mahkemesi İkinci Hukuk Dâiresine celbiyle muhâkemesinin icrâsı ve alacağı olan mebâlîğin maa fâiz ve masârif-i muhâkeme ve icrâiye ve ücret-i vekâlet mûmâileyhden tahsili zımında icrâ-yı tavassut edilmesi istid'â kılınmakla ber müceb-i istid'â icrâ-yı îcâbı iltimâs olunur. 30 Kanunievvel [1]315.

(s.205) (370) İtalya devleti tebe'âsından Galata'da Aleksiyadi hânında mukîm tüccârdan mösyö Costantin Carozo'nun konsolatoya takdîm eylediği arzuhalde İstanbul'da Fener'de kâin hânesinde sâkin tebe'â-i devlet-i aliyyeden doktor Haralambos Mihalidis müteveffâ eczâcî Nikola Tomadi veresiyle Kartal kazası Bidâyet Mahkemesinde mütekevvên bir davası üzerine istihsâl eylediği i'lâmı mevki-i icrâya vaz'ederek mezkûr Kartal Bidâyet Mahkemesi İcrâ Reisi tarafından yazılan tezkere üzerine mâh-ı hâlin dokuzuncu Pençşenbe günü Beyoğlu İcra Memuriyetinden gûya mezkûr Aleksiyadi hânındaki mağazasında mevcûd emvâl-ı ticâriyesi kendisinin ecîr-i hassı bulunan Toma Tomazzo'nun imiş gibi taht-ı hacze alınmış ve hatta ticâretgâhı olan mezkûr mağaza dahi sedd ü temhîr edilmek ve bunun üzerine konsolatoya vaki olan istid'a-yı mahsûs üzerine mağazası feth u kuşâd ve emvâl-i mahcûze dahi bir ay zarfında kendisinin olduğunu ispat eder bir hüküm ibrâz etmek şartıyla ve ayrıca alınan bir de kefâlet mukabilinde mezkûr Beyoğlu İcra Memûriyeti tarafından teslim olunmuş ise de mezkûr mağazada mevcûd olup taht-ı hacze alınan emvâl-i ticâriye sırf kendisinin mülk-i müstakili olduğundan ve merkûm Toma Tomazzo'nun ancak kendi maiyetinde müstahdem ecîr-i hassı bulunduğu ve binâen [aleyh] emvâl-i mezkûre üzerine bir gûne hakk-ı mülkiyet ve tasarrufu bulunmadığı yedinde mevcûd olup inde'l-muhâkeme ibrâz ve takdîm edeceği hüccet-i resmiye ile mütehakkik idiğünden ve şu sûretle muğâyir-i kanûn olarak emvâl-i ticâriyesi üzerine vaz'olunan hacz ve mağazasının temhîri husûsâtından külliyyen mutazarrır olduğundan mûmâileyh doktor Mihailidis'in Dersââdet Birinci Ticâret Mahkemesi huzûruna celbi ve muhâkemelerinin icrâsıyla emvâl-i mahcûze-i mezkûrenin kendisine teslimi zımında i'tâ edilen kefâletin ref' u iptali ve muğâyir-i kanûn bulunan işbu haczin vaz'ına sebebiyet veren mûmâileyh doktor Mihailidis'den elli aded Osmânî lirâsı zarar ve ziyân ile bi'l-cümle masârif-i muhâkeme ve ücret-i vekâlet ve sâirenin tahsili husûsunun taht-ı hükme alınması talep ve istid'a edilmiş olduğundan îcâbının icrâsı iltimâs ve takrîr olunur. 30 Kanunievvel [1]315.

(s.206) 371) (702) (Sâhibi tarafından hâriçte tanzîm edilmiştir. Harcı verilmediği cihetle mahkemeye i'tâ kılınmamıştır). Galata'da Kevork Bey hânında dört numaralı odada mukîm dava vekîli Yorgiyadis Efendinin İtalya devleti tebe'âsından Kredi Leone Bankası memurlarından mösyö Torko Augustiani aleyhinde Dersaâdet Ticâret Mahkemesi Birinci Meclisinden istihsâl eylemiş olduğu onbir lirâ-yı Osmânî onbir kuruşun maa masârif tahsîli luzûmunu havî 2 Eylül 315 tarih ve 90 adedli i'lâm-ı gıyâbî sûreti 18 Teşrinievvel 315 tarihinde merkûm İtalyalıya tebliğ olunmuş ise de kendisi müddeiden şahsen bir gûne akçe almayıp müddeiye asla borcu olmadığı ve inde'l-muhâkeme dermiyân edeceği i'tirâzât ve îzâhâta mebnî hük-m-i gıyâbî-i mezkûr muğâyir-i usûl ve kanûn bulunduğu cihetle i'lam-ı mezkûr ahkâmını kabul etmeyerek i'tiraz ale'l-hüküm tarîkiyle hük-m-i mezkûr aleyhinde i'tirâz eder olduğundan müddei mûmâileyh Yorgiyadi[s] Efendinin bi'l-celb vicâhen muhâkemelerinin icrâsı ve hük-m-i gıyâbînin feshi ve iptalinden sonra müddeinin kendisine muarazadan men' edilmesi ve bu yüzden dūçâr olduğu bi'l-cümle masârif-i muhâkeme ve ücret-i vekâlet ve zarar ve ziyânın müddeiye tahmîl olunması merkûm İtalyalı tarafından konsolatoya verilen istid'anâmede talep ve iddia kılınmağla ber mûceb-i müsted'a îfâ-yı muktezâsı iltimâs olunur. 4 Kanunisânî [1]315.

372) (703) İtalya devleti tebe'âsından nakkâş Natali Tensini Kasımpaşa'da Yahya Kethüda mahallesinde Sipahi Fırını caddesinde sâkin Hazîne-i Hâssa-ı Şâhâne ketebesinden rıf'atlı Şükrü Efendi zimmetinde kalemkârlık ameliyâtından dolayı gayrı-ez-istîfa alacağı bulunan bin ikiyüz kuruşun ahzına muvaffak olamadığından bahsile mûmâileyhin Mahkeme-i Ticâret Birinci Meclisine celbiyle meblağ-ı mezkûrun maa fâiz ve masârif-i muhâkeme ve zarar ve ziyân ve ücret-i vekâlet tahsîli husûsunun taht-ı hükme alınması zımında îcâb-ı hâlin icrâsı merkûm tarafından istid'a kılınmış olmağla ol-vechile îfâ-yı muktezâsına himmet buyrulması iltimâs ve takrîr olunur. 11 Kanunisânî [1]315.

(s.207) 373) (704) (Sâhibi tarafından hâriçte tanzîm ettirilmiştir). İtalya devleti tebe'âsından Rivarolo, Liğor şehrinde mukîm tüccârdan L. Santinetti Efîli vekîli Galata'da Vitâlis hânında mukîm dava vekîllerinden mösyö Adolph Rosenthal'in konsolatoya takdîm eylediği arzuhalde müvekkilinin Dersaâdet'te Bahçekapısında sâkin tüccârdan Ramhanidis Frer zimmetinde mâl bedelinden dolayı matlûbu olan beşbin sekizyüz seksendört frank elli santimin tahsîline muvaffak olamadığından merkûmun ale'l-usûl Mahkeme-i Ticâret Birinci Meclisine celbiyle bi'l-muhâkeme meblağ-ı mezbûrun maa fâiz ve masârif-i muhâkeme ve ücret-i vekâlet tahsîli husûsunun taht-ı karara alınması istid'a ve talep edilmiş olmağla ber mûceb-i istid'a icrâ-yı îcâbı cânib-i konsolatodan iltimâs ve takrîr olunur. 28 Kanunievvel [1]315.

374) (705) (Sâhibi tarafından hâriçte tanzîm ettirilmiştir). Dersaâdet'te Bahçekapısında Nizâmiye Karakolhânesi karşısında bir numaralı dükkânda mukîm İtalya devleti tebe'âsından ve esliha tüccârından mösyö Luigi Gazan imzâsıyla konsolatoya verilen arzu hale nazaran

Beyoğlu'nda Pangaltı'da Afet sokağında 16 numaralı Sultan Bayezid-ı Veli vakfından tevsî-i intikalli mutasarrıf olduğu bir bâb kârgir hâneyi 9 Mart 315 tarihinden bed' ve bir sene müddetle ikiyüz lirâ-yı Osmânîye mukâbil Beyoğlu'nda Pangaltı mahallesinde Baruthâne sokağında bilâ numaralı hânedede mukîm tebe'â-i devlet-i aliyyeden perdekâr Kirkor Ağa zevcesi Habikatun binti Artin'e vefâen ferâğ etmiş ve yüzde oniki hesabıyla yürütülen yirmidört lirâ-yı Osmânî güzestesi zâhir olmamak kasdıyla re'su'l-mâla zam-molunmuş idi halbuki istikrâz eylediği meblağ-ı mezbûr ile fâhiş olarak tayin olunan yirmi dört lirâ-yı Osmânîyi vadesi hulûl etmezden evvel yani 31 Teşrinievvel 315 tarihinde tamamen tesviye ettiği ve ferâğ-ı vaki' fesholunduğu cihetle yüzde dokuz hesabıyla yedi ay yirmiiki günlük fâiz-i nizâmînin bâliğ olduğu onbir adedle bir çaryek lirâ-yı Osmânî için bir diyeceği yoksa da fâhiş ve fazla olarak mecbûren teslim ettiği oniki adedle üç çaryek lirâ-yı Osmânînin maa fâiz ve masârif-i muhâkeme ve ücret-i vekâlet îade ve tahsîlinin Dersaadet Ticâret Mahkemesi Birinci Meclisince taht-ı hükme alınmasını mösyö Luigi Gazan talep eylediğinden mahkeme-i aliyyelerince tayîn kılınacak günde muhâkemelerinin icrâsıyla ber-mûceb-i istid'a icrâ-yı îcâbı iltimâs ve takrîr olunur. 29 Kanunievvel [1]315.

(s.208) 375) (706) Ohannes Keresteciyan tarafından Kule Kapısında bilâ numaralı dükkânda mukîm İtalya devleti tebe'âsından Ekîle Bertuci'nin dul zevcesi Maria aleyhine ikâme olunan dava üzerine İkinci Mahkeme-i Ticâretten sâdır olan 30 Teşrinisânî 315 tarihli ve 284 numaralı i'lâm-ı gıyâbî muğâyir-i usûl olarak mubâşiri marifetiyle merkûmenin hânesine bırakılmış olduğu konsolatoya bâ-arzuhal bildirilmiş ve bu ise gayr-ı câiz bulunduğu cihetle tebliğ nazarıyla bakılamayacağından mezkûr i'lâm-ı gıyâbî leffen îade kılınmış olduğundan mezbûrenin hakkında hiçbir gûne muâmele icrâ olunmaması zımında keyfiyetin mahkeme-i mezbûreye havâle buyrulması iltimâs olunur. 30 Kanunievvel [1]315.

376) (707) İstanbul'da Fincancılar yokuşunda Aronaki hânı'nda 8 numarada mukîm İtalya devleti tebe'âsından Emilio Boccardo cânib-i konsolatoya takdîm eylediği arzuhalde Beyoğlu'nda Galatasaray çarşısında 212 numarada mukîm tebe'â-i devlet-i aliyyeden ve ashâb-ı akârdan John Decotio ve Kostantini ve Corci Sivacıoğulları zimmetlerinde vadesi hitâm bulmuş ve cümlesi tarafından yekdiğerine kefil bi'l-mâl sûretiyle imzâ edilmiş bir kıt'a senet mûcebince alacağı olan dörtyüz ve kezâlik vadesi murûr etmiş diğeri bir kıt'a senet mûcebince merkûm John Sivacıoğlu zimmetinde matlûbu bulunan başkaca seksensekiz aded Osmânî lirâsının ahzına muvaffak olamadığından bahsile mûmâileyhin Mahkeme-i Ticâret Birinci Meclisine celbiyle meblağ-ı mezbûrun maa fâiz ve masârif-i muhâkeme ve ücret-i vekâlet tahsîli husûsunun icrâ-yı muvakkatla taht-ı hükme alınması zımında îcâb-ı hâlin icrâsını istid'â etmiş olmağla icrâ-yı îcâbına himmet buyrulması iltimâs ve takrîr olunur. 17 Kanunisânî [1]315.

(s.209) 377) (708) (Sâhibi tarafından hâriçte tanzîm ettirilmiştir). İtalya devleti tebe'âsından Milan'da mukîm tüccârdan L. Ağrani ve kumpanyası vekîli Galata'da Vitalis hanında

mukîm dava vekîllerinden mösyö Adolph Rosenthal'in cânib-i ceneral konsolatoya takdîm eylediği arzuhalde müvekkilinin İran devleti tebe'âsından Dersââdet'te Vâlide hânında kırkyedi numaralı mağazada sâkin tüccârdan Mehmed Cafer Nakkaş zimmetinde vadesi munkaziye olmuş iki kıt'a senet mücebine matlûbu olan beşbin dokuzyüz yetmişdört frank otuzbeş santimin tahsiline muvaffak olamadığından merkûmun ale'l-usûl Mahkeme-i Ticâret Birinci Meclisine celbiyle bi'l-muhâkeme meblağ-ı mezbûrun maa fâiz ve masârif-i muhâkeme ve ücret-i vekâlet medyûn-ı merkûmdan tahsili husûsunun taht-ı karara alınması istid'â ve talep edilmiş olmağla ber müceb-i istid'a icrâ-yı îcâbı iltimâs ve takrîr olunur. 19 Kanunisânî [1]315.

378) (709) (Sâhibi tarafından hâriçte tanzîm ettirilmiştir). İtalya devleti tebe'âsından Milanda mukîm tüccardan L. Ağrani ve kumpanyası vekîli Galata'da Vitalis hânında mukîm dava vekîllerinden mösyö Adolph Rosenthal'in cânib-i ceneral konsolatoya takdîm eylediği arzuhalde müvekkilinin İran devleti tebe'âsından Dersââdet'te Vâlide hânında ellidokuz numaralı mağazada sâkin tüccârdan Hacı İsmail Tahranî zimmetinde vadesi munkaziye olmuş bir kıt'a senet mücebine matlûbu olan sekizyüz ondokuz frank yetmişbeş santimin tahsiline muvaffak olamadığından merkûmun ale'l-usûl Mahkeme-i Ticâret Birinci Meclisine celbiyle bi'l-muhâkeme meblağ-ı mezbûrun maa fâiz ve masârif-i muhâkeme ve ücret-i vekâlet medyûn-ı merkûmdan tahsili husûsunun taht-ı karara alınması istid'a ve talep edilmiş olmağla ber müceb-i istid'a icrâ-yı îcâbı iltimâs ve takrîr olunur. 19 Kanunisânî [1]315.

S.210) 379) (711) Bundan bir mâh mukaddem İtalya devleti tebe'âsından Angelo Rekya nâmına İtalyadan vurûd eden iki teneke kaynâmış vanilya çubuğunun gümrük memûrları tarafından sâhibine tesliminden imtinâ edilmekte olduğundan bahsile icrâ-yı îcâbı istid'a kılınmış olmasıyla mezkûr vanilya çubuğunun bir an evvel muâyene-i lâzimesinin icrâsıyla İtalyalı-yı merkûma teslim olunması zımnında îcâb-ı hâlin îfâsı husûsuna himmet buyrulması ricâsı teyid-i muhadenete vesîle ittihâz kılındı. 16 Şubat [1]315.

380) (710) Şehremânet-i celîlesine: Beyoğlu'nda Emin Câmi-i şerîfi civârında Şerbethâne sokağında bir takım muskirât dükkânları olduğu cihetle İtalya devleti tebe'âsından mösyö Gollero'nun taht-ı istîcârında bulunan 38 numaralı dükkânda muskirât furûhtuna musâade edilmeyeceği taraf-ı âlf-i âsafanelerinden cevâben vârid olan müzekkerede iş'âr buyrulmuş ise de mûmâileyh Gollero tarafından bu kerre cânib-i konsolatoya takdîm edilen arzuhalde mahall-i mezkûrda kendi dükkânı misillû muskirât furûht eden mağaza bulunmadığı muhakkak olduğundan bahsile ruhsat-ı lâzîmenin i'tâsı zımnında îcâb-ı hâlin icrâsı istid'a kılınmış olmasıyla bunun is'âf-ı istid'âsı husûsuna musâade-i aliyye-i dâver-i ekremîlerinin şâyân buyrulması ricâ ve iltimâs olunur. 12 Şubat [1]315.

381) (712) Beyoğlu'nda Tozkoparan mahallesinde mukîm İtalya devleti tebe'âsından Maria Carbonaro'nun konsolatoya takdîm eylediği arzuhalde alafranga geçen Kanunisânînin

otuzbirinci günü Beyoğlu'nda Tepebaşı'nda sür'atle murûr etmekte olan bir araba kendisine çarparak cerîhadâr olması üzerine mahalli zabıta memuru yetişerek jurnali tanzîm ve muâyenesi icrâ edilmiş ve mezkûr arabacının ismi sâlifü'z-zikr jurnalde muharrer bulunmuş olduğundan bahsile merkûmun hakkında nizâmen lâzım gelen mucazâtın icrâsıyla mecrûh olmasından dolayı ticâretinden mahrûm olduğu akçenin merkûm arabacıdan tahsîli husûsunun taht-ı hükme alınmasını istid'a eylemiş olmağla icrâ-yı îcâbına himmet buyrulması iltimâs ve takrîr olunur. 7 Şubat [1]315.

(s.211) 382) (713) (Sâhibi tarafından hâriçte tanzîm ettirilmiştir). Selânikte icrâ-yı muâmele eden İtalya tâbiyetine mensup Samuel Modiano unvânıyla marûf ticâretgâh tarafından bi'l-vekâle Dersaâdet dava vekîllerinden Galata'da Kınacıyan hânında mukîm Vitâlis Feraci imzası ile cânib-i sefârete takdîm olunan istid'ada Hazîne-i Hassa-ı Şâhâneye ait olup Teselya kıt'asında kâin Voyvoda ve Ortakçılar ve Kabil Ağa ve Tırnovi ve Garçoli çiftliklerinin icâr mukâvelenâmesinde müste'cir gösterilen ticâretgâh-ı mezkûra kefâlet eden tebe'â-i devlet-i aliyyeden banker Leon Ammar Efendi aleyhine Hazîne-i Hassa-i Şâhâne nâmına ve işbu kefâleti dolayısıyla Beyoğlu Bidâyet Hukuk Mahkemesi Birinci Meclisi'nde ikâme olunan davanın haddi zatında kendisine taalluku derkâr bulunmasına hatta mezkûr Samuel Modiano ticâretgâha takdîm-i istid'a sûretiyle işbu davaya dehâlet etmiş olduğuna ve bu bâbda cereyân eden muhâkeme neticesinde kefil-i mûmâileyhin mahkûmiyetine dâir i'tâ olunan kararın istînafi istid'a olunarak keyfiyet Dersaâdet İstînâf Hukuk kısmında derdest bulunmuş idiğüne ve Samuel Modiano'nun bidâyeten tahakkuk eden esbâba mebnî işbu istînâf davasına dahi dahil olmağa hakkı bulunduğuna binâen mezkûr ticâretgâhın mudâfaâtı bi'l-istimâ' hukuk ve menâfiinin muhafazası zımında istînâfen cereyân edecek muhâkemeye dahi mudâhalesinin kabulü talep olunmağla istînâf mahkemesince muktezâ-yı kanûniyesinin icrâsı cânib-i sefâretten iltimâs ve takrîr olunur. 25 Kanunisânî [1]315.

383) (714) İtalya devleti tebe'âsından Avram Levi'nin Balat'ta Köprübaşı mahallesinde deniz kenarındaki dükkânında demir ve çuka parçaları olmasından nâşî İkinci Dâire-i Belediye tarafından mezkûr dükkânın kapısına bir memûr vaz'edilerek ahz u i'tâsı men' olunmuş idiğünden memûr-ı mûmâileyhin oradan kaldırılması 11 Kanunievvel 315 tarihli takrîr ile iltimâs olunması üzerine sâlifü'z-zikr dükkâna muzırr-ı sıhhat eşyâ ithâli melhûz bulunduğu cihetle ruhsat i'tâsı uyamayacağı cevabı verilmiş halbuki işbu dükkâna demir ve çuka parçaları konulup bunların sıhhat-ı umûmiyeye hiçbir mazarratı olmadığı Dâire-i mûmâileyhâ tabîbi tarafından verilen raporda gösterilmiş olduğundan mahall-i mezkûrda kâin olup derûnlarında bu gibi eşyâ bulunan diğer mağazalar misillû merkûm Avram Levi'nin ticâretinin serbest bırakılması zımında îcâb eden hâlin icrâsı husûsuna musâade-i aliyye-i asaf-ı ekremîlerinin şâyân buyrulması ricâ ve iltimâs olunur. 26 Kanunisânî [1]315.

(s.212) 384) (715) (Sâhibi tarafından hâriçte tanzîm ettirilmiştir). Tophâne iskelesinde yirmiyüç numaralı mağazasında mukîm İtalya devleti tebe'âsından ve tüccârdan Giuseppe

Gallerini veledi Stefano'nun cânib-i konsolatoya takdîm etmiş olduğu arzuhalde tebe'â-i devlet-i aliyenin Ermeni milletinden müteveffâ kahveci Bogos zevcesi Almone binti Takavor nâm hâtuna ikrâz etmiş olduğu ikiyüz aded Osmânî lirâsı mukabilinde merkûme Almone Beyoğlu'nda Mihr Hatun mahallesinde Hoca Kadın çıkmazı sokağında mutasarrıfa olduğu üç numaralı bir bâb menzili iki sene vade ile kendi uhdesine vefâen ferâğ ederek muahharan mezbûre vefât edip Mariam ve Asnif ve Seropa ve Keropa nâmlarında dört nefer evlad terk etmiş ve bunların velisi hâne-i mezkûrda sâkine tebe'â-i devlet-i aliyeden Aranik [binti] Hacı Takor nâm hâtun müddet-i mezkûre munkaziye olduğu halde meblağ-ı mezbûru tesviye etmekten imtinâ eylemekte bulunmuş olduğundan bahsile mezbûre Aranik kadının Mahkeme-i Ticâret Birinci Meclisine celbiyle muhâkemelerinin icrâsı ve mebâliğ-i mezbûre ile güzeste ve bi'l-cümle masârif-i muhâkeme ve ücret-i vekâletin te'diyesine ol-sıfatla mahkûm edilmesi ve hâne-i mezkûrun furûhtuyla bedelinden tesviye-i deyn ettirilmesi husûsunun icrâ-yı muvakkat kararıyla taht-ı hükme alınmasını talep etmiş olmağla icrâ-yı îcâbına himmet buyrulması iltimâs ve takrîr olunur. 7 Şubat [1]315.

385) (716) Dersaâdet İstînaf Mahkemesi Müddeiumûmîliği Cânib-i Vâlâsına: Darb ve cerh maddelerinden dolayı isticvâbı lâzım gelen İtalya devleti tebe'âsından mösyö Peryarini ile makinist Stratolo nâmlarına Çatalca Bidâyet Mahkemesi mustantıklığından vurûd eden iki kıt'a celb müzekkeresinin gönderildiği beyânıyla nusha-i mahfiyelerinin iâdesi taraf-ı vâlâlarından vârid olan 26 Kanunisânî 315 tarih ve 7803 numaralı müzekkerede beyân olunmuş ise de merkûmlardan Peryarini'nin ikâmetgâhı tasrîh olunmadığı gibi Stratolo'nun hakkında ikâme olunan cerh davasının dahi 27 Teşrinisânî 1899 tarihinde Dersaâdet Bidâyet Mahkemesi İkinci Cezâ Dâiresinde rû'yet edilmiş olduğu cihetle mezkûr celb müzekkereleri tebliğ olunamayıp leffen iâde kılındı. 7 Şubat [1]315.

S.213) 386) (717) (Sâhibi tarafından hâriçte tanzîm ettirilmiştir). İtalya devleti tebe'âsından Galata'da Mumhânedede Sine Fransız hanında kâin "Navigacione Cenerale İtalyano Florio Robatino" nâm vapur kumpanyasına izâfetle acentesi mösyö Cesare Barboro tarafından konsoloshâneye i'tâ kılınan istid'ânâmede mezkûr kumpanyanın binüçyüzsekiz senesi Kanunievvelinin birinde Triyeste'den Dersaâdet'e vurûd eden "Semyeto" vapuruna mahmûl FAS/BT markalı ikiyüz kırk torba ve mâh-ı mezkûrun sekizinde keza Triyeste'den Dersaâdet'e vurûd eden "Solonto" vapuruna mahmûl aynı markalı ikiyüz kırk torba ki cem'ân dörtyüzseksen torbada gayrı ez dara otuzdokuzbin ikiyüzseksenekiz kilo şekerin resm-i gümrüğü mürsel-i ileyhi tarafından te'diye olunmamasından dolayı Dersaâdet Mahkeme-i Ticâreti Birinci Meclisi'nden 18 Ağustos 314 tarih ve altmışdokuz adediyle sâdır olan bir kıt'a i'lâm-ı vicâhî mücebince mezkûr kumpanya marru'l-beyân şekerler için Rusûmât Emânet-i celîlesine sîm Mecîdî ondokuzdan ondörtbin ikiyüz otuz dokuz kuruluş maa güzeste ve masârif-i muhâkeme edâ ve tesviyeye mahkûm olmuş ve ol-vechile re'su'l-mâl-ı mezkûr ile güzeste ve masârif-i muhâkeme olarak icrâ marifetiyle Emânet-i müşârunileyhâya sîm Mecîdî ondokuz kuruluş itibarıyla cem'ân yirmibin beşyüz yedi kuruluş

otuz para edâ etmiş olduğundan ve mezkûr şekerlerin mürsel-i ileyhi tebe'â-i devlet-i aliyeden ve tüccârdan İstanbul'da Mısır çarşısında mukîm Şabânzâde Mustafa Efendi olup meblağ-ı mezbûru mezkûr kumpanyaya edâ ve tesviyeye mecbûr iken imtinâ' eylemekte olduğundan bahsile mûmâileyh Şabânzâde Mustafa Efendinin Mahkeme-i Ticâret Birinci Meclisine celbiyle mârru'z-zikr yirmibin beşyüzyedi kuruş otuz paranın Mecîdî ondokuz kuruş itibarıyla ve güzeste-i nizâmî ve masârif-i muhâkeme ve ücret-i vekâletle berâber îfâsına mahkûm edilmesi talep ve istid'a olunmuş olmağla ber mûceb-i istid'a icrâ-yı îcâbı iltimâs olunur. 9 Şubat [1]315.

387) (718) (Sâhibi tarafından hâriçte tanzîm ettirilmiştir). İtalya devleti tebe'âsından kambiyo ve eshâm şirketinin sermüfettişi mösyö Napolyon Kapudânî tarafından konsoloshâneye i'tâ kılınan istid'anâmeye nazaran Mahkeme-i Ticâret-i Bahriye mübaşirlerinden biri İtalyalı-ı mûmâileyhin odasına bir kıt'a arzuhal sûretiyle bir kıt'a varaka-i davetiye bırakmıştır arzuhal-ı mezkûr bir Fransız tâcirin vekîli Kâtibyan Efendi imzasını hâvî ve varaka-i davetiyede dahi mûmâileyh mösyö Napolyon Kapudânî'nin mâh-ı hâl-i rûmî'nin onuncu Pençşenbe günü Eugen Coniko'nun iflâsında müddeialehy sıfatıyla mahkeme-i mezkûreye isbât-ı vücûd (s.214) etmesi muharrerdir halbuki mûmâileyhin İtalya devleti tebe'âsından bulunduğu cihetle doğrudan doğruya Mahkeme-i Ticâret-i Bahriye marifetiyle kendisine davetiye tebliği gayrı câiz olup tebliğ nazarıyla bakılamayacağından evrâk-ı mezkûre re'sen îade ve aynı meseleden dolayı bundan evvel İkinci Mahkeme-i Ticâretçe vukûbulduğu gibi Mahkeme-i Ticâret-i Bahriyece dahi İtalyalı-yı mûmâileyh mösyö Napolyon Kapudânî hakkında bir güne muâmele icrâ olunmamak üzere keyfiyetin Mahkeme-i Ticâret-i Bahriyeye havâlesi husûsuna himmet buyrulması iltimâs olunur. 9 Şubat [1]315.

388) (719) (Sâhibi tarafından hâriçte tanzîm ettirilmiştir). İtalya devleti tebe'âsından Monza şehrinde mukîm S. Silatri ve kumpanyası vekîli Galata'da Vitalis hânı'nda mukîm dava vekîllerinden Adolph Rosenthal'in cânib-i konsolatoya takdîm eylediği arzuhalde tebe'â-i devlet-i aliyeden İstanbul'da Marpuşçular'da mukîm tüccârdan Arşâvir Birâderler zimmetinde mal bedeli olarak matlûbu olan beşyüz seksendokuz frank elli santimin tahsiline muvaffak olamadığından merkûmun ale'l-usûl Mahkeme-i Ticâret Birinci Meclisine celbiyle bi'l-muhâkeme meblağ-ı mezbûrun maa fâiz ve masârif-i muhâkeme ve ücret-i vekâlet medyûn-ı merkûmdan tahsîli husûsunun taht-ı karara alınması istid'a ve talep edilmiş olmağla ber mûceb-i istid'a icrâ-yı îcâbı iltimâs ve takrîr olunur. 21 Şubat [1]315.

389) İtalya devleti tebe'âsından Francesco Barizzi nâm kimesne tarafından konsolatoya takdîm olunan arzuhalde Galata'da Ermeni Kilisesi caddesinde eski Parmakkapı sokâğında kâin 14 numaralı fabrikasında gazoz imâl olunmak üzere Belediye Komiserliği tarafından mezkûr fabrikanın kapısına bir memur vaz'edilmiş ve halbuki işbu fabrikanın makinesi Paris ma'mûlâtından olmağla berâber gazoz i'mali için luzûmu olan suları saka marifetiyle a'la Terkos olarak celb ve isti'mal eylediği ve imâl ettiği gazozun hiçbir vechile sıhhate

muzır olmadığı gibi Mısıroğlu biraderlerin ve mösyö Şor ile Dersaâdet ve Üsküdâr'da bulunan diğer bi'l-cümle fabrikalarda imâl edilen gazozların emsâli olduğu ve etibbâca mezkûr fabrikada her ne yapılması luzûm görülür ise ânın da îfâsına hazır bulunduğundan bahsile icrâ-yı icâbı istid'a olunmasına nazaran merkûm tarafından sıhhat-ı umûmiyeye nâfi olarak gazoz imâl eylediği halde mumânaât olunmaması zımnında lâzım gelenlere evâmîr-i mukteziye i'tâsı himem-i aliyye-i atûfîlerinden ricâ ve iltimâs olunur. 1 Şubat [1]315.

(s.215) 390) İtalya devleti tebe'âsından Santine Teresa tarafından cânib-i konsolatoya takdîm olunan arzuhalde Aksaray'da Sarıgüzelde mukîm yâverân-ı hazret-i şehriyârîden mulâzım-ı evvel futuvvetlû Tal'at Beyefendi zimmetinde işçilik ücretinden dolayı gayrı ez istîfa alacağı olan yirmi Mecidiye ile başkaca sarf etmiş olduğu yedi adet sîm Mecidiye ki cem'an yirmiyedi adet Mecidiyenin ahzına muvaffak olamadığından bahsile mûmâileyhin Dersaâdet Bidâyet Mahkemesi Birinci Hukuk Dâiresine celbiyle meblağ-ı mezbûrun maa fâiz ve masârif-i muhâkeme ve ücret-i vekâlet tahsîli husûsunun taht-ı hükme alınması istid'a kılınmış olmağla icrâ-yı icâbına himmet buyrulması iltimâs ve takrîr olunur. 22 Şubat [1]315.

391) İtalya devleti tebe'âsından Beyoğlu'nda Cadde-i Kebîrde 399 numaralı mağazada mukîm müteveffâ Albercon veresesinin vekîli mösyö Şabir tarafından konsolatoya takdîm olunan arzuhalde Mahkeme-i Ticâret Birinci Meclisinden sâdır olup (1) 18 Temmuz 314 tarihinde muâmele-i tebliğiyesi icrâ kılınan 9 Temmuz 314 tarihli ve 214 numaralı i'lâm-ı gıyabî mücebince müvekkillerinin Hâriciye Nezâret-i celîlesi İstîşare Odası hulefâsından saadetlû Şekîp Beyefendi hazretleri zimmetlerinde re'su'l-mâl olarak alacağı bulunan binyüz otuzdörtbuçuk frankın (2) maa faiz ve masârif-i muhâkeme ve ücret-i vekâlet ve masârif-i sâire te'mîn-i istîfâsı için (3) mûmâileyh Şekîp Beyefendinin (4) maâş-ı rub'unun taht-ı hacze alınması zımnında îcâb-ı hâlin icrâsı istid'a kılınmış olmağla îfâ-yı muktezâsına himmet buyrulması iltimâs ve takrîr olunur. 29 Şubat [1]315.

(1) (Diğer) 25 Haziran 312 tarihinde muâmele-i tebliğiyesi icrâ kılınan 17 Haziran 312 tarihli ve 336 numaralı i'lâm-ı vicâhî mücebince müvekkillerinin devletlû ismetlû Seniyye Sultân aliyetu's-şân hazretlerinde re'su'l-mâl olarak matlûbu bulunan dokuzbin yetmiş-dokuz kuruşun (2) (3) sultân-ı muşârunileyhâ hazretlerinin.

(1) (Bu dahi) 18 Temmuz 314 tarihinde muâmele-i tebliğiyesi icrâ kılınan 9 Temmuz 314 tarihli ve 143 numaralı i'lâm-ı gıyabî mücebince Cemiyet-i Rusûmiye a'zâsından atûfetlû Ahmed Ziya Beyefendi hazretleri zimmetlerinde re'su'l-mâl olarak alacağı olan binaltıyüz kırk yedi frankın (2) (3) muşârunileyh hazretlerinin

(1) (Kezalik) 5 Mayıs 315 tarihinde muâmele-i tebliğiyesi icrâ kılınan 23 Mart 315 tarihli ve 345 numaralı i'lâm-ı gıyabî mücebince Cemiyet-i Rusûmiye a'zâsından saadetlû Muh-

yeddin Beyefendi zimmetinde re'su'l-mâl olarak alacağı bulunan yüz kırk bir lirâ ve elli kuruşun (2) (3) mûmâileyhin (4)

(1) (Diğer) 21 Teşrinievvel 309 tarihinde muâmele-i teblîğiyesi icrâ kılınan 19 Teşrinievvel 309 tarihli ve 120 numaralı i'lâm-ı gıyâbî mücebince Şûrâ-yı Devlet a'zâsından atûfetlû İsmâil Kemâl Beyefendi hazretleri zimmetlerinde re'su'l-mâl olarak matlûbu bulunan altı yüz yirmi beş frankın (2) (3) muşârunileyh hazretlerinin Reji İdâresiyle Bâbîâli cânib-i sââmîsinden muhasses maâşları rub'unun taht-ı hacze alınması zımında îcâb-ı hâlin icrâsı istid'a kılınmış olmağla îfâ-yı muktezasına himmet buyrulması iltimâs ve takrîr olunur. 28 Şubat [1]315.

(s.216) 392) (726) (Hâriçte sâhibi tarafından tanzîm edilmiştir). Pariste mukîm Lemye Camando ve kumpanyasının cânib-i ceneral konsolatoya takdîm eylediği arzuhalde şirket-i mezkûrun Beyoğlu caddesinde yüz doksan üç numaralı hânede mukîme müteveffâ Küceoğlu Agop Efendi zevcesi umûr-ı beytiyesiyle meşgule tebe'â-i devlet-i aliyyeden madam Eliz Küceoğlu zimmetinde cihet-i karzdan üçbin yediyüz sekiz lirâ-yı Osmânî matlûbu olup işbu alacağının te'min-i istîfâsı zımında Galata'da Pençsenbe Pazarında vâki' Ticâret hânı nâmıyla ma'rûf akârı kendilerine kat'iiyyen ferâğ edilmiş ise de medyûne-ı mûmâileyhâ te'diye-i deynden imtinâ' etmekde bulunduğu cihetle mûmâileyhânın Birinci Mahkeme-i Ticârete celbiyle muhâkeme-i aleniyelerinin bi'l-icrâ Camando şirketinin akâr-ı mezkûr üzerine imtiyâzlı olan üçbin yediyüz lirâ-yı Osmânî'nin madam Eliz Küceoğlu'ndan maa fâiz ve masârif-i muhâkeme ve zarar ve ziyân ve ücret-i vekâlet ve sâire tahsiline karar verilmesi talep ve istid'â edilmiş olmağla ber müceb-i istid'â icrâ-yı icâbı iltimâs ve takrîr olunur. 1 Mart [1]316.

393) (727) (Sâhibi tarafından hâriçte tanzîm ettirilmiştir). İtalya devleti tebe'âsından Lorenzo Bartolome'nin cânib-i sefârete takdîm etmiş olduğu istid'âda Beyoğlu'nda Cadde-i Kebîrde 348 numaralı mağazada icrâ-yı ticâret etmekte iken Ticâret-i Bahriye Mahkemesi kararıyla i'lân-ı iflâsına hükmedilmiş olan tebe'â-i devlet-i aliyyeden JJ Deriluci biraderleri kumpanyasına konsinyasyon olarak teslîm olunan ve mezkûr mağazada mevcut bulunan ber müceb-i fatura eşyâ-yı mütenevvianın tarafına teslimi[ni] talep ve istid'a etmiş olmağla ber müceb-i istid'a icrâ-yı îcâbı iltimâs olunur. 4 Mart [1]316.

(s.217) 394) (728) (Sâhibi tarafından hâriçte tanzîm ettirilmiştir). İtalya devleti tebe'âsından Beyoğlu'nda Tarlabası'nda mukîm mösyö Napolyon Kapûdanî'nin konsolatoya takdîm eylediği istid'anâmede Fransalı mösyö Paul Levi'nin vekîli olduğunu beyân eden dava vekîli S. Kâtibyan Efendi İtalyalı-yı mûmâileyhin gûya Eugen Cogino ve kumpanyasıyla kollektif şerîk olduğundan bahsile kendisinin Mahkeme-i Ticâret-i Bahriyeye celb etmek iddiasında bulunur hâlbuki mezkûr iddia külliyyen hilâf-ı hakikat ve muğâyir-i hakkâniyet olup zîra tebe'â-i devlet-i aliyyeden biri ile tebe'â-i ecnebiyeden biri beyninde

şirket vâki' olup ve böyle bir şirketin nev'î hakkında munâzaa zuhûrunda bu meselelerin rü'yeti ve tedkîki Mahkeme-i Ticâret Birinci Meclisine âit ve râci' olup Mahkeme-i Bahriye'nin dâire-i vezâifi hâricinde olduğundan ol-bâbda olan varaka-i davetiye ile arzuhal sûretlerinin Mahkeme-i Bahriyeye iâdesiyle berâber İtalyalı-yı mûmâileyh hakkında her gûne muâmeleden Mahkeme-i Bahriyeye ictinâb ve keyfiyetin Mahkeme-i Ticâret Birinci Meclisine havâle olunması mârru'z-zikr istid'anâmede gösterilmiş olmağla icrâ-yı icâbı iltimâs olunur. 22 Şubat [1]315.

395) (729) Sen Antoin kilisesinin rahibi İtalya devleti tebe'âsından Padre Giuseppe Canave'nin cânib-i konsolatoya takdîm eylediği arzuhalde⁷ Pangaltı'da Mekteb-i Bahriye-i Şâhâne'nin karşısında mukîm tebe'â-i devlet-i aliyyeden Edvar Shnayder nâm mühendis zimmetinde merâsim-i tedfîniye'den dolayı bâ-sened matlûbu bulunan yirmibeş adet Osmânlı lirâsının ahzına destres olamadığından bahsile medyûn-ı merkûmun Mahkeme-i Ticâret Birinci Meclisine celbiyle meblağ-ı mezbûrun maa fâiz ve masârif-i muhâkeme ve ücret-i vekâlet tahsîli husûsunun taht-ı hükme alınmasını istid'â eylemiş olmağla icrâ-yı icâbına himmet buyrulması iltimâs ve takrîr olunur. 23 Şubat [1]315.

396) (731) (Sâhibi tarafından hâriçte tanzîm ettirilmiştir). İtalya devleti tebe'âsından el-yevm muvakkaten Erdek'in Konya karyesinde mukîm bulunan mösyö Rafâello Briniazinin vekîli Galata'da Voyvoda caddesinde [] numarada mösyö Giacomo Haretto'nun cânib-i konsolatoya takdîm eylediği arzuhalde müvekkili mûmâileyhin kasaba-ı mezkûrun metropolit mahallesinde sâkin tebe'â-i devlet-i aliyyeden şarabcı Yordan veledi Nikola'ya bundan akdem ikrâz eylemiş olduğu ikiyüz adet lirâ-yı Osmânî'ye mukabil (s.218) te'minât olmak üzere merkûm Yordan [veledi] Nikolaya isminde üçbin kilelik Alamine tabir olunur seffinesini maa takım müvekkiline terhîn eylemiş ise de meblağ-ı mezbûrun ilk taksidi vadesi bulunan geçen Şubat-ı Rûmînin yirmibirinci günü îfâsına müteahhit bulunmuş olduğu yüz adet Osmânlı lirâsını te'diye etmemiş olduğundan bahsile meblağ-ı mezbûrun maa fâiz ve masârif-i muhâkeme ve sâire te'mîn-i istîfası zımnında Dersaâdet'te Galata'da Şarap İskeleyi'nde lenger-endâz bulunan mezkûr seffinenin maa edevât haczini ve bu bâbda teblîğât-ı lâzîminin îfâsını talep eylemiş olmağla ber müceb-i istid'a icâbının icrâsına himmet buyrulması cânib-i konsolatodan takrîr ve iltimâs olunur. 8 Mart [1]316.

397) (732) (Sâhibi tarafından hâriçte tanzîm ettirilmiştir). Paris'te mukîm İtalya devleti tebe'âsından Camando ve şurekâsı Dersaâdet vekîli mösyö Leon Piperno tarafından cânib-i ceneral konsolatoya takdîm olunan arzuhalde şirket-i mezkûrenin İstinye etrafında bulunan bir ocaktan ihrâç etmekte bulunduğu toprağın ahire nakli zımnında 6 Nisan 315 tarihinde mavnacılar esnafına izâfetle İstinye Mavnacılar Kethüdası Tosun bin Hüseyin Efendi ile akdeylediği mukâvelede esnâf-ı mezkûrun kimden ibâret bulunduğu zikrolunmamasından

⁷ Bu hükmün bu kelimesinde (1) numara ile gösterilen ek asıl metinde 730 (1) şeklinde yer almakta ise de bu ek 729 numaralı hükmün içinde verildiğinden burada ayrıca yazılmamıştır.

nâşî âit bulunan eşhâsın meçhûl bulunduğuna ve kethüda-yı merkûmun sıfatı olmadığına mebnî mezkûr mukâvelenâme esâsen bâtil olduğu gibi ahkâmı câri olacak müddet dahi tayin olunmamış olduğundan her vakit hitâm bulmuş nazarıyla bakılması câiz ve fakat esnâf-ı mezkûre Camondo şirketinin malını kendi mavnaları ile taşımaktan men' etmekte bulunduğundan İstinye'de mukîm Tosun bin Hüseyin Efendinin Mahkeme-i Ticâret-i Bahriyeye celbiyle muhâkeme-i aleniyenin bi'l-icrâ ânifu'z-zıkr 6 Mart 315 tarihli mukâvelenâmenin hükmü olmadığı ve Camondo şirketinin malını kendi mavnaları ile nakline hak ve selahiyeti olduğu keyfiyetlerinin taht-ı hükme alınması istid'â edilmiş olmağın ber müceb-i istid'a icrâ-yı icâbı iltimâs ve takrîr olunur. 21 Mart [1]316.

(s.219) 398) (733) (Sâhibi tarafından hâriçte tanzîm ettirilmişştir).İtalya devleti tebe'âsından Erdek'te mukîm tüccârdan mösyö Nicol Vasiladi'nin takdîm eylediği arzuhalde mukaddema Mahkeme-i Ticâret Birinci Meclisinde Duyûn-i Umûmiye-i Osmâniye İdâresi hakkında ikâme eylemiş olduğu zarar ve ziyân davası üzerine mahkeme-i mûmâileyhâdan 13 Cumadelâhir 302 ve 18 Mart 301 tarih ve yirmibeş adediyle verilir harcı tarafından bi't-tesviye 11 Ağustos 1889 tarihinde ahzedilmiş bir kıt'a i'lam ahkâmınca kendisine tebliği lâzım gelen mazbatayı hayli müddet intizârdan ve ol-bâbda dâire-i mûmâileyhâya ihtârât-ı lâzime-i resmiye icrâsından sonra 15 Kanunievvel 314 tarihli bir kıt'a arzuhal ile Erdek Mahkeme-i Bidâyet Ticaret kısmına bi'l-muracaa Duyûn-i Umûmiye İdâresi aleyhine vukûbulan zarar ve ziyân davasının dâire-i mûmâileyhânın Erdek memuru Ali Efendinin muvâcehesinde devâm-ı rû'yet ve faslıyla müddeiyâtının taht-ı hükme alınmasını istid'a eylemiş ise de işbu davada gûya murûr-ı zaman olmak mulâbesesiyle mahkeme-i mezkûre cânibinden adem-i mesmûiyetine karar verilmiş ve karar-ı mezkûru hâvî olan 7 Ramazan 317 ve 27 Kanunievvel 315 tarihli i'lamın harcı bi't-tesviye sûreti 3 Şubât 315 tarihinde kendi tarafından ahzedilmiş ve halbuki dava-yı mezkûrede inde'l-hesâb murûr-ı zaman olmadığı yani onbeş sene geçmemiş olduğu halde Mahkeme-i Bidâyet gerek mebde-i murûr-ı zaman itibârıyla gerek mebde-i dava itibârıyla yanılmış olduğuna ve esâsen husûs-ı mebhûsda ömr-i şer'î bulunmak hasebiyle murûr-ı zamana asla itibâr olunmayacağına mebni nefsu'l-emre ve ahkâm-ı kanuniyeye min külli'l-vucûh muğâyir olan i'lâm-ı vicâhî-i mezkûr hükmünü adem-i kabul ile aleyhine istînâf-ı davaya musâraat edildiği arz olunmuş ve şayet işbu istînâf davasında haksız çıkar ise müstenifun aleyhin istînâf mahkemesi marifetiyle kanûnen tasdik olunacak masârif-i seferiye ve zarar ve ziyânının tazmînine bir kavî kefil gösterildiğini mübeyyin musaddak kefâlet senedi ile lâyiha-i istînâfiye asıl ve sûretleri ve i'lâm-ı müstenifunbih'in sûret-i musaddakası işbu dava takrîrine merbûtan takdîm kılınmış olduğundan Dersaâdet'te Çağaloğlu'nda kâin Duyûn-i Umûmiye İdâre-i Aliyyesinin Müdüriyetine tebliğât-ı mukteziye'nin ale'l-usûl icrâsıyla İdâre-i mûmâileyhâ müdür-i umûmîsinin Mahkeme-i Ticâret Birinci Meclisine bizzat gelmek veyahut tarafından murahhas bir vekîl göndermek üzere davet olunması ve bi'l-muhâkeme i'lâm-ı müstenifunbihin feshi ve esâs davanın Mahkeme-i Ticâret (s.220) Birinci Meclisince rû'yet ve masârif-i muhâkeme ve seferiyesi ile ücret-i vekâlet ve zarar

ve ziyânın İdâre-i mûmâileyhâdan tazmîn ve tahsîli husûslarının taht-ı hükme alınması müsted'î-i mûmâileyh tarafından talep ve dava edilmiş olmağla ber müceb-i istid'a icrâ-yı icâbı husûsuna himmet buyrulması iltimâs ve takrîr olunur. 27 Mart [1]316.

399) (734) (Sâhibi tarafından hâriçte tanzîm ettirilmiştir. Beyoğlu İkinci Hukuk Dairesine gönderilmiştir). İtalya devleti tebe'âsından Galata'da Gül Kamando hânında mukîm banker mösyö Hyasent Nomico'nun cânib-i konsolatoya takdîm eylediği arzuhalde tebe'â-i devlet-i aliyyeden Duyûn-ı Umûmiye İdâresinde mustahdem mösyö Alphonso Manas zimmetinde bir kıt'a senet mücebine matlûbu olan sekiz aded Osmânlı lirâsının tahsîline destres olamamış olduğundan bahsile medyûn-ı merkûmun celbi ve muhâkemelerinin icrâsıyla meblağ-ı mezbûr sekiz lirânın (1) faiz ve masârif-i muhâkeme ve sâire kendisinden luzûm-ı tahsîlinin taht-ı hüküm ve karara alınmasını istid'a eylemiş olmağla ol-vechile icrâ-yı icâbına himmet buyrulması cânib-i konsolatodan takrîr ve iltimâs olunur. 4 Mart [1]316.

400) (735) (1) Bu dahi Beyoğlu Birinci Hukuk Dairesine irsâl kılınmıştır. Maa-faiz ve masârif-i muhâkeme ve sâire kendisinden luzûm-ı tahsîlinin taht-ı hüküm ve karara alınmasını istid'a eylemiş olmağla icrâ-yı icâbına himmet buyrulması cânib-i konsolatodan takrîr ve iltimâs olunur. 6 Mart [1]316.

401) (736) Beyoğlu Bidâyet Mahkemesi Müddeiumûmiliğine: Doktor Şahbâz Efendi tarafından İtalya devleti tebe'âsından madam Moje Rime vaz'ı haml esnasında ziyâde miktar kloroform i'tâsıyla vefâtına sebebiyet verildiği beyân olunmakta olmasından nâşî hukûk-ı umûmiyenin zâhire çıkarılması zımında feth-i meyyit icrâsı takarrur eylemiş olduğundan bahsile bu bâbda veresesine malûmât i'tâsıyla esnâ-yı ameliyâtta hâzır bulunmak üzere tercümân beylerden bulunacak zâtın tayin edilecek gün hakkında li-eclî'l-müzâkere dâireye i'zâmına (s.221) dâir bazı ifâdeyi hâvî taraf-ı vâlâlarından gelen 11 Mart 316 tarihli müzekkere mutâlâa olunarak keyfiyet merkûmeye lede't-tebliğ feth-i meyyit ameliyâtının icrâsına râzî olmadıklarını bâ-arzuhal beyân etmekle berâber ameliyât-ı mezkûreye luzûm olmadığına dâir bazı etibbâ tarafından tanzim edilip i'tâ eyledikleri rapor leffen savb-ı vâlâlarına irsâl kılınmıştır. 20 Mart [1]316.

402) (737) Napoli mahkemesinden bi'l-vurûd leffen gönderilen istid'ânın Mahkeme-i Ticâret İcrâ Dâiresi cânibinden Dersââdet'te Nimet Hânı'nda 6 numarada mukîm tebe'â-i devlet-i aliyyeden Kohen Rafail nâm kimesneye tebliğ buyrulması cânib-i konsolatodan iltimâs olunur. 13 Nisan [1]316.

403) (738) Mahkeme-i Ticâret Birinci Meclis-i Riyâset-i Aliyyesine: Ohannes Keresteciyan'ın Kule Kapısında numarasız dükkânda mukîm İtalya devleti tebe'âsından madam Mari Bartuci hakkında Dersââdet İkinci Ticâret Mahkemesinden istihsâl eylediği i'lâm-ı gıyâbının leffen irsâl kılındığı beyânıyla usulü dâiresinde muâmele ittihâz etmesinin mezbûreye tebliği 4

Nisan 316 tarih ve otuzyedi numaralı tezkire-i vâlâlarında iş'âr buyrulmuş ise de mezbûrenin kançılırya nufûs defterinde mukayyed olması cihetiyle devlet-i muşârûnileyhâ tebe'âsından bulunduğu muhakkak idiğünden ve imâm veyahud kilise muhtarı tarafından mezbûreye ihzâr varakası teblîğ etmek usûlen gayr-ı câiz bulunduğu cihetle teblîğ addolunamayacağından mezkûr i'lâm teblîğ edilemeyip leffen iâde kılınmıştır. 20 Nisan [1]316.

(s.222) 404) (739) (Sâhibi tarafından hâriçte tanzîm ettirilmiştir). İtalya devleti tebe'âsından Edirne'de Rüstempaşa hânı'nda mukîm tüccârdan mösyö David de Toledo'nun konsolato-ya takdîm eylediği arzuhalde tebe'â-i devlet-i aliyyeden Edirne vilâyetinde nefsi-i Edirne kazasında Cemâat-i İslamiye kâtibi Hakkı Efendi'nin hânesini kendilerine ikâmetgâh gösterdikleri el-yevm i'lâm-ı müstenifunbih'te muharrer bulunan Rumeli-i Şarkî Vilâyeti dâhilinde Zağra-i Afîk kazalı ehl-i zurrâ'dan Adem bin Salih ve Hüseyin bin Ahmed ağalar ile İtalyalı-yı merkûm miyânesinde zuhûr eden elli Fransız altını alacak davasına dâir Edirne Merkez Ticaret Mahkemesi Heyet-i Muhtelitasından verilen 21 Kanunievvel 315 tarihli ve yüz numaralı i'lâm sûreti mezkûr Kanunievvelin yirmiyedinci günü İtalyalı-yı merkûm[a] teblîğ ve i'tâ kılındığı ve mutalaasından müstebân olacağı vechile Adem ve Hüseyin ağalara Saltıklı demekle maruf mutasarıf olduğu çiftliği bedel-i malûm mukabilinde ve şerâit-i malûme ile merkûmân ağalara furûht eylemiş ve pey olarak ber vech-i peşîn elli aded Fransız altını almış olduğu[nu] ikrar eylediği halde memûru huzûrunda takrîr-i resmîsini i'tâ eylememiş bulunduğu anlaşıldığından Mecelle-i Celîle'nin 1817'inci maddesi hükmüne tevfikân mezkûr elli Fransız altınının ber mûceb-i ikrâr güzêştesiyle İtalyalıdan tahsiline ve bi'l-mukabele İtalyalı-yı merkûmun açmış olduğu zarar ve ziyân davası araziye müteallik ve hukûk-ı âdiyeden madûd olduğundan adem-i selahiyetine binâen reddine ekseriyet-i ârâ ile hükm ve karar verildiğini mübeyyin bulunmuş idi hâlbuki Bidâyet Mahkemesinde ibrâz olunan ve inde'l-hâce huzûr-ı Mahkeme-i aliyyelerinde ibrâz olunacak mukâvele ve protestolar meâllerinden anlaşılabacağı üzere merkûmân Âdem ve Hüseyin ağalar ilk yediyüz lirâları vaktinde hazırlayıp vermemiş olduklarından bi'z-zarûr İtalyalı tarafından protesto edilmesine ve anın tarafından cevap olarak akdi fesh eylediklerini bildirmiş ve bu cihetler Mahkeme-i İbtidâiyece sukût ile geçiştirilmiş oldukdan başka evrâk-ı mühimme-i mezkûre'nin meâlleri pek sathî ve anlaşılmayacak derecede i'lâm-ı iptidâiyece derc edilmesi ve huzûr-ı muhâkemedede merkûm İtalyalının elân mukâvelelerinde sebâtı olduğu ve yediyüz elli lirâları i'tâ olunduğu halde akd-i vâkın itmâmına hâzır bulundukları[nı] beyân eylemiş olduğu halde bu cihetin de nazar-ı teemmüle alınmaması ve bi'l-mukabele açmış olduğu zarar ve ziyân davası ise müddeiler dava eyledikleri halde ve muâmelâtı neticesinden hâsıl olmuş bir dava bulunmadığı İtalyalının davası çiftlik pazarlığından tevellüd eylemiş bir dava olduğu gibi müddeilerin elli Fransız lirâsı alacak davaları dahi çiftlik pazarlığının nukûl-i keyfiyetden tevellüd eylemiş bir dava demek olduğu meydanda iken müddeilerin (s.223) davalarının mesmû' görüldüğü halde İtalyalının buna karşı olan davasının adem-i mesmûiyetine karar verilmesi maa-haza tebe'â-i ecnebiyenin böyle mebâlig-i cesîme üzerine olan davalarının Ticâret Mahkemesi huzûrunda görülmesi

uhûd-ı câriye ahkâmı iktizâsından iken buralarının dahi nazar-ı ehemmiyete alınmayarak İtalyanın Mehâkim-i Hukûkiyeye sevk[ine] karar verilmesi bi'l-vucûh muhâlif-i kanun ve usûl bulunmuş olmağla hükm-i mezkûra kanaat ettiklerinden bahsile istînafen tetkik ve rü'yeti[ni] talep eylediği ve şayed inde'l-istînaf haksız çıktığı halde müstenifunaleyhimâ merkûmân Adem ve Hüseyin ağaların İstînâf Mahkemesi masrafiyla kanûnen tasdîk ve kabul olunacak masârif-i seferiye ve zarar ve ziyânlarını ve meblâğ-ı mahkûmunbih bulunan elli aded Fransız altınlarını tazmîne dâir kavî kefil gösterilerek mevki-i resmîden musaddak olan kefâlet senedi ile lâyiha-i istînafiye ve i'lâm-ı müstenifunbih işbu istînaf takrîrine merbûtan takdîm kılındığından sûretlerinin usûlen müstenifunaleyha merkûmân Adem ve Hüseyin ağalara tebliğiyle kendilerinin veya musaddak vekîllerinin celb ve muhâkemelerinin icrâsıyla hükm-i müstenifunbihin feshi ve dava-yı vâkıanın yeniden huzur-ı mahkeme-i aliyyelerinde rü'yet ve fasl olunarak Adem ve Hüseyin ağaların iddialarının reddiyle merkûm İtalyanın i'lâm-ı ibtidâiyede gösterilen ol-bâbdaki zarar ve ziyânının maa güzeste ve masârif-i muhâkeme ve ücret-i vekâlet tahsîli husûsunun taht-ı hükme alınmasını talep ve istid'â olunmuş olmağla ber müceb-i istid'â icâbının icrâsına himmet buyrulması cânib-i konsolatodan iltimâs ve takrîr olunur. 20 Nisan [1]316.

405) (740) İtalya devleti tebe'âsından Giovanni Santor nâm kimesne tarafından cânib-i konsolatoya takdîm edilen arzuhalde Beyoğlu'nda Kalyoncu Kolluğunda Balık sokağında bulunan hamr depozitosu için lâzım gelen zecriye tezkiresinin i'tası için iktizâ-yı halin icrâsı istid'â kılınmış olmağla icrâ-yı icâbıyla muktazi zecriye tezkiresinin merkûma i'tası zımında lâzım gelen muâmelenin ifâsı husûsuna himmet buyrulması ricâ ve iltimâs olunur. 30 Nisan [1]316.

(s.224) 406) (741) Beyoğlu Mutasarrıflığı Cânib-i Vâlâsına: 25 Nisan 1900 tarihinde Gümüşsuyu kabristanında bî-rûh olarak bulunup feth-i meyyit ameliyatı icrâ edildikde başından bir aded kurşun girmiş olduğu anlaşılan ve intihâr eylediği etibbâ tarafından beyân edilen İtalya devleti tebe'âsından [] nâm kimesnenin hakikaten intihâr eylediği umûmen zannolunmuş ise de mezkûr kurşun aşağıdan yukarıya doğru gittiği ve vucûdunda başka eser-i darb olmadığı anlaşılmış ve merkûmun ikâmetgâhı olan Galata'daki lokantada bulunan elbisesi taharrî edildikde oniki gram sıkletinde iki aded kurşun bulunmuş ve başından çıkarılan kurşun ise dokuz gram olduğu gibi gerek kendi elinde gerek na'sının bulunduğu mahalde hiçbir silah bulunamamış idiği cihetle sebep-i vefâtı sûret-i kat'iyede anlaşılamamış olduğundan müteveffâ-yı merkûmun bir cürümden dolayı mı yoksa cihet-i sâireden nâşî mi vefât etmiştir anlaşılmak üzere Taksim karakolhânesinde bulunan komiser Behçet Efendi ve Veli Çavuşun ve bu bâbda malumâtı olan diğer zevât var ise anların da bi'l-isticvâb neticesinin iş'âr buyrulması ricâ ve iltimâs olunur. 30 Nisan [1]316.

407) (742) İtalya Bandıralı Onioni isimindeki yelkenli üçyüzonaltı tonilatoluk Golf nâm sefîne 28 Haziran 314 tarihinde İzmir vilâyetinde Foça iskelesinden tahmîl eylediği hamûleyi

Gemlik iskelesine nakl ve ihraç etmiş olduğu iddia edilmekte olduğundan târih-i mezkûrda sâlifü'z-zikr sefinenin Hudâvendigâr vilâyeti mülhakâtından Gemlik limanına nakl ve ihraç etmiş olduğu hamûlenin cins ve miktarının Gemlik Rusûmât İdaresi kuyudâtından ihrâc ettirilerek bu babda bir kıt'a şehâdetnâmenin tanzîm ve i'tâsı zımında lâzım gelenlere teblîğât-ı lâzîme îfâ buyrulmasını İtalya devletinin Dersaâdet ceneral konsolosu iltimâs ve takrîr eder. 9 Mayıs [1]316.

(s.225) 408) (743) Şehremaneti Celîlesine: İtalya devleti tebe'âsından Endrico tarafından konsolatoya takdîm olunan arzuhalde balık furûht etmek üzere bir kıt'a konturato mûcebince Ada-i Kebîr Balıkhânesi derûnunda bir bâb dükkân istîcâr etmiş ise de mahalli belediye memurları bilâ sebep balık satmaktan men' eylediği ve bu ise zararını mucip olduğu cihetle icrâ-yı îcâbı istid'â kılınmış ve mezkûr balıkxhâne derûnunda merkûmun taht-ı istîcârında bulunan ve balık furûhtuna mahsûs olan dükkanda ahz u i'tâsının men'i madelet-i seniyyeye muğâyir olduğu cihetle gayr-ı câiz bulunmuş idiğünden İtalyalı-yı merkûm Endrico'nun ticâretinin bırakılması zımında lâzım gelen mahalle evâmîr-i mukteziye i'tâsı himem-i aliyye-i âsafânelerinden temennî olunur. 16 Mayıs [1]316.

(s.226) 409) (744) İtalya devleti tebe'âsından Erdek'in Konya karyesinde misafireten mukîm granit taşı tüccârından Fotofrer kumpanyasının direktörü mösyö Rafaello Prinyari'nin vekîli Galata'da Voyvoda caddesinde 39 numaralı Vitalis hânında mukîm mösyö Giacomo Garecova'nın cânib-i konsolatoya takdîm eylediği arzuhalde müvekkil-i mûmâileyh kasaba-ı mezkûrun metropolit mahallesinde mukîm tebe'â-i devlet-i aliyyeden şarapçı Yordan veledi Nikola bundan akdem ikiyüz aded lirâ-yı Osmânî ikraz eylemiş ve te'minât olmak üzere medyûn-ı merkûm üçbin kilelik Alamine tabir olunur Aya Nikola isminde sefînesini maa takım kendisine terhîn eylemiş ise de ber mûceb-i mukâvelenâme îfasına müteahhit bulunduğu yüz aded Osmânî lirâsını vadesinde yani geçen Şubat-ı rûmînin yirmibirinci gününde te'diye edememiş olduğu hasebiyle mukâvele-i mezbûre ahkâmınca meblağ-ı mezbûr iki yüz lirâyı tamamen ve yekden talebe ve mezkûr sefîneyi maa edevât furûht ettirip esmân-ı hâsılasından tesviye-i deyne müvekkilinin salâhiyeti olduğuna binâen bu defa Dersaâdet'te Galata'da Şarap İskelesinde lenger-endâz bulunan mezkûr sefîneyi Meclis-i Bahriye kararıyla taht-ı hacze aldırarak sefer-i seyr ü hareketi men' ettirmiş olduğundan bahsile Galata'da mezkûr iskelede sefînesinde ikâmet etmekte bulunan medyûn Yordan Nikola'nın celbi ve muhâkemelerinin icrâsiyla hacz-i mezkûrun tasdîkini ve meblağ-ı mezbûr ikiyüz lirânın maa fâiz ve masârif-i muhâkeme merkûm Yordan'dan luzûm-ı tahsîlinin taht-ı hüküm ve karara alınmasını talep eylemiş olmağla ber mûceb-i istid'â icrâ-yı îcâbına himmet buyrulması cânib-i konsolatodan takrîr ve iltimâs olunur. 14 Mart [1]316.

410) (745) Beyoğlu'nda Tarlabası'nda Macar sokağında 34 numaralı hânedede sâkin İtalya devleti tebe'âsından Lorenzo Vacca geçende mezkûr sokakta devleti aliyye-i Osmâniye teb'asından bakkal Andrea Dirodorma ve Fransa teb'asından Jozeph Granye'nin huzurunda

Tersâne-i Amire amelesinden olup Kasımpaşa'da kahvehânelerde ikâmet eden Kürt Murat nâm kimesne bir miktar alacağı olduğunu bahâne ederek üzerine hucûm edip tehdît eylemiş olduğu cihetle merkûm emniyeti kalmamış idiğü beyânıyla merkûm Murad'ın (s.227) kefâlete rabtı zımnında îcâb-ı hâlin icrâsını kançılaryaya bi'l-murâcaa talep etmiş olmasıyla îfâ-yı muktezâsı husûsuna himmet buyrulması rica ve iltimâs olunur. 8 Mayıs [1]316.

411) (746) Galata'da Rozaryo oteli müste'ciri İtalya devleti tebe'âsından madam Maria Regli tarafından konsolatoya i'tâ kılınan arzuhalde alafranga işbu Mayısın yedinci gecesi saat onbir râddelerinde mezbûrenin mahdûmu Marco nâm kimesne mezkûr otelden çıkarak diğër bir mahalde bir madam ile görüşmekte iken zikrolunan otelin kapısı açık bulunup polis memurlarından Konyalı Mehmed Efendi ile diğër birisi sâlifü'z-zikr otele girip otel sahibi kim olduğu suâl etmişler ve bu esnâda merkûm Marco avdet ederek otel müste'ciri kendisi olduğunu ifâde etmesi üzerine karakola götürceklerini beyân etmişler ise de gitmekten imtinâ' eylediğü cihetle merkûm Marco'ya iki tokat [v]urup cebren götürmek istemişler ve o sırada mezbûre gelerek ne için götürmek istediklerini istifsâr etmesiyle mûmâileyh Mehmed Efendi hâmil olduğu kama ile merkûmeyi kolundan cerh etmiş (1)⁸ halbuki beyândan mustağni olduğu üzere umûm ahâlînin te'mîn-i istirahatı memûrîn-i zâbitanın vazife-i esâsiyesinden bulunduğu halde mûmâileyhin icrâ-yı memûriyet hâlinde irtikâb ettiğü şu hâl sıfat-ı memûriyetle kâbil-i tevfiğ olamayacağı gibi nezd-i âlî-i atûfîlerinde dahi tecvîz buyrulamayacağından bunun idâreten te'dibi için memûriyetten tardı husûsuna himmet buyrulması talep ve iltimâs olunur. 13 Mayıs [1]316.

(s.228) 412) (747) (Sâhibi tarafından hâriçte tanzîm ettirilmiştir).Pariste mahall-i ikâmeti bulunan müteveffâ kont Avram de Camando veresesı Dersaâdet vekîli mösyö Leon Piperno tarafından cânib-i ceneral konsolatoya takdîm olunan arzuhalde Dersaâdet Birinci Dâire-i Belediye dahilinde Hacı Küçük mahallesinde Mahmudpaşa caddesinde vâki yetmişbir, yetmişüç, yetmiş yedi, yetmiş dokuz, seksenbir, seksenüç, seksen beş, seksen yedi, seksen dokuz doksanbir, doksantüç, doksan beş, doksan yedi, doksan dokuz, yüzonaltı ve Cami sokağında vâki seksen, sekseniki, seksendört, seksen altı, seksen sekiz, doksan, doksaniki, doksan altı, doksan sekiz, yüz numaralı mağazalarından dolayı mezkûr sokakların kaldırımı için Şehremânet-i celîlesi tarafından yüziki lirâ-yı Osmânî talep olunmakta ise de resm-i mezkûr i'lân olunmuş bir kanuna mübtenî olmadığı gibi hadd-i zâtında emlak vergisi addolunamayacağından bu hususta hukûmet-i seniyye ile İtalya hukûmeti beyninde bir ittîfâk vucûda gelmedikçe İtalya devleti tebe'âsından istifâ olunamayacağından ve halbuki Şehremânet-i celîlesi tarafından mevcut olan kaldırımı bozmak ve nokta vaz'etmek gibi isti'mâl olunan tedâbir-i cebriye müteveffâ Camando veresesinin ziyân-ı küllîsini mucip olmasına ve efrencî 24 Mayıs 1900 tarihiyle protesto keşide edilmiş bulunmasına mebnî Şehremânet-i celîlesinin Birinci Mahkeme-i Ticârete celb ve muhâkeme-i aleniyelerinin bi'l-icrâ şimdiye kadar terettüp etmiş olan beş yüz lirâ-yı Osmânîden ibâret zarar ve

⁸ Bu dipnotun içeriğü metnin 232.sh'sinde 754 no'lu kayıta yer almaktadır. Bkz. bu metin 419 nolu kayıt.

ziyânının Emânet-i muşârunileyhâdan tahsîline karar verilmesi talep ve istid'a olunmuş olmağla icrâ-yı îcâbı husûsuna himmet buyrulması iltimâs ve takrîr olunur. 18 Mayıs [1]316.

413) (748) İtalya devleti tebe'âsından Carlo Bofe tarafından cânib-i konsolatoya takdîm olunan arzuhalde Mahkeme-i Ticâret Birinci Meclisinden sâdır olup 22 Mayıs 316 tarihinde muâmele-i teblîgiyesi icrâ kılınan 19 Nisan 316 tarih ve 235 numaralı i'lâmı gıyâbî mûcebince Kızıltoprak'ta sâkin yaver-i ekrem-i hazret-i şehriyârî devletlû Fuâd Paşa hazretleri zimmetlerinde re'su'l-mâl olarak alacağı olan yirmiyedi aded Osmânî lirâsı ve kırkiki (s.229) kuruşun maa güzeste ve masârif-i muhâkeme ve sâire te'mîn-i tesviyesi için muşârunileyh hazretlerinin maâş-ı rub'unun taht-ı hacze alınarak ol-vechile i'lâm-ı mezkûr hükmünün icrâsı zımnında îcâb-ı hâlin icrâsına istid'â kılınmış olmağla îfâ-yı muktezâsı husûsuna himmet buyrulması iltimâs ve takrîr olunur. 25 Mayıs [1]316..

414) (749) İtalya devleti tebe'âsından terzi Paolo Parma kendi tarafından asâleten ve müteveffâ Domenico veledi Giovanni Lena veresesi tarafından vekâleten cânib-i konsolatoya takdîm eylediği arzuhalde Beyoğlu'nda Tepebaşı'nda 21 numarada mukîm Mabeyn-i Humâyûn cânib-i mulûkâne teşrîfâtçılarından atûfetlû Abdurrezzak Beyefendi hazretleri zimmetlerinde 105 lirâlık bir kıt'a bonodan mütebâki yetmiş beş aded lirâ-yı Osmânî alacağı olup ahzına muvaffak olamadığından bahsile muşârunileyh hazretlerinin Mahkeme-i Ticâret Birinci Meclisine celbiyle bi'l-muhâkeme meblağ-ı mezbûrun maa güzeste ve masârif-i muhâkeme ve ücret-i vekâlet tahsîli husûsunun taht-ı hükme alınması istid'a kılınmış olmağla icrâ-yı îcâbına himmet buyrulması iltimâs ve takrîr olunur. 26 Mayıs [1]316.

(s.230) 415) (750) (Sâhibi tarafından hâriçte tanzîm ettirilmiştir). İtalya devleti tebe'âsından Dersaadet'te Ayvansaray'da Arslan İskelesinde bilâ numaralı hânede sâkin Avram Mizrahi nâm tâcirin Hasköy'de Arabacılar sokağında bilâ numaralı hânede sâkin tebe'â-i devlet-i aliyyeden ve Musevî milletinden halı dokuyucusu İsak Grison veledi David zimmetinde bir kıt'a emre muharrer senet ve Mahkeme-i Ticâret Birinci Meclisinden verilen hükm-i gıyâbî mûcebince matlûbu bulunan yüz aded Osmânî lirâsının ve fâiz ve masârif-i muhâkemenin te'mîn-i istîfası için medyûn-ı merkûmun mezkûr hânesinde mevcûd nukûdu ve dokunulmuş ve dokunulmak üzere bulunan yün ve ipek halılarıyla ipek ve yün ipliği ve sâir kâbil-i hacz eşya-i zâyidesinden mezkûr yüz aded Osmânî lirâsı ve fâiz ve masârif-i muhâkemeye karşılık olmak üzere otuz aded lirâ ki cem'an yüz otuz aded Osmânî lirâsına kâfi mikdarının haczini istid'a eylediğinden ol-vechile haciz keyfiyetinin taht-ı karara alınması iltimâs olunur. 1 Haziran [1]316.

416) (751) İstanbul'da Gümrük ittisâlinde mukîm İtalya devleti tebe'âsından Emilio Boccardo nâm tâcir tarafından konsolatoya takdîm kılınan arzuhalde Beyoğlu'nda Cadde-i Kebîrde 210 numarada mukîm tebe'â-i devlet-i aliyyeden John Sıvacioğlu ve Fotio Sıvacioğlu ve Kostantin Sıvacioğlu ve Jorj Sıvacioğlu nâm akarcılar zimmetlerinde vadesi murûr etmiş

iki kıt'a bono mücebince yirmialtı lirâ ve merkûm John Sivacioğlu zimmetinde bir kıt'a mektûb ve vadesi hulûl etmiş olan beş kıt'a bono mücebince cihet-i kefâletten dolayı başkaca yüz elli adet lirâ ve otuz sekiz kuruş alacağı olduğundan bahsile mûmâileyhimin Mahkeme-i Ticâret Birinci Meclisine celbiyle bi'l-muhâkeme mebâliğ-i mezbûrenin maa gûzeşte ve masârif-i muhâkeme ve ücret-i vekâlet tahsîli husûsunun icrâ-yı muvakkatla taht-ı hükme alınması istid'â kılınmış olmağla icrâ-yı îcâbına himmet buyrulması iltimâs ve takrîr olunur. 6 Haziran [1]316.

(s.231) 417) (752) (Sâhibi tarafından hâriçte tanzîm ettirilmiştir). İtalya devleti tebe'âsından Dersââdet'te Ayvansaray'da Arslan İskelesinde yetmişyedi numaralı hânede sâkin Avram Mizrahi nâm tâcirin Hasköy'de Arabacılar sokağında bilâ numaralı hânede sâkin tebe'â-i devlet-i aliyyeden ve Musevî milletinden halı dokuyucusu İsak Grison veledi David zimmetinde bir kıt'a emre muharrer senet ve Mahkeme-i Ticâret Birinci Meclisinden verilen hükm-i gıyâbî mücebince matlûbu bulunan yüz adet Osmânî lirâsının ve fâiz ve masârif-i muhâkemesinin te'mîn-i istîfası için medyûn-ı merkûmun mezkûr hânesinde mevcûd nukûdu ve dokunulmuş ve dokunulmak üzere bulunan yün ve ipek ve yün ipliği ve sâir kâbil-i hacz eşyâsından meblağ-ı mezbûr ve fâiz ve masârife kâfi yüz otuz lirâ miktarının hazine mahkeme-i mezbûrdan karar verilerek medyûn-ı merkûmun hitâma resîde olmakta bulunan iki adet ipek halısı ile eski bir adet yün halısı ve bir kıyye miktar ipeği hacz olduğundan medyûn-ı mûmâileyh İsak Grison'un celb ve muhâkeme-i mukteziyelerinin icrâsıyla hacz-i mevzûun tasdîkini ve masârif-i muhâkeme ve hacz ve ücret-i vekâletin tahsîli husûsunu istid'â eylediğinden ol-vechile keyfiyetin taht-ı karara alınması takrîr ve iltimâs olunur. 7 Haziran [1]316.

418) (753) İtalya devleti tebe'âsından Pascovale Palatti veledi Giovanni nâm kimesne konsolatoya takdîm eylediği arzuhalde geçende Beyoğlu'nda kâin Konkordiya derûnunda vâki Bartoli nâm birahânede bulunduğu sırada Bedirhân Paşazâde sabık Malta Şehbenderi izzetlû Faik Bey mezkûr birahânade meşrûbât esmânından dolayı garson ile munâzaa etmekte iken bilâ sebep başından baston ile cerh eylemiş olduğundan ve işbu iddiâsı esnâ-yı muhâkemede beyân edeceği zevâtın şehâdetleriyle sâbit olacağından bahsile hakkında nizâmen lâzım gelen muâmelenin icrâsıyla masârif-i cerrâhiyenin tahsîli zımnında îcâb-ı halin icrâsı istid'â kılınmış olmağla îfâ-yı muktezasına himmet buyrulması iltimâs ve takrîr olunur. 8 Haziran [1]316.

(s.232) 419) (754) İşbu takrîr 17 Mayıs 316 tarihli madam Mariya Rekel hakkında yazılan takrîrden tasarruf edilmiştir.

(1) olduğundan ve işbu vak'a bâlâda isimleri muharrer kesânın şehâdetleriyle sâbit olacağından ve bu bâbdaki evrâk-ı tahkîkiyenin de 29 Nisan 316 tarihinde Beyoğlu Bidâyet Mahkemesi Müddeiumûmilîğine havâle olunmuş idiğünden bahsile mûmâileyh Mehmed Efendinin serîan bi'l-muhâkeme hakkında nizâmen lâzım gelen muâmelenin îfâsıyla

hukûk-ı şahsiyesinin tahsîli zımnında icâb-ı hâlin icrâsı istid'a kılınmış olmağla icrâ-yı icâbına himmet buyrulması iltimâs ve takrîr olunur. 12 Haziran [1]316.

420) (755) İtalya devleti tebe'âsından madenci Giovanni Boski tarafından cânib-i konsolatoya takdîm edilen arzuhalde Dersaâdet'te Çakmakçılarda bilâ numarada mukîm tebe'â-i devlet-i aliyyeden Cebazâde Salih Remzi Efendiye karzen vermiş olduğu sekiz Osmânî lirâsının ahzına muvaffak olamadığından bahsile medyûn-ı mûmâileyh Salih Remzi Efendinin Mahkeme-i Ticâret Birinci Meclisine celbiyle meblağ-ı mezbûrun maa fâiz ve masârif-i muhâkeme ve zarar ve ziyân tahsîli husûsunun taht-ı hükme alınması zımnında icâb-ı hâlin icrâsı istid'a kılınmış olmağla ifâ-yı muktezasına himmet buyrulması iltimâs ve takrîr olunur. 20 Haziran [1]316.

421) (756) (Sâhibi tarafından hâriçte tanzîm ettirilmiştir). Beyoğlu'nda mukîm İtalya devleti tebe'âsından Lorenzo Bartolemeo'nun cânib-i konsolatoya takdîm ettiği arzuhalde Beyoğlu'nda Cadde-i Kebîrde 348 numaralı mağazada mukîm tebe'â-i devlet-i aliyyeden "George ve Jean Deri Luci Birâderler ve Şurekâsı" unvânıyla icrâ-yı ticâret eden George ve Jean Deri Luci'ye 28 Mart 1899 tarihinden 6 Kanunisânî 1900 tarihine kadar olan müddet zarfında mûmâileyhâ birâderler imzalarıyla mumzâ cetvelde tadâd olunduğu vechile tevârih-i muhtelifede mütenevvi ve muhtelifü'l-cins ve yirmialtının yediyüz yetmişdört kuruş kıymetindeki eşyâ emâneten kendi hesabına furûht olunmak şartıyla teslîm ve tevdi edip muahharan mûmâileyhimânın iflâsına (s.233) Ticaret-i Bahriye Mahkemesince karar verilmesi cihetiyle eşyâ-yı mezkûrenin redd u iâdesini talep eylemiş ise de keyfiyet mahkeme-i âidesine havâle edilmiş olup emâneten teslîm olunan ve müflislerin mağazasında mevcût bulunduğu sindiklerin tanzîm ettikleri resmi rapordan mustebân olan eşyânın Ticâret Kanunnâme-i Humayûnunun 231.maddesi mücebine aynen iâdesini talebe hakkı olduğundan bahsile eşyâ-yı mezkûrenin redd u iâdesine müstereken ve müteselsilen hasbe's-sıfat mahkûm olmak üzere müflisân-ı merkûmânın sindikleri Beyoğlu'nda Tünel hânında mukîm dava vekîli Sezar Bone Galata'da Küçük Millet hânında mukîm dava vekîli Sokrati Antonyadi ile Ticâret-i Bahriye Mahkemesi ketebesinden izzetlû Eşref Efendinin Mahkeme-i Ticâret Birinci Meclisine celbiyle mezkûr eşyânın aynen iâdesinin adem-i imkânı takdir[in]de kıymetinin maa fâiz imtiyâzlı sûrette tahsîli zımnında icâb-ı hâlin icrâsını istid'a eylemiş olmağla icrâ-yı icâbına himmet buyrulması iltimâs ve takrîr olunur. 8 Temmuz [1]316.

422) (557) İtalya devleti tebe'âsından Ocaro Lance geçen Çeharşenbe günü nısfü'l-leyl'den sonra Konkordiya tiyatrosundan çıkıp Tepebaşı Bahçesi tiyatrosu makinistlerinden ve İtalya devleti tebe'âsından Berti ve Konkordiya Tiyatrosu aktörlerinden Petro Danderya ile berâber Beyoğlu Küçük Parmakkapı'ya geldikleri sırada polis memurlarından Giritli Hasan Efendi kendilerini yüksek ses ile konuşmalarından dolayı derdest ederek darp ile üzerinde bulunan saati ile iki lirâ kıymetindeki bir aded madalyonu almış ve ertesi gün

kançılara tarafından vukûbulan talep üzerine saati verilmiş ise de mezkûr madalyon henüz iâde kılınmamış idiğünden bahsile zikrolunan madalyonun ya aynen veyahut bedelen tesviye ile mûmâileyh hakkında dahi nizâmen lâzım gelen muâmelenin icrâsı zımında icâb-ı halin îfâsı istid'â kılınmış olmağla îfâ-yı muktezâsı husûsuna himmet buyrulması iltimâs ve takrîr olunur. 10 Temmuz [1]316.

(s.234) 423) (558) İtalya devleti tebe'âsından Cotilda Vitalis kadın tarafından konsolatoya takdîm edilen arzuhalde Şişli'de Kâğıthâne caddesinde istîcâr eylediği hâneye şehir-i hâlin onuncu Pazarertesi günü mahalli polis komiseri gelerek eşyâsını sokağa atmış ve muahharan karakola aldırılmış ve halbuki kendisi mezkûr hâneyi mutasarrıfından bâ-konturato istîcâr ve üç mâhlık icârî ile tenzîfât akçesini te'diye etmiş olduğundan bahsile mezkûr eşyâsının hânesine iâdesiyle berâber mûmâileyh komiser efendi hakkında nizâmen mucâzât-ı lâzıme icrâsı zımında iktizâ-yı hâlin îfâsı istid'â kılınmış olmağla icrâ-yı icâbına himmet buyrulması iltimâs ve takrîr olunur. 10 Temmuz [1]316.

424) (559) Beyoğlu'nda Timoni sokağında üç numaralı dükkânda mukîm İtalya devleti tebe'âsından Antonio Desanetti tarafından cânib-i konsolatoya takdîm edilen arzuhalde mezkûr dükkânda muskirât furûht etmek üzere lâzım gelen zecriye tezkeresinin i'tâsı zımında icâb-ı hâlin icrâsı istid'â kılınmış olmağla icrâ-yı icâbıyla iktizâ eden tezkerenin merkûma i'tâsı husûsuna himmet buyrulması temennî ve iltimâs olunur. 20 Temmuz [1]316.

425) (560) Taksim'de Mezarlık sokağında 29 numaralı hânede sâkin İtalya devleti tebe'âsından Giovannî Leonari veledi Georgi tarafından cânib-i konsolatoya takdîm edilen arzuhalde mahall-i mezkûr tulumbacılarından Kürt Hasan ötedenberi tesâdüf ettiği mahallerde kendisine bir takım tefevvuhât ve itâle-i lisânda bulunmakta olmasından nâşî artık memurîn-i zabıtaya murâcaat edeceğine beyân etmesi üzerine mahall-i mezkûrda 16 numaralı dükkânda mukîm berber Ahmet üzerine hucûm ve tokat ve yumruk ile darb ve itâle-i lisân etmiş ve o sırada merkûm Ahmedin diğer rufekâsı dahi gelerek kendisini katl etmek üzere cebren Ahur sokağına götürmek istemişler ise de ol esnâda diğer bir zât yeti-şerek merkûmların elinden tahlîs eylemiş ve güç hal hânesine gidebilmiş olup (s.235) şimdi ise merkûmânın oralarda bulunmasından nâşî hânesine gidip gelmeğe cesaret edememekte bulunmuş olduğundan ve işbu vak'a mezkûr Mezarlık sokağında 31 numarada mukîm bakkal Dimitri ve mahall-i mezkûrda merkûm Ahmed'in dükkânı ittisâlindeki dükkânda mukîm bakkal Eftimi ve sâirenin şehâdetleriyle sâbit olacağından bahsile merkûmûnun kefâlete rabtıyla berâber haklarında nizâmen mucâzât-ı lâzıme icrâsı zımında icâb-ı halin icrâsı istid'â kılınmış olmağla îfâ-yı muktezâsı husûsuna himmet buyrulması iltimâs ve takrîr olunur. 26 Temmuz [1]316.

426) (561) (Sâhibi tarafından hâriçte tanzîm ettirilmiştir). İtalya devleti tebe'âsından Mîlan şehrinde mukîm L.Ağrati ve Kumpanyası vekîli Galata'da Vitalis hânında mukîm dava

vekîllerinden mösyö Adolph Rosenthal'ın cânib-i ceneral konsolatoya takdîm eylediği arzuhalde müvekkilinin İran devleti tebe'âsından İstanbul'da Vâlîde hanında ellidokuz numaralı mağazada mukîm tüccârdan Hacı İsmail Tahranî zimmetinde vadesi munkazî olmuş bir kıt'a senet mücebince matlûbu olan ikibin altıyüz seksen frankın tahsiline muvaffak olamadığından bahsile merkûmun ale'l-usûl Mahkeme-i Ticâret Birinci Meclisine celbiyle bi'l-muhâkeme meblağ-ı mezbûrun maa fâiz ve masârif-i muhâkeme ve ücret-i vekâlet merkûmûndan tahsîli husûsunun taht-ı karara alınması talep ve istid'a edilmiş olmağla ber müceb-i istid'a icrâ-yı icâbı cânib-i ceneral konsolatodan iltimâs ve takrîr olunur. 3 Ağustos [1]316.

427) (562) Şişhâne karakolu civarında Yeniyol sokağında Malkolyan hânında 1 numaralı apartmanda mukîm İtalya devleti tebe'âsından Vitalî Modiano tarafından cânib-i konsolatoya takdîm olunan arzuhalde mezkûr hânın kapıcısı Ali nâm kimesne kendisiyle zevcesine itâle-i lisânda bulunarak darb edeceğini beyân eylemiş ve o sırada merkûm Malkolyan dahi hâzır bulunduğu halde merkûm Ali'yi böyle muâmele-i gayr-ı layika icrâsından men' eylememiş olduğundan bahsile ileride hukûk-ı şahsiyelerini talep etmek hakkı bâki kalmak üzere şimdilik merkûm Ali'nin kefâlet-i kaviyyeye rabtı zımında icâb-ı hâlin icrâsı istid'a kılınmış olmağla icrâ-yı icâbına himmet buyrulması iltimâs ve takrîr olunur. 9 Ağustos [1]316.

(s.236) 428) (563) Rusûmât Emânet-i Celîlesi Cânib-i Alîsine: İtalya devleti tebe'âsından Astor Lezzi kapudanın kumandasında olarak 15 Teşrinisânî 314 tarihinde Dersaâdet'ten hareket eden Paolo Bozelli nâm seffinenin ne hamûle ile buradan hareket eylemiştir ve mahall-i maksûdu neresidir ve hangi mahalden ne tarihinde buraya gelmiştir ve Dersaâdet'te ne gibi ticâret muâmelesi icrâ etmiştir ve kaç tonlato cesâmetindedir buralarının bilinmesine luzûm görülmüş olduğundan bu bâbda bir kıt'a şehadetnâmenin tanzîm ve i'tâ buyrulması temennî ve iltimâs olunur. 17 Ağustos [1]316.

429) (564) Beyoğlu Bidâyet Mahkemesi Birinci Hukûk Dâiresi Riyâset-i Behiyyesine: İstihkâk davasından dolayı Dersaâdet İtalya kançılaryası mahkemesinden sâdır olup sûreti leffen irsâl kılınan 5 Haziran 1900 tarih ve yirmi numaralı i'lâm hükmünün vacibü'l-icrâ olduğunun mezkûr sûrete şerh verilmesi zımında icâb-ı hâlin icrâsı temennî ve iltimâs olunur. 17 Ağustos [1]316.

430) (565) Mahkeme-i Ticâret İcrâ Memûriyet-i Aliyyesine: İtalya'da kâin Verona şehri mahkemesinden bi'l-vurûd leffen irsâl kılınan celbnâmenin Mahkeme-i Ticâret İcrâ Dairesi marifetiyle Dersaâdet'te mukîm tebe'â-i devlet-i aliyyeden Giovanni Sakelaridi nâm kimesneye tebliğ ettirilerek mumzâ nushasının iâdesi zımında icâb-ı hâlin icrâsı husûsuna himmet buyrulması iltimâs olunur. 21 Ağustos [1]316.

(s.237) 431) (566) (Sâhibi tarafından hâriçte tanzîm ettirilmiştir). İtalya devleti tebe'âsından Galata'da Havyar hânında 71 numarada mukîm komisyoncu mösyö Jack Cobeka tarafın-

dan cânib-i konsolatoya verilen istid'ada tebe'â-i devlet-i aliyyeden ve ashâb-ı akârdan Beyoğlu'nda Şişli sokağında 11 numaralı hânede sâkin Aslangilyan Coze Ağadan kendi nâmına ciro edilmiş senedâttan şimdiye kadar vadeleri hulûl etmiş olan üç kıt'a emre muharrer senet mücebine matlûbu olan doksandört lirâ-yı Osmânî ile bunun fâiz ve masârif-i muhâkeme ve ücret-i vekâlet ve sâiresinin te'mîn-i istîfası zımında mûmâileyh Aslangilyan Coze Ağa'nın Beyoğlu'nda Misk sokağında 19 numara ile mutasarıf olduğu bir bâb hânesini taht-ı hacze aldirmek talep ve iddiasında bulunmuş olduğundan mahkeme-i aliyyelerince tahakkuk edecek hâle göre işbu hacz-i ihtiyâtinin kabulüyle haciznâmenin bir sûretinin dâire-i âidesine tebliğ edilmek üzere Defter-i Hakanî Nezâret-i celîlesine bir nushasının medyûn-ı merkûm Coze Ağa'ya bir sûretinin dâyin-i merkûm mösyö Jack Cobekaya tebliğiyle işbu takrîrin dahi mahkeme-i aliyyelerinde hıfzı iltimâs olunur. 23 Ağustos [1]316.

432) (567) Adalar Kazası Kâimmakâmılığına: İtalya devleti tebe'âsından mültezim Philippo Rekke tarafından cânib-i konsolatoya takdîm edilen arzuhalde Dersaâdet limanı için taş ihrâç edecek amelesi iskân etmek üzere Kınalı adada inşâ ettirmiş olduğu beş aded barakası oradaki manastırda bulunan baş papası Yani nâm kimesne bi-gayr-i hakkın zabt edip derûnlarına kendi amelesini vaz' eylemiş olduğundan bahsile icrâ-yı icâbı istid'a olunmuş ve merkûm papasın hareket-i vakıası ise gayr-ı câiz bulunmuş idiğünden müdahale-i vâkıanın men'iyile mezkûr barakaların mûmâileyh Philippo'ya teslîmi zımında himem-i behiyyelerinin masrûf buyrulmasını İtalya devletinin Dersaâdet ceneral konsolosu ricâ ve iltimâs eder. 27 Ağustos [1]316.

(s.238) 433) (568) Mahkeme-i Ticâret İcrâ Memûriyet-i Aliyyesine: İtalya devletinin Dersaâdet Hastahânesi İdâresinin mukaddema devlet-i müşârûnileyhâ tebe'âsından olup el-yevm tebe'â-i devlet-i aliyyeden bulunan Refaele Şakka nâm kimesne zimmetinde matlûbu olan 275 frank yetmişbeş santimin masârif-i muhâkemesi bulunan 15 frank 15 santimle berâber merkûm Refaele Şakka'dan tahsîline dâir Dersaâdet İtalya kaçılarıyası mahkemesinden verilip vacibu'l-icrâ olduğu ol-bâbda Beyoğlu Bidâyet Mahkemesi Birinci Hukuk Dâiresine yazılan takrîr zîrine muharrer derkenarda tasdîk olunan i'lâm sûretinin mezkûr takrîr ile maan ve leffen taraf-ı vâlâlarına irsâl kılınmış olmağla zikrolunan i'lam hükmünün icrâsı zımında icâb-ı hâlin ifası husûsuna himmet buyrulması iltimâs olunur. 27 Ağustos [1]316.

434) (569) (Sâhibi tarafından hâriçte tanzîm ettirilmiştir). Galata'da Havyar hânında 71 numaralı odada mukîm komisyoncu mösyö Jack Cobeka tarafından konsolato cânibine verilen istid'ada Beyoğlu'nda Şişli sokağında 11 numaralı hânede sâkin tebe'â-i devlet-i aliyyeden ve ashâb-ı akârdan Aslangilyân Coze Ağa zimmetinde emre muharrer çend kıt'a senedâttan vadeleri hulûl etmiş olan üç kıt'a senet mücebine doksandört lirâ-yı Osmânî matlûbu olup medyûnun i'tâsından imtinâ' eylediğini ifâde eylemiş olduğundan

mûmâileyh Coze Ağanın mahkeme-i aliyyelerine celbiyle meblağ-ı mezbûrun maa güzeşte ve masârif-i muhâkeme ve ücret-i vekâlet ve sâire icrâ-yı muvakkat kararıyla berâber taht-ı hükme alınması iltimâs olunur. []

(s.239) 435) (570) (Sâhibi tarafından hâriçte tanzîm ettirilmiştir). Galatada Havyar hanında 71 numaralı odada mukîm kömisyöncü mösyö Jak Cobeka tarafından konsolato cânibine verilen istid'âda Beyoğlu'nda Şişli sokağında 11 numaralı hânede sâkin tebe'â-i devlet-i aliyyeden ve ashâb-ı akârdan Aslangilyân Coze Ağa zimmetinde emre muharrer senedâtan vadeleri hulûl etmiş olan üç kıt'a senet mücebince matlûbu olan doksandört lirâ-yı Osmânînin te'mîn-i istifâsı zımnında takdîm etmiş olduğu istid'a mücebince medyûn-ı mûmâileyhin Misk sokağında 19 numara ile murakkam mutasarrıf olduğu bir bâb hânesini 24 Ağustos 313 tarihiyle taht-ı hacze aldırması olduğundan mûmâileyh Aslangilyân Coze Ağa'nın mahkeme-i aliyyelerine celbiyle mezkûr haczin tasdîki husûsıyla bu bâbda vukûbulacak güzeşte ve masârif-i muhâkeme ve ücret-i vekâlet ve sâirenin taht-ı hükme alınması ve verilecek hükmün muvakkatan icrâsı iltimâs olunur. 29 Ağustos [1]316.

436) (571) Haydarpaşa'da Yel Değirmeni mahallesinde Acemyan nâm kimesnenin hânesinde mukîm İtalya devleti tebe'âsından sarrâf Joseph Levi tarafından cânib-i konsolatoya i'tâ kılınan arzuhalde geçen Cuma günü saat o[n]bir raddelerinde zevcesi madam Mamaz Altof ve çocukları madam Rachael Pardoroksi matmazel Ayde Capriolo ve matmazel Victoria Silvestro ile berâber cümlesi tenezzühden hânelerine avdet etmekte iken Kadıkaryesinde Yoğurtçu Çeşmesi mahallesine geldikleri sırada bir takım İslam çocukları kendisinin mahdûmunun elinde bulunan uçurtmayı almağa teşebbüs ettikleri esnâda kendisi men' etmek istemiş ise de merkûmün çocuklar mahdûmunu kamçı ile darp etmişler ve o sırada kerimesi matmazel Ayde çocukların oradan gitmesi için şemsiyesini kaldırması üzerine çocuklar tarafından edilen feryada binâen mahalleden iki kadın gelip mahdûmuyla kerimesini darb etmişler ve ol-vakit Kadıkaryesinde (s.240) kantarcılık eden Küpeli Mahmud nâm şahıs gelip kadınlara hitâben siz oradan çekiliniz ben anların hakkından gelirim deyip üzerilerine hucûm ile kendisi ve zevcesi ile kerîmeleri Ester Valizeyi şiddetle darp etmiş ve hatta zevcesini boynundan tutup yere yatırmış olduğu gibi gerek şahs-ı merkûm ile mezkûr iki kadın gerek zikrolunan çocuklar nâmusu muhil tefevvuhâtta bulunduktan başka mezkûr çocuklar üzerlerine taş atmışlar ve işbu taşlardan mahdûmu Moiz karnından cerîhadar olarak nihayet oradan geçmekte bulunan bir polis efendi ile kanun memûrlarından bir zât yetişip munâzaayı men' eylemişler ve cerîhadar olan mahdûmunun Üsküdar'da zâbita tabîbi tarafından muâyenesi icrâ kılınmış olduğundan ve işbu vak'ayı madam Parderoksi ve matmazel Ayde Capriolo ile matmazel Victoria Silvestro ve zevât-ı sâire müşâhade eylemiş olduğundan bahsile merkûmün çocuklar ile akrabasının ve merkûm Mahmud'un ve mezkûr iki kadının haklarında nizâmen lâzım gelen muâmelenin icrâsı ile merkûm Mahmud'un kefâlete rabtı zımnında îcâb-ı halin icrâsı istid'â kılınmış olmağla ifâ-yı muktezâsına himmet buyrulması iltimâs olunur. 30 Ağustos [1]316.

437) (572) İtalya devleti tebe'âsından Dersaâdet'te Galata'da Saatçi hânında mukîm sâhib-i akârdan mösyö Tom Z. Copi[ni] tarafından cânib-i konsolatoya takdîm edilen bir kıt'a istid'ada Devlet-i Osmâniye tebe'âsından Kadıköyü'nde Mühürdarda 61 numarada mukîm mösyö Mıgırdıç Haçaduryan gûya bilahare rü'yet-i muhâsebe edildikten sonra mahsûbu icrâ kılınmak şartıyla kendisine ale'l-hesâb verilmek üzere mösyö Aristidi Copini'ye ikibin dört yüz yirmi Osmânî lirâsı vermiş olduğu halde rü'yet-i muhâsebeye muhâlefet gösterdiği cihetle meblağ-ı mezbûrdan bâki alacağı kalan binsekiz yüz doksaniki lirâsının te'diyesi zımnında aleyhine mahkeme-i aliyeleri huzurunda mûmâileyh mösyö Mıgırdıç Haçaduryan tarafından ikâme-i dava edilmiş ise de iddiâ-yı vâkıanın aslı ve esası olmadığı ve mösyö Copini meblağ-ı mezbûr ikibindört yüz yirmi lirâyı mösyö Mıgırdıç Haçaduryan hesâbına kendisine te'diye eylediği sırada bunun bilâ şart Sultan Çayırında kâin Borasit meadini muâmelâtına etmiş olduğu muâvenete mukabil kendisine ücret olmak üzere sûret-i kat'iyede te'diye edildiği mûmâileyh mösyö Copini cânibinden tarafına sarâhaten teblîğ kılındığı cihetle işbu teblîğâtını huzûr-ı mahkemede dahî tasdîk ve ispat eylemek ve edemediği halde Mıgırdıç Haçaduryan tarafından aleyhine ikâme edilen davanın neticesinden mes'ûl tutulmak üzere Dersaâdet'te Galata'da Gül Kamando hânında mukîm banker Fransız tebe'âsından mûmâileyh mösyö Aristidi dahi şahs-ı sâlis sıfatıyla mahkeme-i aliyeleri huzurunda Mıgırdıç Haçaduryan ile derdest-i rü'yet bulunan davasına dahil edilmesi husûsu istid'â kılınmış olmağla ber mûceb-i istid'â icrâ-yı îcâbı iltimâs olunur. 31 Ağustos [1]316.

(s.241) 438) (573) Galata'da Lüleci Hendek caddesinde kâin Fransız mektebinde işçi başı İtalya devleti tebe'âsından Giuseppe Nekri geçende oradan geçmekte bulunan karpuzcudan karpuz almakta iken mahall-i mezkûr tulumbacılarından İnce Arap ile tulumbacı onbaşı Nesib kendisini darb ve tehdîd eylemiş ve bunların refiki tulumbacı Dikran dahi zevcesine itâle-i lisânda bulunmuş ve o sırada gelen polis efendi merkûmûnun su-i hallerine mebni ileride İtalyalı-yı merkûma bir fenalık etmemeleri için yalnız munâzaa-yı men' ile iktifâ eylemiş ve işbu vak'ayı mahall-i mezkûrda kahveci Sotri Caneleto ve attar Diponzi Di Topolo ve [...] Toto kahvesinde mukîm Tarabyalı Kosta muşâhade eylemiş olduğundan bahsile merkûmûn tulumbacıların keflele rabtıyla berâber haklarında muâmele-i kanûniyenin icrâsı zımnında îcâb-ı hâlin îfâsı istid'â kılınmış olmağla îfâ-yı muktezâsına himmet buyrulması iltimâs olunur. 7 Eylül [1]316.

439) (574) (Sâhibi tarafından hâricte tanzîm ettirilmiştir). İtalya devleti tebe'âsından Beyoğlu'nda Mektep sokağında mukîm madam Katina Erdokiyo tarafından cânib-i konsolatoya takdîm eylediği istid'âda tebe'â-i devlet-i aliyyeden Tatabla'da Hazine arkasında 20 numaralı hânede sâkin bahriye terzi müteahhidi Vasilaki Yokecidi zimmetinde vadesi murûr etmiş senet mantukunca matlûbu olan iki yüz otuz aded lirâ-yı Osmânînin ahzına destres olamadığından merkûm Vasilaki'nin Mahkeme-i Ticâret Birinci Meclisine celbi ve muhâkemelerinin icrâsıyla matlûbât-ı vakıasının maa güzeste ve masârif-i muhâkeme ve ücret-i vekâlet tahsîli husûsunu[n] i'lâma rabtını İtalyalı-yı merkume Katina talep etmiş

olmağla ber müceb-i takrîr icrâ-yı îcâbı cânib-i konsolatodan talep ve iltimâs olunur. 9 Eylül [1]316.

(s.242) 440) (575) (Sâhibi tarafından hâriçte tanzîm ettirilmiştir). İtalya devleti tebe'âsından Beyoğlu Cadde-i Kebîrinde 373 numaralı hânede mukîm komisyoncu mösyö Emil Boccardo tarafından cânib-i konsolatoya takdîm kılınan istid'ânâmede tebe'â-i devlet-i aliyyeden Beyoğlu Hamalbaş sokağında 22 numaralı hânede sâkin Ahilef Pistof zevcesi İreni binti İlia zimmetinde târih-i senetten itibâren üç taksitte te'diye olunmak üzere bâ-senet matlûbu olan yüz elli aded lirâ-yı Osmânî'den iki taksiti olan yüz lirânın zaman-ı te'diyesi hulûl etmiş olduğundan meblağ-ı mezkûr yüz lirâ ile tarih-i senetten guzerân eden yirmialtı aylık güzeste-i nizâmisi olan otuz lirâ ki cem'ân yüz otuz aded lirâ-yı Osmânî'nin esas madde hakkında mahkeme-i âidesince hükm-i kat'inin sudûruna değin te'mîni zımnında medyûne-i merkûmenin mutasarrıfı olduğu Beyoğlu'nda Güllük sokağında 18 numaralı bir bâb hânesinin taht-ı hacze aldırılması talep ve istirhâm olunmuş olmağla ber müceb-i talep haczin ve teblîğât-ı lâzîminin icrâsı iltimâs olunur. 12 Eylül [1]316.

441) (576) Beyoğlu'nda Ağa Camii Şerifi sokağında sâkin İtalya devleti tebe'âsından Giovanino De Santes tarafından cânib-i konsolatoya takdîm edilen arzuhalde şehri hâlin altıncı Çeharşenbe günü mahall-i mezkûrda bulunan kahvehânede kumar oynâmakta olan karındaşı hânesine getirmek üzere mezkûr kahvehâneye giderek vaki' nesayihini karındaşı işğâ etmemesinden dolayı merkûm karındaşına iki tokat urmuş ve o sırada oradan geçmekte bulunan devriye kolu efrâdından ve asâkir-i şâhânedan Ömer ve Jandarma Mustafa ve Hüseyin Çavuş gelerek kendisini derdest ile karakolhâneye götürerek merkûmün tarafından darb edilmiş ve işbu vak'ayı mezkûr Câmii Şerif sokağında 50 numaralı hânede mukîm terzi Koço ve sütçü Nikola Okinaki ve Tersâne-i Amire amelesinden Mateo Perelorenco ve mahall-i mezkûrda Mevlevihâne sokağında 90 numarada sâkin balıkçı İstavro ve polis memuru Mehmed Rıza Efendi müşâhade eylemiş olduğundan bahsile haklarında kanûnen lâzım gelen muâmelenin icrâsı zımnında îcâb-ı hâlin îfâsı istid'a kılınmış olmağla îfâ-yı muktezâsına himmet buyrulması iltimâs ve takrîr olunur. 16 Eylül [1]316.

(s.243) 442) (577) (Sâhibi tarafından hâriçte tanzîm ettirilmiştir). İtalya devleti tebe'âsından Beyoğlu'nda Cadde-i Kebirde 373 numaralı hânede mukîm komisyoncu mösyö Emil Boccardo tarafından cânib-i konsolatoya takdîm kılınan istid'anâmede tebe'â-i devlet-i aliyyeden Beyoğlu Hamalbaş sokağında 22 numaralı hânede sâkin Ahilef Pistof zevcesi İreni binti İlia zimmetinde târih-i senetten itibâren üç taksitte te'diye olunmak üzere bâ-senet matlûbu olan yüz elli aded lirâ-yı Osmânî'den iki taksiti olan yüz lirânın zaman-ı te'diyesi hulûl etmiş olduğundan meblağ-ı mezbûr yüz lirâ ile târih-i senetten guzerân eden yirmialtı aylık güzeste-i nizâmisi olan otuz lirâ ki cem'ân yüz otuz aded lirâ-yı Osmânî'nin te'diyesinden imtinâ etmekte olduğundan merkûmenin Birinci Meclis-i Ticârete celbiyle muhâkemelerinin icrâsı ve meblağ-ı müddeabihin maa güzeste ve masârif-i muhâkeme ve

ücret-i vekâlet tahsîli talep ve istirhâm olunmuş olmağla ber müceb-i talep hüküm verilmesi iltimâs olunur. 19 Eylül [1]316.

443) (578) İtalya devleti tebe'âsından De Frade cânib-i konsolatoya takdîm eylediği arzuhalde Çekmecede vâki' taş ocağından Sirkeci iskelesine getirmiş olduğu kaldırım taşlarını kendi arabalarıyla diğer mahalle naklettireceği sırada mahall-i mezkûr arabacı esnâfi tarafından men' edilmiş olduğundan bahsile icrâ-yı îcâbı istid'â kılınmasına ve şu halin muğâyir-i nizâm ve emsâli bulunmasına nazaran sâlifü'z-zikr taşların İtalyalı-yı merkûmûn kendi arabalarıyla nakline musâade olunması zımnında lâzım gelenlere evâmîr-i mukteziye i'tâsı himem-i aliyye-i âsifânelerinden mütemennâdır efendim. [].

(s.244) 444) (579) (Sâhibi tarafından hâricte tanzîm ettirilmiştir). İtalya devleti tebe'âsından Beyoğlu Cadde-i Kebirinde 373 numaralı hânede mukîm komisyoncu mösyö Emil Boccardo tarafından cânib-i konsolatoya takdîm kılınan istid'anâmede tebe'â-i devlet-i aliyyeden Beyoğlu Hamalbaş sokağında 22 numaralı hânede sâkin Ahilef Pistof zevcesi İreni binti İlia zimmetinde târih-i senetten itibaren üç taksitte te'diye olunmak üzere bâ-senet matlûbu olan yüz elli aded lirâ-yı Osmânî'den iki taksiti olan yüz lirânın zaman-ı te'diyesi hulûl etmiş olduğundan meblağ-ı mezkûr yüz lirâ ile târih-i senetten güzerân eden yirmialtı aylık güzeşte-i nizâmiyesi olan otuz lirâ ki cem'ân yüz otuz aded lirâ-yı Osmânî'nin esas madde hakkında mahkeme-i âidesince hükm-i kat'îsinin sudûruna değin te'mîni zımnında medyûne-ı merkûmenin mutasarrıfı olduğu Beyoğlu'nda Güllük sokağında 18 numaralı hânesi Beyoğlu Birinci Hukuk Mahkemesi kararıyla taht-ı hacze aldırılmış olduğundan merkûmenin celbiyle muhâkememizin icrâsı ve hacz-i mevzûun tasdîkiyle masârif-i muhâkeme ve hacz ve ücret-i vekâletin medyûne-ı merkûmeye tahmîli talep ve istirhâm olunmuş olmağla ber müceb-i talep hüküm verilmesi iltimâs olunur. 20 Eylül [1]316.

445) (580) İtalya devleti tebe'âsından Cebe Cazaretto De Porçello tarafından cânib-i konsolatoya takdîm edilen arzuhalde kendi malı olarak geçende Rusçuk'tan vurûd eden ve ayak terlemesinin men'i için isti'mâl olunan iki sandık toz ile İtalyadan gelen ve leffen isbâl kılınan reçetede gösterilen otuz aded ufak şişe Epir Buyutite Maleşi'nin gümrükçe alıkonulmuş idiğünden bahsile icrâ-yı îcâbı istid'â kılınmış olmasıyla eczâ-ı mezkûrenin muâyene-i lâzimesinin icrâsıyla İtalyalı-yı mûmâileyhe teslimi ricâsı te'yîd-i muhâdenete vesîle ittihâz kılındı. 23 Eylül [1]316.

(s.245) 446) (581) İtalya devleti tebe'âsından terzi Povlo Parma kendi tarafından asaleten ve müteveffâ Domenico veledi Giovanni Lena veresesi tarafından vekâleten konsolatoya takdîm eylediği arzuhalde Mahkeme-i Ticâret Birinci Meclisi cânibinden i'tâ ve 29 Temmuz 316 tarihinde muâmele-i teblîğiyesi icrâ kılınan 18 Temmuz 316 tarih ve kırkaltı numaralı i'lâm-ı gıyabî mücebine Mabeyn-i Humâyûn-ı Cenâb-ı Mulûkâne teşrifâtçılarından olup Beyoğlu'nda Tepebaşında yirmibir numarada mukîm atûfetlû Abdurrezzâk Beyefendi hazret-

leri zimmetlerinde re'su'l-mâl olarak alacakları olan yetmiş beş aded lirâ-yı Osmânî'nin maa güzeşte ve masârif-i muhâkeme ve sâire te'mîn-i istîfâsı zımnında medyûn-ı muşârunileyhın maâş-ı rub'unun taht-ı hacze alınması zımnında îcâb-ı halin icrâsı istid'â kılınmış olmağla îfâ-yı muktezâsına himmet buyrulması iltimâs ve takrîr olunur. 26 Eylül [1]316.

447) (582) İtalya devleti tebe'âsından musika muallimi Pasqualea Anibala tarafından devlet-i muşârunileyhânın Dersaâdet sefîri asaletlû Beyefendi hazretlerine takdîm olunan arzuhalde yirmi gün mukaddem Makrikaryesi hukûmeti cânibinden bilâ sebep kendisi derdest olunarak el-yevm taht-ı tevkîfte bulunduğundan bahsile îcâb-ı hâlin icrâsı istid'â kılınmasına ve mûmâileyhin mukaddemce İtalya devletinin Sardunya nâm zırhlı sefînesinde mustahdem iken terk-i hizmetle Dersaâdete gelmiş ve hüsn-i hal ashabından bulunmuş olmasına ve bunun bi-gayr-ı hakkın tevkîf olunması muğâyir-i nizâm ve adalet bulunmasına binâen mûmâileyhin serîan tahliye-i sebîli ile kaçırlaryaya teslîmi zımnında mahalli hükûmetine evâmîr-i kat'îyye i'tâsı husûsuna himmet buyrulmasını devlet-i muşârunileyhânın Dersaâdet ceneral konsolosu temennî ve iltimâs eder. 1 Teşrinievvel [1]316.

(s.246) 448) (583) Beyoğlu Mutasarrıflığı Cânib-i Vâlâsına: Beyoğlu'nda Aynalı Çeşmede bir numaralı hânede mukîm İtalya devleti tebe'âsından Rosso Giuseppe Francesco'nun geçen efrencî Eylülün yirmüçüncü günü sayd u şikârdan avdetinde hâmil olduğu tüfengini kırkûç numaralı vagonda endaht eylemesinden dolayı Demiryollar Umûr-ı Zabıta Nizâm-nâmesi ahkâmınca beş aded Osmânî lirâsı cezâ-yı nakdî ile vagonun tavanına îras eylediği hasardan nâşî otuziki kuruş elli santimin mûmâileyhden tahsîli zımnında îcâb-ı hâlin icrâsı Şark Demiryolları Dersaâdet Kuleli Bergos kısmı komiserliğinin iş'ârına atfen vârid olan 28 Eylül 316 tarihli tezkere-i saâdetlerinde iş'âr buyrulmuş ise de meblağ-ı mezbûrun tahsîli hakkında mahkeme-i âidesinden bir kıt'a i'lâm istihsâl edilmedikçe istîfâsı cihetine gidilmesi uyamayacağından beyân-ı keyfiyete ibtidâr kılındı. 5 Teşrinievvel [1]316.

449) (584) Küçükçekmecedeki Taşburnu ocağı müteahhitlerinden ve İtalya devleti tebe'âsından mösyö David Frata konsolatoya i'tâ eylediği arzuhalde kendi malı olan bir aded tüfengi tamîr ettirmek üzere hizmetinde bulunan Mesro Manas nâm kimesne ile tüfenkçiye göndermiş ise de esnâ-yı rahda Kumkapı zabıta memurları tarafından merkûm Mesro Manas derdest ve zikrolunan tüfenk dahi ahzolanarak Bâb-ı Vâlâ-yı Zabtiyeye teslîm edilmiş ve merkûm Manas muahharan salıverilmiş ise de tüfenk iâde kılınmamış olduğundan bahsile icrâ-yı icâbı istid'â olunmasına ve mûmâileyh mösyö David Frata'nın muteber ve ashâb-ı nâmustan bir zât idiği umûm nezdinde malum olmakla berâber mezkûr ocakta da muhafaza-ı nefis için marru'z-zikr tüfengin yanında bulunması taht-ı elzemiyette ve işbu tüfengin kendi malı bulunmasına nazaran îcâb-ı hâlin icrâsıyla marru'l-beyân tüfengin İtalyalı-yı mûmâileyhe teslîmi husûsuna himmet buyrulması ricâ ve iltimâs olunur. 10 Teşrinievvel [1]316.

(s.247) 450) (585) Beyoğlu'nda Balık sokağında 14 numaralı hânede sâkin İtalya devleti tebe'âsından Cezari Testa nâm kimesne tarafından cânib-i konsolatoya i'tâ edilen arzu-

halde geçen Pazarertesi gecesı Fransa sefârethânesi karşısında Latin çıkar sokağında kâin kendi idâresinde bulunan otelde hizmetçilik etmiş olan ve Beyoğlu'nda Papatya sokağında ikâmet eden tebe'a-i Yunaniyeden Anastas ve Devlet-i Aliyye-i Osmâniye tebe'asından Arnavut Covani nâm şahıslarla bir odada bulundukları sırada hizmetlerinden çıkarılmış olduklarından ve kendilerine teslim olunan eşyanın iâdesi talebinde bulunulmasından ve zâten bunların su-i ahlak ashâbından olmasından nâşî üzerine hucûm ile merkûmlardan Anastas ayağını sadrının üzerine basıp eli ile ağzını kapamış ve Covani dahi boğmak için bir ip ile boğazını sıkacağı esnâda mûmâileyh Cezare can havlı ile pencerenin camını şikest edip elinden mecrûh olarak vukubulan feryad-ı istimdâdkâranesi üzerine matbahta bulunan aşçı ile zabıta memurları yetişerek merkûmlar derdest olunmuş ve işbu vak'a esnâsında vücûdunun bazı mahalleri yaralanmış olduğundan bahsile merkûmların kefâlete rabtı ile berâber haklarında kanûnen kanunen lâzım gelen mucazâtın icrâsı zımnında icâb-ı hâlin îfâsı istid'â kılınmış olmasıyla îfâ-yı muktezâsı husûsuna himmet buyrulması ricâsı teyîd-i muhadenete vesîle ittihâz kılındı. 28 Teşrinievvel [1]316.

451) (586) İtalya devleti tebe'âsından Domenico Parma cânib-i konsolatoya i'tâ eylediği arzuhalde Üsküdar'da Açık Türbe sokağında 14 numaralı hânede mukîm Ali Paşa kerîmesi Ülfet Hanım zimmetinde iki kıt'a senet mûcebince alacağı olan ikiyüz altmış aded lirâ-yı Osmânînin ahzına muvaffak olamadığından bahsile mûmâileyhânın Mahkeme-i Ticâret Birinci Meclisine celbiyle meblağ-ı mezbûrun maa güzeste ve masârif-i muhâkeme ve ücret-i vekâlet tahsili husûsunun taht-ı hükme alınması zımnında icâb-ı hâlin icrâsı istid'â kılınmış olmağla îfâ-yı muktezasına himmet buyrulması iltimâs ve takrîr olunur. 28 Teşrinievvel [1]316.

(s.248) 452) (587) İtalya devleti tebe'âsından Av C Gallerini tarafından cânib-i konsolatoya i'tâ kılınan arzuhalde Mahkeme-i Ticâret Birinci Meclisinden sâdır olup üçyüz ondört senesinde muâmele-i teblîğiyesi icrâ kılınan bir kıt'a i'lâm mûcebince Kulekapısında Yazıcı sokağında Nahit Bey hânında mukîm Nahid Bey zimmetinde yüz kırk aded Osmânî lirâsı alacağı olup meblağ-ı mezbûra mahsûben geçen sene medyûn-ı mûmâileyh tarafından kırk aded lirâ-yı Osmânî te'diye olunmuş ise de mütebâkisinin henüz tesviye olunmamış idiğünden bahsile gayrı ez istîfa bâki kalan yüz aded lirânın maa güzeste ve masârif-i muhâkeme ve sâire te'mîn-i istîfası zımnında mûmâileyh Nâhid Beyin eşyâ ve mefruşâtının taht-ı hacze alınarak furûhtuyla i'lâm-ı mezkûr hükmünün icrâsı için icâb-ı hâlin îfâsı istid'â kılınmış olmağla ol-vechile îfâ-yı muktezâsına himmet buyrulması iltimâs ve takrîr olunur. 4 Teşrinisânî [1]316.

453) (588) İtalya devleti tebe'âsından terzi Paolo Parma ile müteveffâ Domenico veledi Giovanni Lena veresesinin Mahkeme-i Ticâret Birinci Meclisinden sâdır olan 13 Temmuz 313 tarih ve üçyüz sekiz numaralı i'lâm-ı gıyâbî mûcebince Selânik vâli-i sâbıkı olup el-yevm Muhacirîn Komisyon-ı Alîsi reisi bulunan devletlû Rıza Paşa hazretleri zimmet-

lerinde alacakları olan yüz seksenyedi aded Osmânî lirâsının tesviyesi için muşârunileyh hazretlerinin maâş-ı rub'unun taht-ı hacze alınması 5 Ağustos 313 tarihli takrîr ile talep ve iltimâs olunmuş idi bu kerre mûmâileyh Paolo Parmanın kendi tarafından asâleten ve verese-i merkûme tarafından vekâleten konsolatoya takdîm eylediği arzuhalde mezkûr yüzseksen yedi lirâdan gayrı ez istîfa bâki kalan altmış dokuz lirânın güzeşte ve masârif-i muhâkeme ve ücret-i vekâletle berâber bâliğ olduğu yüz aded lirâ-yı Osmânînin henüz tesviye olunmadığı gibi muşârunileyhin rub' maâşının taht-ı hacze alınması hakkında evvelce vukûbulan talebin de şimdiye kadar icrâ olunmadığı cihetle mezkûr yüz lirâ ile berâber kâffe-i haklarının muhafaza ve istîfası zımnında muşârunileyh Rıza Paşa hazretlerinin konaklarında mevcut mefrûşâtın bir an evvel taht-ı hacze alınarak ol-vechile i'lâm-ı mezkûr hükmünün icrâ ve istîfa-yı matlûb ettirilmesi zımnında îcâb-ı hâlin îfâsını istid'â eylemiş ve bunların i'lâma müstenid bulunan matluplarının istîfası için mefrûşât-ı mezkûreyi taht-ı hacze aldırmağa kanûnen hakk-ı sarîhleri olduğu derkâr bulunmuş olmağla ber minvâl-i muharrer îfâ-yı muktezâsına himmet buyrulması ricâsı teyîd-i muhâdenete vesile ittihaz kılındı. 9 Teşrinisânî [1]316.

(s.249) 454) (589) (Sâhibi tarafından hâriçte tanzîm ettirilmiştir). İtalya devleti tebe'âsından İstanbul'da Alalemcî hânında mukîm banker mösyö Fis de Avram Levi'nin vekîli Galata'da Vitalis hânında mukîm dava vekîllerinden mösyö Adolph Rosenthal'in cânib-i ceneral konsolatoya i'tâ eylediği arzuhalde tebe'â-i devlet-i aliyyeden İstanbul'da Süleymaniye'de Dökmeciler'de 37 numaralı mağazada mukîm tüccârdan Hacı İlya Bodosoğluyla akdeylediği 31 Temmuz 1899 tarihli mukâvelenâme Hacı İlya Bodosoğlu tarafından icrâ olunmadığı gibi mûmâileyh kaparo olarak verilen 31 lirâ-yı Osmânî ve 18 kuruşu dahi iâde etmekten imtinâ eylemekte olduğundan merkûmun Mahkeme-i Ticâret Birinci Meclisine celbiyle bi'l-muhâkeme meblağ-ı mezbûrun maa fâiz ve masârif-i muhâkeme ve ücret-i vekâlet merkûmdan tahsîli husûsunun taht-ı karara alınması istid'â ve talep edilmiş olmağla ber müceb-i istid'â icrâ-yı îcâbı cânib-i ceneral konsolatodan iltimâs ve takrîr olunur. 9 Teşrinisânî [1]316.

455) (590) (Sâhibi tarafından hâriçte tanzîm ettirilmiştir). İtalya devleti tebe'âsından Cernopiyo şehrinde mukîm Nesitor Siris Bernasconi nâm anonim şirketi vekîli Galata'da Vitalis hânında mukîm dava vekîllerinden mösyö Adolph Rosenthal'in cânib-i ceneral konsolatoya i'tâ eylediği arzuhalde müvekkilinin İstanbul'da Sultan Hamamında ellialtı numaralı mağazada mukîm tüccârdan ve tebe'â-i devlet-i aliyyeden müteveffâ M. Moşabak zimmetinde vadeleri munkâziye olmuş iki kıt'a senet mücebince dörtbin üçyüz frank matlûbu olup medyûn-ı merkûmun vefâtından sonra mezkûr mağazada bulunan emvâle zevcesi madam Moşabak vaz'ı yed etmiş olmağla meblağ-ı mezbûrun te'mîn-i istîfâsı zımnında merkûmenin mezkûr mağazasında bulunan eşyâ-yı ticâriyeden altı bin frank kıymetinde bir miktarın tefrîkiyle taht-ı hacze alınması talep ve istid'â edilmiş olmağla ber müceb-i istid'â icrâ-yı îcâbı cânib-i ceneral konsolatodan iltimâs ve takrîr olunur. 11 Teşrinisânî [1]316.

(s.250) 456) (591) Galata'da Haraççı sokağında bakkal Marki kahveci Ogusto kunduracı Marko tenekeci Jozef Şalon Yüksekaldırımında terzi Perdeman Hasköy'de fırıncı Moiz Levi: İtalya devleti tebe'âsından Cition İlia Benjamin tarafından verilen arzuhalde efrencî şehir-i hâlin ondördüncü günü alafranga saat üç râddelerinde Galata'da Haraççı sokağında bulunduğu sırada Bâb-ı Vâlâ-yı Zabtiye'de mustahdem polis memurlarından Mustafa Fâik Efendi bilâ sebep kendisine ve milletine tefevvuhâtta bulundukdan başka yüzünü de yumruk ile darb eylemiş ve işbu vak'a birçok zevât tarafından müşâhade olunduğu gibi bâlâda isimleri muharrer zevâtın şehâdetleriyle de sabit olacağından bahsile mûmâileyhin mahkemeye celbiyle kanûnen lâzım gelen mucâzâtın icrâsı zımnında icâb-ı hâlin ifâsı istid'â kılınmış olmakla ifâ-yı muktezâsına himmet buyrulması iltimâsı teyîd-i muhâdenete vesîle ittihâz kılındı.14 Teşrinisânî [1]316.

457) (592) (Sâhibi tarafından hâriçte tanzîm ettirilmiştir). Galata'da Bayezid sokağında 43 numaralı hânede sâkin İtalya devleti tebe'âsından ve inşâat mültezimlerinden Ekîle Toni'nin vekîli Georgi Derrero efendinin cânib-i konsolatoya takdîm eylediği arzuhalde müvekkili merkûm Ekîle Toni'nin mezkûr kırktûç numaralı hânenin ikinci katında işgâl eylediği üç bâb odaların tahliyesiyle Galata'da Karamustafa sokağında 56 numaralı mağazada mukîm Panco veledi Gavril nâm kimesneye teslîmi ve masârif-i muhâkemenin i'tâsı hükmünü hâvî Beyoğlu Bidâyet Mahkemesi Birinci Hukuk Dâiresinden verilen 10 Ağustos 316 tarih ve 235 numaralı bir kıt'a ilâm-ı gıyâbî bundan on beş gün akdem müvekkilinin hânesine tebliğ olunmuş ise de mezkûr i'lâm hükmünü adem-i kabul ile i'tirâz ale'l-hüküm eylemiştir şöyle ki müvekkili merkûm Panco'yu sâlifü'z-zikr hânenin mutasarrıfı tanımadığını ve esnâ-yı muhâkemede dermiyân edeceği esbâba mebnî tarafeynin celbiyle i'lâm-ı gıyâbî-i mezkûr hükmünün feshi ve masârif-i muhâkeme ve ücret-i vekâletin merkûm Panço'ya tahmîlini bi'l-vekâle talep eylemiş olduğundan ber müceb-i istid'â icâbının icrâsı iltimâs olunur. 21 Teşrinisânî [1]316.

(s.251) 458) (593) (Sâhibi tarafından hâriçte tanzîm ettirilmiştir).Selânikte mukîm İtalya tâbiyyetine mensup banker Samuel Modiano Ticarethânesi tarafından bi'l-vekâle Dersââdet'te Galata'da Kınacıyan hânında mukîm dava vekîllerinden Vitalis Faraci imzâsı ile cânib-i konsolatoya takdîm olunan istid'âda Hazîne-i Hassa-ı Şâhâne Nezâret-i celîlesi nâmına Beyoğlu Bidâyet Mahkemesi Birinci Hukuk Dâiresi'nden Samuel Modiano'nun kefilî olmak üzere Leon Ammar aleyhine bir kıt'a i'lâm istihsâl kılınmış ve bu bâbda cereyân eden muhâkemede Samuel Modiano dahi dâhil-i dava istid'âsında bulunarak ol-bâbdaki istid'âsı kabul olunmağla muhâkemât-ı câriyede huzûru zımnında Hazîne-i müşârunileyhâ cânibinden merbût ihzâriye varakasının tebliğiyle Samuel Modiano dahi celbettirilmiş ve halbuki sudûr eden i'lâm yalnız kefil-i merkûma tebliğ edilip Samuel Modiano ise davada en birinci alâkadar bulunmağla hukûkunu istînâfen mudafaa zımnında i'lâmın bir sûretinin kendisine i'tâ ve tebliğini talep etmiş ve Harç Nizâmnâmesinin otuz dokuzuncu bendinde gösterildiği üzere bu gibi tebliğ sûretinden ancak otuz kuruş harç alınacağı ve Samuel

Modiano Bidâyeten cereyân eden muhâkemede tarafeyn i‘dâdından bulunmuş olmasına nazaran talep etmekte bulunduğu i‘lâm sûretinin nusha-i teblîğîye nazarıyla bakılmak icâb edeceği derkâr bulunmuş ve işbu sûretin bir an evvel istihsâli Samuel Modiano için ehemmiyetli olduğundan bahsile harcı bulunan otuz kuruşun istifası ile sûret-i mebhûsenin bilâ te‘hîr yedine i‘tâsı esbâbının istikmâli istirhâm edildiğinden iktizâ-yı hâlin bir an evvel emr u icrâsı cânib-i konsolatodan iltimâs ve takrîr olunur. 21 Teşrinisânî [1]316.

459) (594) Beyoğlu’nda Şişli sokağında Marmara hânında 11 ve 12 numaralı apartmanlarda mukîm İtalya devleti tebe‘âsından Dersaadet Su Şirketi müfettişlerinden mösyö Tomazzo Sebastiani ile biraderi komisyoncu Giovanni ve eniştesi Nicola Fyocri taraflarından i‘tâ olunan arzuhalde bundan bir mâh mukaddem (s.252) Kâğıthâne civârında sayd u şikâr edip avdet eylemekte iken esnâ-yı râhda iki [...] tarafından bed muâmele ve tefevvuhâtta bulunulmuş olmasından nâşî polis memurları gelerek kendilerinin yedlerinde bulunan üç adet sayd u şikâr ruhsat tezkeresini de ahzeylemiş ve işbu tezkerelerin mahalli zabıta memuru tarafından tanzîm olunan jurnal ile berâber mahkemeye vurûd etmesi tabii bulunmuş olduğundan bahsile sâlifü’z-zikr tezkerelerin îadesi için iktizâ-yı hâlin icrâsı istid‘â kılınmış olmasıyla ber müceb-i istid‘â icrâ-yı icâbı husûsuna himmet buyrulması devlet-i muşârunileyhânın Dersaadet ceneral konsolatosu tarafından iltimâs ve takrîr olunur. 23 Teşrinisânî [1]316.

460) (595) (Sâhibi tarafından hâriçte tanzîm ettirilmişdir). İstanbul’da Valide hânında mukîm İtalya devleti tebe‘âsından banker mösyö Costantin Iliasco tarafından cânib-i konsolatoya takdîm kılınan arzuhalde biri Beyoğlu’nda Pangaltı caddesinde 6 numaralı hânedâ mukîm olan ve ticâretgâhı İstanbul’da Asmaaltında Papazoğlu hânının 26 numaralı odasında bulunan tüccârdan ve tebe‘â-i devlet-i aliyyeden Mihran Kürekyan imzası ve diğeri dahi mûmâileyhin biraderi tebe‘â-i devlet-i aliyyeden ve tüccârdan Samsun’da Ermeni mahallesinde mukîm olup misâfireten Beyoğlu’nda Pangaltı caddesinde salifu’z-zikr 6 numaralı hânedâ mukîm bulunan Karabet imzası ile mumzâ ve 18/31 Teşrinievvel 316 tarihli Birinci Ticâret Mahkemesine takdîm olunan iki kıt‘a istid‘â ile mösyö Iliasco aleyhine ikâme olunan davada mûmâileyhin gûya kendilerine onbir bin adet Osmânî lirâsı bedel mukabilinde Beyoğlu’nda Büyük Caddede kâin dörtyüz beş numaralı apartmanlı bir bâb hâne ile altındaki dörtyüz yedi numaralı mağazaların kendilerine satmış bulunduğunun ve akar-ı mezkûr ise Maria ve Yorgi nâm kimesneler tarafından vukûbulan dava üzerine ve Mahkeme-i Teftîşden sudûr eden bir kıt‘a i‘lâm-ı şer‘î hükmüne istinâden yed-i tasarruflarından alındığının iddiası ile bedel-i mezkûrun maa tamirât ve masârif-i sâire bâliğ olduğu cem‘ân onikibin otuzbeş lirânın ber vech-i nisfîyet yani her birine altıbin onyedışer buçuk lirânın îfâsı için mösyö Iliasco’nun (s.253) mahkûmiyetine karar i‘tâsı talep olunmuş olduğuna ve halbuki mebhûsun anı olan akâr hakikatte muteveffâ Apostolodis İstematiyadis veresesine âit olup mûmâileyh mösyö Iliasco nâmına ancak musteâren kaydedilmiş olduğuna ve müteveffâ-yı mûmâileyhin veresesinin mösyö Iliasco’nun takrîr eylediği ferâğ muâmelesinde mefrûğun leh bulunan müddei mûmâileyhima Mihran ve Kürekyan

Efendiler bu babdaki bey' u ferâğ muâmelesi verese-i merkûme ile doğrudan doğruya pazarlık edip bedel-i ferâğı dahi kezâlik verese-i merkûmeye i'tâ etmiş bulunduklarına ve ahval-i muharrereye mebnî ve mösyö Iliasco'nun derkâr olan hakk-ı rucûnun infâzı için bu bâbda cereyân eden muhâkemede müteveffâ-yı mûmâileyh Apostol[idis] İstematiyadis veresinin huzûru labudd idiğûne binâen Mahkeme-i Teftîştin sudûr etmiş olan sâlifü'z-zikr i'lâmın banker-i mûmâileyh hakkında hüküm ve tesiri câiz olamayıp gayr-ı nâfiz olduğu ve gerekse müddei mûmâileyhimin esâs davalarının hükümsüz olduğu husûslarına müteallik bi'l-cümle mudâfaât-ı ibtidâiye ve i'tirâzât ile şeklen ve esâsen sâir her gûne mudâfaât ve i'tirâzât ve gerekse müteveffâ Apostol[idis] İstematiyadis veresi aleyhinde bi'l-cümle hukûk ve mutâlebâtına asla hâlel gelmemek üzere verese-i merkûmeyi terkîb eden birincisi Galata'da Yüksekalkdırımda 98 numaralı mahalde mukîm tebe'â-i devlet-i aliyyeden Andon İstematiyadis ve ikincisi Mudanya kasabasında mukîm tebe'â-i devlet-i aliyyeden İstemat İstematiyadis ve üçüncüsü Beyoğlu'nda Bağcan sokağında 16 numaralı hânede mukîm tebe'â-i devlet-i Yunaniyeden müteveffâ Piyer İstematiyadis zevcesi madam Evranya ve dördüncüsü Galata'da Karamustafa sokağında 44 numaralı Mihnetli hânında 9 ve 11 odalarda mukîm Rusya devleti tebe'âsından Atanaş Kanavalof ve beşincisi Pariste Feridlan caddesinde 9 numaralı hânede mukîm matmazel Kakya Kanavalof ve altıncısı kezalik pariste Feridlan sokağında 8 numaralı hânede mukîm Fransa tâbiyyetine mensup Kanavalof ailesinden madam Anita Leme ve yedincisi Pariste Viktor Hugo caddesinde 20 numaralı hânede mukîm tebe'a-i Yunaniyeden mösyö Etyen nâm şahsın bi-gayr-ı hakkın aleyhine ikâme olunan dava-yı mebhûseden dolayı mösyö Iliasco'nun her gûne zarardan halas etmeğe mecbur olduklarına hükmolunmak üzere müddet-i münâsebede mahkemeye murâcaât eylemeleri zımında usûlen celb ve davet olunarak her iki davanın birleştirilmesi ve verese-i merkûmeden bazıları memâlik-i ecnebiyede iskân etmekte bulunmaları cihetiyle müddet-i ihzârın ol-sûretle tahdît ve tayîni zarûrî olduğundan dava-yı asliyenin yevm-i muhâkemesi dahi ol-sûretle tayîn olunması istid'â olunmağla mukteziyât-ı kanûniyenin emr u icrâsı cânib-i konsolatodan iltimâs ve takrîr olunur. 27 Teşrinisânî [1]316.

(s.254) 461) (596) (Sâhibi tarafından hâriçte tanzîm ettirilmişdir). Ortaköyde sâhil-i deryâda vâki konaklarında mukîm Bahriye Nazırı devletlû Hasan Paşa hazretlerinin Nişantaşı'nda ahîren inşâ ettirdikleri dokuz bâb ebniyenin demir işini yapan İtalya devlet-i fahîmesi tebe'âsından Şişli'de Tatavla caddesinde dokuz numaralı hânede sâkin demir ve dökme ve sâire fabrikatörü mösyö Piyer Rappe'yi cevâmi-i şerîfe gibi hayrât ve muberrât inşâ ettirmekte olan Paşa-yı muşârunileyh hazretleri zimmetlerinde mebânî-i mezkûreye yaptığı demir işi esmânından gayrı ez teslim mütebâki yüz elli aded lirâ-yı Osmânî ile on dokuz kuruş alacağının ahz u istîfasına birbuçuk senedenberi muvaffak olamadığından Paşa-yı muşârunileyh hazretlerinin celbiyle muhâkemelerinin icrâsını ve meblağ-ı mezkûrun güzeşte ve masârif-i muhâkeme ve zarar ve ziyân ve ücret-i vekâlet ve sâire ile tahsîli husûsunun taht-ı hükme alınması cânib-i konsolatoya takdîm eylediği istid'âda talep ve istirhâm eylediğinden icâb-ı kanûnîsinin icrâsı iltimâs olunur. 30 Teşrinisânî [1]316.

462) (597) (Sâhibi tarafından hâriçte tanzîm ettirilmiştir). Beyoğlu'nda Cadde-i Kebirde bir numaralı hânede sâkine İtalya devleti tebe'âsından terzi madam Teresa Hrisoni hâturn imzasıyla cânib-i konsolatoya takdîm kılınan istid'âda Dersaâdet'te Beylerbeyi'nde kendi konaklarında sâkinler tebe'â-i devlet-i aliyyeden merhûm Hasip zade Hakkı Bey kerîmesi Fatıma Cemal Hanım ile zevci Yenişehirli Hüsnü Bey zâde Hüsnü Kemâl nâm kimesnele-rin zimmetinde 10 Ağustos 1311 tarihli bir kıt'a senet mücebine kefil bi'l-mâl sûretiyle matlûbu bulunan doksan bir aded lirâ-yı Osmânî ile otuzsekiz kuruşun te'diyesinden mûmâileyhimâ imtinâ eylemekte bulunduklarından usulü dâiresinde Dersaâdet Birinci Ticâret Mahkemesi huzûruna celbleriyle muhâkeme-i lâzîminin ba'de'l-icrâ meblağ-ı mezbûrun maa fâiz ve masârif-i muhâkeme ve ücret-i vekâlet taht-ı hükme alınması hususları bâ-istid'â talep olunmuş olmağla ber müceb-i istid'â icrâ-yı îcâbı iltimâs ve takrîr olunur. 2 Kanunievvel [1]316.

(s.255) 463) (598) İtalya devleti tebe'âsından ve erbâb-ı nâmusdan ve tiyatro artistlerinden mösyö Luigi Cavana tarafından takdîm olunan arzuhalde kendi malı olan ve makine ile mütekellim bulunan tasvîri Ramazan-ı Şerif'te Dersaâdet'te bazı mahallerde ve ale'l-husûs Galata'da Rıhtım üzerinde mevki-i temâşaya vaz'edeceğinden ve bunun muğâyir-i nizâm olmadığından bahsile mumânaât olunmaması zımında iktizâ-yı hâlin icrâsı istid'â kılınmış olmağla bu bâbda ruhsat-ı lâzîminin i'tâsı iltimâs ve takrîr olunur. 10 Kanunievvel [1]316.

464) (599) Geçen Teşrînisânînin yirmi ikinci günü akşamisi Zonguldakta Üzülmaz nâm mevkide İtalya devleti tebe'âsından Ezbar Della'nın kahvehânesinde kuşâd edilen balo esnasında orada bulunan İtalyalılarla Yunanlı ameley beynerinde munâzaa zuhûr ederek birkaç kişi mecrûh olmuş ve hatta bunlardan ve İtalya devleti tebe'âsından Desidoryo Nardetti hastahâneye götürülerek aldığı cerîhadan müteessiren vefât eylemiş ve ertesi günü mahalli zabıta memurları tarafından tahkîkât icrâ edilmiş ise de kançılıryaya henüz malûmât verilmemiş olup halbuki istihbârâta nazaran müteveffâ-yı merkûmun Yunanlı Yorgi nâm şahıs tarafından cerh ve katl olduğu ve merkûmun şimdiye kadar derdest edilmemiş olduğu gibi bu bâbda fâil-i müşterek olan bir şahsın firâr ettiği ve merkûm Yorginin de firâr etmesi melhûz bulunduğu anlaşılmış idiğünden merkûm Yorgi'nin şerîk-i cürm olanlarla berâber derdest olunarak Dersaâdete i'zâmı ve bu bâbda bi'l-etrâf tahkîkât-ı mükemmele icrâsıyla keyfiyetin iş'ârı zımında mahalli zabıta memûriyetine telgrafla tebliğât-ı mukteziye icrâsı ve hâsıl olacak neticenin inbâsı husûsuna himmet buyrulması İtalya devletinin Dersaâdet ceneral konsolatosu tarafından iltimâs ve takrîr olunur. 16 Kanunievvel [1]316.

(s.256) 465) (600) İtalya devleti tebe'âsından Napolyon Kapudanî ile Zahriye Afdekidi aleyhine hukûmet-i seniyye cânibinden ikâme olunan davada Afdekidi firar[i] addedilmiş-tir halbuki merkûm Afdekidi Dersaâdet'te İngiltere konsolatosu hapishânesinde mevkûf bulunuyor ve mezkûr konsolato mahkemesi merkûm Afdekidi aleyhine takib-i davâ ediyor

şu halde eğer hukûmet-i seniyye hukûk-ı hâkimesini icrâ etmek isterse Afdekidi aleyhine de muâmele icrâ etmesi ve merkûm Afdekidi'nin hukûmet tarafından muhâkemesinin icrâsına meydan verilmemesi ve bu davanın tefrîk olunmaması lâzım gelir bâ-husus evrâk-ı ithâmiyede Afdekidi'nin birinci fâil olduğu gösterilmiştir şayet hukûmet-i Osmâniye merkûm Afdekidi'nin İngiltere mahkemesinde icrâ-yı muhâkemesine muvâfakat ederse ol-vakit muâmele-i bi'l-misil olarak merkûm Kapudanî hakkında da İtalya mahkemesi tarafından bir hüküm sudûr etmesine de muvâfakat etmek lâzım gelir binâenaleyh merkûm Kapudanî'nin mahkeme-i Osmâniyeye celbi câiz olamayacağından bu bâbda vurûd eden celbnâmenin merkûma tebliğ olunmayıp leffen îadesiyle beyân-ı keyfiyet olunur. 8 Kanunievvel [1]316.

466) (601) Büyükada'da ikâmet eden İtalya devleti tebe'âsından Zido Ferdinando tarafından konsolatoya takdîm olunan arzuhalde sene-i hâliye Ağustosunun yirmi ikisinde mahall-i mezkûrda mukîm tebe'â-i devlet-i aliyyeden Vasil nâm kimesneye kendi dükkânını icâr ederek bir müddet sonra merkûm Vasil'in iflâs etmesi cihetiyle Ticâret-i Bahriye Mahkemesi tarafından mezkûr dükkândaki emvâli hacz olunup muahharan oradan kaldırılmış ve merkûmun zimmetinde bedel-i icârdan müterâkim dörtyüz elli kuruşun ahzına muvaffak olunâmamış olduğundan bahsile mezkûr dörtyüz elli kuruşun mahkeme-i mûmâileyhâca masasından bi't-tahsîl tarafına i'tâsı istid'â kılınmış olmağla icrâ-yı icâbına himmet buyrulması iltimâs ve takrîr olunur. 5 Kanunievvel [1]316.

467) Zât-ı hazret-i şehriyârinin halı ve antikacıbaşı olup İtalya devleti tebe'âsından bulunan Robert Pardo tarafından cânib-i konsolatoya takdîm olunan arzuhalde kendi nâmına olarak üçyüz on altı senesi kanunievvelinde gümrüğe vurûd eden onbin aded kartpostalın gümrükçe alıkonulmuş olduğundan ve bunların açık muhâbere varakası olduğu cihetle bir mahzûru bulunmadığından bahsile tarafına i'tâsı zımnında icâb-ı hâlin icrâsı istid'â kılınmış olmasıyla ber müceb-i istid'â işbu onbin aded kart postalın mûmâileyhime teslîmi zımnında iktizâ-yı hâlin ifâsı husûsuna himmet buyrulması iltimâs ve takrîr olunur. 22 Kanunisânî [1]316.

(s.257) 468) (602) İtalya devleti tebe'âsından kunduracı Enrico Fellici tarafından cânib-i konsolatoya takdîm eylediği arzuhalde kundura furûht etmek üzere Dersâdet limânında bulunan bazı vapurlara gideceği esnâda zâbita memurları tarafından men' edilmekte olduğundan bahsile icrâ-yı icâbı istid'â kılınmış ve merkûmun ashâb-ı nâmusdan bir kimesne idiği konsolatoca musaddak bulunmuş olmasıyla bu bâbda merkûma ruhsat-ı lâzıme i'tâsı husûsuna himmet buyrulması iltimâs ve takrîr olunur. 11 Kanunievvel [1]316.

469) (603) Beyoğlu'nda Çiçket Sokağında 15 numaralı hânede mukîm İtalya devleti tebe'âsından Paolo Galiari cânib-i konsolatoya takdîm eylediği arzuhalde "Milona"yı geçmek üzere devletlû Edhem Paşa hazretleri tarafından icrâ edilmiş olan tertibât ve

tedârikâtı musavver olarak merkûm Paolo Galiari tarafından tersîm olunan bir kıt'a resim 31 Kanunisânî 1899 tarihinde Bâb-ı Vâlâ-yı Zabtiyede ikâmet etmekte bulunan Zabtiye Nazırı atufetlû Şefik Beyefendi hazretleri cânibinden vukûbulan talep üzerine atebe-i ulyâ-yı cenâb-ı hilâfetpenâhiye arz ve takdîm olunmak üzere muşârunileyh Şefik Beyefendi hazretlerine tevdi ve teslîm eylemiş ise de bu ana kadar mezkûr resmin ne aynen ve ne de bedelen tarafına iâde ve i'tâ edilmemiş olduğundan bahsile işbu resmin esmânî ile tazminâtı ve sâiresi husûslarının muhafazasıyla berâber şimdilik muşârunileyh Şefik Beyefendi hazretlerinin Mahkeme-i Ticâret Birinci Meclisine celbiyle sâlifü'z-zikr resmin İtalyalı-yı merkûma iâdesi ve ücret-i vekâlet ve masârif-i muhâkeme ve sâirenin muşârunileyhden tahsîli husûslarının icrâ-yı muvakkatla taht-ı hükme alınması zımnında icâb-ı halin icrâsını istid'â eylemiş olmağla ber müceb-i istid'a ifâ-yı muktezâsına himmet buyrulması iltimâs ve takrîr olunur. 1 Kanunisânî [1]316.

470) (Sâhibi tarafından hâriçte tanzîm ettirilmiştir). 21 Teşrinisânî 316 tarihinde Bernasconi nâm anonim şirketi[n] vekîli tarafından cânib-i ceneral konsolatoya takdîm olunan arzuhalde iki polîçe mücebince müteveffâ Moşayan veresesinden bulunan zevcesi madam Moşayandan dörtbin üçyüz frank talep ve bu bâbda Birinci Mahkeme-i Ticâret Riyâset-i Aliyyesine icâb eden takrîr dahi tasfîr ve muâmele-i kanûniye ifâ edilmiş ise de müvekkilinin diğeri bir senet mücebince üçbin beşyüz otuzdört frank ellibeş santim daha alacağı bulunduğundan işbu meblağın mârru'z-zikr davaya ilâve buyrulması talep edilmiş olmağın ber müceb-i talep icrâ-yı icâbî cânib-i ceneral konsolatodan iltimâs ve takrîr olunur. 25 Kanunisânî [1]316.

(s.258) 471) (604) Mahmutpaşa'da Yıldız Hânı'nda 10 numaralı odada mukîm Avram Piperno tarafından cânib-i konsolatoya takdîm olunan arzuhalde tebe'â-i devlet-i aliyyeden İstanbul'da Mercan çarşısında ikâmet eden David Vidal nâm tâcir zimmetinde merkûma furûht eylediği iki halı esmânî bulunan yirmibeş aded Osmânî lirâsının gayrı ez istîfâ bâki kalan onüç aded lirâ-yı Osmânî'nin ahzına muvaffak olamadığından bahsile merkûm David Vidal'in Mahkeme-i Ticâret Birinci Meclisine celbiyle sâlifü'z-zikr onüç aded lirânın maa güzeşte ve masârif-i muhâkeme ve ücret-i vekâlet tahsîli husûsunun taht-ı hükme alınması zımnında icâb-ı hâlin icrâsı istid'â kılınmış olmağla ber müceb-i istid'â iktizâsının ifâsına himmet buyrulması iltimâs ve takrîr olunur. 3 Kanunisânî [1]316.

472) (605) İtalya devleti tebe'âsından Napolyon Kapudani ile Zahriye Afdekidi aleyhine hükûmet-i seniyye tarafından ikâme olunan dolandırıcılık davasından dolayı merkûm Afdekidi Zahriye'nin hâl-i firârda addolunmuştur halbuki husûs-ı mezkûrdan dolayı asıl müttehem bulunan Zahriye Afdekidi'nin İngiltere'de derdest olunarak Dersaâdet İngiltere konsolatosu hapishânesinde mevkûf bulunduğu gibi merkûm Zahriye Afdekidi'nin muhâkemesi İngiltere konsolatosu mahkemesinde rü'yet olunmakda idiğünden ve gerçi Devlet-i Aliyye-i Osmâniyenin derkâr olan selâhiyeti dahilinde muâmele icrâ edilmek isteniliyorsa ol-halde merkûm Zahriye Afdekidi'nin de Devlet-i aliyye hapishânesine

nakli ile dava-yı mezkûrun mehâkim-i Osmâniyede rü'yeti îcâb edeceğinden ve zâten bir davanın iki mahkemede rü'yeti caiz olamayacağından sûret-i hale nazaran iktizâsının icrâsı zımında işbu muhtıra tanzîm ve i'tâ kılındı. 5 Kanunisânî [1]316.

473) Rusûmât Emânet-i Celîlesine: İtalya devleti tebe'âsından Cebe Kazarato De Porcello tarafından cânib-i konsolatoya takdîm edilen arzuhalde kendi malı olarak geçende İtalya'dan vurûd eden ve İtalya'da Konca şehrinde doktor Maleşi'nin mamûlâtından bulunan ve gümrükçe alıkonulmuş olan kırk şişe ilacın sıhhat-i umûmiyeye hiçbir mazarratı olmadığı cihetle tarafına teslîmi zımında îcâb-ı hâlin icrâsı istid'â kılınmış olmasıyla muâlece-i mezkûrenin muâyene-i lâzîmesinin icrâsıyla İtalyalı-yı mûmâileyhe teslîmi ricâsı teyîd-i muhâdenete vesîle ittihâz kılındı. 18 Kanunisânî [1]316.

(s.259) 474) (606) İtalya devleti tebe'âsından ve Anadolu Şimendifer Kumpanyası mustahdemîninden mösyö Kamar de Giovanni tarafından cânib-i konsolatoya takdîm edilen arzuhalde alafranga geçen Teşrinisânînin dokuzuncu gecesi saat on raddelerinde Haydarpaşa'da Küçük Aziziye sokağında dokuz numaralı hânesinde familyası ve diğer ahhbâbı ile berâber oturmaktalar iken bir şahs-ı meçhûl mezkûr hânenin kapısına [v]urarak içeride bir refîki olup olmadığını suâl etmesi üzerine öyle bir kimse olmadığı cevabı verilerek gitmiş ise de biraz sonra gelerek yine kapıyı dakk etmiş ise de bunun hareket-i vâkıası sekr halinden ileri geldiği anlaşılarak kapının açılmaması cihetiyle şahs-ı merkûm tarafından mezkûr hânenin camları şikest ve itâle-i lisân ve tehdîd edilmiş ve ol-esnâda hâne halkının vukûbulan feryâdı ve komşuların muâveneti ile zâbita memurları yetişip derdest edilerek Selimiye kışla-i humâyûnuna gönderilmiş ve keyfiyet 27 Kanunievvel 316 tarih ve 1367 numaralı jurnal ile Üsküdar mutasarrıflığına bildirilmiş ve muahharan bu şahs-ı mechûlün İdâre-i Mahsûsanın Tekfurdağı vapurunda mustahdem bahriye çarhçı mulâzımlarından Hasan Efendi olduğu anlaşılmış ve bu vak'adan dolayı familyası da bir müddet hasta yatmış olduğundan bahsile hukûk-ı şahsiyesinin muhafazasıyla berâber mûmâileyh Hasan Efendi hakkında nizâmen mucazât-ı lâzîmenin icrâsı ve maddi ve manevi îcâb eden tazmînatin ahzı zımında îcâb-ı halin icrâsı istid'â kılınmış olmağla îfâ-yı muktezâsına himmet buyrulması iltimâs ve takrîr olunur. 17 Kanunisânî [1]316.

475) (607) Selânik'de mukîm İtalya tâbiyyetine mensup banker Samuel Modiano ticaretgâhı tarafından bi'l-vekâle Dersâdet'te Galata'da Kınacıyan hânında mukîm dava vekîli Vitalis Feraci imzâsıyla cânib-i konsolatoya takdîm kılınan istid'âda Hazîne-i Hassa-i Şâhâne tarafından Leon Ammar aleyhine ikâme olunup mezkûr Samuel Modiano ticâretgâhının kabul olunan dehâletiyile rü'yet olunan dava üzerine Beyoğlu Bidâyet Mahkemesi Birinci Hukuk Dâiresinden sudûr eden 29 Haziran 315 tarihli ve yüz doksan beş numaralı i'lâm hükmü hakkında ticâretgâh-ı mezkûr nâmına istînâf-ı dava olunup evrâk-ı istînâfiye doğrudan doğruya takdîm olunacağından bahsile îcâbının icrâsı istid'â olunmağla muktezâ-yı kanûnisinin îfâsı cânib-i konsolatodan iltimâs ve takrîr olunur. 18 Kanunisânî [1]316.

(s.260) 476) (608) Haydarpaşa'da Şimendifer istasyonu karşısında kâin birahânenin müste'ciri bulunan İtalya devleti tebe'âsından mösyö Costantino Carzo tarafından cânib-i konsolatoya takdîm olunan arzuhalde mezkûr birahânede zukûr ve inâsdan mürekkep Boem musikasının terennümüne mahalli zabıta memûriyetince mumanaât edilmekte ve halbuki Moda ve Mühürdarda bulunan gazinolarda bu gibi Boem musikaları bulunmakta olduğundan bahsile kendisine de emsâli misillû ruhsat verilmesi zımnında îcâb-ı hâlin icrâsı istid'â kılınmış ve mûmâileyhin erbâb-ı nâmusdan bulunduğu Kançılaryaca musaddak bulunmuş olmasıyla ber mûceb-i istid'â ruhsat-ı lâzîminin i'tâsı husûsuna himmet buyrulması iltimâs ve takrîr olunur. 24 Kanunisânî [1]316.

477) (609) İtalya devleti tebe'âsından madam Apolina Penri tarafından cânib-i konsolatoya takdîm olunan arzuhalde Galata rıhtımında tayîn olunacak mahalde "Maryont" tabir olunur resm tiyatrosu kuşâd edeceğinden işbu tiyatroda muğâyir-i adâb bir hal vukû bulmayacağından bahsile bu bâbda emsâli misillû ruhsat i'tâsı için îcâb-ı hâlin icrâsı istid'â kılınmış ve merkûme ise bu sûretle te'mîn-i mâşet etmiş ve husn-i hâl ashâbından bulunmuş olmasıyla mezkûr tiyatronun kuşâdı zımnında ruhsat-ı lâzîminin i'tâsı husûsuna himmet buyrulması iltimâs ve takrîr olunur. 1 Şubat [1]316.

478) (610) İtalya devleti tebe'âsından Emilio Nikio ve biraderi Domenico Nikio tarafından cânib-i konsolatoya takdîm olunan arzuhalde kendileri işçilik etmek için Dersaâdet limânına gelmiş İtalya vapurlarına azîmet ve avdetlerine zabıta memurları tarafından mumanaât edilmemek üzere îcâb-ı hâlin icrâsı istid'â kılınmış ve mûmâileyhimânın husn-i hâl ashâbından bulundukları da İtalya Vapur kumpanyası direktörü tarafından dermiyân olunmuş olmağla bunların mezkûr vapurlara gidip gelmeleri için ruhsat-ı lâzîminin i'tâsı zımnında iktizâ-yı hâlin îfâsı husûsuna himmet buyrulması iltimâs ve takrîr olunur. 27 Kanunisânî [1]316.

(s.261) 479) (611) Ontarya şehrinde Berzburgda ikâmet eden İtalya devleti tebe'âsından taşçı Manyelik Çezare veledi Luigi ve Giovanni Perusano 20 Eylül 1900 tarihinde Batuma gitmek üzere İtalya pasaportuyla İskenderiye'den Dersaâdete gelerek gümrük salonuna çıktıkları esnada Deniz Zâbıta Memûriyeti tarafından polis Nesim Efendiye terfiken İstanbul polis müdüriyetine i'zâm olunarak iki gün hapsedildikten sonra üzerilerinde bulunup emânet memûru tarafından alınmış olan akçe yirmibeş frank noksan olarak iâde olunarak bir araba ile Yunan vapuruna gönderilerek Pire'ye teb'îd edilmiş olduklarından bahsile mezkûr yirmibeş frank ile ticâretlerinden mahrûm oldukları dokuzyüz frankın istîfâsı zımnında îcâb-ı hâlin icrâsı istid'â kılınmış ve keyfiyet İstanbul Polis Meclisiyle Müdüriyetine suâl edilmiş ise de bir semere hâsıl olamamış ve halbuki merkûmların târih-i mezkûrda buraya vurûd ettikleri bu babda Deniz Zabıta memuru tarafından tanzîm olunan 4889 numaralı jurnalın müdüriyet-i mûmâileyhâ tarafından 24 Eylül 1900 tarihinde 19459 numarasıyla müteferrikaya havâle olunmuş olmasıyla müsbet bulunduğu ve muâmelât-ı vâkıa ol-vakit kançılaryaya malûmât verilmeksizin icrâ edilmiş ve merkûmların hukûkunun ziyayı

muğâyir-i madelet olduğu cihetle gayrı câiz bulunmuş idiğünden mezkûr yirmibeş frankın iâdesiyle salifu'z-zikr dokuzyüz frankın dahi müsebbiblerine tanzîm ettirilmesi İtalya devletinin Dersaâdet ceneral konsolatosu tarafından talep ve iltimâs olunur. 5 Şubat [1]316.

480) (612) İtalya devleti tebe'âsından Freri Domenico'nun konsolatoya takdîm eylediği arzuhalde üçyüz onaltı senesi Mayısın birinci günü Loyd kumpanyasının Venüs vapuruyla Dersaâdet'ten Mersin'e göndermiş olduğu bir aded gazoz makinası için mahalli gümrüğünce yedibuçuk aded sîm Mecidi depozito ahzedilmiş ise de mezkûr makinanın ber vech-i muharrer Dersaâdet'ten irsâl kılınmış olduğu cihetle işbu depozito akçesinin iâdesi için iktizâ eden şehâdetnâmenin tanzîm ve i'tâsı zımında icbâ-ı halin icrâsı istid'â kılınmış olmağla icrâ-yı icbâıyla lâzım gelen şehâdetnâmenin i'tâsı temennî ve iltimâs olunur. 7 Şubat [1]316.

(s.262) 481) (613) İtalya devleti tebe'âsından Emanuel De Georgio, Costansa'da bulunan familyasının nezdine gitmek üzere Hidiviyet Kumpanyasının Prens Abbas vapuruyla Dersaâdete gelerek o gün Birinci Mesamarya nâm Romanya vapuruna râkib olmak üzere gümrük salonuna geldiği sırada polis memurları tarafından mumânaât edilerek Galata merkezine getirilerek yedinde bulunan ve 448 frank 60 santim kıymetinde olup derûnunda elbise cameşûy kundura terlik saat ve sâire bulunan çantası merkez komiseri Numan Efendi tarafından "burada kalsın sonra alırsın" denilip kendisi Bâb-ı Vâlâ-yı Zabtiyeye gönderilmiş ve iki gün hapsedildikten sonra Pire'ye teb'id edilmiş olduğundan bahsile mezkûr çantanın derûnundaki eşya ile berâber iâdesi zımında iktizâ-yı hâlin ifası istid'â kılınmış ve bu bâbda iki mâhdan beri icrâ kılınan tahkîkât neticesinde keyfiyetin 18797 numarasıyla İstanbul polis müdüriyetinden müteferrikaya havâle olunmuş ve merkûmun târih-i mezkûrda buraya gelerek Pire'ye teb'id edildiği anlaşılmış ise de mezkûr çanta bulunamamış olduğundan icbâ-ı hâlin icrâsıyla mezkûr çantanın ya eşyâ-yı mezkûre ile berâber aynen iâdesi yahut bedelen tesviyesi İtalya devletinin Dersaâdet ceneral konsolatosu tarafından talep ve iltimâs olunur. 5 Şubat [1]316.

482) (614) (Sâhibi tarafından hâriçte tanzîm ettirilmiştir). İtalya devleti tebe'âsından İtalya'nın Carrara şehrinde ve el-yevm Beyoğlu'nda Tepebaşında Otel Kontinental nâm misafirhânedeki mukîm fabrikatör Antonio Prenzi'nin cânib-i ceneral konsolatoya takdîm eylediği arzuhalde mûmâileyhin İstanbul'da Ayazma kapısında 496 numaralı mağazada sâkin tebe'â-i devlet-i aliyyeden ve tüccârdan H. Hanizâde ve S. Taşçıoğlu şirketinin siparişleri üzerine İtalya'da kâin Carrara şehrinde kendilerine işbu tarihten takriben altı mâh mukaddem gönderdikleri sefîneye emirleriyle tahmîlen irsâl eylediği muhtelifü'l-cins mermer taşları merkûman tarafından teslim ve kabul edildiği halde bedeli bulunan onbeş bin frank ile açıktan otuzbir frank yetmiş santimin İtalya'da İspeçye şehrinde mukîm banker Ramsten Façiotti ve kumpanyası vasıtasıyla ve emriyle Dersaâdet'te Kredi Leone bankasına üç ve beş ve yedi mâh vadeli beşer bin franklık üç kıt'a bono imza ederek ba'de'l-

i'tâ vadeleri hulûlünde te'diyesi lâzım ve meşrûr ve birinci ve ikinci bonoların müddetleri el-yevm hulûl etmiş ve Kredi Leone bankası tarafından protesto dahi icrâ edilmiş olduğu halde gerek bunların bedelini gerek üçüncü bononun itasında muhâlefette bulundukları gibi açıktan matlûbu bulunan otuzbir frank yetmiş bir santimin de te'diyesinden imtinâ olunduğu beyânıyla usûlen (s.263) mahkemeye celbleri ve bi'l-muhâkeme kesb-i istihkâk etmiş olduğu onbin frank ile otuz bir frank yetmiş santimin nakden tahsiline ve ber müceb-i taahhüt beş bin franklık bononun ol-vaktin târihiyle imzâ edilmesi için mecbûriyetlerine hüküm ve karar i'tâsı ve güzerân eden eyyâm güzêştesiyle masârifât-ı muhâkeme ve ücret-i vekâlet ve sâirenin icrâ-yı muvakkatla berâber medyûnân-ı merkûmândan tahsîli husûsu talep ve istid'â eylemiş olmağla ber müceb-i istid'â icrâ-yı îcâbına himmet buyrulması iltimâs ve takrîr olunur. 7 Şubat [1]316.

483) (615) (Sâhibi tarafından hâriçte tanzîm ettirilmiştir). Beyoğlu'nda Cadde-i Kebirde 373 numaralı mağazada sâkin komisyoncu Emil Boccardo'nun konsolatoya i'tâ eylediği arzuhalde Beyoğlu'nda Hamalbaş sokağında yirmiiki numaralı hânede mukîme Ahilef Piştof zevcesi İreni zimmetinde Beyoğlu Mukavelât Muharrirliğinden musaddak bir kıt'a sened-i resmi mücebince matlûbu bulunan yüz otuz lirânın tahsîli zımnında ikâme eylediği dava üzerine cereyân eden muhâkeme neticesinde sened-i mezkûr aslının mezbûre yedinde olması iddiasının ispatına kâfi görülemediğinden suver-i sâire ile ispat-ı müdde edilmesine karar verilmiş ve bu husûs hakkında tayîn kılınan yevm-i muhâkemede ispat-ı vucûd edemediğinden gıyâben istid'âsının reddine dâir Birinci Mahkeme-i Ticâretten 17 Teşrinievvel 316 tarihinde verilip rusûm-ı lâzimesi kendi tarafından bi't-tesviye mahkeme kaleminden ahzettığı i'lâm mağduriyetini mucip olduğundan esbâb-ı âtiyeden dolayı yani evvela yevm-i muhâkemede bulunamadığı meşru bir sebebin hulûlünden neşet etmiş olduğundan sâniyen esnâ-yı muhâkemede arzedeceği esbab-ı sâire mustakrazun bihin mustakriz tarafından istikrâzını ispata kâfi olacağından bahsile hüküm-i gıyâb-ı mezkûrun feshiyle muhâkemenin yeniden rü'yeti ve bu bâbda duçar olduğu zarar ve ziyân ve masârif-i muhâkeme ve ücret-i vekâlet ve sâirenin ber müceb-i dava müddeabih ile berâber müddeialehyâ-yı mezbûreye tahmîli husûsunun taht-ı hükme alınmasını istid'â eylemiş olmağla ber müceb-i istid'â îcâbının icrâsı iltimâs ve takrîr olunur. 13 Şubat [1]316.

(s.264) 484) (616) Zonguldak'dan vârid olan 14 Şubat 316 tarihli telgrafnâmede İtalya devleti tebe'âsından olup mahalli mezkûrda bulunan Tarovatti nâm kimesnenin itâle-i lisân maddesinden dolayı mahalli zabıta memurları tarafından sekiz gün mukaddem derdest olup 14 Şubat 316 tarihinde Devrek'e gönderildiği iş'âr olunmuş idiğünden merkûmun derdesti esbâbının serîan mahallinden istifsârıyla keyfiyetin cânib-i kançılıryaya iş'ârı temennî ve iltimâs olunur. 15 Şubat [1]316.

485) (617) Şuhud: Konkordiya birahânesinde garsonluk eden Yani Kanotos Beyoğlu'nda Galavati sokağında on numaralı hânede sâkine madam Nani Piryepol ve madam Fati Kler

Beyoğlu'nda Karanfil sokağında 63 numaralı hânedâ sâkin İtalya devleti tebe'âsından Giacomo Efer tarafından cânib-i konsolatoya takdîm olunan arzuhalde geçen alafranga Şubatın on dördüncü günü akşamisi Beyoğlu'nda Konkordiya birahânesinde bulunmakta iken tebe'â-i devlet-i aliyyeden Pangaltı'da Cedidiye sokağında 61 numarada mukîm Atin Tercüman nâm kimesne kendisine hitâben bilâ sebep tefevvuhâtta bulundukdan başka bıçakla tehdid ve sağ gözünün alt tarafı ile elinden cerh etmiş ve işbu vak'ayı bâlâda isimleri muharrer zevât muşâhade eylemiş ve bu bâbdaki evrâk 15890 numarasıyla Beyoğlu Bidâyet Mahkemesi Birinci Cezâ Dâiresinde bulunmuş olduğundan bahsile muâyene-i lâzimesinin icrâsıyla merkûm Atin Tercümân'ın hakkında nizâmen lâzım gelen muâmelinin îfâ ve hukûk-ı şahsiyesinin muhafazası için işbu takrîrin evrâk-ı mezkûre ile birleştirilmesi zımında iktizâ-yı hâlin icrâsı istid'â kılınmış olmasıyla ber müceb-i istid'â icrâ-yı îcâbı husûsuna himmet buyrulması iltimâs olunur. 17 Şubat [1]316.

486) (618) (Sâhibi tarafından hâricte tanzîm ettirilmişdir). İzmir'de mukîm Osmânî Bankası memurlarından ve İtalya devleti tebe'âsından mösyö J. Tonelli'nin İstanbul'da Barnatan hânı'nda mukîm vekîli Hayati Efendinin cânib-i konsolatoya i'tâ eylediği arzuhalde Celal Bey hânında mukîm Parseh H. İstanbulyan'ın mahkeme-i aliyyeleri huzurunda müvekkil-i mûmâileyhi aleyhinde 20 Temmuz 307 tarihinde ikâme etmiş olduğu otuzbeş buçuk Osmânî lirâlık matlûbât davası üzerine tayîn edilen günde mahkemede hazır bulunamamasından dolayı müvekkil-i mûmâileyhden meblağ-ı müddeâbihin maa güzeşte ve masârif-i muhâkeme tahsiline dâir 6 Ağustos 307 tarihinde sâdır olan hükm-i giyâbîyi mutazammın 29 Haziran 316 tarihli i'lâm müvekkil-i mûmâileyhe 6 Eylül 316 tarihinde tebliğ edilmiş ise de i'tirâz ale'l-hüküm sûretiyle i'tirâz edip evvela Usûl-i Muhâkeme-i Ticâretin yetmiş ikinci maddesi sarahatine munâfi olarak hükm-i giyâbî-i mezkûr 6 Ağustos 307 tarihinde sudûr edip (s.265) aradan dokuz sene murûr ettikten sonra tebliğine kalkışmış saniyen yine madde-i mezkûrede tayin edilen altı ay müddeti zarfında bilâ icrâ terk edilmiş olması i'lâm-ı mezkûrun keenlemyekün hükmünde tutularak esas dava arzuhalinin reddini istilzâm eylediğinden ol-sûretle keenlemyekün tutulmasına ve dava arzuhalinin reddine ve farz-ı muhâl olarak mahkemece esâs davanın rü'yeti takarrur ettiği takdirde esnâ-yı muhâkemede şifâhen dermiyân edeceği esbâb-ı sâire-i kanûniyeye mebnî men'i muarazaya ve masârif-i muhâkeme ve ücret-i vekâletin mûmâileyh İstanbulyan'a tahmîline karar verilmesi ve li-eclî'l-muhâkeme tayîn buyrulacak günde bi'l-vekâle ve bi'l-asâle hazır bulunmak üzere ale'l-usûl mûmâileyh İstanbulyan'ın celb ve daveti zımında işbu i'tirâz istid'âsının evrâk-ı müteferriyasıyla maan Dersââdet Birinci Ticâret Mahkemesine ba's ve irsâli bi'l-vekâle talep edilmiş olmakla ber müceb-i talep icrâ-yı îcâbı takrîr ve iltimâs olunur. 25 Şubat [1]316.

487) (619) İtalya devleti tebe'âsından olup Galata'da Gül Kamando hânında mukîm tüccârdan C. Nomiko tarafından cânib-i konsolatoya takdîm edilen arzuhalde Boğaziçi'nde Arnabudköyü'nde Nebi İlyâ sokağında 18 numara ile mutasarrif olduğu mülke bekçi sıfatıyla

Karadağlı Andreya Palofe nâm kimesneyi ikâme edip merkûma icrâ-yı vazife esnasında muhafaza-ı nefis için kendi malı olarak verdiği revolveri 14 Şubat 1901 tarihinde polis memurları tarafından ahzedilerek mezkûr revolver Galatasarayı'na gönderilmiş ve merkûm hüsn-i hal ashâbından bulunmuş olduğundan bahsile sâlifü'z-zikr revolverin tarafına iâdesi zımnında icâb-ı hâlin icrâsı istid'â kılınmış olmasıyla mârru'z-zikr revolverin kançılıryaya teslîmi husûsuna himmet buyrulması temennî ve iltimâs olunur. 21 Şubat [1]316.

488) (620) İtalya devleti tebe'âsından Domenico Parma'nın cânib-i konsolatoya takdîm eylediği arzuhalde Mahkeme-i Ticâret Birinci Meclisinden sâdır olup 2 Şubat 316 tarihinde muâmele-i teblîğiyesi icrâ kılınan 29 Kanunisânî 316 tarih ve 129 numaralı i'lâm-ı vicâhî mücebine Üsküdar'da Açık Türbe sokağında 14 numaralı hânede mukîm Ali Paşa kerîmesi İffet Hanım zimmetinde re'su'l-mal olarak alacağı bulunan ikiyüz altmış lirânın maa güzeste ve masârif-i muhâkeme ve ücret-i vekâlet te'mîn-i istîfası zımnında i'lâm-ı mezkûr hükmünün icrâsı için icâb-ı halin ifâsı istid'â kılınmış olmağla ber müceb-i istid'â icrâ-yı icâbına himmet buyrulması iltimâs ve takrîr olunur. 21 Şubat [1]316.

(s.266) 489) (621) (Sâhibi tarafından hâriçte tanzîm ettirilmişdir). İtalya devleti tebe'âsından Kadıkaryesinde İcâdiye sokağında 7 numaralı hânede mukîm sahib-i emlâkten mösyö Francois Rossi'nin cânib-i konsolatoya takdîm eylediği arzuhalde tebe'â-i devlet-i aliyyeden Beyoğlu'nda mukîm olup Dersaâdet'te Duyûn-ı Umûmiyede mustahdem Avram Efendi Dorotyus zimmetinde vadeleri hulûl etmiş olan beş kıt'a emre muharrer senet mücebine maa güzeste matlûbu bulunan üçyüz yetmiş altı aded Osmânî lirâsının tahsîline destres olamadığından ve medyûn-ı mûmâileyh [...] sigortada olup bu defa muhterik olan hânesinden dolayı Galata'da Çatar sokağında Bereket hânı'nda mukîm "Sen Fabradifis" nâm İngiliz kumpanyasından senet bedeli olarak bu günlerde yediyüz aded Osmânî lirâsı miktarı bir meblağ ahzedeceğini istihbâr eylemiş olduğundan bahsile matlûbatı bulunan meblağ-ı mezbûr üçyüz yetmiş altı lirânın ve bundan böyle işleyecek güzeste ve masârif-i muhâkeme ve sâirenin şimdilik te'mînine kafi görülen dört yüz aded Osmânî lirâsı miktarının yed-i adilde kalmak şartıyla taht-ı hacze alınması ve keyfiyet-i haczin usûlü dairesinde medyûn-ı mûmâileyh Avram Efendi ile zikrolunan "Sen Fabradifis" kumpanyasının Dersaâdet'te acentesi bulunan İngiltere devleti tebe'âsından mösyö William Hanson'a teblîği istid'â kılınmış olmağla ifâ-yı muktezâsı husûsuna himmet buyrulması iltimâs ve takrîr olunur. 24 Şubat [1]316.

490) (622) İtalya devleti tebe'âsından İstanbul'da Alalemcî hânı'nda mukîm banker mösyö Fis Avram Levi'nin vekîl-i musaddakı Galata'da Vitalis hânı'nda mukîm dava vekîllerinden mösyö Adolpho Rosenthal'in cânib-i ceneral konsolatoya i'tâ eylediği arzuhalde tebe'â-i devlet-i aliyyeden İstanbul'da Yusufyan hânı'nda mukîm tüccârdan K.Torosyan Efendi ile akdolunan 2 Nisan 1900 tarihli bir kıt'a mukâvele mücebine kaparo olarak mûmâileyhe vermiş olduğu yirmi aded lirâ-yı Osmânî'nin iâdesinden imtinâ eylemekte olduğundan

merkûmun Mahkeme-i Ticâret Birinci Meclisine celbiyle bi'l-muhâkeme meblağ-ı müdde-abihin maa fâiz ve masârif-i muhâkeme ve ücret-i vekâlet tahsîlinin taht-ı karara alınması istid'â ve talep edilmiş olmağla ol-vechile icrâ-yı îcâbı cânib-i ceneral konsolatodan iltimâs ve takrîr olunur. 14 Şubat [1]316.

(s.267) 491) (623) Zabtiye Nezâret-i Aliyyesine: Zonguldakta cerh ve katl olunan İtalya devleti tebe'âsından Desiderio Narditti nâm kimesnenin kâtilleri hakkında vârid olan 6 Şubat 316 tarihli ve 692 numaralı tezkire-i aliyyeleri cevabıdır: Maktul-ı merkûmun İtalyada bulunan akrabasının hukûk-i şahsiyyelerinin muhafazası için vâki olan iş'âr-ı vâlâları derece-i kifâyede olmadığından bu bâbda mahkemeye tevdi edildiği ezbâr buyrulan evrâk-ı tahkîkiye sûretinin celbedilerek kağıtlaryaya irsâli ve mahallince olan muâmelât-ı sâirenin de bi't-tahkîk iş'âr buyrulması mütemennâdır. 14 Şubat [1]316.

492) (624) Üsküdar Mutasarrıflığı Cânib-i Vâlâsına: İtalya devleti tebe'âsından ve dava vekillerinden mösyö Alik'in Kızıltoprak İstasyonundan hareket eden trenden atlamasından dolayı şimendifer idâresinden talep olunan bir aded sim Mecidi cezâ-yı nakdiyi te'diyeden imtinâ eylediği cihetle mezkûr sim Mecidinin Anadolu Osmânlı Demiryolu idâresine teslim olunmak üzere kendisinden bi'l-ahz isbâli 11 Şubat 316 tarih ve altıyüz elli dokuz numaralı tezkire-i behiyyelerinde beyân olunmuş ise de mahkeme-i âidesince mezkûr cezâ-yı nakdinin mûmâileyhden istîfâsı hakkında bir hüküm sudûr etmedikçe ahz ve irsâl olunamayacağından cevaben beyân-ı keyfiyete ibtidaâr kılındı. 7 Mart [1]317.

(s.268) 493) (624) (Sâhibi tarafından dava vekîline tanzîm ettirilmiştir). İtalya devlet-i fahîmesi tebe'âsından Beyoğlu'nda Çakmak sokağında 29 numaralı hânede sâkine tuhafçı modelist madam Eugeni Pankalari tarafından cânib-i konsolatoya takdîm edilen arzuhalde tebe'â-i devlet-i aliyyeden Galata'da Aleksiyadi hânı'nda mukîm dava vekîli Aleksander Efendi Bayramoğlu'nun yine tebe'â-i devlet-i aliyyeden Pol Vasilopulo aleyhine Ticâret-i Bahriye Mahkemesinde ikâme eylediği iflâs davası ve mûmâileyhin tayîn ve irâesi üzerine Dersaadet'te Çiçek Pazarında Fındıklıyan hânı karşısında vâki 22 numaralı tuhafçı mağazası gûya ki müflis-i merkûma âit imiş gibi sedd u temhîr edilmiş ise de vekîl-i mûmâileyh Bayramoğlu Efendi mezkûr mağazada Pol Vasilopulo'nun bir gûne alakası kalmayıp çoktan beri kendisine ait olduğunu bildiği halde mahza ızzar kasdıyla böyle bir muâmele-i kanûn-i şikenânede bulunduğundan ve hukûkunun muhafazası zımnında Efendi-i mûmâileyhe bir kıt'a protesto keşide ve tebliğ ettirdiğinden mûmâileyh Bayramoğlu Efendinin müsebbibi bulunduğu zarar nokta-i nazarından hasm-ı mes'ûl-i hakîki ve emtia-i ticâriyesine Pol Vasilopulo'nun sindiki sıfatıyla mudâhale ettiğinden diğer sindik Galata'da Tünel Hanı'nda mukîm Alik Efendi ile birlikte sindik sıfatıyla Mahkeme-i Ticâret Birinci Meclisine celbleriyle muhâkemelerinin icrâsı ve mağazanın kuşâd ve kendisine teslimine ve mûmâileyh Bayramoğlu Efendinin protesto mücebince kâffe-i zarar ve ziyân ve masârif-i muhâkeme ve ücret-i vekâlet ve beş lirâ protesto masârifi ve sâireyi te'diyeye mahkûmiyetini ve mağazası

kapalı kaldıkça zarar ve ziyânı mûmâileyh Bayramoğlu Efendinin tazmîn edemiyeceği bir miktara bâliğ olacağı şüpheden vâreste bulunmakla bir tedbîr-i muvakkat olarak serîan ya mağazanın kuşâdıyla kendisine teslimini veyahut mûmâileyh Bayramoğlu Efendinin kefâlet-i muteberegine rabtını ve netice-i davaya değin müflis nâmına bir gûne muâmele edilmemek için işbu takrîrin mahkemeye vurûdu akabinde Ticâret-i Bahriye Mahkemesine ol-bâbda bir kıt'a tezkire tesyârını talep veistirhâm eylemiş olduğundan ber müceb-i istid'â îcâb eden muâmele-i kanûniyenin icrâsı iltimâs olunur. 4 Mart [1]317.

(s.269) 494) (625) (Sâhibi tarafından dava vekîline tanzîm ettirilmişdir). İtalya devlet-i fahîmesi tebe'âsından Beyoğlu'nda Çakmak sokağında 29 numaralı hânede sâkine tuhafçı modelist madam Eugeni Pankalari tarafından cânib-i konsolatoya takdîm olunan arzuhalde tebe'â-i devlet-i aliyyeden Galata'da Aleksiyadi Hanı'nda mukîm dava vekîli Aleksander Efendi Bayramoğlu'nun tebe'â-i muşârunileyhâdan Pol Vasilopulo aleyhine Ticâret-i Bahriye Mahkemesinde ikâme eylediği iflâs davası ve mûmâileyhin tayîn ve irâesi üzere Dersâadet'te Çiçek Pazarında Fındıklıyan hânı karşısında vâki 22 numaralı tuhafçı mağazasını gûya ki müflis-i merkûma âit imiş gibi sedd ü temhîr eylemiş ise de vekîl-i mûmâileyh Bayramoğlu Efendi mezkûr mağazada Pol Vasilopulo'nun bir gûne alakası kalmayıp çoktan beri kendisine ait olduğunu bildiği halde mahza ızzar kasdıyla böyle bir muâmele-i kanûn-i şikenânede bulunduğundan ve hukûkunun muhafazası zımında Efendi-i mûmâileyhe bir kıt'a protesto tebliğ ettirmiş olduğundan ve işbu sedd u temhîr husûsundan dolayı doğrudan doğruya mutazarrır olup mahkeme-i mûmâileyhânın bu bâbdaki kararına muteriz bulunduğundan ve istihkâkını resmen ispat edeceğinden ve husûs-ı mezbûrun te'hîrinde kendisi için telâfisi nâ-kâbil zarar-ı küllî olması hasebiyle mevâdd-ı müsta'celeden bulunduğundan mûmâileyh Aleksander Efendi Bayramoğlu'nun yirmidört saat için celbiyle müflis-i merkûm Pol Vasilopulo'nun sindikleri muvâcehesinde muhâkemeleri icrâ edilip de istihkâkının tebeyyünü akabinde mezkûr mağazanın bi'l-kuşâd kendisine ve masârif-i muhâkeme ve ücret-i vekâlet teslimini ve protestosu mücebince dava eylediği zarar ve ziyân ve masârif-i muhâkeme ve ücret-i vekâlet ve beş lirâ protesto masârifinin maa güzeste tahsîline hüküm istihsâl edebilmesi için merci-i mahsûs bulunan Birinci Meclis-i Ticârete havâlesini talep ve dava eylemiş olduğundan ber müceb-i istid'â îcâb-ı kanûnisinin icrâsı iltimâs olunur. 29 Mart [1]317.

(s.270) 495) (626) Galata'da Avukat Sarafopulo'nun yazihânesini ikâmetgâh tayin eden İtalya devleti tebe'âsından ve ashâb-ı akârdan Luigi Bellori nâm zât tarafından cânib-i konsolatoya takdîm edilen arzuhalde Urfa'da mukîm tebe'â-i devlet-i aliyyeden ve mahall-i mezkûr belediye mimâr ve mühendislerinden Teodor Kristidi zimmetinde 22 Mart ve 21 Şubat 1899 tarihli emre muharrer iki kıt'a senet mücebince alacağı olan yirmisekiz lirâ ve on kuruşun maa güzeste ve masârif-i muhâkeme ve icrâiye ve ücret-i vekâlet te'mîn-i istîfâsı zımında Beyoğlu'nda İki Kuyulu sokağında kâin olup merkûm Teodor'un kendi mâlî olan ve geçende furûht edilen emlâk esmânî olup Defter-i Hâkânîde mahfûz bulunan

mebâliğden elli aded Osmânî lirâsının taht-ı hacze alınmasını talep ve istid'â eylemiş olmağla ber müceb-i istid'â îcâb eden muâmele-i kanûniyenin icrâsı husûsuna himmet buyrulması iltimâs ve takrîr olunur. 31 Mart [1]317.

496) (627) İtalya devleti tebe'âsından De Martini Maria nâm kadın konsolatoya murâcaâtla alafranga bindokuzyüz senesi Mart'ında kerîmesi Seçilya'yı Şişli'de vâki Osmân Bey gazi-nosu artistlerinden ve devlet-i muşârunileyhâ tebe'âsından mösyö Torotti ile zevcesine tevdi etmesi üzerine mûmâileyh mösyö Torotti zevcesi ve mezbûre Seçilya ile berâber târih-i mezbûrda İzmir'e ve Midilli'ye azîmet ve bir mâh sonra da merkûme Seçilya'nın yalnız olarak Dersaadete avdetiyle Çiçekçi sokağında 22 numaralı hânede ikâmet ettiğini bazı kimselerden istihbâr eylemiş olduğundan bahsile îcâb-ı hâlin icrâsını talep eylemiş ve mezbûrenin sinnî henüz yirmibire vâsıl olmadığı cihetle İtalya devleti nizâmı mücebinece sağır de bulunmuş olup serbestiyete mâlik olmadığından ve şu halde ebeveyninin nezdinde bulunması lâzım geldiğinden bu bâbda taharriyât-ı lâzıme bi'l-icrâ mezbûre Seçilya'nın buldurularak kançılaryaya teslîmi husûsuna himmet buyrulması iltimâs ve takrîr olunur. 13 Mart [1]317.

(s.271) 497) (628) Zabtiye Nezâret-i Aliyyesine: İtalya devleti tebe'âsından ve erbab-ı funûndan meşhûr mösyö Giovanni Soççi tarafından cânib-i konsolatoya takdîm edilen arzu-halde hukûmet-i müteaddide tarafından verilip yedinde mahfûz bulunan şehâdetnâmelerden anlaşılacağı vechile İtalya'da ve dünyanın en büyük şehirlerinde icrâ ettiği gibi Dersaadet'te zabıtaca tensîb ve irâe olunacak mahalde kendi usûl ve tecrübesi vechile “yirmi gün müddetli yemekden imsâk-i fende tecârüb ve amelîyât” icrâ edeceğinden ve işbu amelîyâtı yirmiseneden beri icrâ etmekte olmağla berâber şimdiye kadar amelîyât-ı mezkûreyi îfâ eylediği mahallerde zabıta memurları tarafından mumanaât gösterilmiş olduğundan bahsile alâ-mele-i'n-nâs kendisini temâşâyâ vaz' etmek üzere ruhsat-ı lâzîmenin i'tâsı zımnında îcâb-ı halin icrâsı istid'â kılınmış olmağla bu bâbda îcâb eden ruhsatın i'tâsı husûsuna himmet buyrulması temennî ve iltimâs olunur. 9 Nisan [1]317.

498) (629) İtalya devleti tebe'âsından Luigi Bellori nâm zâtın tebe'â-i devlet-i aliyyeden Urfa'da mukîm belediye mimar ve mühendisi Teodor Kristidi zimmetinde alacağı olan akçe-nin te'mîn-i istîfâsı zımnında medyûn-ı mûmâileyhin mutasarrıf olduğu emlâk esmânının Defter-i Hakanî'de mahfûz bulunan mebâliğden elli aded lirâ-yı Osmânî geçende taht-ı hacze alınmış idi şimdi ise mûmâileyh Luigi Bellori medyûn-ı mûmâileyh ile Defter-i Hâkânî Nezâret-i celîlesinin celbleriyle hacz-i mezkûrun tasdîki ve re'su'l-mâl olarak matlûbu bulunan yirmisekiz lirânın maa güzeste ve masârif-i muhâkeme ve ücret-i vekâlet ve masârif-i sâire tesviyesi ve hükmolunacak mebâliğin mahcûz akçeden doğrudan doğruya Nezâret-i muşârunileyhâca kendisine i'tâsı husûslarının icrâ-yı muvakkatla taht-ı hükme alınması zımnında îcâb-ı hâlin icrâsını bâ-arzuhal istid'â eylemiş olmasıyla ber müceb-i istid'â iktizâ eden muâmele-i kanûniyenin icrâsı husûsuna himmet buyrulması iltimâs ve takrîr olunur. 12 Nisan [1]317.

(S.272) 499) (630) İtalya devleti tebe'âsından Domenico Parma tarafından cânib-i konsolatoya takdîm edilen arzuhalde Mahkeme-i Ticâret Birinci Meclisinden sâdır olarak muâmele-i tebliğiyesi icrâ kılınan 129 numaralı i'lâm mücebince Ali Paşa kerîmesi Ülfet Hanım zimmetinde re'su'l-mâl olarak alacağı bulunan ikiyüz altmış bir aded Osmânî Lirâsının sekiz gün zarfında tesviyesi için medyûne-i mûmâileyhâya Mahkeme-i Ticâret İcrâ Dâiresinden 25 Şubat 316 tarihinde bir kıt'a ihbarnâme tebliğ olunduğu halde henüz meblağ-ı mezbûre te'diye olunmamış idiğünden bahsile işbu akçenin maa fâiz ve masârif-i muhâkeme ve ücret-i vekâlet te'mîn-i istifâsı zımnında mezbûrenin Galata'da Kemankeş mahallesinde Topçular caddesinde mutasarrıfa olduğu 160 numaralı dükkânın taht-ı hacze alınarak i'lâm-ı mezkûr hükmünün icrâsı zımnında îcâb-ı hâlin îfâsı istid'â kılınmış olmağla ber müceb-i istid'â lâzım gelen muâmele-i kanûniyenin icrâsına himmet buyrulması iltimâs ve takrîr olunur. 16 Nisan [1]317.

500) (631) İtalya devleti tebe'âsından mösyö [] tarafından cânib-i konsolatoya takdîm edilen arzuhalde [] tarihinde kendi nâmına olarak Dersââdete vurûd eden [] aded kitap gümrük memurları tarafından alıkonulmuş olduğundan bahsile işbu kitapların tarafına teslîmi için îcâb-ı halin îfâsı istid'â kılınmış idiğünden mezkûr kitapların mûmâileyhe teslîmi emrinde bir be's olmadığı halde kendisine îâdesi ve şayet bir mahzur görülür ise geldiği mahalle îâdesi zımnında iktizâ-yı hâlin îfâsına himmet buyrulması temennî ve iltimâs olunur. 18 Nisan [1]317.

(s.273) 501) (631) İtalya devleti tebe'âsından Georgi Mikele nâm kimesne kendi nâmına olarak 14 Teşrinievvel 316 tarihinde Romanya'dan Galata Emtia-i Ecnebiye Gümrüğüne vurûd eden dört kıt'a Fransızca ve iki kıt'a Rumca kitap ile onbeş aded gazetenin gümrük memurları tarafından alıkonulmuş olduğundan işbu kitaplar ile gazetelerin tarafına i'tâsı zımnında îcâb-ı hâlin icrâsını istid'â eylemiş olmasıyla mezkûr kitap ve gazetelerin mûmâileyhe teslîmi zımnında iktizâ-yı hâlin îfâsı husûsuna himmet buyrulması devlet-i muşârunileyhânın Dersââdet ceneral konsolatosu tarafından iltimâs ve takrîr olunur. 25 Nisan [1]317.

502) (632) Çekmece-i Sağîr Kaimmakâmılığına: İtalya devleti tebe'âsından ve amele takımından Bolfoni Ilario nâm kimesnenin Küçük Çekmecede bulunan ve Rozalio nâmında olan zevcesi hastalanarak geçen alafranga Kanunisânînin ikinci günü vefât etmiş ve ol-vakit merkûm Yunanistan'da bulunduğu cihetle komşularından ve İtalya devleti tebe'âsından Markifo Avedâ nâm kadın derhal müteveffiyenin hânesine gidip teşebbüsât-ı lâzımede bulunarak defnettirmiş ise de müteveffiyeye-i mezbûrenin parmağında bulunan iki aded altın yüzüğün mahallesini muhtarı tarafından alınmış idiği icrâ kılınan tahkîkâtta anlaşılmiş ve işbu yüzüklerin teslîmi kendisine beyân edilmiş ise de bir takım esbâb-ı gayr-ı makbûle dermiyânıyla vermekten imtinâ etmekte bulunmuş olmasından nâşî hakkında hukûk ve icrâ davası ikâme edeceğinden bahsile icrâ-yı îcâbı merkûm Bolfoni tarafından istid'â kılınmış ve bu vechile ikâme-i dava

olunmasına mahal kalmamak üzere zikrolunan yüzüklerin iâdesi sûretiyle tesviye-i maslahat edilmesi münasip görülmüş olmasıyla merkûm muhtarın taraf-ı saâdetlerinden celbiyle ve tebliğât-ı îcâbiye icrâsıyla sâlifü'z-zikr yüzüklerin bi'l-istirdâd hâmil-i tezkere kavas Yakup Ağa'ya bi't-teslîm kaçırlaryaya irsâli zımnında himem-i behiyyelerinin masrûf buyrulması ricası teyid-i muhâdenete vesîle ittihâz kılındı. 30 Nisan [1]317.

(s.274) 503) (633) (Sâhibi tarafından hâriçte tanzîm ettirilmiştir). Havyar hânında 25 numaralı odada mukîm dava vekîli Berikli Marki imzâsıyla cânib-i konsolatoya takdîm kılınan istid'âda İtalyada Malnan'da mukîm tüccârdan müvekkili Reşneli Ferakaroro'nun Dersaâdet'te Bahçekapısında şemsiye tüccârından Yorgi Eftimiyadi zimmetinde semen-i mebi' olan ikibin ikiyüz frank alacağı olup tahsiline muvaffak olamadığından merkûmun Birinci Meclis-i Ticâret huzûruna celbiyle muhâkememizin icrâsı ve meblağ-ı mezbûrun maa fâiz ve masârif-i muhâkeme ve ücret-i vekâlet tahsîli talep ve istirhâm edilmiş olmağla ber müceb-i istid'â icrâ-yı muktezâsı iltimâs ve takrîr olunur. 9 Mayıs [1]317.

504) (634) İtalya devleti tebe'âsından Domenico Parma'nın müteveffâ Ali Paşa kerîmesi Ülfet Hanım zimmetinde bâ-i'lâm alacağı olan ikiyüz altmışbir aded Osmânî lirâsının te'mîn-i istîfâsı zımnında medyûne-ı mûmâileyhânın Galata'da Sultan Bayezid mahallesinde Topçular caddesinde mutasarrıfa olduğu 160 numaralı dükkânın taht-ı hacze alınması 16 Nisan 317 târihli takrîr ile iltimâs olunması üzerine Mahkeme-i Ticâret İcrâ Dâiresi cânibinden îcâbı icrâ olunmuş idi bu kerre mûmâileyh Domenico Parma tarafından cânib-i konsolatoya takdîm olunan arzuhalde medyûne-ı mûmâileyhâ meblağ-ı mezbûru maa fâiz ve masârif-i muhâkeme ve ücret-i vekâlet tesviye edeceğinden bahsile mezkûr dükkâna vaz' olunan haczin fekki zımnında iktizâ-yı hâlin îfâsı istid'â kılınmış olmasıyla ol-vechile lâzım gelen muâmelenin icrâsı husûsuna himmet buyrulması iltimâs ve takrîr olunur. 5 Mayıs [1]317.

(s.275) 505) (635) İtalya devleti tebe'âsından terzi Paolo Parma kendi tarafından asâleten ve mtüveffa Domenico Lena veresesi tarafından vekâleten konsolatoya takdîm eylediği arzuhalde Eyüp'te Eski Yeni mahallesinde sekiz numaralı hânede mukîm Şûrâ-yı Bahriye baş kâtibi saadetlû Asıf Bey zimmetinde bir kıt'a bono mücebince alacakları olan yetmiş üç lirâ-yı Osmânî ve altı kuruşun ahzına muvaffak olamadığından medyûn-ı mûmâileyhin Mahkeme-i Ticâret Birinci Meclisine celbiyle meblağ-ı mezbûrun maa fâiz ve masârif-i muhâkeme ve ücret-i vekâlet tahsîli husûsunun taht-ı hükme alınması zımnında îcâb-ı hâlin îfâsı istid'â kılınmış olmasıyla ber müceb-i istid'â îfâ-yı muktezâsına himmet buyrulması iltimâs ve takrîr olunur. 17 Mayıs [1]317.

506) (636) İtalya devleti tebe'âsından madam Hrisoni'nin bir kıt'a senet mücebince Tefîş-i Askerî Komisyon-ı Alîsi Başkâtibi saadetlû Sâmi Bey zimmetinde yirmidört lirâ doksan dört kuruş alacağı olup meblağ-ı mezbûra mahsûben ikiyüz sekiz kuruş ahzedilmiş ise de mütebâkisi henüz istîfâ olunamamış idiğünden bahsile mûmâileyh Sâmi Bey'in Mahkeme-i Ticâret Birinci

Meclisine celbiyle mezkûr senet muhteviyâtından bâki kalan akçenin maa güzeste ve masârif-i muhâkeme tahsîli husûsunun taht-ı hükme alınması bâ-arzuhal istid'â kılınmış olmasıyla ber müceb-i istid'â icrâ-yı îcâbına himmet buyrulması iltimâs ve takrîr olunur. 2 Haziran [1]317.

(s.276) 507) (637) Sahibi tarafından hariçte tanzim ettirilmiştir. İtalya devleti tebe'âsından İstanbul'da Alalemci hânında mukîm banker mösyö Fis Abram Levi'nin cânib-i ceneral konsolatoya i'tâ eylediği bir kıt'a arzuhalde tebe'â-i devlet-i aliyyeden İstanbul'da mukîm tüccârdan Jozef Eskenazi zimmetinde iki kıt'a senet mücebince matlûbu olan yüz aded lirâ-yı Osmânî'nin edâsında medyûn-ı merkûm imtinâ eylemekte bulunduğundan Mahkeme-i Ticâret Birinci Meclisine celbiyle bi'l-muhâkeme meblağ-ı müddeabihin maa güzeste ve masârif-i muhâkeme ve ücret-i vekâlet luzûm-ı tahsîli icrâ-yı muvakkat kararıyla taht-ı hükme alınmasını istid'â ve talep edilmiş olmağla ol-vechile icrâ-yı îcâbı cânib-i ceneral konsolatodan iltimâs ve takrîr olunur. 4 Haziran [1]317.

508) (638) Arnabud Karyesinde mukîm İtalya devleti tebe'âsından ve duvarcı esnafından Andre Cenvezze tarafından cânib-i konsolatoya takdîm edilen arzuhalde geçen şehr-i Mayısın otuzbirinci gecesi hemşireleriyle berâber mahall-i mezkûrda med'uv bulundukları bir hânedede icrâ-yı ahenk ederek saat üçbuçuk raddelerinde mezkûr hânededen çıktığı sırada mahall-i mezkûr zâbıta memurlarından polis Kasım Efendi tesâdüf ederek kendisini darp ve nezdinde bulunan üdu şikest eylemiş ve keyfiyet karye-i mezkûre serkomiserine bildirilmiş ise de bu bâbda henüz tahkîkât icrâ edilmemiş ve vak'a-i mezkûreyi bâlâda esâmisi muharrer kesân müşâhade eylemiş olduğundan bahsile mûmâileyh Kasım Efendi hakkında muâmele-i kanûniye icrâsıyla berâber mezkûr üdun esmânî olan elli frankın Kasım Efendiye tazmîn ettirilmesi zımnında îcâb-ı hâlin îfâsı istid'â kılınmış olmağla ber müceb-i istid'â îfâ-yı muktezâsına himmet buyrulması iltimâs ve takrîr olunur. 9 Haziran [1]317.

(s.277) 509) (639) İtalya devleti tebe'âsından Paolo Balino nâm kimesne otuz senedenberi nizâm ve nâmus dairesinde otel tercümânlığı etmekte ve taayyüşünü de bu sûretle te'mîn eylemekte bulunmuş ve hatta dört sene mukaddem Beyoğlu'nda kâin Pera Palas otelinin tercümânlığını îfâ edip ol-vakit Zaptiye Nezâret-i celîlesinden kendisine bir kıt'a ruhsatnâme i'tâ edilmiş ve şimdi ise Deniz Polis Müfettişliği tarafından bilâ sebep kendisinin vapurlara gidip gelmesi men' olunmuş idiğünden bahsile icrâ-yı îcâbını bâ-arzuhal istid'â etmiş ve mûmâileyhin nâmus ve hüsn-i hâl ashâbından bir zât olduğu kançılaryaca müsellemler bulunduğuna cihetle bunun hakkında mumânaât olunmaması zımnında îcâb edenlere evâmîr-i mukteziye i'tâsı ricâsı teyîd-i muhâdenete vesile ittihâz kılındı. 18 Haziran [1]317.

510) (640) İtalya devleti tebe'âsından Giuseppe Parma tarafından cânib-i konsolatoya takdîm edilen arzuhalde 20 Haziran 317 tarihinde hakkında vukûbulan pey davasından dolayı Beyoğlu Bidâyet Mahkemesi İkinci Hukuk Dâiresi hademelerinden birisi kendi hânesine bir kıt'a arzuhal sûreti ile bir de varaka-i davetiye getirerek ve hânesine duhûl

ederek evrâk-ı mezkûreyi kendisine tebliğ edeceğini beyân etmesine ve mûmâileyhin dahi adem-i kabulüne binâen merkûm hademe zikrolunan evrâkı atarak oradan gitmiş ve halbuki bu nev davalar ahden Ticâret Mahkemelerine âit olup ale'l-husûs emlâke râci olmayarak iki ecnebi beyninde mütekevven bir davanın kançılıryaca rü'yeti lâzımeden olduğundan bahsile icrâ-yı îcâbı istid'â kılınmış ve fi'l-hakîka uhûd-ı mevcûde ve usûl-ı mevzûa iktizâsınca merkûm Giuseppe'nin ikâmetgahına doğrudan doğruya evrâk tebliği gayr-ı câiz bulunmuş olması hasebiyle tebliğ-i vâkıa keenlemyekün addedilerek merkûmun istid'âsı vechile mezkûr sûret ile varaka-i davetiye leffen iâde kılınmıştır. 25 Haziran [1]317.

(s.278) 511) (641) İtalya devleti tebe'âsından Andrea Luigi tarafından cânib-i konsolatoya takdîm edilen arzuhalde tebe'â-i devlet-i aliyyeden Vasiliki binti Yorgi ile berâber Büyük Ada'da ikâmet etmekte iken geçende kendisine âid eşyâ-yı mezbûre[yi] Vasiliki sirkat ederek diğer bir hânesine götürmüş ve mezkûr eşyânın iâdesini talep etmesinden dolayı mezbûrenin karındaşı Kosta nâm şahsı darp eylemiş ve hânedeki bulunan çocuklarını da hârice tard eylemiş olduğundan bahsile icrâ-yı îcâbı istid'â kılınmış olmasıyla eşyâ-yı mezkûrenin bi'l-istirdâd İtalyalı-yı merkûma i'tâsı ve merkûme Vasiliki ile karındaşı Kosta hakkında îcâb eden muâmele-i kanûniyenin icrâ buyrulması temennî ve iltimâs olunur. 30 Haziran [1]317.

(s.279) 512) (641) (Sâhibi tarafından hâriçte tanzîm ettirilmiştir). İtalya devleti tebe'âsından Beyoğlu Cadde-i Kebirinde 123 numaralı Kamando hânında mukîm bank direktörü mösyö Leon Piperno'nun konsolatoya i'tâ eylediği istid'ânâmede tebe'â-i devlet-i aliyyeden ve memûrinden Tophânede Defterdar Yokuşunda Keresteci sokağında 3 numaralı hânedeki mukîm Mustafa Efendi bin Ahmed ile kefil bi'l-mâl zevcesi hâne-i mezkûrda sâkine ve umûr-ı beytiyesiyle meşgule Nasire hanım zimmetlerinde vadesi hulûl etmiş bir kıt'a senet mücebince otuzyedi aded lirâ-yı Osmânî ile altmışbeş kuruş matlûbu olup ahz u tahsîle muvaffak olamadığından bahsile medyûn ve kefil-i mûmâileyhânın Mahkeme-i Ticâret Birinci Meclisine celbleriyle meblağ-ı mezbûrun maa güzeste ve masârif-i muhâkeme yekdiğere kefil bi'l-mâl olarak te'diyesine mahkûm edilmesini talep ve istid'â etmiş olduğuna mebnî ber müceb-i istid'â icrâ-yı îcâbı iltimâs ve takrîr olunur. 3 Temmuz [1]317.

513) (642) (Sâhibi tarafından hâriçte tanzîm ettirilmiştir). İtalya devleti tebe'âsından İtalya'da mukîm "İtalya de Commercial" bankası vekîli Galata'da Vitalis hânı'nda mukîm dava vekillerinden mösyö Adolph Rosenthal'in cânib-i ceneral konsolatoya takdîm eylediği arzuhalde müvekkilinin Dersâadet'te Kazasker [de] mukîm tüccârdan Veled zâde Hacı Cemal Bey ve Kumpanyası zimmetinde bir kıt'a senetle alacağı olan dörtbin beşyüz kırkbir frank elli iki santimin ahzına muvaffak olamadığından medyûn-ı merkûmun serfân Mahkeme-i Ticâret Birinci Meclisine celbiyle bi'l-muhâkeme meblağ-ı müddeabihin maa güzeste ve masârif-i muhâkeme ve protesto ve ücret-i vekâlet luzûm-ı tahsîli icrâ-yı muvakkatla taht-ı karara alınması istid'â ve talep edilmiş olmağla ber müceb-i istid'â icrâ-yı îcâbı cânib-i ceneral konsolatodan iltimâs ve takrîr olunur. 14 Temmuz [1]317.